



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:


- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



43. 1250.









JOANNIS GEORGH WENRICH

LITERATURAE BIBLICAE IN INSTITUTO THEOLOGICO AUGUST,
ET HELVET. CONFESS. ADDICTOR. VINDOBONENSI
PROFESSORIS C. R.

DE

**POESEOS
HEBRAICAE ATQUE ARABICAE**

ORIGINE, INDOLE, MUTUOQUE CONSENSU

ATQUE

DISCRIMINE

COMMENTATIO

REGIA INSCRIPTIONUM LITERARUMQUE ELEGANTIORUM
ACADEMIA, QUAE LUTETIAE PARISIORUM FLORET,
PRAEMIO ORNATA.



اذا اعياكم تفسير آية من كتاب الله فاطلبوه في الشعر فانه ديوان
العرب

*Quum vos fatigat interpretatio versiculi e libro Dei, quaerite eam in
carminibus; haec enim sunt pandectae Arabum.*

Mohammed.

LIPSIAE MDCCCXLIH

SUMTIBUS FR. CHR. GUIL. VOGELII.



P r a e f a t i o.

Regia inscriptionum literarumque elegantiorum Academia, quae Lutetiae Parisiorum floret, in eruditorum ephemeridibus (Journal des Savans) anni MDCCCXXXII quaestionem proposuerat:

„De comparer la poésie des anciens Hébreux
„avec celle des Arabes, et de faire connoître,
„en quoi elles se ressemblent, ou elles diffèrent,
„soit par rapport aux figures du langage et aux
„moyens artificiels, qu'elles emploient, soit par
„rapport aux divers genres de poèmes usités
„chez les deux nations.“

Quae quaestio cum ad ea pertineret studia, quae et pro officii nostri ratione praeprimis nobis sunt colenda, et

pro ingenii propensione in deliciis semper fuere, occasionem oblatam haud praetermittendam esse duximus, quin, quid valeant humeri, quid ferre recusent, in eâ solvendâ experiremur. Ut autem poëseos Hebraicae atque Arabicae consensus discrimenque ad liquidum perducî posset, quatuor prae ceteris momenta videbantur exploranda: utriusque nempe poëseos origo, argumentum, stylus, externa denique forma. Namque ad explicandum rerum cognatarum, cujus generis Hebraeorum Arabumque poësis, consensum atque discrimen requiritur praeprimis, ut, quo tempore, quibus causis, quibusve circumstantiis originem habuerint, dispiciatur. Quod etsi in re tam remotâ atque absconditâ, qualis poëseos, Hebraicae maxime, origo, difficillimum sit, haud tamen praetermitti omnino potest, nisi omnem disputationem fundamento suo privare velis. Expositâ, quantum quidem fieri potuit, utriusque poëseos origine, ad perspicendum consensum dissensumque necessarium porro videbatur, quam potissimum materiam Hebraeorum Arabumque poëtae tractandam sibi sumserint, disquirere. Licet enim omnium populorum poësis ex uno eodemque fonte, vividiori nempe animi sensu atque adfectu, profluxerit, tamen pro sensuum aliarumque, quae ad poëtas pertinent, rerum diversitate, diversam

quoque materiam sibi tractandam poëtae sumserunt; unde diversa carminum genera enata, quorum alia quidem omnibus populis communia, alia vero aliis peculiariora sunt gentibus. Cujus rei documentum si quis requirat, populorum, quos Indo-Germanos adpellant, poësin cum Semiticarum gentium componat carminibus, invenietque, duplex carminum genus, idque praestantissimum, epicum atque dramaticum, a Semiticae originis populis alienum esse; quod tamen Indo-Germanis usitatissimum atque acceptissimum videmus. Ad explicandam porro quaestionem propositam, praeter utriusque poëseos originem atque argumentum, et sentiendi, cogitandi dicendique rationem, nec non externam carminum structuram considerandam esse, nemo est, qui infitiabitur. Unde factum est, ut omnis nostra disputatio in quatuor divisa sit partes: prima de origine causisque poëseos apud Hebraeos Arabesque agit; altera argumentum diversaque carminum Hebraicorum atque Arabicorum genera considerat; tertia carminum Hebraicorum atque Arabicorum stylum; quarta denique eorundem externam exponit formam. Singula quaeque pars tribus absolvitur capitibus; quorum primum poëseos Hebraicae, alterum Arabicae enarrat proprietates; quas deinde tertium componit, ita ut utriusque poëseos et

consensus et discrimen palam inde evadat. Digestâ in hunc modum disputationis materiâ, id praeprimis spectavimus, ut, quae de Hebraeorum Arabumque poësi statuimus, idoneis illustraremus exemplis. Quare tum ex Veteris Testamenti libris poëticiis atque propheticis, tum ex probatissimis Arabum poëtis, Amrulkaiso, Amruo ben Kelthum, Antarâ, Haretho, Lebido, Tarafâ, Zohairo, Kaabo ben Zohair, Diwano Hodsailitarum, Hamasâ Abi Temmam, Bohterii Hamasâ, Mohammede ebn Doreid, Motanabbio, Abulalâ, Tograio, Haririo, Omaro ebn Faredh, Busirio, Ahmede ebn Arabschah aliisque, haud exiguam exemplorum copiam collegimus, quae anthologiae poëticae vicem supplere possit. Hujus lucubrationis exemplum Regiae inscriptionum literarumque elegantiorum Academiae, quae Lutetiae Parisiorum floret, examini subjecimus non sine reverentiâ; quippe qui illorum virorum expectabamus censuram, qui in literis orientalibus, maxime vero Arabicis, primas tenere partes merito existimabantur. Quod modeste in votis habebamus, ne scilicet tantorum virorum destitueremur suffragio, feliciter evenit; namque honorifice opusculum nostrum exceptum, dignumque judicatum fuit, quod praemio proposito ornaretur. Quae res tanto gratior nobis fuit, quanto majori in aestimatione viros illos

habebamus, quibus de lucubratione nostrâ sententia ferenda erat.

Ceterum ubi lucubrationem hancce publici juris facimus, haud silentio possumus praeterire, primum ejus caput, quod de origine et causis poëseos Hebraicae tractat, novam ex parte induisse formam, diversam ab illâ, quam autographum nostrum, Regiae inscriptionum Academiae transmissum, exhibebat. Namque illic de Pentateuchi origine artisque scribendi apud Hebraeos initiis disputavimus; in quâ disputatione iis in universum innixi sumus fundamentis, quae jam a Vaterno in Commentario in Pentateuchum jacta fuerant, quaeque inpraesentiarum quam plurimis Germaniae theologis probantur. Neque tamen placita nostra de Pentateuchi origine doctissimis lucubrationis nostrae arbitris adrisisse videntur. Namque cum opusculum nostrum praemio ornandum censerent, monebant simul, sese in faciendo judicio placitorum illorum nullam habuisse rationem. Quod tantorum virorum judicium nos induxit, ut, quae de Pentateuchi origine artisque scribendi apud Hebraeos initiis disputaveramus, in edendo libello supprimeremus, inque illorum locum disquisitionem de aetate Jobi carminumque nonnullorum, in Geneseos libro obviorem, substitueremus. Quâ mutatione nihil in rei summâ mu-

tatum est; namque ad eundem disputationis exitum delati sumus: poëseos nempe Hebraicae originem vix altius, quam a Mosis aetate, esse repetendam.

Quod reliquum est, viro doctissimo atque officiosissimo, Henrico Orthobio Fleischer, linguarum orientalium in Academiâ Lipsiensi professori, impensissimas referimus grates; ejus namque beneficio effectum est, ut libellus noster, in Hebraicis maxime Arabicisque locis, quam emendatissime e prelo prodiverit.

Vindobonae, mense Martio a. MDCCCXLIII.

De

**Poëseos Hebraicae atque
Arabicae**

**Origine, indole, mutuoque consensu atque
discrimine**

Commentatio.



Pars I.

De origine et causis poëseos apud Hebraeos Arabesque.

Cap. I.

De origine et causis poëseos Hebraicae.

§. I.

Poëseos Hebraicae originem ad antiquissima tempora recedere, nemo est, qui eat infitias. Namque si verum est, sacros Hebraeorum libros, quos Veteris Testamenti complectitur codex, antiquissimis humani ingenii monumentis esse adnumerandos; si verum est, prima cujusvis populi conamina literaria poëticis contineri lusibus: nemo profecto negabit, poëseos Hebraicae originem a remotissimis temporibus esse repetendam. Quae cum ita sint, insigniter tamen alucinati sunt viri docti in definiendo tempore, quo Hebraeorum poësis omnisque in universum populi illius res literaria originem habuerit. Namque fuere, qui rei literariae, imo conscribendorum librorum apud Hebraeos initia vel ad *Abrahamum*, gentis Hebraicae conditorem, referrent ¹⁾. Alii, etsi haud ad *Abrahamum* usque recederent, tamen aliquot seculis ante *Mosis* aetatem rem Hebraeorum literariam, proinde et poësin initium sumsisse contenderunt ²⁾. Quae eorum maxime est

1) Imman. Bergeri introductio practica in Vet. Testam. Partis I p. 6, sequ.

2) Leonardi Bertholdti introductio histor. crit. in Vet. Novique Testam. libros, P. III, p. 837; conf. P. I, p. 5.

sententia, qui absolutissimum illud poëseos Hebraicae specimen, librum *Jobi*, jam ante *Mosem* compositum fuisse opinati sunt. Quae opinio cum ad definiendam poëseos Hebraicae originem haud parum faciat; doctissimorum praeterea virorum, *Carpzovii*, *Lowthii*, *H. A. Schultensii*, *Eichhornii*, *Stuhlmanni*, *Bertholdti* aliorumque commendetur auctoritate ³⁾, operae pretium videtur, potiora, quibus opinio illa fulcitur, argumenta in examen vocare.

§. II.

Librum *Jobi* ante *Mosis* aetatem fuisse compositum, his maxime argumentis opinionis illius auctores atque patroni evincere conantur:

I) In *Jobi* libro omnia summam redolent antiquitatem; namque familiarum patres pro antiquissimorum temporum more ipsi sacra faciunt, neque sacerdotum ordo, qui inde a *Mosis* aetate inter Hebraeos obtinuit, libri auctori cognitus fuisse videtur. Memorantur quidem cap. XII, v. 19 כֹּהֲנִים, quod tamen vocabulum eo loco non *sacerdotes*, verum ad instar sequentis אֱדֹנֵי, *potentes*, *optimates* significat. Accedit, quod senioribus quam maximus habeatur honos, iis solis sapientia falli nescia tribuatur, et ad eorum sententiam res dubiae atque controversae componantur; quum contra inde a *Mosis* aetate lex divina omnis sapientiae fons, omnisque controversiae arbiter

3) Carpzovii introductiq ad libros canon. Vet. Testam. edit. II, P. II, p. 45. Lowthii de sacrâ Hebraeorum poësi praelectiones, ex edit. J. D. Michaelis, P. II, p. 650. Liber *Jobi* ex versione H. A. Schultensii, edit. Germ. p. 3 sequ. Eichhornii introd. in Vet. Testam. edit. III, t. III, p. 570 sequ. Stuhlmanni introd. in librum *Jobi*, praemissa ejusdem auctoris versioni Germanicae *Jobi*, p. 50 sequ. Bertholdti introd. hist. crit. in libros Vet. Novique Testam. P. V, p. 2132 sequ.

existimaretur. Denique et numen divinum in gravioribus rerum momentis hominibus adparere putatur; quae opinio post *Mosem* vix apud Hebraeos deprehenditur, quibus quippe temporibus numinis divini loco angeli adparere putabantur. Haud quidem negari potest, et in prophetarum libris psalmisque numinis divini adparitionem interdum memorari, quae tamen res, secus atque in *Jobi* libro, nonnisi ad poëticam fictionem referenda *).

II) In *Jobi* libro neque populi Hebraici historia, neque leges Mosaicae usquam respiciuntur. Nulla illic mentio celebratissimorum populi Hebraici majorum, *Abrahami*, *Isaci* atque *Jacobi*; nihil de ejusdem populi migratione ex Aegypto, transitu per mare Erythraeum, bellis, cum Cananaeis aliisque populis gestis, inque exilium ejectione; nihil de *Hierosolymis*, *Zione*, templo caerimoniisque Leviticis. Imo nec ipsum numinis divini nomen יהוה, quod inde a *Mosis* aetate prae ceteris Dei nominibus apud Hebraeos invaluit, *Jobi* auctori cognitum fuisse videtur. Namque etsi saepissime numinis divini mentio injiciatur, Jovae tamen nomen, praeter carminis prologum et epilogum, qui seriori tempore adjecti sunt, nusquam occurrit, nisi cap. XII, v. 9, et in sermonum, qui Deo tribuuntur, inscriptionibus. At vero in priori illo loco perperam יהוה pro אלהי legitur; et quod ad inscriptiones memoratas adtinet, perquam verisimile est, illas seriori tempore adjectas fuisse *).

III) Ipsum quoque dicendi genus, quod in *Jobi* libro deprehenditur, documento est, librum illum ante *Mosis* aetatem compositum fuisse. Namque quam plurima vocabula eâ occurrunt

4) Eichhornii introd. in Vet. Testam. t. III, p. 575. Bertholdti introd. P. V, p. 2132, 2140.

5) Eichhornii introd. in Vet. Testam. t. III, p. 569, 575. Stuhlmanni introd. in librum *Jobi*, p. 47, 48. Bertholdti introd. P. V, p. 2133.

significatione, quae vel ante *Mosem*, vel ipsâ *Mosis* aetate obtinuisse, postea vero ex hominum usu evanuisse videtur. Huc referas pronomen 3 pers. דוּרָא, quod cap. XXXI, v. 11, loco feminini דוּרָא adhibetur; qui loquendi usus, praeter Pentateuchum, nusquam alias in Veteri Testamento reperitur. Adde verbum צָרַךְ, quod in *Jobi* libro probum, integrum, insontem esse, justam causam habere significat; quam significationem nonnisi locus 1 Mos. cap. XXXVIII, 26, refert, senioris aevi scriptores paululum immutarunt. Haud aliter et de vocabulis מֶלֶךְ cap. XVIII, 14⁶⁾, et עֶלֶם cap. XX, 11, statuendum. Namque vocabulum מֶלֶךְ inde a *Davidis* aetate nonnisi regem denotat; at vero loco citato non regem, sed ducem significat; unde efficitur, *Jobi* librum iis temporibus fuisse conscriptum, quibus Hebraei neque regibus subjecti essent, neque omnino regiae dignitatis notionem tenebant; quae tempora procul dubio iudicium Hebraicorum transcendunt aetatem. Quod ad vocabulum עֶלֶם adinet, praeter locum laudatum nusquam singulari numero occurrit; unde conjicias, hunc loquendi usum ad antiquissima recedere tempora. Haud quidem desunt, qui ex Masoretharum sententia pro singulari עֶלְמִי pluralem עֶלְמִי legendum praecipiant, quae tamen lectio receptâ deterior censenda. Namque ex criticorum sententiâ lectio difficilior minusque usitata faciliiori atque usitatiiori, ceteris paribus,

6) In Bertholdti introd. P. V, p. 2134, *Jobi* cap. XV, 14, citatur. At vero eo loco vocabulum מֶלֶךְ non habetur. Quare putarim, Bertholdtum cap. XVIII, 14, respexisse, quo in loco omnino vocabulum illud occurrit. Notandum in universum, diligentissimum illum alioquin auctorem in citandis locis biblicis minus diligenter versatum fuisse. Namque et in iis, quae sequenti pagina, 2135, citantur locis biblicis, *Jobi* XIII, 19, Genes. XIII, 18, erratum; siquidem *Jobi* XII, 19, et Genes. XIV, 18, legendum.

anteponenda; accedit, quod et verbum singulare חשכ singulari nominis numerum requirere videatur ⁷⁾.

§. III.

His fere nituntur argumentis, qui *Jobi* librum jam ante *Mosis* aetatem compositum fuisse contendunt. At vero argumenta illa facili negotio, infringi posse videntur. Namque merito opponas:

I) Quod si re vera in *Jobi* libro antiquissima depicta sint tempora, vix tamen inde sequitur, auctorem libri antiquissimis illis vixisse temporibus. Namque et serioris aevi scriptor priusorum temporum mores depingere potuit, imo debuit, si libri materia e priscis illis temporibus repetita esset. Sed negamus, in *Jobi* libro omnia summam redolere antiquitatem. Licet enim *Jobus*, patris familiae personam sustinens, pro temporum antiquissimorum more ipse sacra faciat, tamen perperam sumitur, libri auctori sacerdotum ordinem haud fuisse cognitum. Etenim qui cap. XII, 19, memorantur כהנים non *potentes*, *magnates*, verum *sacerdotes* denotant. Provocant quidem, qui priorem tumentur significationem, ad vocabulum אִתְּרִים, quod praecedenti כהנים in altero hemistichio respondet, dubioque procul *potentes* significat. At vero ex parallelismi legibus non ejusdem plane notionis requiritur repetitio; sufficit, si cognatae similesque notiones sibi respondeant. Jam vero *sacerdotum potentumque* notiones cognatas esse, nemo negabit, qui meminerit, quantum sacerdotes apud Hebraeos polluerint. Quare in loco laudato *sacerdotes* optime respondent *potentibus*, neque ulla adest ratio, cur a vulgari vocabuli כהן significatione discedendum sit. Accedit, quod nullus in universum in Veteri Testamento habeatur locus, qui arguat, vocabulo illi, praeter *sacerdotis* significationem, et po-

7) Bertholdti introd. P. V, p. 2134 — 2140.

tentis, sive *principis* inesse notionem. Licet enim et Chronicorum auctor locum 2 Sam. VIII, 18, וּבְנֵי דָוִד כַּהֲנִים הָיוּ, *et filii Davidis erant* כַּהֲנִים, in loco parallelo 1 Chron. XVIII, 17, interpretatus sit וּבְנֵי דָוִד הָרִאשֹׁנִים לִיד הַמֶּלֶךְ, *et filii Davidis erant principes ad manum regis*, tamen et inde non efficitur, vocabulum כַּהֲנִים eo loco principes denotare. Poterant enim *Davidis* filii et sacerdotum (domesticorum fortasse) munere fungi, et principes a regis latere esse; sed Chronicorum auctor de munere sacerdotali silet, quod non Levitici fuissent sacerdotes, proinde et sacerdotum munus haud legitime administrasse viderentur. Hand aliter etiam de ceteris statuendum locis, in quibus pro vulgari sacerdotis significatione principis notionem cum vocabulo כֹּהֵן conjungendam esse nonnulli existimarunt. Neque ex cognatis cum sermone Hebraica dialectis principis notio vocabulo כֹּהֵן vindicari tuto potest. Provocant quidem ad Arabicum كاهن, cui *ministri* tribuunt significationem; unde *ministri regii principis*ve notionem ad Hebraicum כֹּהֵן transferri posse existimant. At vero licet Arabicum كاهن inter cetera etiam illum denotet, qui negotium alienum curat, tamen nusquam ministri regii sive principis obtinet significationem; perperam igitur ea significatio ex Arabum loquendi usu ad Hebraicum כֹּהֵן transfertur. En quae *Firuzabadi*, luculentissimus ille linguae Arabicae interpres, in *Kamuso*, edit. Calcutt. t. II, p. 1799, ad vocem كاهن, كاهن, disputat: كَهَن لَه كَمَنع وَنَصَرَ وَكَرَّمَ كَهَانَةً بِالْفَتْحِ وَتَكَهَّنَ تَكْهِنًا قَصَى لَه بِالْغَيْبِ فَهُوَ كَاهِنٌ جَمَعَ كَهَنَةً وَكَهَانَ وَحَرَفْتَهُ الْكَهَانَةَ بِالْكَسْرِ وَالْكَاهِنُ مَنْ يَقُومُ كَهَنَ بِأَمْرِ الرَّجُلِ وَيَسْعَى فِي حَاجَتِهِ وَالْمَكَاهِنَةُ الْحَبَابَةُ وَالْكَاهِنَانِ حَبَانٌ cc. l p. fut. A et O, sicuti مَنَعَ et نَصَرَ, et mediâ Dhammâ, sicuti كَرَّمَ, Nomen actionis كَهَانَةٌ cum Fatha. Conj. V. تَكْهِنُ nom. act. تَكْهِنًا, praedixit illi occultum; quod qui facit, dicitur كَاهِنٌ, plur. كَاهِنٌ et كَهَّانٌ, ejusque ars كَهَانَةٌ, cum Kasrâ. كَاهِنٌ etiam is, qui

curat negotium alicujus, operamque navat ejus necessitati. ^{מְכַאֲנֵה} idem quod ^{מְכַבֵּאֵה} prosopolepsia, et ^{כַּהֲנָן} idem quod ^{חֵיָאן} idem quod duas familiae. — Neque in iis, quae *Dschauhari* ad vocem ^{כַּהֵן} disputat, ministri regii, sive principis ulla injicitur mentio. Ejus verba in hunc modum audiunt: ^{כֹּהֵן הַכֹּהֵן מְעוּרָה וְהַכֹּהֵן} ^{הַכֹּהֵן וְהַכֹּהֵן} יִקָּאָל כֹּהֵן כֹּהֵן מִתְּלַת כֹּתָב יִכְתֹּב כְּתָבָה אִזָּא תִּכְתֵּן וְאִזָּא אֵרֶדֶת אֲנִי סָר כֹּהֵנָא קִלְת כֹּהֵן בַּלְּסֻמָּה יִכְתֵּן כֹּהֵן כֹּהֵן בַּלְּסֻמָּה בַּלְּסֻמָּה וְהַכֹּהֲנָן חֵיָאן ⁸⁾.

Quod porro adseritur, in *Jobi* libro senioribus summum haberi honorem, iis solis sapientiam falli nesciam tribui, eorumque ad sententiam res controversas componi ⁹⁾, nequaquam argumento esse potest, *Jobi* librum ante *Mosis* tempora compositum fuisse. Namque senioribus omni tempore honos suus habitus, omni tempore sapientia tributa fuit, semperque eorum sententia in dijudicandis rebus controversis plurimum valuit. Neque tamen et in *Jobi* libro sapientia falli nescia iis tribuitur; contra interdum etiam sapientiae expertes dicuntur, ut videre est cap. XXXII, v. 7—9, ubi haec leguntur:

אִמְרָתִי יָמִים יִדְבְּרוּ
וְרֵב שָׁנִים יִדְעוּ חִכְמָה:
אֲכֵן רוּחַ דְּיָא בְּאִנּוּשׁ
וְנִשְׁמַת שְׂרֵי חֲבִינִם:

8) Cod. Mscr. biblioth. Palat. Vindob. nro. 4, p. 263.

9) Notandum, in locis ab Eichhornio et Bertholdto citatis, cap. IV, 8, V, 3, 27, XIII, 26, nil de seniorum dignitate atque sapientiâ haberi; quinimo in loco XXXII, 6, 7, (perperam Bertholdtus XXXIII, 6, 7,) si nexus cum sequentibus verss. respiciatur, plane contrarium doceri, sapientiam nempe non semper cum senio esse conjunctam.

לא רבים יתכמו
ווקנים יבינו משפט:

Dixi: dies loquentur,
Et multitudo annorum exhibebit sapientiam;
At vero spiritus in homine,
Et adflatus omnipotentis intelligentes reddit.
Non grandaevi sapiunt,
Neque senes intelligunt justum.

Quo in loco sapientia non iis, qui multorum annorum experientiâ exercitati sunt, verum iis, quibus numinis divini adflatus contigit, tribuitur; quae sententia legis Mosaicae indoli convenientissima est. Quod vero *Jobi* amici ad seniorum potius experientiam, quam ad legis Mosaicae praecepta provocantes inducuntur, ejus rei causa in eo posita videtur, ut disceptantibus amplior disputandi campus aperiretur. Namque si *Jobi* amici illius placita legis Mosaicae praeceptis impugnassent, omnis contradicendi materia illi praecidebatur, quod tamen ab auctoris consilio alienissimum erat.

Quod denique contendunt, numinis divini adparitionem, in *Jobi* libro obviam, non ad poëticam fictionem, verum ad priscorum hominum sentiendi cogitandique rationem esse referendam, vix idoneo aliquo argumento comprobari posse videtur. Namque cum ii ipsi, qui *Jobi* librum ante *Mosem* compositum existimant, libri illius argumentum non ex rerum gestarum memoriâ petitum, verum ab auctore fictum esse contendant, quid inde sequitur, nisi quod et numinis divini adparitio ad poëticam fictionem sit referenda.

II) Quod si concedatur, neque populi Hebraici historiam, neque legem Mosaicam in *Jobi* libro respici, nequaquam tamen inde efficitur, neque illam, neque hanc libri auctori cognitam fuisse. Potuit enim consulto utramque auctor praetermittere; idque eo magis, quo altiori liberiorique in universum fertur spi-

ritu. Verum enim vero haud desunt loci, in quibus vel populi Hebraici historia, vel lex Mosaica respici videtur. Namque cap. IX, 24, terra in improborum potestatem tradita, iudicumque facies cooperta dicitur, ne scilicet scelera commissa videre atque punire possint; cap. XII, 17, 19, consiliarii atque sacerdotes captivi abducuntur; cap. XXIV, 2 sequ. agrorum termini dimoventur, greges rapiuntur, inopes depelluntur; qui loci omnino miseram sortem, quae populo Hebraico serioribus obtigit temporibus, respicere videntur. Accedit, quod cap. VI, 10; XXIII, 12, *Jobus* praedicet, nunquam se abnuisse *verba sanctissimi*, אִמְרֵי קָדוֹשׁ, neque declinasse a *praecepto labiorum ejus*, מִצְוַת שְׂפָתָיו; contra placitis suis anteposuisse *effata oris illius* (Dei) אִמְרֵי מֵי; quibus in locis *verba sanctissimi* et *praecepta labiorum ejus* nequaquam, sicuti *Bertholdtus* contendit ¹⁰⁾, insitam homini a naturâ religionem, verum legem divinam, per *Mosem* et, qui illum secuti sunt, prophetas populo Hebraico promulgatam, denotant.

Quod vero adserunt, nec ipsum numinis divini nomen יְהוָה, quod inde a *Mosis* aetate prae ceteris Dei nominibus apud Hebraeos invaluerit, *Jobi* auctori cognitum fuisse, vix ullo probabilitur argumento. Namque in carminis prologo atque epilogo nomen illud saepius omnino occurrit; perperamque statuitur, prologum atque epilogum non a *Jobi* auctore profectos, verum seriori tempore adjectos fuisse. Etenim, ut *Rosenmülleri* utamur verbis ¹¹⁾, „opus ex omni parte imperfectum habes, meros sermones, quorum causam, rationem et finem ignoras, exordium et clausulam si demas.“ Quod vero in ipso carmine, cap. III — XLII, 6, nomèn יְהוָה rarissime occurrat, ejusque loco tantum non semper אֵל, אֱלֹהִים adhibeantur, ejus rei causa in eo posita

10) *Introd. t. V, p. 2141, not. 3.*

11) *Scholia in Jobum, edit. II, p. 46.*

videtur, quod libri auctor orationi poëticae, quae in ipso carmine regnat, nomina אֵל, אֱלֹהִים, orationi autem pedestri, quae in prologo atque epilogo habetur, nomen יְהוָה convenire magis existimaret. Neque is vocabulorum illorum usus *Jobi* tantum libro peculiaris; quinimo in universum statuendum, nomen יְהוָה, quamvis et in libris poëticis saepius occurrat, pedestri tamen magis orationi proprium esse; contra vocabula אֵל, אֱלֹהִים, a poëtis maxime usurpari ¹²).

III) Quod in *Jobi* libro obtinet dicendi genus a vulgari quidem sermone recedit, neque tamen inde conjicias, librum illum ante *Mosis* aetatem compositum fuisse. In omnibus linguis oratio poëtica a vulgari pedestrique sermone recedit; in eundem modum et poëticum dicendi genus, quod in *Jobi* libro regnat, a pedestri librorum historicorum sermone declinat. Perperam autem sumitur, quam plurima in *Jobi* libro occurrere vocabula eâ significatione, quae vel ante *Mosem*, vel *Mosis* aetate obtinuerit, postea vero ex hominum usu evanuerit. Namque quod exempli causâ adferunt pronomen 3 pers. masc. הוּא, *Jobi* cap. XXXI, 11, feminini loco adhibitum, archaismum quidem videtur redolere; sed nemini non notissimum, etiam senioris aevi poëtas ad exornandam orationem haud raro antiquis obsoletisque uti vocabulis. Accedit, quod pronomen illud eodem modo et I Regg. cap. XVII, 15; Jes. XXX, 33, adhibeatur; neque tamen inde quis conjiciat, priorem *Regum* librum, vel *Jesaeae* vaticinia ante *Mosis* aetatem conscripta fuisse. Perperam porro adseritur, verbum צָדִיק nonnisi in *Jobi* libro Geneseosque cap. XXXVIII, 26, significatione probum, integrum, insontem esse, usurpari, eamque significationem seriori aevo paululum fuisse immutatam.

12) De diverso vocabulorum יְהוָה, אֵל, אֱלֹהִים, usu videntur Gesenii thesaurus linguae Hebr. et Chald. tomi I fasc. I, p. 48 B; 95 A; 97 B; tomi II fasc. I, p. 578, 579.

Namque Psalmo CXLIII, 2, eadem vocabuli צַדִּיק occurrit significatio in hocce hemistichio: כִּי לֹא יִצְדַּק לְמִנִּיךְ כָּל הָיִי, i. e. vix erit *justus*, s. *insons*, in conspectu tuo ullus viventium; quem equidem Psalmum, etsi vulgo ad *Davidem* auctorem referatur, cum *Jarchio* exilii Babylonici temporibus adscribendum censuerim. Haud solidiori nituntur fundamento, quae de vocabulorum מֶלֶךְ et עָלִים in libro *Jobi* usu statuuntur. Non enim videmus, quam ob causam cap. XVIII, 14, in verbis הִצְעִידוּהוּ לְמֶלֶךְ בְּלִהוּת, pro vulgari *regis* significatione inusitata *ducis* notio substituenda sit. Namque sive, Chaldaeum interpretem secutus, vocabulum לְמֶלֶךְ cum sequenti בְּלִהוּת conjungas, sive ex *Schultensii Gesenique* sententiâ בְּלִהוּת ad הִצְעִידוּהוּ referendum, et לְמֶלֶךְ pro כֹּמֶלֶךְ accipiendum sit, semper tamen *regis* significatio quadrat. Quod denique ad vocabulum עָלִים adtinet, cujus singularis עָלִימוּ, cap. XX, 11, archaismum redolere dicitur, notandum, lectionem עָלִימוּ incertam esse; siquidem Masorethae pluralem עָלִימִי legendum esse praecipiunt. Sed concedamus, lectionem receptam esse genuinam, nequaquam tamen inde sequitur, singularem vocabuli illius numerum archaismis esse adnumerandum. Etenim cum vocabulum illud, praeter locum laudatum, neque in antiquioribus, neque recentioribus Veteris Testamenti libris numero singulari occurrat, quo, quaeso, indicio dijudices, utrum singularis ille numerus ad antiquiorem, an recentiorem loquendi usum sit referendus. Quare, si lectio recepta עָלִימוּ genuina habeatur, rectius idiotismis, quam archaismis adnumerabitur.

§. IV.

Ex iis, quae hactenus disputavimus, adparebit, ni fallimur, quam infirmis nitantur argumentis, qui *Jobi* librum ante *Mosis* aetatem conscriptum fuisse contendunt. Alii, etsi libri originem non ab antiquissimis illis temporibus repeterent, tamen ad *Mosis* usque tempora adscenderunt, imo *Mosem* ipsum *Jobi* auctorem

existimarunt. Quam sententiam quam plurimi Judaeorum, antiquiorum et recentiorum, tuiti sunt. Jam in tractatu Talmudico, qui *Bava Bathra* inscribitur, sect. I, p. 15, legimus: משה כתב ספרו ופרשו בלעם ואיירב, i. e. Moses scripsit librum suum, sectionem Bileam atque Jobum. In eandem sententiam transiverunt *Aben Esra* ¹³⁾, *Levi ben Gerschom* ¹⁴⁾, *Asarias Edomaeus* ¹⁵⁾, *Abraham Zakut* ¹⁶⁾, *Menasse ben Israel* ¹⁷⁾ alique. Neque defuere inter patres ecclesiasticos, qui *Jobi* librum ad *Mosem* auctorem referrent. Maxime vero in ecclesiâ Syriacâ opinio haec invaluisse videtur; id quod inscriptio docet, Syriacae *Jobi* versioni in quibusdam codicibus praemissa, quae in hunc modum audit: כהן זאבא ואבא חכמה נבא מלכא סל נבא מלכא חכמה; i. e. liber *Jobi* justus a *Mose* prophetâ conscriptus est; neque tamen illum cum libris suis conjunxit, quia ex gentilibus fuit (*Jobus*), et non e filiis *Jacobi* ¹⁸⁾. Haud aliter et *Ephraem Syrus Jacobusque Edessenus* ¹⁹⁾ de *Jobi* auctore sentiunt. Operae pretium videtur, quae ab *Ephraemo* in hanc rem disputantur, ipsius in medium proferre verbis: כהן זאבא חכמה ואבא חכמה נבא מלכא סל נבא מלכא חכמה; i. e. *Jobi* librum *Moses* scripsit;

13) Commentar. in Jobum in Bibliis Rabbinicis Buxtorf. tom. IV, f. 805.

14) Commentar. in Jobum in Bibliis Rabbinicis Buxtorf. t. IV, f. 803.

15) מאור עינים, i. e. lumen oculorum, l. III, c. 42, p. 135, b.

16) ספר יוחסין, i. e. liber stemmatum, f. 9, b.

17) De resurrectione mortuorum, p. 123.

18) Variarum lectionum Syriacae Vet. Testam. in Appendice ad Biblia Polyglotta Londin. p. 25.

19) Commentar. in Jobum, in Aasemanni Biblioth. Orient. t. I, p. 488.

verisimile tamen est, eum *Jobi* amicorumque ejus de illius tentatione sermones literis consignatos invenisse. Eos autem scriptis mandatos, et instar monumenti patientiae ejus conditos fuisse, inde conjicias, quod dixerit: Quis efficiet, ut verba mea literis consignentur ²⁰). „Fuere etiam inter ecclesiae Graecae patres, qui *Jobi* librum a *Mose* conscriptum fuisse existimarent. Quorum e numero unum *Polychronium* nominasse sufficiat; qui in prooemio Catenae in *Jobum* in hunc modum dissērit: εἰκὸς οὖν, ὅτι καὶ Μωσῆς συνεγράψατο τὸ βιβλίον εἰς παραίνεσιν τοῦ Ἰσραήλ, ὡς καὶ ἀπὸ τοῦ χαρακτῆρος ἐστὶν ἐπιβαλεῖν, i. e. verisimile igitur, *Mosem* librum (*Jobi*) conscripsisse ad exhortationem populi Israëlitici, sicuti etiam ex ejus caractere intelligi potest.“ E recentioribus, praeter *Huetium* ²¹), maxime *J. D. Michaelis* ²²) *Jobi* librum *Mosi* vindicare conatus est; quam sententiam etiam *Jahn* proxime ad veritatem accedere contendit ²³).

§. V.

Quod si ex auctorum laudatorum sententiā *Jobi* liber ad *Mosem* auctorem referendus esset, poëseos Hebraicae originem alius adhuc repetendam esse nemo non videt. Etenim cum *Jobi* liber absolutissimum poëseos Hebraicae sit specimen, haud pauca tentamina poëtica praecesserint necesse est, donec ad illum perfectionis gradum, qui in *Jobi* libro conspicitur, Hebraeorum poësis perveniret. Verum enim vero quemadmodum negavimus, *Jobi* librum *Mose* esse antiquiorem, ita etiam negandum esse

20) Ephraemi Syri opera Syriaca, t. II, p. 1.

21) Demonstr. Evangel. Propos. IV, de Jobo, §. II, p. 221 edit. III. Paris.

22) In epimetrio ad Lowthii de sacrâ Hebraeor. poësi praelect. XXXII, p. 674 — 693. Introd. in Veteris Testam. libros, Partis I sect. 1, p. 72 — 92.

23) Introd. in Vet. Testam. libros, P. II, p. 802 — 812.

censemus, librum illum a *Mose*, vel aequali aliquo illorum temporum scriptore profectum esse. Sed aequum videtur, ut argumenta, quibus *Jobi* liber *Mosi* vindicatur, recenseamus atque refellamus. Sunt autem haec fere:

I) In *Jobi* libro magna rerum Aegyptiacarum atque Arabicarum scientia conspicitur. Jam vero *Moses* in Aegypto natus atque educatus fuit; postea in Arabiam recessit, ibique haud exiguum temporis spatium commoratus est. Unde efficitur, tantam eum rerum Aegyptiacarum atque Arabicarum scientiam sibi comparasse, quanta ad conscribendum *Jobi* librum requirebatur.

II) Praeter Aegypti Arabiaequae cognitionem, multarum adhuc rerum, tum naturalium, tum arte effectarum scientia in *Jobi* libroprehenditur, quarum rerum scientia optimo jure ad *Mosem* refertur, quippe qui, in regiâ Aegypti aulâ educatus, omni Aegyptiorum sapientiâ imbutus fuit.

III) In *Jobi* libro nulla legum Mosaicarum mentio, nil de mirabili populi Israelitici ex Aegypto migratione atque itinere per Arabiae deserta, nil de terrâ Cananaeâ rebusque ab Hebraeis illic gestis. Inde conjicias, librum illum ante populi Israelitici ex Aegypto migrationem conscriptum fuisse. Quod si ita se habet, vix quisquam alius, praeter *Mosem*, *Jobi* auctor existimandus; qui illo probabiliter tempore, quo, ex Aegypto profugus, in Midianitarum terrâ degebat, *Jobi* librum conscripsit.

Quae argumenta quam parum sint probabilia, ex sequentibus elucebit:

I) Etsi concedamus, *Mosem* eâ rerum Aegyptiacarum atque Arabicarum instructum fuisse scientiâ, quae ad conscribendum *Jobi* librum requirebatur, tamen inde nequaquam efficitur, librum illum a *Mose* compositum fuisse. Namque et post *Mosem* Hebraeorum aliquis in Aegypto atque Arabiâ versari potuit, eamque rerum, in terris illis obviarum, cognitionem sibi comparare, quae in *Jobi* libro conspicitur.

II) Hand aliter etiam de ceterarum rerum, tum naturalium, tum artificiosarum notiitiâ, in *Jobi* libro conspicuâ, statuendum. Quis, quaeso, adeo erit inconsideratus, ut ausit affirmare, neminem Hebraeorum, praeter *Mosem*, illarum rerum cognitione imbutum fuisse.

III) Si verum est, quod contendunt, nullam in *Jobi* libro legum Mosaicarum injici mentionem, nil de populi Israëlitici ex Aegypto migratione, nil de Hebraeorum rebus in terrâ Cananaeâ gestis reperiri, vix tamen inde sequitur, librum illum ante populi Hebraici ex Aegypto migrationem conscriptum fuisse. Namque et senioris aevi auctor res illas silentio potuit praeterire; vel quod occasio eas commemorandi deesset, vel aliâ quâdam de causâ. At vero jam superius (§. 3, II.) monitum fuit, et leges Mosaicas, et populi Hebraici historiam, sed seniorum temporum, in *Jobi* libro respici; quare nequaquam ante populi Israëlitici ex Aegypto migrationem, proinde neque in secessu Midianitico liber ille a *Mose* conscribi potuit.

Vides, quam infirmis nitantur argumentis, qui *Jobi* librum ad *Mosem* auctorem referre conantur. Neque ea sententia ullo antiquitatis Hebraicae confirmatur testimonio. Etenim neque in Veteris, neque in Novi Testamenti scriptis ullum habetur indicium, ex quo colligas, *Mosem Jobi* auctorem ab Hebraeis creditum fuisse. Et profecto si celebratissimus ille populi Israëlitici dux atque moderator librum illum conscripsisset, non liquet, quâ ratione ea res ex hominum memoriâ penitus potuerit evanescere.

§. VI.

Examinatis atque rejectis illorum argumentis, qui *Jobi* librum vel ante *Mosem*, vel a *Mose* ipso conscriptum fuisse contendunt, superest, ut ostendamus, librum illum multis post *Mosis* aetatem seculis, et, nisi fallimur, proximis ante exilium Babylonicum

temporibus, conscriptum fuisse. *) Cui sententiae et res in *Jobi* libro memoratae, et ipsum dicendi genus apprimè suffragantur. Namque quod ad res in libro illo memoratas adinet,

I) populi Israëlitiçi conditio in eum modum pingitur, qualis extremis regni Judaici temporibus omnino fuit. Jam hostes ferocissimi Hebraeorum terram invaserunt, regniq̃ue proceres atque

24) *Jobi* librum non exilii Babylonici temporibus, neque post ea tempora conscriptum fuisse, arguit locus Jerem. XX, 14 — 18, qui procul dubio ex *Jobi* cap. III, 3 — 12, depromtus est. Possit quidem quis suspicari, *Jobi* auctorem locum illum a Jeremiâ mutuatum esse; quod tamen quo minus admittamus, obstare videtur 1) quod Jeremias saepius aliorum scriptorum locos in suum usum converterit, ut videre est, si conferantur Jes. XV, 5, 8, 9, 10, 11, 4 Mos. XXI, 28, 29, cum Jeremiae XLVIII, 5, 32, 33, 34, 36, 45, 46; 11) quod locus ille apud Jeremiam parum conveniat iis, quae praecedentibus proxime versibus, 11 — 13, prolata fuere. Etenim postquam propheta v. 11 fiduciam suam in Deum pronuntiavit, versuque 13 ad numinis divini laudes provocavit, praeter expectationem v. 14 diem suum natalem exsecratur; quae exsecratio, pro nostro saltem sensu, numinis divini celebrationem, versu 13 expressam, minus convenienter sequitur. Verum ut lectori judicandi copiam faciamus, liceat loci laudati versum 13 et 14 apponere:

שירו ליהודה הללו את יהוה
כי הציל את נפש אבירי מיר מרעים;
ארור היום אשר ילדתי בו
יום אשר ילדתי אתי אל יתי ברוך:

Canite Jovam, celebrate Jovam;

Namque eripuit pauperis animam e manu improborum.

Maledictus sit dies, quo natus sum,

Dies, quo me peperit mater mea, ne sit benedictus.

Vides, quam male versiculi hi inter se congruant; unde conjicias, Jeremiam locum illum ex *Jobi* libro depromsisse, proinde et *Jobum* Jeremiae temporibus jam conscriptum fuisse.

sacerdotes captivos abduxerunt, cap. XII, 17 — 19; omnia plena sunt injuriarum, violentiae atque rapinae, cap. XXIV, 2 — 16; domus urbisque desolatae hominibus scelestis in praedam cadunt, cap. XV, 28 etc. Accedit

II) quod in *Jobi* libro ejusmodi occurrant notiones, quae apud Hebraeos non nisi ex eo tempore, quo cum Asiae orientalis populi commercium habebant, invaluerunt. Huc referas, quae de angelis, sive geniiis inter Deum hominesque intermediis, in *Jobi* libro habentur. Haud quidem negari potest, Hebraeis etiam antiquioribus temporibus angelos, מלאכים, cognitos fuisse; at vero eorum conditio in *Jobi* libro alia est atque antiquioribus temporibus. Namque in *Jobi* libro angeli consiliariorum Dei munere funguntur, cap. I, 6, II, 1; iidem hominum tutelam suscipiunt, eorumque causam apud Deum agunt, פְּלִיטָה לְכָל דָּבָר, cap. V, 1, XXXIII, 23; neque tamen ipsi a delictis peccatisque immunes sunt, cap. IV, 18, XV, 15; quae notiones apud Hebraeos non nisi seriori tempore invaluerunt. Adde, quae de *Satanâ*, genio malo, cap. I, 6, sequ. II, 1, sequ. traduntur; ejus notio, antiquioribus temporibus Hebraeis prorsus ignota, non nisi apud serioris aevi auctores, Zachar. III, 1, 2, 1 Chron. XXI, 1, deprehenditur. Haud quidem nos fugit, argumentum hocce, a *Satanas* notione petatum, ab iis, qui carminis prologum atque epilogum suppositicium existimant, rejectum iri; at vero jam superius (§. 3, II.) monitum fuit, absque sufficienti ratione prologum atque epilogum *Jobi* auctori abjudicari. Denique

III) et ipsum dicendi genus, quod in *Jobi* libro offenditur, arguit, librum illum haud procul ab exilii Babylonici temporibus conscriptum fuisse. Etenim haud parum a priscae linguae puritate *Jobi* sermo abhorret, multumque ad seniorum scriptarum, *Danielis*, *Erae*, *Ecclesiastae*, dictionem accedit. Occurrunt vocabula vel plane Aramaea, vel pro Aramaeorum more inflexa; saepius etiam vocabula Hebraica eâ adhibentur significatione,

quae, priscis auctoribus ignota, seriori demum tempore e sermone Aramaeo in Hebraicum translata fuit ²⁵). Haud quidem diffitendum, magnam idiotismorum illorum partem ad sermonem poëticum referendam esse; eo tamen non obstante seriorum temporum loquendi usus, ad Aramaeorum inclinans dialëctum, ubique conspicitur. Insigniter autem alucinantur, qui Aramaeum illum colorem, quo *Jobi* dicendi genus infectum est, antiquitatis remotissimae indicium esse opinantur ²⁶). Etenim statuunt, diversa linguae Semiticae idiomata, Hebraicum, Aramaeum atque Arabicum, antiquissimis temporibus haud adeo ab invicem discrepasse, quam seriori aevo, quo singula illa idiomata peculiari jam modo exulta atque formata fuere. Quare si quid priscis illis temporibus sermone Hebraico conscriberetur, propius ad Aramaeum Arabicumque idioma accedere debebat, quam quae seriori aevo Hebraice consignarentur ingenii monumenta. Unde factum est, ut et *Jobi* liber, qui priscis illis temporibus conscriptus fuit, non solum Aramaeum, verum etiam Arabicum sermonem redoleret. At vero quam temere haec statuuntur, nemo non videt. Haud quidem negamus, idiomata Semitica antiquissimis temporibus, quibus a communi matre haud multum distabant, propius ad se invicem accessisse; at vero propinquitatis illius nullum ad nostra tempora superavit monumentum; omnisque sermonis Hebraici ad Aramaeum inclinatio, sicuti eundem refert colorem, ita etiam ad eadem tempora, recentiora scilicet, referenda.

25) Longum esset, exempla in medium proferre; quod si quis ea desideret, adeat Gesenii *Histor. linguae et scripturae Hebr.* p. 34, 35; nec non Bernsteinii *Comment. de antiquitate, argumento etc. Jobi*, in Keilii *Tzschirnerique Analectis*, P. III, p. 49 — 79.

26) Opinionem illam tuetur Bertholdtus in *Introd. in Vet. Novique Testam. libros*, P. V, p. 2077, 2078.

His argumentis, ni fallimur, affatim evincitur, *Jobi* librum nequaquam antiquissimum poëseos Hebraicae specimen existimandum; contra recentioribus Veteris Testamenti libris esse adnumerandum ²⁷⁾).

§. VII.

Quod si *Jobi* liber, sicuti hactenus demonstratum fuit, recentioribus Veteris Testamenti libris adnumerandus sit, ad eruendam poëseos Hebraicae originem alia circumspicienda erunt specimina poetica, quae ad poëseos Hebraicae originem propius accedere vel videntur, vel saltem putantur. Vulgatissima inter viros doctos est sententia, in Geneseos libro plura haberi monumenta literaria, quae *Mosis* aetatem transcendant ²⁸⁾; dispiciendum igitur, num, quae in libro illo occurrunt carmina, vel carminum fragmenta,

27) De *Jobi* libro diligenter admodum disputavit Bernstein in Keilii Tzschirnerique Analectis, P. III, p. 1 — 137; a quo doctissimo viro eatenus tamen discedimus, quod libri aetatem, quam ille ad extrema exilii Babylonici tempora deprimit, ad proxima ante exilium tempora referamus, carminisque prologum atque epilogum, quos ille suppositicios putat, a *Jobi* auctore profectos existimemus.

28) Geneseos auctorem in componendo libro antiquioribus usum fuisse monumentis, contendunt prae ceteris Rich. Simon Histoire critique du Vieux Testament, l. I, c. 7; Fleury Moeurs des Israélites, p. 6; Vitringa Observatt. sacrar. l. I, c. 4; Clericus Prolegg. in Vet. Foederis translat. Dissert. III, de scriptore Pentateuchi, §. 3; Astruc Conjectures sur les Mémoires originaux, dont il paroît, que Moyse s'est servi pour composer le livre de Genèse; Jo. Jac. Schultens Dissert. qua disquiritur, unde Moses res in libro Geneseos descriptas didicerit; Ilgen Urkunden des ersten Buchs von Moses in ihrer Urgestalt; Eichhorn Introd. in Vet. Testam. P. II, §. 416 — 427; Jahn Introd. in Vet. Foederis libros, P. II, §. 15 — 18, aliique.

ante *Mosis* aetatem composita sint. Primum, quod in Genesi nobis sese offert carminis fragmentum, habetur cap. IV, v. 23, 24, quo in loco *Lamech*, *Methuschaël* filius, uxores suas in hunc modum adloquitur:

עדה וצלה שמען קולי

נשי למך האזנה אמרתי

כי איש הוצאתי למצוי

וילך לחברתי

מי שבעתים יקם קין

ולמך שבעים ושבעה:

Adah et Zillah, audite vocem meam,

Uxores Lamechi; aures praebete verbis meis:

Namque virum occidi in vulnus meum,

Juvenemque in vibicem meam.

Quod si *Kain* septies vindicandus est,

Lamech septuagies et septies.

Quae verba si a *Lamecho* profecta essent, linguae atque poëseos Hebraicae haberes specimen, quod diluvii tempora superaret. At vero si fragmenti illius dictionem cum Hebraeorum sermone, qualis *Davidis Salomonis*que temporibus, imo etiam seriori aetate conspicitur, conferas, vix ullum deprehendes discrimen; unde efficitur, fragmentum illud nequaquam antiquissimis illis temporibus potuisse componi, quorum sermonem a *Davidis Salomonis*que sermone plurimum distitisse necesse est. Accedit, quod quatuor priores versus homoeoteleuta exhibeant; quod artificii poetici genus neque a *Lamecho*, neque omnino a temporibus, *Mosis* aetatem superantibus, repetendum esse videtur.

Haud aliter de alio sentiendum fragmento, quod cap. XXV, 23, occurrit; ubi consulenti Jovae oraculum *Rebecca* hocce redditur responsum:

שני גיום בבטןך

ושני לאמים ממלך יפרדו

יִלְדָם מִלֶּאֱם יִאֲמֹץ

וְרֵב יִכְבֹּד צִירָה :

· Duæ gentes in ventre tuo,

Et duo populi ex utero tuo separabuntur.

Populusque populo potentior erit,

Et major natu serviet minori.

In quo response procul dubio posterorum *Esavi* atque *Jacobi*, Idumaeorum nempe atque Hebraeorum, respicitur conditio. Innuatur, populos illos infestos sibi futuros, alterum tamen, Hebraeum nimirum, altero, Idumaeo, potentiores evasurum, huncque illi subjectum iri. Quae omnia ex seriori utriusque populi historia, maxime inde a *Davidis* temporibus, petita esse videntur. Legimus enim 2 Sam. VIII, 14, Idumaeam a *Davide* subactam, praesidiisque munitam fuisse. Hinc colligas, fragmentum illud vix *Isaci* atque *Rebecca* tempore, quo nullum inimicitiarum inter Hebraeos Idumaeosque vestigium, verum post *Davidis* aetatem compositum fuisse.

§. VIII.

Longum esset, omnia, quae in Geneseos libro occurrunt, carminum fragmenta recensere; sufficiat monuisse, vix ullum reperiri, quod *Mosis* aetatem superare videatur. Neque tamen celebratissimum illud carmen silentio possumus praeterire, quo *Jacobus* moriturus filiis suis valedixisse fertur. Cujus carminis sive dicendi genus, sive argumentum respicias, fateare necesse est, seriores omnia redolere aetatem. Namque quod ad dicendi genus attinet, non differt ab illorum carminum sermone, quae mille annis post *Jacobi* mortem condita fuere. Qui passim occurrunt idiotismi poetici, ut v. 11, אֲסִירָה *alligans*, אֲסֵלְלָהּ *asellum suum*, et alibi habentur; sic Ps. CXXIII, 1, הַיֹּשְׁבֵי בַשָּׁמַיִם *habitans in coelis*, Ezech. XLVIII, 18, תְּבוּאָתָהּ *proventus ejus*, etc. Accedit, quod ipsa carminis structura artificiosior sit, quam a

priscis illis temporibus, nec non a sene morituro possit exspectari. Namque omnes fere versiculi tribus tantum constant vocibus; neque desunt paronomasiae, ut v. 19, נָדַד יְגִדֹנִי, et homoeoteleuta, ut v. 8, אַחִיד, אֵיבִיד, אֲבִיד. Similiter et carminis argumentum seriora arguit tempora. Etenim quae de filiorum *Jacobi*, sive de tribuum Israëliticarum sedibus vivendique ratione traduntur, ea demum spectant tempora, quibus populus Israëliticus sedem in Cananaeâ fixerat; imo quae v. 10 de *Judae* imperio habentur, procul dubio ad illa referenda sunt tempora, quibus populus Israëliticus regibus e tribu *Judae* oriundis subjectus esset. Unde efficitur, carmen illud nequaquam a *Jacobo* morituro potuisse pronuntiari; contra haud paucis post *Mosem* seculis compositum fuisse.

§. IX.

Ex iis, quae hactenus disputavimus, adparebit, nullum in Geneseos libro haberi carmen, aut carminis fragmentum, quod *Mosis* aetatem superare videatur. Haud aliter et de reliquis, quae in Veteri Testamento continentur, carminibus statuendum. Verum enim vero si nullum eorum, quae supersunt, carminum Hebraicorum *Mosis* aetatem superare censeatur, quaeritur porro, utrum nullum omnino poëseos periculum Hebraei ante *Mosis* aetatem fecerint? Eam quaestionem vix quisquam exploratam unquam habebit; siquidem qui *Mosis* aetatem proxime antecesserunt quadringenti anni adeo omni rerum gestarum memoriâ destituti sunt, ut de populi Israëlitici per illa tempora rebus haud quidquam pro certo pronuntiari possit. Fuere quidem, qui existimarent, Hebraeos per quadringentos illos et triginta annos, quos in Aegypto degebant, ab Aegyptiis, jam illo aevo artium atque scientiarum peritissimis, haud parum didicisse ²⁹). Quod si ita haberet, ex-

29) Jahn Archaeolog. Bibl. P. II, t. I, p. 22.

spectandum esset, eos etiam a poëseos studio haud alienos fuisse. At vero ea res longe aliter nobis videtur. Constat enim, Hebraeos, vitam pastorem agentes, Aegyptiis, agrorum maxime culturae deditis, contemptui fuisse ³⁰⁾, sejunctosque ab illis in *Gosenitide* cum gregibus suis degisse. Eâ utriusque populi conditione rarissimum Hebraeorum cum Aegyptiis fuisse videtur commercium, rarissima igitur et opportunitas cognoscendarum, quae ab Aegyptiis colebantur, artium atque scientiarum. Adde, quod procedente tempore Hebraei mirum in modum ab Aegyptiis vexati, servilibusque operibus obruti fuerint. Quae res ingeniorum cultui in universum, maxime vero poëseos studiis obstitit. Nequaquam enim ad poëticum ardorem excitari potest animus, ubi aerumnâ atque vexatione adfligitur. His inducti rationibus poëseos Hebraicae originem vix altius, quam inde a *Mosis* aetate repetendam esse censemus. Quae si probabilis sententia, haud temere nos facturos existimamus, si eodem illo tempore, quo legibus primum coërceri, et ad vitam civilem numinisque divini meliorem cultum coepit institui populus Hebraicus, poësin quoque, rem ad formandos hominum animos efficacissimam, enatam fuisse contendamus.

§. X.

Ut autem illo ipso tempore poëseos studium apud Hebraeos exoriretur, pluribus causis effectum est. In quibus primum locum *libertati* tribuerim, quam *Mose* duce Hebraei tum temporis recuperaverunt. Jam ante monitum fuit, Hebraeos, cum in Aegypto degerent, ab illius terrae regibus in servitutem redactos, servilibusque operibus oppressos fuisse. At vero servilibus operibus oppressum neque artium liberalium, neque aliarum, quae

30) 1 Mos. XLVI, 34: חֹעֲבֵה מִצְרַיִם כָּל רֹעֵה צֹאן, abominabiles Aegyptiis omnes pecorum pastores.

ingenuos debent, rerum studiis quidquam tribuere, non est, quod moheamus. Contra libertate si quis fruatur, animus inconcussus facile ad altiora quaeque fertur. Id ipsum Hebraeis quoque evenisse certum est. Quamdiu enim ab Aegypti regibus oppressi tenebantur, nil ex eorum rebus memoriae proditum videmus, nisi quod ingentem in multitudinem populus accreverit; et latèribus coquendis operam navaverit. Sed simulac *Mosis* beneficio in libertatem vindicantur Hebraei, vires suas exerunt, bella cum finitimis gerunt, et; quamvis haud raro contra ipsam ducentem, *Morem*, insurgant, tamen et ad meliora animum paratum habent. Eum vero animi habitum poësi, quae soluto incitatoque animo innasci solet, convenientissimum esse, nemo est, qui ignoret.

§. XI.

Praeter libertatem, quâ Hebraei, postquam Aegypto excesse-
rant, fruebantur, et *bella*, quae cum deserti Arabici Palaestinae-
que populis gerenda erant, nascenti poësi haud parum favi-
sunt. Bellis gerendis animi mirum in modum excitantur;
confluunt enim omnia, quae animum movere possunt, audacia,
timor, ira, gaudium, spes, dolor et cetera. Ex illis animi mo-
tibus et magna facta et grandisona dicta oriuntur. Cum ad
pugnam itur, milites adloquendi et exhortandi sunt. Verum ubi
animo commoto belli dux verba facit, vix pedestribus utetur
verbis, sed altius insurgens poëtico concionabitur sermone, quam-
vis numerorum legibus soluto. Victoria cum parva est, fortia
victoris exercitus facta laudibus efferuntur, devicti contra ignavia
probris conviciisque cumulat; quod, ut rei natura fert, nequa-
quam sedato atque temperato animo, verum bacchico quodam
vestro fieri assolet. Accedit, quod et cantu tripudioque victoria
parva celebrabatur; quae res spiritum poëticum non potuit non
excitare atque inflammare. Quodsi perpendamus, populum He-
braicum inde a *Mosis* obitu ad *Davidis* usque tempora, quin-

gentos ultra annos, assiduâ bellis implicatum fuisse, statuamus necesse est, antiquissimam Hebraeorum poësin maxime ad heroicum genus accessisse ³¹). Cujus generis quamvis pauca tantum in Veteris Testamenti libris supersint specimina, haud tamen dubitandum, ampliorem olim carminum heroicorum apud Hebraeos extitisse copiam; quod et scriptorum Hebraicorum comprobatur testimonia; quippe qui passim antiquos citant libros, qui magnam partem ex heroicis carminibus contexti fuisse videntur. In his *liber bellorum Jovae*, ספר מלחמות יהוה, cujus Num. XXI, 14, mentio injicitur ³²).

31) Heroicam poësin non eam dicimus, quae et epicae nomine insignitur; sed eam, cujus argumentum in univèrsum in rebus bellicis versatur.

32) De libro bellorum Jovae, cujus fragmentum loco citato in medium profertur, in diversas partes virorum doctorum abeunt sententiae. Sunt, qui existiment, librum illum haud diversum esse à Judicum libro, in quo varia Hebraeorum cum populis finitimis bella memorantur. Quae tamen sententia eâpropter haud probanda videtur, quod in Judicum libro laudati fragmenti ne vestigium quidem superest. Alii librum illum non Hebraeorum, sed Emoraeorum fuisse opinati sunt, eo potissimum nixi argumento, quod Moses, contra Moabitas probaturus, fines eorum non ultra Arnonem protendi, nequaquam ad scriptoris Hebraici testimonium provocare potuerit, cujus nulla apud Cananaeos fuisset auctoritas. At vero huic sententiae libri inscriptio non videtur convenire. Namque si Emoraeum liber ille auctorem habuisset, vix libri bellorum Jovae titulo insignitus fuisset. Rectius statuas, librum illum ab auctore Hebraeo profectum, historiamque bellorum, quae Hebraei in expugnandâ Palaestinâ cum populis indigenis gessere, complexum fuisse. Quae bella cum post Mosi demum obitum gesta sint, et librum bellorum Jovae post Mosi aetatem conscriptum fuisse necesse est. Quare insigniter alucinat Aben Esra, ubi librum illum ad Abrahami tempora referendum esse censet: ספר יהיד בספי עצמו ושם כחורב מלחמות

§. XII.

Ad excitandam atque promovendam apud Hebraeos poësin si quae res alia, certe et *numinis divini cultus* plurimum contulisse videtur. Notissimum est, omnes fere antiqui temporis populos sacra sua solennia diesque festos tripudiando cantandoque celebrasse. Idem apud Hebraeos quoque jam inde ab antiquissimis temporibus mos obtinuit. Cum ad montem *Sinai* vitulo aureo sacra fecisset populus Hebraicus, epulis, cantando atque tripudiando diem consumsit ³³). In eundem modum dies ille festus, quo foederis arca per *Davidem Hierosolymam* translata fuit, cantu, musico lusu atque tripudio celebratus fuit ³⁴). Cum vero ad cantandum opus esset carminibus, quae decantarentur, hand fieri potuit, quin ea consuetudo poësin excitaret atque promoveret. Accedit, quod ad ipsum divinum cultum, qui in tabernaculo foederis peragebatur, cantus musicusque lusus, si non inde a *Mosis* aetate, certe longe ante *Davidis* tempora adhibiti fuisse videntur. Namque ex iis, quae 1 Chron. XXIII, 5, de *Davide* traduntur, constituisse eum quatuor millia Levitarum, qui cantum sacrum musicamque sacram curarent, facile conjicias, eam rem vix tum primum a *Davide* institutam, verum auctam potius atque amplificatam fuisse. Legimus praeterea 4 Mos. X, 35, 36, quo-

יהודה בעבור יראיו ויהכן שהיה מימות אברהם כי ספרים רבים
אברו ואינם נמצאים אצלנו, i. e. liber fuit singularis, in quo
descripta erant bella Jovae propter cultores suos; et probabile
est, eum exstitisse inde a temporibus Abrahami; namque libri
multi interciderunt, neque apud nos reperiuntur. Commentar. in
Num. XXI, 14, in Bibliis Rabbinnicis Buxtorf. t. I, f. 173; Salo-
monis ben Melech מכלל יו"פ f. 33 v. Cf. Wolfii Biblioth. Hebr.
P. II, p. 216 — 219.

33) 2 Mos. XXXII, 6, 18, 19.

34) 2 Sam. VI, 5, 14, 15.

tiescunque in itinere per desertum Arabicum arca foederis promota fuerit, *Mosem* haec verba pronuntiasse:

קומה יתרה וימצו איבך

וינסו משנאך ממניך:

Exurge, Jova! ut dissipentur inimici tui;

Fugiantque osores tui a facie tua;

subsistente autem arcâ dixisse: שובה יתרה רבבות אלפי ישראל: i. e. revertere, Jova! ad myriades Israëlitis. Quae verba sive a *Mose* ipso fuerint profecta, sive ex Psalmi LXVIII versu 2 petita *Mosique* tributa, arguunt tamen, jam ante *Davidis* aetatem carmina in foederis tabernaculo pronuntiata, vel potius decantata fuisse. Ut primum autem cantus musicusque lusus ad numinis divini cultum applicati fuere, poëtae haud poterant deesse; quam provinciam sacerdotes maxime atque Levitae sibi vindicabant; quippe quibus et rerum sacrarum cura demandata, et scientiarum artiumque cultura commissa erat.

§. XIII.

Memoratis hactenus poëseos Hebraicae causis adde denique et culturae semina, quae tum civilibus, tum sacris institutionibus magnus ille Hebraeorum legislator inter populares suos sparsit. Quamdiu omnis culturae expertes, et nonnisi venationi vel pecori pascendo intenti populi degunt, omnis eorum cura, omnisque labor ad corporis solum pertinet necessitates, neque illis studiis artibusque ullus locus, quae animum juvant atque delectant. Jam vero populus Hebraicus ante *Mosis* aetatem praeter venationem pecorisque curam vix ulli rei vacasse videtur. Namque quod 1 Mos. XXVI, 12, de *Isaco* traditur, culto in Philistaeorum terrâ agro centuplicem fructum eum recepisse, neque homini, neque temporibus putarim convenire. Etenim *Isacus* pastorali deditus vitae cum gregibus tentoriisque suis, nomadum more, Palaestinam peragrabat. At vero nomades haud uni solent in-

haerere loco, neque durum agrorum culturae opus tolerare, cum multo commodius ex pecorum reditu vitam sustentare possint. Accedit, quod neque filiorum *Isaci*; neque nepotum aliquem agrorum culturae deditum videamus. Namque *Esavus* venationi incubuit³⁵⁾; *Jacobus* vitam pastorem amplexus est, quam eandem et *Esavi* filii in monte *Seir*, et *Jacobi* posterii in Aegypto secuti sunt. Quae cum ita sint, facile perspicias, ad *Mosis* naeque aetatem neque poësi, neque ceteris artibus ingenuis locum apud Hebraeos fuisse. Ut primum autem *Mosis* *Josue*que beneficio populus Hebraeus stabilem in Palaestina sedem consecutus est; ut primum agrorum culturae (quam merito omnium fere artium atque scientiarum matrem atque altricem dixeris) civilibusque coepit aduescere institutionibus, saniori denique numquam divini cultu coerceri atque formari: haud potuit fieri, quin et ultra ea, quae ad corporis pertinebant necessitates, animus tenderet; paulatimque scientiarum artiumque, proinde et poëseos, fundamenta jaceret.

§. XIV.

Verum enim vero durante *Judicum*, שופטים, imperio populus Hebraeus, continuis bellis cum finitimis gentibus detentus, neque in scientiis, neque in artibus multum proficere potuit; omnisque ad *Samuelis* usque aetatem poësis rudis et incompta fuisse videtur. Laetior inde a *Samuelis* tempore populi Hebraei rebus in universum, inque primis poësi lux affulsit. Namque eximius ille vir rem ad promovendam populi sui culturam ati-

35) 1 Mos. XXV, 27, *Esavus* dicitur אִישׁ יָדָא צֹדֵד, אִישׁ שָׂדֵה, i. e. vir peritis venationis, vir campi. Fuere, qui virum campi eundem atque agricolam putarent; sed perperam. Namque agricola אִישׁ הָאֲדָמָה, vir terrae, dicitur; et vir campi Hebraei is est, qui campum venandi causa pervagari solet; גִּבּוֹר נֶמֶק חֻלָּה, vir. exiens in campum, sicuti Onkelos interpretatur.

liissimam, prophetarum scholas, instituit; quo instituto et poësis Hebraeorum mirum in modum aucta atque provecta fuit. Et si scholarum illarum rationem haud penitus perspectam habeamus, constat tamen, id maxime spectatum fuisse, ut earundem alumni, qui נביאים, *prophetae*, dicebantur, numinis divini cultum salvum ab omni corruptione servarent, morum probitatem populo commendarent, imo ipsos reges atque sacerdotes monerent atque corrigerent, si forte officio suo minus satisfacerent³⁶⁾. Quo autem populi regumque animos facilius regere possent, poësi arteque musicâ imbuebantur; quas artes omnes fere antiqui temporis sapientes ad frangendos formandosque studium hominum animos adhibebant. Inde factum, ut, quando coram populo verba facerent prophetae, non pedestri uterentur oratione; sed poëtico correpti oestro carmina fundebant, quibus haud raro musicus lusus tripudiumque accedebat. Cum *Gibeam* peteret *Saulus*, rex a *Samuele* designatus, prophetarum chorum obviam habuit, qui inter nablii, tympani, tibiae citharaeque cantum vaticinabantur, i. e. prophetica fundebant carmina; quibus conspectis atque auditis et ipse *Saulus*, poëtico correptus oestro, occurrenti choro sese immiscuit atque vaticinatus est³⁷⁾. In hunc modum comparatis prophetarum scholis, factum est, ut brevi tempore Hebraeorum poësis laetissima caperet incrementa. Certe illarum scholarum beneficio tribuendum, quod proxima post *Samuelem* aetas excellentissimos viderit poëtas, quales *David Asaf*que fuere. Namque regium illum poëtam psaltenque *Samuelis* ductu atque auspiciis institutum fuisse, non est, quod dubitemus. Haud quidem nos fugit, ex iis, quae 1 Sam. XVI, 1 — 13, traduntur, conjici posse, *Davidem*, priusquam a *Samuele* rex designaretur, huic nequa-

36) 1 Sam. XIII, 13, 14, XV, 16 — 30; 2 Sam. XII, 1 — 14, XXIV, 11 — 14; Jes. I, 10 — 17.

37) 1 Sam. X, 5, 6, 10, 11.

quam cognitum fuisse. At vero vix quisquam sibi persuadebit, *Samuelem* tantae fuisse temeritatis, ut juvenem obscurum, neque antea sibi cognitum, populi sui regem designaret. Neque liquet, unde egregiam illam poëseos musicaeque artis peritiam *David* hauserit, nisi, e pascuis gregibusque suis protractus, in utrâque arte institutus fuisset. Rectius igitur statuas, et *Davidem* et *Asafum* et, quos praeterea aetas illa protulit, poëtas tantum non omnes in prophetarum scholis poësi musicâque arte imbutos fuisse. Hac ratione evenit, ut, quem *libertas*, *bella*, *numinis divini cultus*, *sparsaque per Mosem culturae semina* excitaverant apud Hebraeos spiritum poëticum, eum *prophetarum scholae* ad florem perducerent.

Cap. II.

De origine et causis poëseos Arabicae.

§. XV.

Quemadmodum poëseos Hebraicae incunabula longe altius, quam par erat, a viris doctis repetita fuere: ita etiam Arabum poësin nonnulli multis seculis antiquiorem putarunt, quam solidis argumentis evinci potest. In quam sententiam auctorum Arabicorum, *Abulfedae*, *Hamxae Ispahanensis*, *Nowairii*, *Tabaritae*, *Masudii* aliorumque inducti fuere auctoritate, in quorum scriptis passim carmina citantur Arabica, quae, si laudatis auctoribus fides, *Mohammedis* aetatem multis seculis superare videntur. Cujus generis carmina vel carminum fragmenta haud pauca etiam habentur in anthologiâ poëticâ, quae *Hamasae* nomine vulgo insignitur, in *Divano Hodsailitarum*, in *syntagmate carminum*, كتاب الاغانى الكبير, ab *Abulfaradschio Ali ebn Hosain Ispahanensi* concinnato, denique in *Schekabuddini Abulabbasi Jakjae ben Fadhlullah* opere historico atque geographico, quod inscribitur مسالك

الابصار في ممالك الامصار i. e. oculorum itinera in diversas orbis terrarum regiones ³⁹). Nonnulla id genus carmina collegit ediditque *Albertus Schultensius* in *Monumentis vetustioribus Arabiæ*; alia obviam sunt in ejusdem viri doctissimi *Historia imperii vetustissimi Jectanidarum in Arabiâ felice*; nec non in excerptis ex diversis auctoribus Arabicis Persicisque, quæ illustris. *Silo. de Sacy* commentationi suæ de *memorabilibus Arabum ante Mohammedem rebus* subjunxit ⁴⁰).

§. XVI.

Jam vero quod ad carminum illorum ætatem adinet, *Schultensius* nullus dubitat ad illa tempora illosque auctores ea referre, quibus a scriptoribus Arabicis tribuuntur. Sic duo priora, quæ in *Monumentis vetustioribus Arabiæ* habentur, carmina ad ultimum *Dechérhumidarum* principem, *Amru ben Hareth*, quæ *Salomonis* æqualem existimat *Schultensius*, referuntur; tertium *Nemano Almoafero*, *Jectanidarum* in Arabiâ felice regi, qui

39) Amplius illud atque egregium *Schehabuddini* opus XXVII tomis absolvitur, quorum decimus quintus, in bibliothecâ Escorialensi obviis, præstantissimorum poëtarum Arabicorum historiam carminaque selecta exhibet. E quibus specimenis instar *Casirius* (*Biblioth. Arab. Escurial. t. I, p. 68*) ingeniosum hocce depromsit distichon:

فلا مجد في الدنيا لمن قلّ ماله

ولا مال في الدنيا لمن قلّ مجده

Nullus honos in mundo illi, cujus exiguae sunt opes,
Nullae opes in mundo illi, cujus exiguus honos.

Perperam apud *Casirium* in libri inscriptione ممالك الامصار pro ممالك الامصار legitur.

40) *Mémoires de littérature de l'Académie royale des inscript. t. XLVIII, p. 683 sequ.*

Mosis aetate vixisse putatur, tribuitur. At vero doctissimus vir nimio forsitan in literas Arabicas studio imponi sibi passus est; etenim carmina illa vix *Mohammedis* aetatem excedere, nedum *Salomonis*, vel *Mosis* tempora adtingere videntur. Quam sententiam sequentes potissimum tuentur rationes:

1) Scribendi artem proximis ante *Mohammedem* temporibus, medio fere seculo sexto post Chr. n., ab Arabibus Hedschazi incolis receptam fuisse, duumviri literarum Arabicarum peritissimi, *Reiskius* et *de Sacy*, luculentis evicerunt testimoniis ⁴⁰⁾. Apud Arabes Jemanenses atque Hirenses aliquanto quidem prius scripturae usus invaluit; sed neque apud hos, neque illos ante seculi sexti initium. Quod si vero seris adeo temporibus scribendi ars Arabibus innotuit, qui fieri potuit, ut carmina illa, quae ad *Salomonis* *Mosis*que referuntur aetatem, per tantum temporis spatium, mille quingentorum et ultra annorum, solius memoriae atque traditionis beneficio conservarentur? Obijciat fortasse aliquis, et *Homerica carmina* apud Graecos plurimum seculorum per decursum solâ rhapsodorum memoriâ atque traditione fuisse conservata. Exstitisse autem etiam apud Arabes jam ante *Mohammedis* tempora aliquod hominum genus, Graecorum rhapsodis haud dissimilium, qui in publicis tribuum conventibus vel fortia majorum facta, vel fictas fabulas et solutâ et ligatâ oratione enarraverint. Horum igitur hominum studio antiquissima Arabum carmina haud minus, quam *Homerica* poemata rhapsodorum beneficio, ad posterum potuisse conservari; quinimo tanto facilius, quo minor Arabicorum illorum carminum, quam *Homerorum*, sit moles atque longitudo. At vero diversa carminum

40) Reiske in epistolis de Arabum re numariâ, insertis Eichhornii Repertorio literaturae biblicae, t. IX, p. 238. De Sacy in commentatione de literaturae Arabicae origine et antiquis monumentis, quae habetur in Mémoires de l'Acad. roy. des inscript. t. L, p. 306.

Homericorum atque Arabicorum, diversa etiam rhapsodorum Graecorum atque Arabicorum ratio fuit; adeo quidem, ut hisce vix conveniat, quod in illis locum habuit. Namque quod primum est, carmina Homerica, sive argumentum ipsum, sive ejusdem tractationem spectes, dignissima videri debebant, quae memoriae mandarentur. Pingunt enim praeceptorum Graecorum fortia facta moresque; idque vividis adeo coloribus, ut nil pulchrius, nil jucundius cogitari possit. Quare haud mireris, si carminibus Homericis memoriae mandandis omnem operam navaverint rhapsodi; quippe quibus publice recitatis non potuere non summâ voluptate atque admiratione Graeci impleri. Quae cum ita sint, facillime fieri potuit, ut carmina Homerica, quamvis sint longiora, ad quadringentos annos solâ memoriâ atque traditione conservarentur. At longe aliter cum Arabicis illis carminibus res sese habet. Argumentum eorum ut plurimum adeo leve, ut haud verisimile videatur, ea multorum seculorum per decursum in hominum ore viguisse. Quis exempli causâ credat, tennes illos versiculos, quibus *Dischodaima Alabrasch*, secundus Hircensium rex, sororem *Rikasch* ab *Adi ben Nadhr* compressam perstrinxisse fertur, trecentorum et ultra annorum spatio in hominum ore viguisse? Refert versiculos illos *Abulfeda* in historiâ universali, ubi reges Hircenses recenset, et ex illo *Schultensius* in *Monumentis veterioribus Arabiae*, p. 34, in hunc modum:

خبريني رقاش لا تكذبيني

بحر زنييت ام بهاجين

ام بعبد فانت اهل لعبد

ام بدون فانت اهل لدون

Indica mihi, *Rikasch*, neque mentiaris mihi:

Cum nobili concubuisti, an cum ignobili ⁽⁴¹⁾?

41) Doctiss. Ewald in libro, quem de metris carminum Arabicorum

An cum servo? at tu digna servo;

An cum viliori? at tu digna villori.

Nonne rectius statuas, versiculos illos ab incerto quodam auctore seriori tempore excusos, regique *Dichodaimae* tributos fuisse? Haud aliter de illis quoque carminibus statuendum, quae laudatis hisce versiculis multo antiquiora, et ad *Salomonis Mortis*que aetatem adscendere perhibentur. Nequaquam enim liquet, quâ ratione per tot seculorum decursum praeter scripturae usum conservari potuerint. Namque quod ad Arabum rhapsodos adinet, qui in publicis conventibus populum narrationibus oblectare solebant, illorum quoque a Graecorum rhapsodis diversa ratio. Graecorum rhapsodi nonnisi carmina recitabant, maxime *Homerica*; contra Arabum rhapsodi solutâ ut plurimum oratione utebantur, carminibus rarius, et nonnisi datâ occasione intermixtis. Neque Arabum rhapsodi, ubi narrationes suas versiculis distinguere, ab aliis auctoribus illos mutuati esse, verum quos ex tempore adflatus poetici ipsis suggereret, profudisse videntur. Denique vix quisquam audebit affirmare, rhapsodos illos jam inde a *Mosis* vel *Salomonis* temporibus inter Arabes obtinuisse; contra tutius negaveris, eam maxime propter causam, quod rhapsodicae illius artis origo atque usus altiorum animorum cultum requirere videtur, quam priscorum illorum temporum Arabes, feram in desertis suis vitam degentes, consecutos fuisse credibile est.

conscripsit, p. 84, loco بحر, flagitante metro, أبهر legendum censet; quam lectionem etsi non improbemus, periculosum tamen existimamus, absque codicum praesidio metricis tantum rationibus carmina Arabica emendare. Constat enim, Arabum poetas in metricâ carminum suorum structurâ haud raro magnâ licentiâ usos fuisse; adeo quidem, ut ambigi possit, utrum ad librarios, an ad auctorem ipsum metri vitia referri debeant, nisi ea dubitatio codicum manuscriptorum auctoritate tollatur.

H) Quod si carmina illa eâ aetate, cui ab auctoribus Arabicis *Schultensio*que tribuuntur, fusa fuissent, procul dubio lingua eorum omneque in universum dicendi genus haud parum abhorreret ab illo dicendi genere, quod in iis carminibus locum habet, quae vel paulo ante *Mohammedem*, vel insequentibus etiam temporibus prodire. Namque inter *Mosis* aetatem, cui versiculus *Nomani Almoaferi* nomine insignitus tribuitur, et *Mohammedis* tempora duo millia annorum intercedant; quo temporis spatio linguam Arabicam haud parum immutari necesse erat. At vero carminum illorum dicendi genus nequaquam ab eo differt sermone, quem in carminibus inde a *Mohammedis* aetate compositis conspiciamus. Accedit, quod carmina illa, quae ab *Hemjaritis* concinnata feruntur, praeter antiquitatis colorem et *Hemjariticae* dialecti proprietate a carminibus illis, quae *Koraischitarum* linguâ composita sunt, differre deberent; quod tamen secus se habet. Unde conijcias, carmina illa nequaquam ante illud tempus, quo *Koraischitarum* sermo prae ceteris linguae Arabicae dialectis invaluit (quod demum inde a seculi quinti exitu evenit, quo tempore pulsus *Chozaitis Koraischitae Meccae* principatum templique Meccani curam obtinuere), composita fuisse; idque non veteri illâ *Hemjaritarum* linguâ, verum recentiori *Koraischitarum* dialecto. Quo majorem sententiae nostrae fidem conciliemus, juvabit fragmentum carminis in medium proferre, quod *Asad Abu Karb, Hemjaritarum* rex, quum *Caabam* vestiisset, septingentis ante *Mohammedem* annis edidisse dicitur. Fragmentum hocce ex *Kotbuddini Naharwaliensis* libro, quo templi Meccani historiam exponit, depromptum habes in *Schultensii Monumentis vetust. Arabiae*, p. 13, in hunc modum:

وكسونا البيت الذي حرم الله
ملاء مقصبا وبرودا
واقمنا به من الشهر عشرا

وجعلنا لبابه اقليدا
 وخرجنا منه الى حيث كنا
 ورفعنا لواءنا المعقودا

Vestivimus domum, quam sacram reddidit Deus,
 Sindone subtilissimâ vestibusque atriatîs.
 Ibique commorati sumus decem menses,
 Foribusque ejus addidimus clavem.
 Deinde egressi sumus illuc, ubi sedem habebamus,
 Vexillumque sustulimus convolutum.

Quod fragmentum cum septingentis annis *Mohammedis* aetatem superare, dialectoque insuper *Hemjariticâ* compositum esse dicitur: exspectandum erat, ut et antiquitatis et peculiaris illius dialecti colorem prae se ferret; cujus tamen coloris neque in ipsis vocabulis, neque in eorum structurâ grammaticâ ullum vestigium conspicitur. Contra, ea est sermonis ratio atque indoles, ut fragmenti illius origo nonnisi ad aetatem *Mohammede* inferiorem sit referenda ⁴²⁾. Ceterum si et concedatur, fragmentum illud a *Tobbaô Asad Abu Karb* profectum esse, haud tamen septingentis annis *Mohammedis* tempora superabit. Namquè rex ille *Hemjaritarum*, ut clarias. *de Sacy* docuit ⁴³⁾, inde ab anno 220 ad annum 238 post Chr. n., ergo ab anno 349 ad annum 331

42) De Sacy maxime in ultimis fragmenti hujusce verbis لواء معقود senioris aevi vestigium deprehendere sibi visus fuit. Colligit enim ex loco libri سيرة الرسول i. e. legati divini (Mohammedis) vita, morem vexilla nectendi, ubi in bellum eundum esset, demum a Cosai, qui pulsus Chozaitis Meccae principatum ad Koraischitas detulit, introductum fuisse. Vide Comment. de literaturae Arabicae origine, p. 364.

43) In commentatione de memorabilibus Arabum ante Mohammedem rebus, p. 593.

ante *Mohammedem* natum sceptra tenuit. Sed objiciet nobis fortasse aliquis versiculum illum, quem decimus Joctanidarum rex, *Nomanus Almoaferus*, *Mosis* aequalis, pronuntiasse dicitur. Versiculum huncce *Abulfeda* in regum Joctanidarum catalogo citat, unde *Schultensius* eundem *Monumentis vetustioribus Arabiae* inseruit p. 11:

إذا أنت عاشرت الأمور بقدره
بلغت معالي الأقدمين المقاول

Quod si tu negotia cum potentiâ tractes,
Consequeris celsitudinem principum imperitantium.

Hujus versiculi bina vocabula عاشر et مقاول rarius occurrunt eâ, quam hoc loco obtinent, significatione. Quod ad vocem مقاول adinet, *Dischauharius* eam *dictatoris*, sive *imperitantis* significatione *Hemjaritarum* dialecto adscribit. Verum utriusque vocabuli significatio facile, ut et ipse *Schultensius* monuit, a primitivâ verborum عاشر et قال significatione derivari potest; quare vocabulis illis, etsi rarius occurrant, vix indubitatum antiquitatis vestigium inesse putamus. Contra quis credat, versiculum illum per bis mille annorum spatium traditione adservatum fuisse, cum tritissimam exhibeat sententiam, qualem quotidie, et a quovis morum praeceptore Arabes audire poterant. At vero objicias, ab hoc ipso versiculo *Nomano* cognomentum *Almoaferi* inditum; quare vix dubitandum, eum versiculi hujus esse auctorem. Docet enim *Schultensius* 44), „cum regali hacce sententiâ *Nomanus* artem cum augendae, tum retinendae in perpetuum dominationis sanxisset, meruisse titulo معاشر *Muaphir*, i. e. *blande famulantis*, in seculorum memoriam mitti; solitos enim fuisse Arabes, viros principes ab aliquo nobili vel facto, vel dicto insignire.“ Verum enim vero nobis multo videtur verisimilius, regis illius

44) Monumenta vetustiora Arabiae, p. 12.

cognomentum المعاشر seriori alicui poëtae, qui cognomenti illius rationem reddere vellet, ansam dedisse, ut versiculum illum excuderet, regique *Nomano* tribueret.

III) Quod si tandem externam quoque carminum memoratorum respiciamus formam, adparebit et inde, nisi omnia nos fallunt, carmina illa nequaquam ad ea tempora, quibus vulgo tribuuntur, esse referenda. Credibile est, imo ipsa rei natura et expressa auctorum Arabicorum testimonia docent, antiquissima Arabum carmina nonnisi brevibus aliquot versiculis, simplicissimo sermone liberiorique rhythmo fluentibus, concinnata fuisse. Celebratissimus ille Alcorani interpret, *Sojuti*, in libro, qui inscribitur كتاب الزهر في علوم اللغة, *pratum floridum de scientiis philologicis*, tradit, priscorum Arabum poësin nonnisi singulis versibus constituisse, quos quisque datâ occasione profudisset. Idem auctor docet, primum, qui *Kasidam*, sive poëma triginta versibus comprehensum, composuerit, ex sententiâ *Talebi* fuisse *Mohalhelum*, quem brevi ante *Mohammedem* vixisse constat ⁴⁵). Quae-
nam antiquissimorum illorum carminum ratio fuerit, intelligas ex reliquiis quibusdam, in Arabum scriptis passim obviis; quae, etsi non ad poëseos Arabicae recedant origines, formam tamen antiquissimorum illorum carminum prae se ferunt. Exemplo sint *Marhab*, castelli *Alkamus*, القمص, praefecti, *Alsi*que *ben Abi Taleb* verba, quibus, in bello Chaibarensi congregientes, sese invicem adlocuti sunt. Rem illam *Abulfeda* in *Mohammedis* vitâ, ex edit. *Gagnieri*, p. 89, in hunc modum refert: وخرج
مرحب صاحب الحصن وعليه مغفر وهو يقول.

45) Pocockii specimen histor. Arab. edit. prior. p. 161. De Sacy commentat. de literaturae Arab. origine, in libro, qui inscribitur: Mémoires de littérat. de l'Acad. roy. des inscript. tom. L, p. 350.

قد علمت خبير
أنتى مرحب
شاكى السلاح
بطل محرب

فقال على

انا الذى ستنى
امى حيدرة
اكيلكم بالسيف
كيل السندرة

i. e. Prodiit autem *Marhab*, castelli (*Alkamus*) præfectus, galeâ munitus, eumque (*Alium*) adlocutus est:

Jam nosti *Chaitbarenses*,
Ego sum *Marhab*,
Armis probe instructus,
Heros, bellator.

Cui *Ali* respondit:

Ego ille, quem adpellavit
Mater mea *Haidaram* (leonem);
Metiar vobis gladio
Mensuram *Sandaram* (magnum mensurae aridorum genus).

Quae verba, sive ab hominibus illis fuerint pronuntiata, sive a seriori aliquo scriptore ipsis tributa, docent tamen simplicitate suâ, quaenam antiquissimorum carminum Arabicorum fuerit forma. Horum carminum indolem plures etiam Alcorani Suræ referunt, quæ itidem, sicuti animi ferebat impetus, pronuntiatae videntur. E multis unam tantum, centesimam videlicet, exempli causâ in medium proferre liceat:

والعاديات صباحا
 فالموريات قدحا
 فالمغيرات صباحا
 فأثرون به نقعا
 فوسطن به جمعا
 أن الانسلن لربهم لکنود *

Per equos cum fremitu currentes,
 Ignem ungulae pulsu excutientes,
 Tempore matutino in proelium ruentes,
 Pulverem excitantes,
 Inque medias turmas penetrantes:
 Profecto homo in dominum suum ingratus est.

Quod si cum poëmatiis hisce, quae, licet haud antiquissimis poëseos Arabicae speciminibus adnumeranda sint, simplicem tamen illorum formam prae se ferunt, carmina illa conferantur, quae a *Schultensio* multis ante *Mohammedem* seculis, imo *Salomonis* aetate composita putantur, mirum, quantum inter utraque discrimen intercedat. Namque *Schultensiana* illa carmina et longioribus, et ad metricae artis leges effectis constant versibus, quales certe nemo, nisi praejudicatis captus sit opinionibus, ad poëseos Arabicae origines referet.

§. XVII.

Quod si Arabum poësis, sicuti hactenus demonstratum fuit, nequaquam tantae vetustatis, quantam *Schultensius* illi tribuit, esse potest, quaeritur, ad quaenam tempora ejus incunabula referenda sint? Quo tutius quaestionem hanc solvere possimus, videndum est, cuinam aetati antiquissimus poëtarum Arabicorum adscribi possit. Agmen poëtarum Arabicorum, de quorum quidam aetate certi quid statui potest, ducere videtur *Abu Adina*, pa-

truelin *Aswadi*, decimi secundi Hirensium regis, qui inde ab anno 460 p. Chr. summam imperii tenuit. Hujus poëtae carmen, quo *Aswadum* ad principes *Gassanidas*, bello captos, interficiendos incitat, ex *Abulfedâ* et *Nowairio* depromptum exhibet *Schultensius* in *Monumentis vetustioribus Arabiae*, p. 57 — 59. Vir clariiss. *de Sacy* nullus dubitat carmen hocce ad illum, cujus nomen prae se fert, auctorem referre. Quod si ita se habet, antiquissimum poëseos Arabicae specimen et praestantissimum simul in suo genere censendum esset. Namque libenter *Schultensii* accedimus sententiae, in hunc modum de carmine hocce statuentis ⁽⁴⁶⁾: „Carmen hocce merito in famam et admirationem venit posteritatis; nam nihil fortius tali quidem in causâ concipi, aut enuntiari potest. Initium, progressus, finis, omnia sic dispensata, sic suis figuris vestita, vel potius aculeis armata, ut non potuerint non effectum in animo regis sortiri. Cum dignitate ac granditate omnibus quoque locutionibus inest singularis quaedam perspicuitas, quâ omnes viri sensus adfectusque relucet.“ Possit quidem ipsa haec carminis praestantia, metrica praeterea ejusdem ratio (est enim ad leges metri *بسيط* concinnatum) suspicionem movere, a seriori quodam poëtâ compositum, et regis *Aswadi* patrueli tributum fuisse. Verum cum et carmina illa, quae *Moallakarum* vulgo nomine insigniuntur, quaeque vel ad finem vergente seculo sexto, vel ineunte septimo composita esse constat, et praestantissima sint, et metricis insuper legibus adstricta: fieri omnino potuit, ut centum annis ante, circa finem seculi quinti, carmen nostrum ab *Abu Adina* componeretur; praesertim cum Hirenses, quibus *Abu Adina* accensendus, et scripturae usu, et ingenii culturâ in universum *Hedschazi* incolas praecurrerent. Quod si igitur antiquissimum hocce poëseos Arabicae specimen ad finem vergente seculo quinto compositum fuit,

46) Monument. vetust. Arab. p. 61.

necesse est, ut poëseos Arabicae origines uno saltem alterove seculo altius repetantur; cum haud verisimile sit, jam prima tentamina poëtica tantae fuisse perfectionis, quantam in carmine illo saepius memorato conspicimus.

§. XVIII.

Definito jam, quoad fieri potuit, tempore, quo poësis apud Arabes initium sumsisse videtur, dispiciendum, quibusnam causis ad divinae illius artis studium Arabes excitati fuerint. Inter varias causas, quibus ad poëseos studium Arabes impelli poterant, primum locum gravibus illis motibus tribuerim, qui inde a celeberrimâ illâ epochâ, cui nomen سيل العرم, i. e. *inundatio aggerum*, inter Arabes locum habuere. Tradunt Arabum historici, complures tribus *Jemanam* incolentes imminentem *aggeris Marebensis*, quo immensa aquarum vis continebatur, ruinam timentes, natale solum deseruisse, inque alias terras, maxime *Hedschazum*, se contulisse. Sed rectius cum clariss. *de Sacy* ⁴⁷⁾ statuas, tribus illas imperium regum Hemjaritarum adspernantes sponte suâ a terrâ patriâ emigrasse; id quod vergente ad finem seculo p. Chr. n. secunda evenit. Relictâ patriâ tribus illae, inter quas *Azdilae* maxime eminent, vallem *Batn Mor*, haud procul *Meccâ*, sedem elegerunt. Verum cum locus advenarum multitudini non sufficeret, factum est, ut magna pars novas sedes quaereret; quorum alii *Jathreban*, sive *Medinam*, alii *Omanam*, alii Syriae fines, alii denique *Euphratem* petierunt. Qui Syriam atque *Euphratem* petierant, *Gassanae Hirae*que regna condiderunt. Cum utrique, et Gassanidae et Hirenses, frequenti cum cultioribus populis, Syria, Persia Romanisque, uterentur commercio, fieri non potuit, quin et ipsi magis magisque in dies excolerentur. Maxime

47) Mémoires de littérat. de l'Académie royale des inscript. tom. XLVIII, p. 517 sequ.

vero Hirenses reliquos Arabes ingenti cultu praevertisse videntur. Apud eosdem poëseos studium primo exortum fuisse credibile est. Cui studio reges quoque Hirensium haud parum fuisse inde conjicias, quod auctores Arabici antiquissimis gentis suae poëtis plures Hirensium reges adnumerarent. Inter poëtas, quorum carmina in *Schultensii Monumentis vetustioribus Arabiae* exhibentur, occurrant *Dischodaima*, secundus Hirensium rex, *Behram Gur*, sive *Waranes V*, Persiae Rex, qui in aulâ *Nomani*, Hirensium regis, educatus fuit, nec non *Abu Adina*, *Alaswadi*, decimi secundi Hirensium regis, patruelis. Jam etsi *Dischodaimne* et *Behrami* carmina suppositicia videantur, tamen vel inde, quod principes illi ab auctoribus Arabicis poëtis adnumerentur, colligas, in regum Hirensium aulâ poësin fotam promotamque fuisse.

§. XIX.

Dispersa in hunc modum in diversas terras *Azditiis*, haud exigua eorum pars *Hedschazi* substitit, unde illis *Choxaitarum* nomen (quod ab reliquis separati essent) inditum. Hi brevi tantum invaluere, ut urbis *Meccae* principatum, simulque antiquissimi illius atque celebratissimi templi Meccani, cui *Caabah* nomen, curam obtinerent. Fracta quidem eorum potentia per aliquod tempus, cum Jemanensium rex *Tobba Asad* seculo tertio medio, vel, ut alii volunt, *Tobba minor*, *Hasani* filius, ineunte seculo quarto *Hedschazum* invaderet, principesque ejus urbes, *Meccam* atque *Medinam*, imperio suo subjeceret. Verum haud multo post animum viresque recipere *Choxaitae*, et cum saepius feliciter cum regibus Jemanensibus decertavissent, tandem *Colaibo* duce memorabilem victoriam reportarunt, imperioque regum Jemanensium sese subtraxerunt. Haec pro libertate certamina, ipsaque tandem recuperata libertas, haud parum valuisse videntur, ut seculo quinto sextoque apud Arabes *Hedschazi* incolas poëseos studium exoriretur, et laetissima mox incrementa caperet. Quare


recte *Tychsenius* monet, sicuti Graeci post victorias a Persis reportatas poësin, literas, artes novo studio excoluissent, ita apud Arabes quoque excusso regum Jemanensium imperio poëseos studium coepisse efflorescere ⁴⁸⁾. Profecto si libertatis studium, bellaque pro eâdem feliciter gesta ulli unquam populo altiores spiritus addidere, id Arabibus eo magis contigisse necesse est, quo appetentior ea gens libertatis atque bellorum inde ab antiquissimis fuit temporibus. Hinc factum, ut antiquissimâ Arabum poëtae maxime in describendis pugnis, in laudandâ fortitudine bellicâ et vituperandâ ignaviâ versarentur; hinc et celebratissima illa carminum Arabicorum anthologia, cui *Hamasaë* nomen, dimidiâ sui parte carminibus heroicis constat, a quibus et omnis illa anthologia *Hamasaë* nomen adepta est.

§. XX.

Praeter motus illos, quibus inde a seculi secundi exitu Arabum gens exagitata fuit, praeter bella, quibus Hedschazenses libertatem suam contra regum Jemanensium violentiam defendere conati sunt, aliae quoque accedebant causae, quae poëseos studium apud Arabes excitasse atque propagasse videntur. Jam superius monitum fuit, obtinuisse vel ante *Mohammedis* tempora morem apud Arabes, ut fortia majorum facta, vel etiam fictae fabulae in populi conventibus ab hominibus dicendi peritis enarrarentur. Cujus moris origo a familiari hominum otiosorum confabulatione repetenda videtur. Confluebant nempe vel domestici, vel vicini tempore maxime vespertino ad lunae splendorem eo consilio, ut mutuâ confabulatione tempus fallerent. In his consessibus seniores, utpote qui multarum rerum experientiâ

48) De poëseos Arabum origine et indole antiquissimâ commentatio, inserta volumini III commentt. recentt. societatis scientiar. Gotting. p. 252.

atque cognitione ceteros antecellerent, priscorum temporum res memorabiles, illustriumque virorum praeclare facta dictaque, imo etiam fabulas fictas ad oblectandos auditorum animos enarrabant. Procedente tempore hujusmodi narrationes non tantum in familiaribus illis consessibus, verum etiam in publicis tribuum conventibus locum obtinere, inventique sunt homines, qui omni studio in id incumbabant, ut jucundis narrationibus populum detinerent. Hunc morem ad excitanda poëseos studia multum valuisse, facile est intellectu. Utebantur quidem narratores illi ut plurimum sermone pedestri; sed quotiescunque vehementiores affectus exprimendi erant, sermo altius surgebat, poëticumque induebat colorem. Quod primo ipsius rei natura poscere videbatur, nempe ut, aliquando poëticum colorem narratorum illorum oratio indueret, id postea in artem abiit. Namque datâ operâ versiculi, imo etiam carmina longiora, quibus admodum delectabantur Arabes, narrationibus illis inserta fuere. Quare si quis narratoris partes sustinere vellet, omnino et poësi aliquam operam navare debebat, ut solutam narrationis orationem gratâ vice carminibus posset distinguere. Quenam narrationum illarum fuerit ratio, intelligas ex *Hamadani*, *Hariri* aliorumque auctorum Arabicorum consessibus, qui ad formam narrationum illarum compositi sunt. Maxime vero, sive formam, sive argumentum respicias, narrationum illarum indolem refert *Antarae historia*, قصة انترا, quam ex ejusmodi narrationibus, jam ante *Mohammed* celebratis, *Harune Arraschido* et *Mamune* imperantibus, eximius ille philologus et poëta *Asmai* concinnavit. Quantum vero narrationibus illis Arabes fuerint delectati, facile inde conicias, quod nondum stabilito Islamismo eas vel ipsius *Mohammedis* oraculis anteferrent. Quare *Mohammed*, haud ignarus, narrationes illas doctrinae suae multum obfuturas, sectatores suos plus simplici vice in Alcorano monet, ne ejusmodi narrationibus



aurem praebeant, gravesque illis poenas minatur, qui divina oracula narrationibus illis posthaberent ⁴⁹). Neque tamen vel magni illius prophetae auctoritas propensum populi sui in fabulas animum vincere potuit. Namque et post *Mohammedem*, imo etiam nostris quoque temporibus, Arabes, et urbium, et desertorum incolae, si quâ aliâ re, certe ejusmodi narrationibus delectantur ⁵⁰).

§. XXI.

Ad excitandam atque promovendam inter Arabes poësin denique et celebratissimi illi conventus, qui *Okadhi* locum habebant, haud parum contulisse videntur. Fuit autem *Okadh*, *أكاذ*, locus in viciniâ *Meccae*, quo quotannis Arabes exercendae mercaturae causâ confluere solebant. Neque tamen soli mercaturae *Okadhi* incumbabant Arabes, quin etiam audiendis poëtis vacabant, qui in illo popularium suorum confluxu carminibus recitandis concertabant. Ferunt, carmina illa, quibus in certamine hoc primae partes delatae fuissent, aureis literis bysso inscripta ad notissimi illius sanctuarii, cui *Caabah* nomen, fores suspensa fuisse; unde carminibus hisce *suspensorum*, *Moallakat*, *aureorumque*, *Modsahhabat*, nomen inditum. Quae sententia quamvis doctissimorum virorum suffragiis commendetur, tamen haud immerito nostrâ aetate in dubium vocata, imo refutata fuit ⁵¹). Constat enim, solennes illos *Okadhi* conventus ante *Mohammedem* celebratos fuisse, quo tempore scribendi ars Arabibus, Hedschazi

49) Alkorani Sura XXIII, v. 68, 69; XXXI, 6, 7, ex edit. Maracci.

50) De Sacy Comment. de literaturae Arab. origine et antiquis monumentis, p. 369. Tychsen de poëseos Arabum origine et indole antiquiss. p. 275. Niebuhrii descriptio Arabiae, p. 107.

51) Hengstenbergii prolegomena in Amrulkaisi Moallakam, p. 2 — 4.

incolis, cognita quidem, sed vix adeo usitata fuisse videtur, ut carmina longiora artificiose literis aureis bysso potuissent inscribi. Sed si concedas etiam, jam tum temporis adeo expeditum fuisse scribendi usum, ut longiora carmina bysso potuissent inscribi, haud tamen credibile est, omnia illa carmina, quibus palma adjudicata esset, *Caabae* foribus affixa fuisse. Namque carminum illorum haud exiguus numerus esse debuit; quae si cuncta in *Caabâ* suspensa fuissent, sanctuarii illius parietes carminibus perinde ornati fuissent, ac nostris temporibus divitum conclavia tapetis vestiri solent, quod quidem haud facile quisquam sibi persuadebit. Denique si carmina illa tantâ curâ literis consignata et sacrosancto illo loco adservata fuissent, qui factum est, ut e multis septem tantum ad nostra superaverint tempora? Probabiliorem nominis *Moallakat* rationem reddit locus, quem e codice *Moallakarum* Gothano depromptum exhibuit *Kosegarten* in *Amrû ben Kelthum* editione, p. 66, cujus verba ex *Kosegartenii* versione iu hunc modum audiunt: „Dictae autem sunt *Moallakae*, i. e. *suspensae*, quia, quotiescunque recitabant carmen in eorum consensibus, dicebant seniores: *suspendite id*; ut significarent hoc esse ex iis, quae juvaret servare. Quod vero dixerunt, nempe ea suspensa fuisse in *Caaba*, hoc fundamento caret, sicut tradit *Ebn Ennachas*.“ Quare rectius statuas, cognomentum *Moallakat* carminibus illis eam propter causam inditum, quod prae ceteris digna viderentur, quae ad posteros adservarentur. Haud dissimilis et alterius illius cognomenti, quo carmina haec insigniuntur, ratio fuisse videtur. Non quod literis aureis bysso vel sindoni inscriberentur *Modsahhabat* dicta fuere; sed quod praestantissima poëseos antiquae monimenta visa sint, aureorum cognomentum acceperunt: quemadmodum et sententiae illae, quae *Pythagorae* nomine circumferuntur, simili ratione *χρυσέα ἐπη*, aurea carmina, adpellata fuere. Sed quaecunque tandem utriusque illius cognomenti causa fuerit, id certe constat, poëtica illa certamina, quae

Okadhi solebant institui, plurimum ad excitandam atque promovendam inter Arabes poësim contulisse. Neque id adeo mirum, cum tantus illis, qui primas referrent partes, honos habitus fuerit, quantus vix illis, qui generis nobilitate, vel fortitudine bellicâ prae ceteris ominerent. Quare si quis e certamine illo palmam referret, beatissimos sese ejus tribules praedicare, epulas instituire, multisque aliis modis gaudium suum significare solebant ⁵²).

§. XXII.

His potissimum causis poëseos studium apud Arabes excitatum promotumque fuisse videtur. Ut primum autem jucundissimae artis primitias homines illi, ad quasvis res egregias habilissimi, gustaverunt, mirum, quantum poëseos studium illos incesserit, quantumque ars illa brevissimo temporis spatio provecta fuerit. Quicumque melioris indolis cultiorisque ingenii laudem adfectabant, poësi operam navabant; et cum anteactis temporibus duabus maxime rebus, fortitudine bellicâ et hospitalitate gloriarentur Arabes, jam et artis poëticae peritia haud minori laudi ducebatur. Quod poëseos studium adeo diffusum fuit, ut non solum viri, verum etiam mulieres carminibus componendis incumberent ⁵³).

52) Pocockii specimen hist. Arab. p. 159, 160. Ejusdem oratio, cum praelectiones in Tograï carmen auspicaretur, p. 10.

53) Haud exiguus feminarum numerus, quae inter Arabes poëseos studio iuclaruerunt. Maxime vero cantatrices et citharistriae poësi quoque operam navabant. In his *Sallamat-ut-Kass*, i. e. *Sallamah presbyteri*, Medinensis, Jazidi ben Abdulmalek, chalifae Omajjadae, mancipium; *Olajjah*, Almahdii, chalifae Abbasidae, filia; *Badsl*, Medinensis, Alhadii et Alamini, chalifarum Abbasidarum serva, quae librum cantilenarum in Alii ben Hescham usum composuit; *Oraib*, Bagdadensis, cognomento Almamunianae insignis, quia Almamun, chalifa, magnopere illius cantu delectabatur; *Danamir*, Medinensis, Jahjae ben Chaled Barmekidae

Notissimum est illud poëtae *Farezdaki* dictorium, quo carmen a muliere compositum excepiisse fertur: *إذا صاحت الدجاجة صياح الديك نلتبج*, i. e. *galli cantum cum imitatur gallina, fuguletur* *). Tantā in poësin ingeniorum propensione factum est,

serva, libri cantilenarum auctor; *Enan*, Jemamensis, Annatefii serva, quae cum clarissimis suae aetatis poëtis concertavit; *Mahbubah*, Basrensis, Almotawakkeli chalifae mancipium; *Ajeschah*, filia Ahmedis, Cordubensis, cujus carmina saepissime in regiā Academiā Cordubensi, summo auditorum plausu, legebantur; *Lahannah*, Cordubensis, Hispaniae regis Alhakemi Almostanser Bellah ab epistolis; *Safejah*, Hispalensis, praeter ingenium poëticum et in scribendī arte adeo exercitata, ut peritissimis scribendi magistris admirationi esset; *Waladah*, Hispaniae regis Mohammedis Almostakfii filia, quae cum doctissimis Academiae Cordubensis viris et solutā et numeris adstrictā oratione concertavit, semperque superior discessit. Hujus sequentes sunt versiculi, Academiae Cordubensis sodalibus inscripti:

الحاظنا تجرحكم في العرش
ولنعظكم يجرحنا في الحدود
جرح يجرح فاجعلنا ذا بذا
فما الذي أوجع جرح الحدود

quos versiculos Joannes Yriarte, bibliothecae regiae Matritensis olim quinquevir, in huncce modum Latine expressit:

Vulnerat aspectus noster praecordia vestra,
Et feriunt nostras lumina vestra genas.
Mutae vulneribus miscentur vulnera; at eheu!
Quo rubuere genae, plus grave vulnus erit.

Conf. Kosegartenii prooemium in Alii Ispahanensis librum cantilenarum, cap. I, p. 5 — 32; Casirii biblioth. Arab. t. I, p. 106, t. II, p. 149, 150.

54) Pocockii oratio, cum praelectt. in Tograi carmen auspicaretur, p. 11.

ut jam ante *Mohammedem* aurea Arabicae poëseos aetas exoriretur. Credibile est, proximis ante *Mohammedem* temporibus magnam poëtarum Arabicorum exstitisse turbam; quorum tamen carmina maximam partem interciderunt. Neque id mireris; namque cum ante *Mohammedem* scribendi ars Arabibus nondum adeo usitata fuerit, ut carmina illa omnia literis consignarentur, inde a *Mohammede* autem diuturnis bellis Arabes a Musis avocarentur, fieri non potuit, quin maxima antiquiorum illorum carminum pars hominum memoriae excideret, atque omnino interiret.

Cap. III.

C o m p a r a t i o .

§. XXIII.

Hactenus de origine causisque poëseos apud Hebraeos Arabesque actum; sequitur ut videamus, quatenus utriusque populi poësis, sive originem, sive causas spectemus, inter se consentiat atque differat. Si verum est, quod superius docuimus, poësin apud Hebraeos *Mosis* aetate, i. e. mille quingentis circiter ante Chr.ⁿ. annis, originem sumsisse, apud Arabes vero Hirenses seculo post Chr. n. tertio vel quarto, Hedschazique apud incolas quinto demum seculo enatam fuisse: efficitur, poësin Hebraicam mille septingentis circiter annis antiquiorem esse Arabicâ. Quaesiveris, qui factum fuerit, ut Arabes, quamvis Hebraeorum cognati vicinique essent, tantis seculis acrius ingenia excolere coeperint? Rectissime *Tychsenius* ⁵⁵⁾ hujus rei causam in eo positam existimat, quod Hebraei jam antiquissimis temporibus magni illius legislatoris, *Mosis*, beneficio ab instabili incultâque nomadum vitâ ad agrorum culturam deducti, legibusque ac religione cir-

55) De poëseos Arabum origine et indole antiquissimâ, p. 235.

cumscripti, et ad humanitatem instituti fuissent; Arabes contra vel mari, vel desertorum vastitate a cultioribus populis discreti, in vitae pastoralis simplicitate atque feritate diutissime perseverassent. Id temporis discrimen, quod inter Hebraeorum Arabumque poësin intercedit, haud parum ad indolem quoque poëseos, imo et linguarum utriusque populi valuisse videtur. Hebraeorum poësis, et ipsa in universum lingua, simplicior poësi linguâque Arabicâ; id quod praeprimis a majori illius antiquitate repetendum censeo. Namque eo tempore, quo Hebraeorum poësis et lingua in universum exulta fuit, minus frequens inter populos commercium; quare et ea, quae ad ingenii cultum pertinent, scientiae artesque, difficilius inter diversarum terrarum homines commutabantur, adeo, ut singuli quique populi, alienâ ope destituti, proprio labore propriisque viribus ad scientias artesque eniti necesse haberent. Quo factum, ut et lentius quaevis studia procederent, et simplicior formam induerent, quod in Hebraeorum poësi linguâque evenisse videmus. Contra illo tempore, quo Arabes poëseos linguaeque suae studio incumbere coeperunt, et frequentius inter populos commercium, et populi, quibuscum Arabes sive pacis, sive belli commercium exercebant, cultiores fuere; unde evenit, ut artium atque scientiarum semina et facilius ab uno populo ad alterum transire, et, ubi transierint, citius atque artificiosius excoli possent. Quare vix fieri potuit, quin et poësis et lingua Arabum a poëseos linguaeque Hebraicae simplicitate descisceret, et artificiosiore formam indueret.

§. XXIV.

Quod ad causas adinet, quibus apud Hebraeos Arabesque poëseos studium excitatum promotumque fuit, partim easdem, partim diversas deprehendes. Apud utrumque populum motus civiles, libertas bellaque spiritum poëticum excitaverunt; neque tamen illarum causarum ratio apud utrumque populum prorsus

eadem fuit. Arabes motibus illis civilibus, quibus inde a celeberrimâ illâ epochâ سبل العرم exagitati fuere, in populorum cultiorum, Syrorum, Persarum atque Romanorum contactum deveniunt; quae res non poëseos tantum studium, verum omnem in univèrsum ingenii cultum haud parum juvare debuit. Contra Hebraeis cū incultioribus populis, deserti scilicet Arabici et Palaëstinae incolis antiquis, belli maxime commercium fuit, quo neque poëseos studium, neque ingenii cultus in univèrsum multum promoveri pōtuit. Quare et poëseos et reliquarum artium atque scientiarum studia apud Hebræos lentius, quam apud Arabes, processere. Adde, quod et libertatis bellorumque, quas iidem communes poëseos causas Hebræi Arabesque habuerunt, aliquanto diversa apud utrumque populum fuerit ratio. Arabibus inde ab antiquissimis temporibus ardentissimum libertatis studium, ingeniumque bellicosissimum, adeo ut ea gens vix ullo tempore penitus devicta atque subacta fuerit. Quod libertatis studium ingeniumque bellicosum etiam in eorum poësi quam maxime conspicitur. Quinimo haud verèor contendere, poëseos Arabicae summam florem heroicis contineri carminibus. Hebraei libertatis omnino etiam amantes, sed ingenio minus bellicoso fuere. Omnis eorum et publicâ et privata res ita instituta fuit, ut, agro colendo vel pecori pascendo intenti, intra terrae suae fines se tenerent, et non nisi illatâ vi coacti arma sumerent hostesque propulsarent. Quo factum, ut plus simplici vice ab exteris populis debellarentur atque subigerentur. Quare et in eorum poësi nequaquam ferrox illè bellicosusque animus cernitur, quem magna pars carminum Arabicorum spirat. Haud quidem dissimulandum, heroicam Hebraeorum poësin maximam partem deperditam esse; verum ex paucis, quae adhuc supersunt, hujus generis carminibus et deperditorum indoles dijudicari posse videtur. In illis autem carminibus ferrox bellatoris animus pietate in Deum deprimitur, neque victoria de hostibus reportata humanis viribus, sed auxillo divino tribuitur.

§. XXV.

Hae fere causae Hebraeorum Arabumque poësi communes fuere, etsi diversa aliquantum ratione; at vero propriam poëseos Hebraicae causam cultum divinum, cum cantu musicoque iusu conjunctum existimes. Quae causa plurimum ad poëseos Hebraicae indolem valuit, plurimumque discriminis inter Hebraicam Arabicamque poësin intulit. Inde enim evenit, ut praestantissimi quique Hebraeorum poëtae studia sua sacrae poësi dicarent; namque haud exiguo honori esse debuit, ea pepigisse carmina, quae publice in numinis divini cultu decantanda essent. Hinc et celebratissimi illi Hebraeorum reges *David* et *Salomo* sacrae poësi operam navabant; quorum exemplo optima quaeque ingenia ad idem poëseos genus trahebantur. Quibus causis factum est, ut in Hebraeorum poësi carmina sacra primum locum tenerent, reliqua vero poëseos genera minus aestimarentur, minusque excolerentur. Longe aliter apud Arabes res sese habuit, Cum in eorum cultu divino poësi nullus locus esset, facile intelligas, neque sacris carminibus tantam apud eos fuisse dignitatem, quanta apud Hebraeos fuit. Antiquior Arabum poësis maxime in celebrandâ fortitudine bellicâ, recentior in praedicandis virorum principum, quorum beneficiis poëtae utebantur, laudibus versatur. Haud quidem desunt Arabibus carmina sacra, pios in numen divinum sensus, rerumque mundanarum contemptum testantia; quae tamen neque numero, neque spirita poëtico heroica illa atque laudatoria carmina aequiparant.

§. XXVI.

Sed et Arabum poësi haud defuere propriae suae causae, quae haud parum ad indolem ejus valuerunt. In his antiquissima illa consuetudo in tribuum conventibus populum narrationibus oblectandi. Cum narrationes illae vel in exponendis majorum praeclaris facinoribus, vel etiam in fictis rebus versarentur, factum

est, ut utrumque argumentum et ad poësin transiret; quare haud minima pars antiquiorum carminum Arabicorum vel singulorum virorum praeclarorum, vel universae alicujus tribus laudes praedicat. Ex illis narrationibus et fabulae, quas *Romanenses* vulgo dicunt, originem traxere; quas elegantissimas Arabes habent, quod vero poëseos genus apud Hebraeos desideratur. Fuere quidem, qui et hujus generis poëmata inter Veteris Testamenti libros deprehendere sibi viderentur; fuere, qui *Ruthae* et *Estherae* librum in fabularum Romanensium numerum referrent; at vero uterque liber, sicuti inferius demonstrabitur, historicis potius libris adnumerandus.

§. XXVII.

Inter causas, quibus apud Hebraeos Arabesque poëseos studium et excitatum et promotum fuit, et prophetarum scholas, *Samuelis* beneficio apud Hebraeos institutas, et conventus *Okadhenses*, ab Arabibus celebratos, recensuimus. Quamvis utroque illo instituto poëseos studium apud Hebraeos Arabesque egregie promotum fuerit, tamen diversa rursus utriusque instituti ratio. In prophetarum scholis ea maxime tradebantur, quae ad numinis divini cultum, morumque institutionem pertinerent; quare et omne poëseos studium, cui scholarum illarum alumni incumbabant, vel ad res divinas, vel ad morum doctrinam referebatur. Contra cum in *Okadhensibus* illis conventibus Arabum poëtae concertarent, eas potissimum res carminibus suis celebrabant, quas popularibus suis acceptissimas esse scirent. Cum jam apud priscos illos Arabes vix quidquam tanti aestimaretur, quanti fortitudo bellica et hospitalitas, in his maxime virtutibus celebrandis poëtae *Okadhi* concertantes desudabant.

Quod si ea, quae hactenus de poëseos Hebraicae atque Arabicae causis disputata sunt, colligas, deprehendes, apud Hebraeos omnia fere eo spectasse, ut poësin ad res sacras divinasque diri-

gerent; apud Arabes contra eo, ut eandem artem rebus humanis, maxime vero bellicis, addicerent.

Pars II.

De argumento diversisque generibus carminum Hebraicorum atque Arabicorum.

Cap. I.

De argumento diversisque generibus carminum Hebraicorum.

§. XXVIII.

Cum omnis Hebraeorum res literaria, inque primis poësis, sicuti superius demonstratum, cum religione conjunctissima esset, haud mirandum, maximam carminum Hebraicorum partem ad res sacras morumque institutionem pertinere. Quare optimo jure, id quod *Robertus Lowth* aliique fecere, Hebraeorum poësin *sacram* dixeris. Cujus cum pauca tantum supersint monumenta, juvabit ad penitiorem rei cognitionem singulorum librorum argumentum recensere. Initium a *psalmorum anthologiâ* faciemus, quae *quinque libris centum quinquaginta continet carmina*. Horum carminum diversa argumenta. Sunt, quae numinis divini laudes celebrent, ejusque majestatem, sapientiam atque benignitatem vel ex universâ rerum naturâ, vel ex beneficiis in populum Hebraicum collatis, vel ex auxilio singulis hominibus, probis maxime, improborum violentiâ oppressis, praestito, praedicent. Sunt, quae animi pii sensus, amorem, spem atque fiduciam in Deum exprimant; vel etiam de rebus divinis, iisque, quae ad morum integritatem atque probitatem pertinent, praecipiant. Neque desunt, in quibus montis Jovae dicati, *Zionis*, templique, vel regis Israelitici dignitas efferatur, vel populi Hebraici res memorabiles ex-

ponantur, doceaturque, quantis beneficiis inde ab antiquissimis temporibus Deus populum suum sibi obstrinxerit. Per magna deinde psalmorum pars in deplorandâ fortunâ adversâ versatur, quâ vel populus Hebraicus in universum, vel singuli Jovae cultores laborabant; quibus querelis preces accedunt, ut ad afflictis auxilio suo adsit Deus, gratiarumque actio pro praestando vel praestito jam auxilio. Quaesiveris fortasse, qui factum sit, ut tot querula carmina Hebraeorum poëtae fuderint? Haud longe ejus rei causa repetenda. Namque si iniquam perpendamus sortem, quam Hebraei inde a diviso post Salomonis decessum regno, maxime vero exilii Assyriaci atque Babylonici temporibus, subierunt, fateamur necesse est, uberrimam Hebraeorum poëtis fuisse materiam, et populi sui, et suam ipsorum fortunam deplorandi.

§. XXIX.

Psalmos excipiat *proverbiorum liber*, qui *tribus partibus duplicique adpendice* absolvitur. Librum hunc non in uno eodemque versari argumento, sed diversissimas res tractare, ipsa rei natura docet. In *priori libri parte* (cap. I — IX) sapientiae studium commendatur, ejusque studii exponuntur emolumenta. Sapientiae quisquis deditus est, potiore argento auroque thesaurum inveniet, felicemque et ab omni sollicitudine metuque securam deget vitam. Vitanda improborum agendi ratio, sinceritati in omnibus rebus studendum. Vitandum cum impudicis mulieribus commercium, quod certa manet perniciēs; legitimae inhaerendum uxori, cujus dulcissima est familiaritas. Abstinendum a sponsonibus inconsultis; desidia, fraudulentia, superbia, injustitia, falsa testimonia, jurgiorumque irritamenta fugienda. *Altera proverbiorum pars* (cap. X — XXIV) amplam praeceptorum exhibet oopiam, quorum pleraque ad vitae morumque pertinent institutionem. Commendatur justitiae studium, ejusque fructus atque praemia proponuntur. Justitiam qui colunt, et durante vitâ, et

post mortem beati praedicandi; iniusti contra et vitam degunt miserissimam, et post obitum gravissimis diris obruuntur. Prudenter in omni negotio versandum; prudenti namque consilio optima quaeque adsequeris, imprudentia contra nonnisi ignominiam perniciemque parit. Deo confidendum, ejus auxilio hominum conamina optime procedunt; rixâ abstinendum, pauperes non contemnendi, ebrietas fugienda, inopes non opprimendi, reges atque potentes cavendi, divitiis non inhiandum, et cetera. *Tertia proverbiorum pars* (cap. XXV — XXIX) similia praecedentibus continet praecepta, quae longum esset singula recensere. Agitur imprimis de regum virtutibus, de miserâ stultorum sorte, de deâ, simulatione, amicitia, rei familiaris curâ, liberalitate, aliisque virtutibus atque vitiis. Ad *duplicem* quod adinet *appendicem*, quâ proverbiorum liber clauditur, (cap. XXX, XXXI) sufficiat monuisse, in extremâ posterioris parte uxoris probae virtutes laudesque elegantissimo carmine praedicari.

§. XXX.

Ad proverbiorum librum, argumentum si spectes, proxime accedit *Kohleleth*, sive *Ecclesiastes*, quippe qui magnam partem ex ejusmodi sententiis, quales proverbiorum exhibet liber, conflatus est. Omnis autem *Ecclesiastes* duabus potissimum partibus et epologo absolvitur. *Prior libri pars* (cap. I — IV, 16) in demonstrandâ rerum humanarum vanitate versatur. Proposito disputationis argumento, vana esse omnia atque inania, sententiae hujus veritas tum ex universâ rerum naturâ, tum ex hominum studiis atque laboribus probatur. In rerum naturâ nil stabile atque constans, omnia eundem per orbem in aeternum moventur. Haud melior rerum humanarum conditio. Tradidit se libri auctor sapientiae primum studio; sed parum bonae frugis inde retulit; namque quô magis doctrinam atque sapientiam augeas, eo magis et curae atque sollicitudo augentur. Postea sensuum voluptatibus

dulsit, haud tamen neglecto sapientiae studio; verum et juncta sapientiae voluptas inanis visa fuit. Praestat quidem stultitiae sapientia; neque tamen a morte et oblivione nos vindicat, eademque sapientem atque stultum manet sors. Quare optimum videtur, genio indulgere, quantum quidem concessum fuerit. Namque hoc ipsum Dei munus est, qui pro arbitrio suo beneficia sua dispensat. Quae cum ita sint, non est, quod tot tantosque labores auscipiant homines; nil enim, quod Deo non libuerit, perficient. Vanas esse atque inanes mortalium res, et inde conjicias, quod, ubi justitiae et aequitati locus esse deberet, injustitia et iniquitas dominantur. Accedit, quod hominum conditio parum differat ab animalium brutorum sorte; namque sicuti haec pereunt, ita et illi exstinguuntur; neque quisquam definiet, quem in locum animus humanus post mortem migraturus sit. His omnibus adde oppressorum miseriam, invidorum contentionem, avarorum laborem, ipsorum denique regum fortunam inconstantem, et fateare necesse est, omnes mortalium res vanas inanesque esse. *Alteri libri pars* (cap. IV, 17 — XII, 7) diversa vitae recte instituendae praecepta tradit: Numen divinum animo casto, non victimis colendum; votis temerariis abstinendum, sed quae nuncupaveris, persolvenda. Non dubitandum de providentiâ divinâ, sicubi pauperes opprimantur; divitiis non inhiandum, sunt enim vanae atque fluxae; fruendum bonis a divino numine concessis; nil enim stultius, quam partis non frui divitiis. Seriis potius quam ludicris rebus vacandum; sapientiae studendum, regibus obtemperandum, et cet. Clauditur omnis disputatio *epilogo* (cap. XII, 8 — 14), in quo *Ecclesiastae* commendatur sapientia, librique summa breviter exponitur.

§. XXXI.

Ad *cantici canticorum* argumentum quod attinet, mira inter viros doctos jam inde ab antiquis temporibus locum habuit dis-

sensio. Ante omnia quaesitum fuit, utrum mirabile illud carmen sensu proprio sit accipiendum, an allegorice interpretandum. Antiquiores Judaeorum et Christianorum interpretes tantum non omnes sensum allegoricum *cantico canticorum* inesse statuerunt. Sic *Aben Ezra* in praefatione commentarii sui in canticum canticorum ait: חלילה חלילה לדיות שיר השירים בדברי חשק כי אם על דרך משל ולולי גדל מעלתו לא נכתב בסוד כחבי חקדש ואין עליו מחלקת i. e. absit, absit, ut canticum canticorum de amore sensuali agat; contra allegorice omnia accipienda sunt. Nisi enim maxima ejus esset praestantia, nequaquam in librorum sacrorum corpus fuisset relatum; neque ulla de eo dissensio. — Ex Judaeorum sententiâ numinis divini populique Hebraici mutus amor in cantico illo describitur; contra Christiani, salvatoris sui ecclesiaeque Christianae amores praedicari existimarunt. Recentiorum interpretum plerique allegoricae interpretationi renuntiarunt, et nonnisi humanos amores in *cantico canticorum* depingi contendunt. Ad dijudicandam hanc litem necesse videtur rationes, quibus utraque fulcitur sententia, breviter exponere. Qui *canticum canticorum* allegorice interpretandum esse statuunt, his fere nituntur rationibus: I) Qui veteris Testamenti libros in unum corpus, quod canonem vulgo dicunt, redegerunt, id potissimum spectarunt, ut nonnisi eos admitterent libros, qui ad religionem pertinerent. Quod si vero *cantici canticorum* argumentum in depingendis humanis amoribus versaretur, qui fieri potuit, ut inter libros ad religionem pertinentes reciperetur? Quare necesse est, ut altior carmini illi insit sensus, amorem coelestem, divinum spectans. II) Veteris Testamenti auctores saepissime figuratâ utuntur oratione; inprimis autem illud commercium, quod inter Jovam et populum Hebraicum intercedere credebatur, conjugii instar existimant⁵⁶⁾; quo fit, ut populum a Jovae cultu deficientem adulterii

56) Jes. LIV, 5; Jerem. II, 2; Hos. II, 19.

insimulant⁵⁷⁾. Quae cum ita sint, perquam verisimile est, amatorem, de quo in *cantico canticorum* agitur, Jovae vel Christi, et amatricem populi Hebraei, vel ecclesiae Christianae personam sustinere. Cui sententiae majus adhuc inde accedit pondus, quod et recentiorum poetarum Asiaticorum, inque primis Persicorum, carminibus amatoriiis quam saepissime allegoricus, sive mysticus sensus inesse videtur. III) Si proprio *cantici canticorum* sensu adquiescas, plura reperies, quae vel difficillime expediuntur, vel absurda omnino videntur. Quae cap. I, 6, III, 2 — 4, traduntur, puellam a fratribus suis vinearum custodem constitutam fuisse, noctu urbem pergrasse, juvenem adamatum quo inveniret, inventumque in matris suae conclave deduxisse, haec nisi allegorice accipiantur, nequaquam cum Hebraeorum moribus atque institutis componi possunt. His adde, quae cap. III, 6, IV, 8, leguntur, puellam ex deserto, fumi columnarum instar, ascendere, ex *Avanae* vertice, *Seniri* et *Hermonis* cacumine, ex leonum lastris pardorumque montibus prospicere, et cet., quae omnia, sensu proprio accepta, nonnisi monstra videntur. — His praepriis utuntur rationibus, qui *canticum canticorum* allegorice interpretandum censent; quibus tamen, contrariam qui sequuntur sententiam, haec fore opponunt: I) In redigendis Veteris Testamenti libris id spectatum fuisse, ut nonnisi ii admitterentur, qui ad religionem pertinerent, probari nequaquam potest. Contra haud pauca in Veteri Testamento continentur, quae vix ad religionem referri possunt. Omissis singulis locis, sufficiat librum *Ruth* nominasse, qui haud magis, quam *canticum canticorum*, ad religionem pertinere censendus est. Hinc colligas, non eos adeo libros, qui ad religionem pertinebant, quam illos, qui genuinis antiquitatis Hebraicae monumentis accensebantur, in Veteris Testamenti corpus receptos fuisse. Sed concedatur, in redigendo

57) Jerem. III, 8, 9; Ezech. XVI; Hos. VII, 4.

Veteri Testamento eorum tantum librorum, qui ad religionem pertinebant, rationem habitam fuisse, quid inde sequitur? Nil, nisi quod et ipsi canonis auctores *cantico canticorum* sensum mysticum inesse putarint; quae tamen hominum illorum opinio nequaquam documento esse potest, mysticum illum sensum ab ipso carminis auctore spectatum fuisse. Constat, Judaeos jam longe ante *Philonem* allegoricâ librorum sacrarum interpretatione delectatos fuisse; haud igitur mirandum, si canonis auctores eam interpretandi rationem et in *canticum canticorum* transferrent, eamque propter causam carmini illi locum inter sacros Veteris Testamenti libros adsignarent. II) Veteris Testamenti auctores omnino figuratâ delectantur oratione; verum imaginibus suis eo utuntur modo, ut et adpareat, dictionem esse figuratam, et sensus imaginis vel ex orationis contextu, vel ex ipsâ auctoris interpretatione pateat. Unde vero in *cantico canticorum* adparet, orationem esse figuratam, unde, quaeso, adparet, quemnam altiorum sensum auctor intenderit, cum ne verbo quidem de mystico carminis sensu lector moneatur? Quod sacri Hebraeorum scriptores, inque primis prophetae, commercium illud, quod inter Jovam et populum Hebraicum intercedere credebatur, connubii imagine proponere soleant, ea profecto res nequaquam arguit, in *cantico canticorum* vel numinis divini populi Hebraici, vel Salvatoris ecclesiaeque Christianae mutuum amorem depingi. Namque connubii in *cantico canticorum* nulla mentio; qui illis describuntur amores non sunt conjugum, verum adolescentis virginisque; neque adolescentulo illi aliquod in virginem imperium tribuitur, quod tamen decebat, si Jovae personam adolescentulus sustinebat. Quod ad recentiorum poetarum Asiaticorum, inque primis Persicorum, adtinet carmina amatoria, quibus mysticus haud raro sensus inesse videtur, ea certe, cum multorum seculorum intervallo ab Hebraeorum carminibus distent, vix documento esse possunt, *cantici canticorum* quoque sensum mysticum

esse. Accedit, quod et de carminum illorum sensu diverse statuunt interpretes; alii namque nonnisi proprium urgent sensum; contra alii altius quid atque divinius indagant ⁵⁸⁾. Sed concedatur, carmina illa mystice esse interpretanda, sicubi eam interpretationem poeta aliquo modo innuerit: haud tamen inde conicias, et *canticum canticorum* mystice interpretandum, cum ne verbo quidem hanc interpretationem cantici illius auctor commendaverit. III) Si proprio sensu in interpretando *cantico canticorum* adquiescas, tantum abest, ut ad absurda deducaris, ut potius omnia optime cedant, modo ne poetae Hebraici imagines pro nostrorum hominum temporumque sensu dijudices. Quod si quis contendat, offendi in *cantico canticorum* locos, qui proprie accepti cum Hebraeorum moribus atque institutis haud possint componi: videat, ne idem eveniat, si loci illi in sensum allegoricum detorqueantur. Namque in figuratâ oratione haud minus, quam in proprio dicendi genere, morum ratio habenda; quod nisi fit, oratio figurata, quae jam naturâ suâ obscurior est, obscurissima evadet. Quae igitur de puellâ vineas custodiente, vel noctu urbem pererrante in *cantico canticorum* traduntur, a moribus Hebraeorum vix abhorruisse statuendum est; etenim si abhorruissent, neque figuratâ, neque propriâ in oratione locum habere potuissent. Quae praeterea, proprie accepta, mira videntur, haud offendent, si ardentem poetae Asiatici imaginandi vim respicias; contra multo mirabiliora alia videbuntur, si allegoricam carminis admittas interpretationem. Quid, quaeso, si adolescentuli et puellae personâ Jova populusque Hebraicus, vel Christus et ecclesia Christiana latent, quid, inquam, tibi volunt descriptiones illae, quae cap. V; 10 — 16, VII, 2 — 8, habentur? Nonne ridiculum videtur, Jovae ventrem eburneum cruraque marmorea, populoque

58) Jones commentarii de poësi Asiaticâ, ex edit. Eichhornii, p. 188 — 196.

Hebraico umbilicū ad instar crateris rotundi, mammasque gemellis dorcadis similes tribui? Haec et similia minus certe offendent, si amoris humani gaudia in *cantico canticorum* praedicari statuas.

§. XXXII.

Expositis jam rationibus, quibus et mysticus et proprius *cantici canticorum* sensus solet commendari, superest, ut nostram in dubiâ hac re proferamus sententiam. Nos quidem omnino iis accedimus, qui canticum hoc proprie interpretandum censent. Namque in omni interpretandi negotio eam legem ratam firmamque habemus, non esse deflectendum a proprio orationis sensu, nisi gravissimae urgeant causae, quas tamen in cantico canticorum locum habere non videmus. Quare ex nostrâ sententiâ non nisi humani puellae et adolescentuli depinguntur amores, et quidem in hunc fere modum: Puella rustica adolescentuli dilecti amplexus desiderat, quaeritque, ubi locorum greges suos pascat. Respondet adolescentulus, puellam gregum vestigia sequi jubens; laudibus effert puellae venustatem, vicissimque a puellâ celebratur. Puella adolescentuli vocem audit, eumque montes collesque trajicientem accedere, jamque adstare videt. Invitat puellam adolescentulus, ut se sequatur, pluviosa cum praeterlâpsa sit hiems, amoenumque veris tempus advenerit. Puella noctu desiderio adolescentuli capitur, surgit e cubili urbemque peragrat, dilectum quaerens; quem postquam invenit, in matris suae conclave deducit. Vividissimis denuo coloribus adolescens puellae describit pulchritudinem; invitatur a puellâ, ut ipsam invisat, cui invitationi se obtemperatum pollicetur. Petit noctu domum puellae, ostium pulsat, intromitti cupiens; verum puella, somno gravis, ores aperire cessat, donec morae pertaesus adolescens discedit. Apertis tandem foribus ubi dilectum discessisse videt puella, domo egreditur, urbemque pervagatur, adolescentulum requirens.

Offenditur ab urbis custodibus, verberibusque afficitur. Haud invento adolescentulo puellas Hierosolymitanas obtestatur, sicubi dilectum suum offenderint, ei renuntient, quanto in eum feratur amore. Sciscitantibus puellis, quisnam ille sit, quem tantopere deperat, eximiam dilecti sui pulchritudinem per singula corporis membra describit. In eundem modum et adolescens praestantem puellae formam celebrat. Hinc alternatim puella et adolescens amoris sui vim atque vehementiam praedicant. Finem *cantico cantorum* imponit fratrum puellae deliberatio de custodiendâ, inque matrimonium locandâ sorore; quod tamen fratrum consilium puella aversatur, innuens, se ipsam sui fore custodem.

§. XXXIII.

Jobi liber tribus maxime continetur partibus: *prologo*, ipsâ materiae *tractatione*, atque *epilogo*. In prologo et epilogo pedestri sermone utitur auctor; sed in ipsâ materiae tractatione altius insurgit, et poëtico fertur spiritu. *Prologi* argumentum hujuscemodi: *Jobus*, vir pietate insignis, vitaeque bonis adfluens, permittente numine divino, a *Satanâ* omnibus bonis liberisque spoliatur, eo consilio, ut viri pietas tentetur, et, si fieri possit, labefactetur. Neque tamen eâ jacturâ *Jobus* movetur; contra inconcusso animo in pietate perseverat. Tum graviore malo tentandum censet *Satanas*; quare morbo foedissimo, quem elephantiasin vulgo putant, virum adfligit. Sed neque dolores vehementissimi, neque uxoris impiae irrisus a solitâ probitate eum avertere possunt. Accepto ejus rei nuntio tres *Jobi* amici, *Eliphas*, *Bildad* et *Zophar*, adflictum visitare et solatio erigere constituunt. Quem cum adierint atque conspexerint, vehementissime primo, pro orientalium hominum more, lamentantur; dein obmutescunt, non ausi amicum dolentem consolari. Tandem *Jobus* (quod *tractationis* est initium) silentium rumpit, diem natalem suum detestando, felicesque praedicando eos, qui lucem vitalem nunquam conspe-

xerint. Quibus permoti querimoniis *Jobi* amici ex ordine verba faciunt, omnes in eo consentientes, neminem insontem malis vexari, Deum justissimum atque sapientissimum nonnisi improbos punire, *Jobum* procul dubio numinis divini iram delicto aliquo provocasse; quod si illius delicti veniam suppliciter a Deo petat, amissam felicitatem denuo recuperaturum. Contra *Jobus* integritatis suae sibi probe conscius, contendit, sese mala illa, quibus obruatur, nequaquam promeritum esse; haud quidem sibi ignotum, Deum sapientissimum, potentissimum atque justissimum esse, neque tamen nonnisi sontem vexari; quinimo improbos quam saepissime felices, probos contra infelices esse. Haud vereri se, causam suam coram ipso Deo dicere; imo optare, ut sibi cum Deo contendere liceat, quo innocentia probitasque sua in lucem protrahatur. *Jobi* amici ubi vident, illum pertinaciter innocentiam suam tueri, neque monitis ipsorum moveri, contentione desistunt; quâ re permotus *Elihu*, qui hactenus silentium tenuerat, sermonem suscipit contenditque, falli *Jobum*, cum injuriam a Deo pati existimet; Deum justissimum esse, homines vero, quamvis integerrimi sibi videantur, vix omnis culpaе expertes esse; neque tamen, quae mortalibus obveniunt mala, semper delictorum esse poenas; Deum interdum et probos castigare eo consilio, ut a peccatis eos avertat, melioresque reddat. Eâ mento et *Jobum* castigari; quod si divinis monitis obtemperet, in pristinam felicitatem restitutum iri. Cum sermonem suum finiisset *Elihu*, Deus ipse in scenam prodit, *Jobi* ejusque amicorum controversiam diremiturus. Docet autem ex admirabili hac naturae machinâ tantam esse sapientiam atque potentiam suam, quantam nemo mortalium cogitatione adsequi possit. Arroganter igitur et temere *Jobum* fecisse, quod arcana numinis divini consilio penetrare voluerit, malorumque, quibus adfligatur, causas sciscitari ausus sit. Quibus Dei verbis convictus *Jobus* fatetur se errasse, delictique commissi veniam a Deo petit impetratque. In epologo

denique memoratur, Deum *Jobi* amicis graviter succensusse, quod imprudenter disputaverint, illisque injunxisse, ut sacrificio culpam suam expiarent; *Jobum* autem non pristinae tantum felicitati restitutum, verum etiam duplo beatiorum redditum fuisse.

§. XXXIV.

Quae *Threnorum* nomine insigniuntur *Jeremiae* prophetae carmina quinque elegiaca in uno eodemque fere versantur argumento, in deplorando scilicet *Hierosolymorum* excidio, populi que Hebraici in remotis hostium terris exilio: Instar viduae desertae florentissima olim *Hierosolymorum* urbs jam desolata est; incolae ejus vel hostili ferro absumpti, vel in exilium atque servitutem abrepti sunt. Neque tamen misera haec sora immerentibus evenit; quinimo peccatis suis populus Hebraicus Jovae iram provocavit; quo factum est, ut praesidio divino destitueretur, hostibusque ferocibus subjiceretur. Verum in his ipsis miseriis numinis divini clementia conspicitur; namque si pro merito Deus populum suum tractasset, profecto ad internecionem eum redegisset. Neque semper Jova populo suo irascetur; dummodo is ad Deum suum reversus fuerit, moresque suos emendaverit, feliciori denuo fortunâ fruatur. Praeter populi sui et Hierosolymorum miseram sortem, suam quoque vicem carmine tertio prophetam lugere nonnulli existimant. Sed rectius fortasse statuas, prophetam suo nomine universi populi Hebraici casum deplorare; id quod locus inde a versu quadragesimo ad septimum et quadragesimum usque indicare videtur, quo in loco propheta primâ pluralis numeri utitur personâ in hunc modum:

נחמשה דרכינו ונחקרה ונשובה עד יהודה:

נשא לבבנו אל כל כפים אל אל בשמים:

נחנו ששענו ומרינו אהה לא סלחת:

Scrutemur vias nostras et pervestigemus, et revertamur ad Jovam,

Attollamus cor nostrum una cum manibus ad Deum in coelis; Nos peccavimus et contumaces fuimus, tu non condonasti etc. Accedit, quod nihil in carmine hoc reperitur, quod ad peculiarem *Jeremiae* fortunam spectet; contra omnia generaliter tantum descripta sint, ita ut ad quemvis alium adversâ cum fortunâ colloquentem pertinere possint. Quare idem illud, quod in multis Psalmis, VI, XII, XIII, XXII, aliisque locum habet, nostro quoque carmini videtur convenire, nempe ut suo nomine universi populi Hebraici acerba fata poëta lu eat.

§. XXXV.

Poëseos Hebraicae monumentis haud immerito et *prophetarum* scripta adjudicantur; namque et sententiarum imaginumque poetarum plenissima sunt, et oratione utuntur, a sermone pedestri sublimitate rhythmoque ut plurimum diversâ. Librorum prophetarum argumenta sigillatim enarrare longum esset; neque id adeo necessarium videtur, cum omnes eandem fere tractent materiam. Sufficiat igitur ostendisse in universum, in quo potissimum argumento prophetarum Hebraicorum versentur vaticinia. Jam superius monitum fuit, Hebraeorum prophetis id maxime negotii incubuisse, numinis divini cultum ab omni corruptione salvum ut servarent, morumque probitatem populo commendarent. Hinc facile colligas, in utroque hoc loco vaticiniorum praeprimis versari argumentum. Castigantur igitur a prophetis, quae inter populares suos potissimum vigeant vitia; in his contemptus numinis divini, idolorum cultus, injustitia, maxime erga egenos inopesque, arrogantia, luxuria, avaritia et similia. Docetur, omnes casus adversos, qui populo Hebraico obveniant, impietatis morumque perversorum esse poenas; nisi ad saniozem vivendi rationem populus redeat, graviora adhuc mala subsequutura. Quae ubi minitantur prophetae, temporum suorum historiam adeunt, exemplisque inde petitis monitis minisque suis pondus addunt.

In hunc modum *Joël* diram illam patriae suae per locustarum agmina vastationem, quae suâ accidit aetate, numinis divini irâ immissam praedicat, hortaturque populares suos, ut malefactorum poenitentia precibusque iram divinam avertere studeant. Haud aliter et *Jesaias* damna illa, quae *Achazo* imperante, factâ per Syriae Israëlisque reges incursione, Judaea acceperat ⁵⁹⁾, delictorum poenas a Deo inflictas dicit, gravioresque ab Assyriis calamitates populo suo imminere portendit, nisi is ad meliorem frugem se recipiat. Neque tamen vituperationem minasque tantum fundunt prophetae; contra, quoties populares suos reprehendunt, toties fere eosdem erigunt atque solantur. Etsi populus Dei in praesentiarum propter delicta sua in miseriis versetur, tamen, si resipuerit, Deum denuo propitium habebit, meliorique fruetur fortunâ. Eveniet aliquando, ut, quae populum Hebraicum vexarunt gentes, a Deo puniantur Hebraeisque subjiciantur; eveniet, ut *Davidis* ex prosapiâ eximius aliquis rex emergat, cujus sub imperio laetissima Dei populo affulgebunt tempora. In hunc modum *Joël* (ut iisdem, quos jam laudavimus, prophetis inhaereamus) populares suos consolatur, futurum; si ad meliorem frugem redierint, ut non tantum damna, quae locustarum irruptione passi sint, resarciantur, verum etiam summa felicitas ipsis contingat; contra, inimicae Dei populo gentes gravissimis a numine divino poenis adficientur. Haud aliter et *Jesaias*, populum suum postquam corripuit, eundem consolatur, exorturum aliquando *Davidis* ex prosapiâ regem pium, justum, sapientem, longe lateque dominantem, quo sceptrâ tenente omnes gentes Hebraeis subjicientur, laetissimaeque his tempora affulgebunt ⁶⁰⁾. Quod si paucis omne vaticiniorum Hebraicorum argumentum exponere velis, brevi hac absolvetur sententiâ: populum Hebraicum felicem futurum,

59) *Jes.* I, 4 — 9, VII, 1, 2.

60) *Jes.* IX, 5, 6, XI, 1 sequ.

si animo sincero Deum suum colat; contra infelicem, si a pio numinis divini cultu desciscat.

§. XXXVI.

Praeter ea, quorum argumentum hactenus exposuimus, poëseos Hebraicae monimenta, in historicis Veteris Testamenti libris singula quaedam occurrunt carmina, haud silentio nobis praeter-eunda. In his I) *Jacobi morituri ad filios suos oratio*, 1 Mos. XLIX, 2 — 27, in quâ duodecim populi Hebraici tribuum sors breviter exponitur; II) *epinicium, superato feliciter mari rubro ab Israëlitis decantatum*, 2 Mos. XV, 1 — 19, quod numinis divini potentiam, servatis mirum in modum Hebraeis, perditisque Aegyptiis conspicuam, celebrat; III) *Bileami vaticinia*, 4 Mos. XXIII, 7 — 10, 18 — 24, XXIV, 3 — 9, 15 — 24, populo Hebraico optima quaeque precantis atque praesagientis; IV) *Mosis carmina bina*, 5 Mos. XXXII, 1 — 43, XXXIII, 2 — 29, quorum prius Jovae beneficia in populum Hebraicum collata effert, populi illius ingratum animum reprehendit, gravesque casus minatur, nisi ad meliorem frugem revertatur; alterum singulis gentis Israëliticae tribubus fausta quaeque precatur; V) *epinicium Deborahae atque Baraki*, devicto *Siserâ* pronuntiatum, Judd. V, 2 — 31, in quo auxilium, quod in debellandis Cananaeis Jova populo suo praestiterat, praedicatur; VI) *hymnus Channae*, pro concessio sibi filio *Samuele* Deo grates agentis, 1 Sam. II, 1 — 10; VII) *Davidis carmen elegiacum in Sauli et Jonathanis obitum*, 2 Sam. I, 19 — 27; VIII) *ejusdem Davidis carmina bina*, 2 Sam. XXII, 2 — 51, XXIII, 1 — 7, quorum prius, haud diversum a psalmo XVIII, gratiarum continet actionem pro divino auxilio, quod in atrocissimis periculis *Davidi* contigerat, alterum pro-vecti jam regis fiduciam exprimit, regni heredem nunquam ipsi defuturum.

§. XXXVII.

Exposito poëseos Hebraicae argumento, videndum, quatenam

carminum genera apud Hebraeorum poëtas in usu fuerint. In definiendis carminum generibus et argumentum, et externa carminum forma spectari vulgo solet; verum cum Hebraicorum carminum forma externa, sicuti inferius demonstrabitur, simplicissima sit, in definiendis carminum Hebraicorum generibus nonnisi argumenti ratio habenda videtur. Omnis autem Hebraeorum poësis *duplici maxime genere* continetur: *lyrico* nempe atque *didactico*. Lyrica poësis et antiquissima apud Hebraeos fuit, et latissime patens. Bellis maxime et numinis divini cultu excitata mirumque in modum per prophetarum scholas Davidisque regis operâ promota atque exculpta fuit. Sicuti Graecorum, ita et Hebraeorum lyrica poësis non sine cantu, musico lusu tripudioque exercebatur; quâ cum cognatis artibus conjunctione haud parum adjuncta fuit. Legimus 2 Mos. XV, 20, 21, *Mariam, Aharonis* sororem, ceterasque mulieres Hebraeas inter tympanorum pulsum atque tripudia hymnum in mirabilem illum per mare rubrum transitum decantasse; eundem in modum Israëlitarum mulieres ad tympanorum et triangulorum sonitum *Saulum Davidemque* a Philistaeorum caede reversos carmine celebrant ⁶¹⁾. Plurimum vero dignitatis lyricae Hebraeorum poësi ex illâ cum cantu lusuque musico conjunctione additum *Davidis Salomonisque* tempore, quo inter cultum divinum carmina sacra magnifico quam plurimorum instrumentorum musicorum cum concentu decantabantur ⁶²⁾.

§. XXXVIII.

Lyricae poëseos diversae species, pro diversitate affectuum, qui exprimendi sunt. Quod si pios in Deum sensus profundas, hymnus prodibit; si animi dolorem promas, elegiam habebis; si teneros amoris motus, carmen eroticum, etc. In Psalmorum an-

61) 1 Sam. XVIII, 6, 7.

62) 1 Chron. XXV; 2 Chron. V, 12, 13.

thologiâ quam plurimae lyricae poëseos species obviam sunt; habentur enim illic hymni, odae, cantica et elegiae. Carminum elegiacorum magnus olim numerus apud Hebraeos exstitisse videtur. Jam inter psalmos frequentissimae elegiae; quibus accedunt *Jeremiae* prophetae *threni*, *Davidis* in *Sauli* et *Jonathanis* nec non *Abneri* obitum carmina lugubria ⁶³). Adde, quod 2 Chron. XXXV, 25, *lamentationum* nomine, תנחומי, volumen memoratur, in quo *Jeremiae* aliorumque poëtarum elegiaca carmina in *Josiae* regis obitum continebantur. Haud quidem desunt, qui lamentationes has haud diversas a *Jeremiae threnis*, qui adhuc superstites sunt, existiment; quam sententiam jam *Josephus* et *Hieronymus* praeivere. Etenim *Josephus* Antiquit. l. X, c. 5, memorato *Josiae* obitu tradit: Ἰερემίας δ' ὁ προφήτης ἐπικήδειον αὐτοῦ συνέταξε μέλος θρηνητικόν, ὃ καὶ μέχρι νῦν διαμένει, i. e. *Jeremias* autem propheta in funus ejus (*Josiae*) carmen lugubre condidit, quod etiamnum superest. Haud aliter *Hieronymus* in commentario ad Zachar. XII, 11: „Super quo (*Josiâ*) lamentationes scripsit *Jeremias*, quae leguntur in ecclesiâ, et scripsisse eum, paralipomenon testatur liber.“ *Josephum Hieronymum*que et recentiorum nonnulli secuti sunt; quorum tamen sententiae quominus accedamus obstat, quod in *Jeremiae threnis* superstitiibus nihil omnino reperiatur, quod ad *Josiam* commode possit referri. Nihil illic de optimi regis pietate in Deum, nihil de templi cultusque divini restitutione, nihil de tristissimâ ejus in bello contra *Nechonem*, Aegypti regem, morte; quae profecto nequaquam silentio praetereunda erant, si carmina illa in memoriam *Josiae* composita fuissent.

63) 2 Sam. I, 19 — 27, III, 33, 34. Quae in posteriori loco traduntur *Davidis* in *Abneri* obitum verba, nonnisi fragmentum longioris carminis elegiaci esse videntur.

§. XXXIX.

Ad lyricam poësin, et quidem ad eroticorum carminum speciem, elegantissimum illud *canticum canticorum* referendum. Etsi eroticae Hebraeorum poëseos unicum id supersit monumentum, haud tamen dubitandum, illud poëseos genus Hebraeis acceptum et excultum fuisse. Constat, sponsam apud Hebraeos cantu musicoque lusu in sponsi domum deductam fuisse ⁶⁴); quâ occasione certe et amatoria carmina cantabantur. Notum est ex *Jesaiæ* cap. V, 12, XXIV, 8, 9, ad epularum gaudia cantum citharaeque et tibiae lusum adhibitum fuisse; at vero quodnam carminum genus potatoribus convenire magis potuit, quam Anacreonticum, quod vini et amorum gaudia celebraret? Inde colligas, haud defuisse Hebraeis carmina amatoria, quorum jactura eo magis dolenda, quo magis unicum illud eroticae Hebraeorum poëseos superstes monumentum et affectuum ardore, et imaginum splendore sese commendat. Ad eroticam poësin praeter canticum canticorum et psalmus XLV a nonnullis refertur. In his *Rudingerus*, *Grotius* aliique, qui laudatum psalmum epithalamium, *Salomoni* ejusque uxori, *Pharaonis* filiae, dicatum, existimant. Verum si quis psalmum illum accuratius relegerit, intelliget sane, nequaquam esse carmen amatorium, sed potius oden in ignotum aliquem regem, fortasse Persarum, cujus pulchritudo, fortitudo, justitia atque magnificentia laudantur. Quae de regis uxore illic, v. 10 — 16, habentur, nonnisi ad ipsius regis magnificentiam exornandam memorata videntur ⁶⁵).

64) Jer. VII, 34, XXV, 10.

65) Quae in psalmi hujusce inscriptione occurrunt verba שיר ידידות perperam a nonnullis vertuntur *carmen amatorium*. Proprie verba illa sonant: *carmen suavitatum*, i. e. carmen suave, venustum, ἄσμα προσφιλέως, sicuti Aquila interpretatur.

§. XL.

Alterum poëseos Hebraicae genus est *didacticum*, cui psal-
morum aliqua pars, proverbiorum collectio, ecclesiastes *Jobique*
liber adnumerandi. Didacticae poëseos diversae species, sive
argumentum, sive formam poëmatum spectes. Hebraeorum poë-
mata didactica, ad argumentum quod attinet, eatenus conveniunt,
ut vel ad res divinas, vel ad vitae morumque institutionem per-
tineant; verum ad formam si spectes, nonnihil inter se differunt.
Psalmi didactici proverbiorumque liber sententiis parum cohaeren-
tibus continentur; quare ad eandem cum Graecorum carminibus
gnomicis speciem referendi. In ecclesiaste et *Jobi* libro cohae-
rentem magis deprehendes orationem; differt tamen ab ecclesiaste
Jobi liber in eo, quod dialogo utatur. Quae res nonnullos in-
duxit, ut *Jobum* dramaticae adnumerarent poësi, quinimo ad justi
dramatis instar in actus scenasque digererent. At vero dramati-
cae poëseos proprietas non in eo tantum conspicitur, ut plures
inter se colloquentes personae inducantur; requiritur praeterea,
ut et fabula aliqua sive actio exponatur. In *Jobi* autem libro
nullam agi fabulam, nemo est, qui non videat. Etenim quae in
prologo et epiloگو de *Jobo* memorantur, non ad ipsam libri ma-
teriam pertinent; et nonnisi in eum finem addita sunt, ut lectores
de causis atque eventu disputationis edoceantur. In ipsâ vero
disputatione neque agitur quidquam, neque actum memoratur;
omnia verbis, non factis transiguntur. Accedit, quod poësis dra-
matica, qualem Graeci, Romani et recentiores Europae gentes
exercuere, a populis Semiticis neque unquam culta fuerit, neque
omnino sensui moribusque eorum convenisse videtur; quare neque
Arabes, vel eo ipso tempore, quo Graecorum literis strenuam
navabant operam, illud poëseos genus unquam admiserunt ⁶⁶).

66) Uberius quaestionem hanc persecutus est *Robertus Lowth* in
praelectione XXXIII de sacra poësi Hebraeorum; in qua demon-

Quare rectius illi sentiunt, qui neque *Jobi* librum, neque ecclesiasten ad nostrae poëseos speciem aliquam referunt; verum

stratur *Poëma Jobi non esse justum drama*. Recentioribus temporibus doctiss. *Ewald* in commentatione *de Hebraeorum poësi*, quam librorum Veteris Testamenti poëticorum interpretationi praemisit; p. 38 — 50, non tantum *Jobi* librum, verum etiam *canticum canticorum* dramaticae poësi accensendum esse censuit, eâ tamen restrictione, quod nonnisi primas poëseos dramaticae lineas carminibus illis contineri, neque ea cum Graecorum Indorumque poësi dramaticâ componenda esse dicat. — Neque tamen vel ea sententia viro erudito se probavit, qui de *Ewaldi* libro retulit in ephemeridibus literariis Halensibus anni 1839, nro. 191 — 193. Namque is et *psychologicis* et *historicis literariisque* rationibus contendit, Hebraeos a poësi dramaticâ omnino fuisse alienos. Haud ab re videtur, ipsa viri docti in medium proferre verba: „Wir begegnen hier der Frage, ob denn wirklich die Hebräer ein Drama gehabt? Wir sagen nein, *aus psychologischen Gründen*, in so fern diejenige Geistesrichtung, welche die Semiten hinderte ein Epos zu produziren, noch vielmehr das Drama ausschloss, weil in diesem der Dichter nicht nur überhaupt sich vergessen, sondern in fremde Individualität übergreifen, ein Anderer werden, sein Wesen gegen Fremdes umtauschen muss, was er nicht kann, wenn er jenes nicht gelernt hat. Wir sagen nein, *aus historischen Gründen*, weil nie und nirgends ein Volk das Drama vor dem Epos gebildet hat, viele dagegen bei dem Epos stehen geblieben, und nie zum Drama gelangt sind. Wir sagen nein, *aus literärischen Gründen*, weil, wenn *Hiob* ein Drama ist, auch *Plato* und *Cicero* Dramatiker sind, und weil wir *Ewald's* Erklärung des hohen Liedes nicht für natürlich, ungewungen und einleuchtend halten können. — — — Ueberhaupt hätten wir lieber nur zwei Arten Hebräischer Dichtung unterschieden, die *lyrische*, שִׁיר, nach dem Inhalt sich sondernd in patriotische, erotische, elegische, religiöse; und die *didaktische*, מִשַׁל, begreifend das eigentliche kürzere oder längere Lehrgedicht, die Gnome, das Räthsel, die Fabel, die Parabel.“

utrumque poëma cum Arabum *consessibus*, *كسّيس*, quales *Hamadani*, *Hariri* aliique scripsere, componunt.

§. XLI.

Utrumque poëseos Hebraicae genus, *lyricum* nempe atque *didacticum*, in prophetarum vaticiniis compositum mixtumque conspicitur. Ubi populares suos docent, monent, hortantur prophetae, oratio eorum ad didacticam accedit poësin; verum quotiescunque doloris vel spei sensus exprimunt, lyricum colorem induunt. Cum tamen corrigendo praeprimis monendoque populo intenti sint prophetae, potissima vaticiniorum pars didacticae poësi tribuenda videtur. Ceterum notissimum est, non omnium vaticiniorum orationem esse poëticam; id quod maxime in seniorum prophetarum vaticiniis cernitur. Poëtico potissimum dicendi genere utuntur *Jesaias*, *Joël*, *Micha*, *Nahum*; contra ad pedestrem quam saepissime descendunt orationem *Jeremias*, *Ezechiel* et *Zacharias*; quinimo *Jonae* liber, etsi propheticis adnumeretur scriptis, neque argumentum quod attinet, propheticus, neque orationem si spectes, poëticus est; siquidem *Jonae* prophetae, a Deo ad Ninivitas missi, mirabiles casus sermone pedestri, excepto prophetae in Deum hymno, cap. II, 3 — 10, exponit.

§. XLII.

Praeter ea, quae hucdum laudavimus poëseos genera, *apologos* quoque Hebraeis usitatos fuisse, discimus ex Judicum libro cap. IX, 8 — 15, quo in loco pulcherrimus de arboribus regem sibi creantibus apologus exponitur. Fuere, qui et *fabulas*, quos vulgo *Romanenses* dicunt, inter Veteris Testamenti libros haberi existimarent ⁶⁷⁾; in quarum numerum *Ruthae* et *Estherae* librum retulerunt. Haud quidem negari potest, in utroque, maxime in

67) Augusti primae lineae introductionis in Vet. Testam. edit. II, p. 217, 274.

Estherae libro, plura occurrere, quorum fidem historicam in dubium vocare possis; neque tamen illorum librorum auctoribus propositum fuisse videtur, fabulas conscribere, cum alter eorum (*Ruthae* auctor) genealogiam *Davidis* regis narrationi suae attexuerit; alter vero (*Estherae* auctor) festi illius, cui *Purim* nomen, originem docere voluerit. Quare uterque liber historicis potius, quam poëticis Hebraeorum scriptis videtur adnumerandus. Rectius fortasse *Jonae* librum in fictarum narrationum numerum referas, cujus auctori, ni fallimur, propositum fuit, Ninivitarum sub personâ ostendere, Deum non solum Judaeis, verum etiam gentilibus propitium fore, si ad bonam frugem revertantur.

Cap. II.

De argumento diversisque generibus carminum Arabicorum.

§. XLIII.

Poëtarum Arabicorum cum infinitus fere sit numerus, vix quisquam existimabit, nos, quod in Hebraeorum poësi fecimus, singula poëseos Arabicae monimenta recensituros, eorumque argumentum exposituos esse. Quod si vel gestiret animus, haud tamen praestare possemus; siquidem neque nobis, neque cuiquam alii, contigit esse tam felicibus, ut cuncta poëseos Arabicae monimenta, quae in diversissimorum locorum thesauris literariis adservantur, evolveremus. Neque id pro nostri instituti ratione necessarium omnino videtur; sufficiet, in universum exposuisse, quasnam res Arabum poëtae tractandas sibi sumserint, quâve ratione easdem tractaverint; unde palam fiet, quae, quotve carminum Arabicorum genera statuenda sint. De carminum Arabicorum argumento diversisque generibus haud ineptus habetur locus in prologo operis, quod inscribitur: كتاب الحماسة البصرية, *Collectio carminum heroicorum Basrensis*, auctore *Ali ben Abifaradsch Basrensi*; quem locum ex *Casirii Bibliothecâ Arabicâ* hic appo-

ثم ان الشعر على اختلاف معانيه واصوله ينقسم الى (68) nere liceat
 اوصاف فما وصف به الانسان من الشجاعة والشدة في الحرب والصبر
 سمي حماسة وبسالة وما وصف به من حسب وكرم سمي مدحا وما
 اثنى عليه من ذلك سمي رثاء وما وصف به اخلاقه الحميدة من حياء
 وعفة وغير من الفضائل سمي ادبا وما وصف به النساء من حسن
 وجمال وغرام بهن سمي غزلا وما وصف به من بخل وجبن وسوء خلق
 سمي هجاء واما وما وصف به الاشياء على اختلاف اجناسها وانواعها
 سمي نعتا ووصفا وملحا وما ذكر به الانابة الى الله ورخص الدنيا وتغلبها
 i. e. Porro poësis pro diversitate sensus atque originis
 dividitur in diversa genera. Quodsi strenuitas, fortitudo in bello
 atque tolerantia describuntur, حماسة, وبسالة, *poësis heroica* ad-
 pellatur; si nobilitas atque generositas, مدح, *encomiastica*; quodsi
 quis illas propter virtutes laude atque gratiarum actione celebratur,
 رثاء, *epicedium* dicitur (69); si mores laudabiles, pudor, abstin-

68) Casirii biblioth. Arab. Escorial. t. I, p. 77.

69) Casirius vocabulo رثاء *carmen probrosum* denotari existimat;
 quod quâ auctoritate fecerit, non habemus compertum. At vero
 vocabulo illo nequaquam *carmen probrosum*, verum lugubre, sive
epicedium significari, discimus ex Kamuso, ubi t. II, p. 1881
 edit. Calcutt. haec habentur: رثاء ورثاء بكسرهما ومرثاة
 ومرثية مخففة ورثوته بكيته وعددت محاسنه كرثيته ترثيته وترثيته
 ونظمت فيه شعرا وحديثا عنه ارثى رثاية ذكرته وحفظته ورجل
 ارثى لا يبرم امرا ورثى له رحمه ورق له وامرأة رثاء ورثاية نواحة
 رثيا ورثاء ورثاية ومرثاة ومرثية. i. e. verbum رثا, cuius infinit.
 significat deflevit defunctum, ejusque benefacta enumeravit. In
 conjug. II et V, composuit *carmen* de aliquo, ejusque dicta fa-
 ctaque enarravit; رثا, fut. A, infinit. رثاية, memoravit et me-

tia aliaeque virtutes describuntur, ادب, *carmen ethicum*; si mulierum venustas, pulchritudo amorque erga illas, غزل, *eroticum*; si avaritia, ignavia ingeniique pravitas, هجاء, *satyricum* atque *probrosus*; si res pro generis atque speciei varietate describuntur, وصف, *descriptivum lepidumque*; quodsi denique conversio ad Deum, rerumque mundanarum contemptus atque devictio memorantur, زهد, *carmen religiosum*, sive *paraeneticum* adpellatur ⁷⁰). — Etsi hoc in loco, sive carminum Arabicorum argumentum, sive diversa genera spectes, nonnulla desiderentur, tamen, quia Arabem auctorem habet, eo duce in exponendo poëseos Arabicae argumento utemur, additis, quae addenda, curatiusque definitis, quae curatius definienda videntur.

morae mandavit; ارثى dicitur is, qui non adficitur taedio rei; رثى sequi. ل p. misericordiâ teneroque erga aliquem adfectu motus fuit; رثاء, رثائية, mulier plangens, praeifica.

- 70) Quenam carminum genera Arabibus maxime in usu sint, discas etiam ex titulis, qui singulis anthologiarum Arabicarum capitibus inscribuntur. Celebratissima illa *Abi Temmam* anthologia, cui *Hamasa* nomen, in X distribuitur capita, quae in hunc modum inscribuntur: 1) باب الحماسة, *de fortitudine bellicâ*; 2) باب المراثى, *epicedia*; 3) باب الادب, *de morum humanitate*; 4) باب النسب, *mulierum laudes, sive carmina amatoria*; 5) باب الهجاء, *satyrae*; 6) باب الاضياف والمديح, *hospitalitatis atque generositatis laudes*; 7) باب الصفات, *descriptiones*; 8) باب السير والنعاس, *ignaviae reprehensio*; 9) باب الملح, *salse dicta*; 10) باب مذمة النساء, *mulierum vituperatio*. Simili modo et *Hasani Abi Nawwas* anthologia poëtica in X dividitur capita, quae in eodem fere argumento, atque *Hamasa* capita, versantur. Casirii biblioth. Arab. t. I, p. 75, 76.

§. XLIV.

Primus locus illis tribuitur carminibus, quae in *praedicandâ fortitudine bellicâ* versantur. Neque immerito huic carminum generi primae adsignantur partes, siquidem antiquiores Arabum poëtae nullâ magis re delectantur, quam describendis pugnis, et efferendâ virtute bellicâ. Notissimum est, Arabum gentem inde ab antiquissimis temporibus in plures tribus divisam fuisse, quae nonnisi suis proceribus, quos *Scheichos Emirosque* dicunt, parent, et libertatem nominisque gloriam vitâ potiore aestimarent. Inter tribus illas continua vel laudis, vel jurum obtinebat aemulatio; unde creberrima dissidia bellaque exorta. Haec bella uberrimam poëtis carminum componendorum materiam ministrabant; maxime ubi poëtae ipsi, quod saepissime evenit, pugnis interfuissent, partaeque victoriae aliquam partem sibi vindicarent. Namque quod antiqua Graecia de *Tyrtæo* suo *Aeschyloque* memoriae prodidit, utrumque et strenui bellatoris et egregii poëtae partes sustinuisse, id eodem jure de *Antara*, *Tarafa*, *Taabbata Scharran* aliisque Arabum poëtis praedicaveris. Idem, ut *Joness* utamur verbis, qui victoriam reportaverant, et victoriae praecones erant, quotque in bello heroës, tot paene poëtae admirabiles exstiterunt ⁷¹).

§. XLV.

Quod jam ad *heroica* illa adinet carmina, tria potissimum sunt, quae prae ceteris in illis celebrantur: ipse nempe *belli heros*, *gladius equusque bellicus*. Arabum *heroës* vigilias, inediam gravissimosque inconcusso animo tolerant labores, vastas pervagantur solitudines, inque ferarum lustris pernoctant, ut corpus animumque ad belli negotium indurent, vel illatos sibi ab hosti-

71) Poëseos Asiaticae Commentar. p. 231, editionis ab Eichhornio adornatae.

bus injurias ulciscantur. Ubi in proelium ruunt, leonum instar saeviunt, neque a pugna desistunt, donec vel in fugam conversi, vel ad internecionem deleti sint hostes. Nullus eorum placide diem supremum obit, omnium vita gladiatorum mucronibus profunditur. Quae committunt proelia diutissime in hostium memoria vigent, etc. *Gladius* ut plurimum est Indicus, cujus acies nunquam hebescit, at vero a crebris ictibus arenas accepit. Cum stringitur, in tenebris, quas excitatus a pugnantibus pulvis contraxit, sol oriri videtur; cum in hostium capita deferitur, violenta percussione ignis excutitur, quem tamen profluens e vulnere sanguis illico exstinguit. *Equus bellicus* gracilis est; cruribus struthiocameli, et hypochondriis dorcadis praeditus. Latera ejus valida, dorsum laeve firmumque instar saxi. Ardore exaestuans hinnitum edit, instar aheni fervescentis e pectore ebullientem. Celeritate ventum praevertit, et ad impetum, et ad fugam aptissimus.

§. XLVI

Inter carmina heroica praecipuum sibi vindicant locum illa, quae *sanguinis vindictam* celebrant. Jam inde ab antiquissimis temporibus apud Arabes, sicuti etiam apud Hebraeos aliosque orientis populos, mos obtinuit, sanguinem sanguine, caedem caede ulciscendi. Quare si caedes aliqua perpetrata esset, illi, qui occisum cognatione proxime attingeret, necessitas incumbere caedem patratam ulciscendi, neque a proposito desistendi, donec eum, qui caedem commiserat, quocunque demum modo interfecisset. Quod si vero huic officio, quod sanctissimum putabatur, satisfacere nolle, summo ab omnibus popularibus suis despectui habebatur. Quod officium cum tanti facerent Arabes, non potuit fieri, quin, ubi implevissent, gloriarentur, carminibusque vindicatae caedis memoriam mandarent. Quibus in carminibus is, cui vindicandae caedis incumbit officium, jurejurando se obstringit, sese maculam, quam cognati caedes sibi inspersione, nonnisi adversarii sui sanguine eluturum. Huic uni intentus negotio, cetera

omnia parvi pendit; interdum noctuque deserta peragrat, adversarium quaeritans; raro somnos carpit, vino sibi interdicat, imo atrocissimam sitim inediaque tolerat, dummodo voti sui compos fiat. Cum denique adversarium assecutus fuerit, hastam gladiumve suum largissime illius sanguine rigat, lautissimasque lupis, hyaenae avibusque rapacibus epulas occisi cadavere parat.

§. XLVII.

Secundus locus *encomiasticis* tribuitur carminibus, quae pro diversitate rerum vel personarum, quae laudibus efferuntur, diversi sunt argumenti. Vel enim numinis divini majestas, potentia, sapientia atque benignitas, vel magni illius prophetae *Mohammedis* praestantia, vel principum, heroum, aliorumque insignium virorum virtutes celebrantur. Numinis divini *Mohammedisque* laudes vel ex instituto, vel etiam aliud agentes Arabum poëtae praedicant. Solent enim in amplioribus carminibus suis, cujusunque ea sint argumenti, priusquam ad ipsius argumenti tractationem transeant, tantum non semper Deum optimum, maximum, ejusque legatum Mohammedem laudibus efferre. Neque tamen hunc morem poëtae proprium sibi vindicant; quinimo et qui solutâ oratione utuntur auctores, constanter tritissimo illo *لله الحمد*, laus sit Deo, ordiuntur. Inter numinis divini laudes hanc prae ceteris celebrant, quod Dei nutu immensa haec rerum universitas ex nihilo procreata sit, ejus beneficio hominibus ratio contigerit, quâ, quod rectum pravumque sit, discernere possint, ab ejus denique voluntate, in aeternum firmâ ratâque, quaecunque evenierint, sive bona, sive mala, pendeant. In *Mohammedis* sui laudibus effusissimi sunt Arabum poëtae, ut vel ex uno illo *Abi Abdallah Busiridae* carmine panegyrico, cui *Bordah* nomen, apparet. In hoc carmine, quod maximi a *Mohammedis* sectatoribus aestimatur, magnus ille propheta praestantissima omnium rerum creatarum creatorisque deliciae dicitur. Idem omnium

virtutum exemplar, omnisque excellentiae quasi sol; reliqui prophetae stellae, quae nonnisi illius lumen hominibus in ignorantiae tenebris versantibus reddunt. Fatigatur mens humana cognoscendis ejus virtutibus, namque immensae sunt; quicumque illi inhaerent, fune rumpi nescio tenentur. Sicuti leo scymnos suos in saltibus tutatur, ita *Mohammed* religione, quam condidit, sectatores suos tutos salvosque reddit. Nulli odores illius terrae halitum aequant, quae divini legati ossa recepit; beati, quibus contigit halitum illum haurire, terramque illam deosculari. — Ubi principum heroumque laudes praedicandae sunt, praeprimis liberalitas eorum et fortitudo bellica celebrantur. De fortitudine bellicâ jam superius actum fuit; quod ad liberalitatem attinet, ea multis modis exaggeratur. Vir liberalis est instar nubis, copiosissimam pluviam sitientibus agris largientis; frigoris tempore solis more calorem fundit, et ardente *Sirio* umbram atque refrigerationem praestat. Lautissimas inter opes macie conficitur; namque sui immemor, amicos hospitesque beneficiis cumulat. Quod si die resurrectionis donum ab eo peteres, haud cessaret largiri tibi ab aeternis illis opibus, quas jejuniis precibusque durante vitâ sibi comparaverat.

§. XLVIII.

Carmina encomiastica excipiunt *funebria*, sive *elegiaca*, quorum haud pauca, eaque elegantissima Arabes habent. Celebrantur in iis illae maxime defunctorum virtutes, quas Arabes prae ceteris suspiciunt, liberalitas nempe et fortitudo bellica. Erepto sibi per mortem amico, queritur poëta, sese desolatum illique similem esse, cui, irruentibus hostibus, gladius ereptus sit. Miratur, quâ ratione exiguo tumulo tanta defuncti liberalitas condi potuerit, quantam vix terra et maria cepissent. Sed et ipsa liberalitas jam mortua est, siquidem vivam exiguus ille tumulus minime comprehendere potuisset. Dum viveret, qui jam

tumulo clauditur, haud cuiquam alii licuit inclarescere; ipse enim virtutibus suis omnium gloriae officiebat. Margarita erat pretiosissima, cujus dignitatem non pro merito aestimabant homines; quapropter rursus in concham a Deo recondita fuit. Lugent defunctum coelum terraque, obscuratur sol, pluvia ventique vestes prae moerore scindunt. Utinam nubes matutinae imbre copioso tumultum rigent, semperque virentem reddant. — Haud raro elegiaca Arabum carmina vehementiori feruntur spiritu, quam pro nostro sensu, ad poetarum Graecorum Romanorumque exemplaria expolito, elegis convenire putatur. At vero omnis hominum orientalium sentiendi ratio incitatio atque vehementior quam occidentalium; quare et doloris sensus, et qui illum exprimunt, plangens threnique incitatiores erunt atque vehementiores. Quod vero *Eichhornius* contendit ⁷²⁾, Sultani *Chalili* interitum ab *Ebn Arabschah* in vitâ *Timuri* carmine defleri elegiaco, quod imaginibus, tropis figurisque nimium elatis turgeat, nescio quâ imprudentiâ, aut quo memoriae lapsu factum sit. Namque ejusmodi carmen in *Chalili* obitum nuspiam in *Timuri* vitâ offenditur; nisi forte versiculum sat jejunum, quem *Schadimolka*, *Chalili* uxor, audito mariti obitu protulisse dicitur, carminis elegiaci nomine velis insignire. Suspiciamus, *Eichhornio* carmen illud, quo narratio de *Timuri* obitu clauditur ⁷³⁾, obversatum fuisse, quod tamen non elegiacis, verum probrosis adnumerandum carminibus.

§. XLIX.

Poësin elegiacam sequitur *ethica*, cujus haud exigua apud Arabes habentur monimenta. Genti Arabicae jam naturâ suâ

72) Historia literaturae tom. I, p. 593.

73) Ahmedis Arabsiadue vitae et rer. gestar. Timuri historia, ex edit. Mangeri, t. II, P. I, p. 494 — 510.

gravitas quaedam dignitasque propria est, quae et ad mores morumque praecepta transiit. Quare in ethicis Arabum carminibus illae maxime commendantur virtutes, quae ad ingenui viri dignitatem sustinendam atque promovendam pertinent. Egregiis facinoribus studendum, namque iis vera gloria continetur; patienter ferendum quidquid fortuna obtulerit, patientiâ enim vectorum tandem compos fies, sicuti qui ostium indefesse pulsât, tandem ingreditur. Injuriae nobis illatae non sunt ferendae, id enim jumentorum onerariorum est; repellendi, qui cisternam nostram invadunt; etenim si aliis adgrediendis semper abstineamus, ipsi tandem opprimemur. Mors non timide fugienda; solet enim ea illos maxime assequi, qui timidissime eam vitant. Priusquam pedem ponas, locus demetiendus, quod si intermittas, necopinus lapsabis. Opibus, quas paraveris, liberaliter utere; cave tamen, ne indignos homines beneficiis adicias, mox enim beneficiorum in illos collatorum te poenitebit. Homini altera pars est lingua, altera cor ejus; quod reliquum, nonnisi forma, carnibus et sanguine constans. — Sed locus tempusque nos deficerent, si omnia poetarum Arabicorum praecepta moralia recensere vellemus; sufficient fortasse paucula haec ad declarandam ethicae Arabum poëseos indolem. Ad hanc poëseos speciem copiosae illae proverbiorum Arabicorum pertinent collectiones, quae, etsi haud desint viliores quoque sententiae, tamen multa egregia praeclearaque continent, unde gentis Arabicae mores, vitam, sapientiam optime cognoscere possis. De ethicâ Arabum poësi *Reiskius* multo honorificentius, quam de eorundem satyrâ sentit. Namque in oratione, quâ linguae Arabicae studium commendat, *Meidanii* proverbiorum mentionem injiciens, in hunc modum disserit: „Id si prodiret opus in lucem, haberemus ejus commatis Arabum adagia et scite dicta magno numero, in quibus divinam prope modum ejus gentis sagacitatem, et vibrantem fulminis instar praesentis animi promptaeque linguae vim nemo est, qui non

admirari, non stupere possit“ 74). Et paulo inferius haec tradit:

74) Oratio studium Arabicae linguae commendans, p. 263, 264; adnexa est oratio illa ejusdem auctoris in Jobum et Proverbia conjecturis, p. 217 — 292. — Quod *Reiskio* in votis erat, ut *Meidanii* proverbia in lucem ederentur, novissimis temporibus factum est curâ et studio doctissimi *Freytag* in opere, quod inscribitur: امثال العرب, *Arabum proverbia vocalibus instruxit, latine vertit, commentario illustravit G. W. Freytag. Tom. I, inest a Meidanio collectorum proverbiorum pars prior, Bonnae ad Rhenum, 1838. Tom. II, inest a Meidanio collectorum proverbiorum pars posterior, 1839.* — Dolendum autem, non integrum *Meidanii* opus, verum, praeter proverbia ipsa, delectum tantum scholiorum *Meidanii*, eumque non sermone Arabico, sed Latine redditum, in libro illo exhiberi. Cujus rei ratio in operis praefatione, p. VI, hisce redditur verbis: „Primum igitur totum *Meidanii* opus cum scholiis integris, Latina versione et adnotationibus edere in animo mihi erat; duas tum in opere accuratius examinato potissimum causas videbam, cur ab isto consilio desisterem. Una erat operis magna moles, quâ multum crescente ob necessarias tum criticas, tum alias adnotationes versionemque libri pretium ita augendum fuisset, ut paucis tantum libri emendi et utendi copia mansisset; altera in eo posita, quod in scholiis *Meidanii* multas res invenirem, quae majori legentium parti aut parum utiles, aut prorsus inutiles omitti, aut brevius dici possent. — Elegi igitur ex *Meidanii* scholiis eas potissimum res, quae tum ad intelligenda proverbia necessariae, tum ad historiam Arabum discendam, et vivendi rationem moresque cognoscendos utiles viderentur.“ — Quae causae etsi nequaquam sint contemnendae, tamen vix quemquam literarum Arabicarum amantem fore existimamus, qui non summo teneatur desiderio, ut integrum *Meidanii* opus sermone Arabico in lucem edatur. Quod desiderium haud quisquam melius explere posse videtur, quam doctiss. *Quatremère*, qui in ephemeridibus Asiaticis (*Journal Asiatique*) annorum 1837, 1838, praeclaro monstravit exemplo, quem in modum *Meidanii* editio sit adornanda.

„Ego certe nunquam sine maximâ voluptate *Almeidanium*, *Annuwairium*, *Ibn Zeidun* et *Rihan Alalbabi* evolvo, id est farra-
gines integras talium apophthegmatum, orationum, historiolarum,
e quibus nobiles orientalium mores, civilemque et bellicam pru-
dentiam, et ingenium vere philosophicum, tanquam in speculo,
videas et cognoscas, at in speculo, si magni *Casauboni* similitu-
dine uti liceat, ardente, quod, quos in se collegit, virtutis et
verae gloriae ignes in animum tuum, ceu oppositum fomitem,
transfundit.“

§. L.

A morum praeceptis ad carmina *amatoria* transeundum. Etsi
Arabum gravitati lusus amatorii vix convenire videantur, tamen
et hujus generis elegantissima et frequentissima habentur poëmata.
Quin imo praeter fortitudinis bellicae, liberalitatis, equi cameli-
que laudes, nullius rei in carminibus Arabicis frequens adeo in-
jicitur mentio, quam puellarum formosarum, gaudiorumque atque
dolorum, qui ex consuetudine cum illis oriri solent. Adde, quod
inde ab antiquissimis temporibus Arabum poëtis solenne fuerit,
carmina illa, quae *Kasidarum* nomine insigniuntur, maxime si
in virorum illustrium laudibus praedicandis versarentur, ab
amicarum amorisque sui descriptione ordiri. Quod carminum
exordium, puellarum laudes celebrans, نسيب appellatur, ut
videre est in hocce Motanabbii versiculo:

إذا كان مدح فالنسيب المقدم
أكل فصيح قال شعرا متيم

Quando panegyricus pangitur, Nasib (feminarum laudatio)
praemittitur;

Num omnis disertus carmina fundit, amore captus?

Quem in locum *Abulhasan Ali ben Mohammed Alwahedi*, lucu-
lentissimus *Motanabbii* interpres, notat: المؤلف من عادة الشعراء

تقديم النسب في شعرهم كلما مدحوا فانكر ابو الطيب هذه العادة
i. e. „usitatissimum est poetis *Nasib* praemittere in carminibus suis,
quotiescunque alicujus laudes praedicant; quem tamen morem
Abultajjeb (Motanabbi) improbat.“ Hunc morem, a puellarum
nempe laudibus carmina ordiendi, ab omnibus Moallakarum au-
toribus observatum videmus; quin vel in panegyrico illo in
Mohammedem carmine, quod *Kaubum ben Zohair* auctorem habet,
formosae puellae prius quam divini prophetae laudes praedicantur.
Jam vero ad carminum *eroticorum* argumentum quod adinet,
frequentius in describendis ardentissimi amoris tormentis, quam
gaudiis versantur. Queritur poeta amicae absentiam et asperita-
tem; insomnes prae desiderio ducit noctes, languet animus cor-
pusque, incanescunt capilli. Invidet amator Zephyro, quod ami-
cam invisere atque afflare ei liceat, cum sibi a dulcissimo illius
aspectu abstinendum sit. Haud raro in somnio puellam con-
spicere suavissimumque ejus odorem sentire sibi videtur. Accedit
ejusdem descriptio per singulas corporis partes; facies candida
instar lunae, oculi, dorcadis oculos referentes, aliquantulum ta-
men languidi, genae rosis anemonisque similes, dentes nitidi
instar grandinis vel margaritarum, capilli densi, corvi colorem
aemulantes, brachia cruraque crassa, ita ut armillas atque peri-
scelides rumpere minentur; statura gracilis, ramo myrobalani
similis, incessus mollis, paululumque nutans. Neque tamen his
acquiescunt Arabum poetae; ipsam quoque amicae salivam, quod
nostratibus insolitum, mirum in modum laudant. Sic *Tantarani*
amicae suae salivam vinum dulcissimum, instar aquarum coele-
stium *Salsali*, dicit; sic *Motanabbi* e puellae ore aquam vitae
se hausisse ait, quae si in terram deflueret, gentes praeteritas
in vitam revocaret. Sed juvat auctorem Arabem, de figuris, quas
in describendis humani corporis partibus poetae adhibent, disse-
rentem introducere. En, quae *Nowairi* hac de re disputat:
وصفوا (الشعراء) أعضاء المحبوب وشبهوها بأشياء فشبها العيون

بالنرجس وافعالها بالخمر والسهام وشبهوا الحواجب والجبين بالصباح
والشعور بالليلي والسوالف بالعوالى واللمم بالصوالج والعقارب وشبهوا
الوجه بالشمس والقمر وشبهوا الحدود بالورد والتفاح وشبهوا الثغور
بالاقحوان واللثة بالخمر والريق بالشهد والاسنان باللؤلؤ والشفاه
بالعقيق وشبهوا النهود بالرممان والقوام بالغصون والاراداف بالكثبان وغير
ذلك i. e. describunt (poetae) amatorum membra, eaque variis
rebus comparant: oculos comparant narcisso, eorumque effectum
vino atque sagittis; supercilia frontemque aurorae; capillos nocti;
colli latera hastis; cincinnos clavis, quibus pilae lusoriae impel-
luntur, scorpiisque; faciem comparant soli lunaeque; genas rosis
pomisque; os anthemidi; gingivam vino; salivam melli; dentes
margaritis; labia carneolo; mammas turgentes malo punico; sta-
turam ramis; clunes tumulis arenaceis, et cetera.

§. LI.

Carmina amatoria sequuntur *satyrica*, sive *probrosa*. Sicuti
in Arabum carminibus encomiasticis prae ceteris virtutibus forti-
tudo bellica et liberalitas celebrantur, in satyris maxime ignavia,
avaritia et illiberalitas reprehenduntur. Quae vitia cum carpunt
Arabum poetae, haud raro omnis honesti decorique transsiliunt
fines, et acerbissimis indulgent conviciis. Exempla habes in
Motanabbii satyris in *Isacum ebn Kighalgh Kafurumque*. Hunc,
quem aliquando effusissimis laudibus ornaverant *Motanabbi*, non
veritus est postmodum, cum illi succenseret, in satyris suis ca-
nem canibus procreatum, duobus obolis emtum, imo rhinocerotem
adpellare. Quin animam ejus adeo sordidam foetidamque esse
dicit, ut mors ipsa, ad umbras eam deductura, nonnisi manibus
aloe suffitis prehendere illam possit. Quae nimia satyricorum
Arabicorum licentia doctissimo *Reiskio* adeo stomachum movit,
ut durissime de satyricis Arabum carminibus statueret. Namque
in oratione, jam superius laudatâ, p. 265, 266, inter cetera haec

quoque habentur: „Dicet quidem forte aliquis, in satyrico genere Arabes excellere. At is fallitur; non excellent, vincunt tantummodo gentes alias eadinâ oris impudentiâ, vincunt peritiâ, si qua est, conviciorum plaustra jactandi, qualia non suburra suggerit, non vomit nautica plebs, sed ipse Acheron, pestilentem mephitim, exhalat.“ — Quod viri doctissimi judicium etsi duriusculum sit, excusatione tamen dignum videbitur, si haec *Motanabbis* in *Isacum ebn Kighalgh* convicia legantur:

يحمى ابن كيغلغ الطريق وعرسه
ما بين رجليها الطريق الاعظم
اقم المساليم فوق شفر سكينه
ان المتى بحلقتيها خضرم

qui locus adeo inhonestus est, ut pigeat nos Latinis illum reddere verbis. Ceterum in genere satyrico magnam famam inter Arabes consecuti sunt *Antara* atque *Dscherir*, quorum ingenium poëticum, sicuti et *Amrulkaisi*, *Zohairi*, *Annabeghae* et *Alaghschaei*, *Abu Bekr ben Abdulmalek Almokri* in libro, qui inscribitur: *اشعر أمرو* i. e. *literarum elegantiorum gemmae poëtarumque thesauri*, in hunc modum taxat: القيس اذا ركب وزهير اذا رغب والنابعة اذا رهب والاغشى اذا طرب i. e. praestantissimus poëtarum est *Amrulkaisi*, si equo vehatur (i. e. si arma canat); *Zohair*, si carmina amatoria fundat; *Annabegha*, si moralia; *Alaghscha*, si laeta; *Antara*, si mordacia; *Dscherir*, si irae indulgeat⁷⁵).

§. LII.

Carmina satyrica excipiunt *descriptions lepidaeque poemata*. Descriptiones in diverso versantur argumento. Vel enim formo-

75) Casirii Biblioth. Arab. t. 1, p. 92.

sae puellae, vel equi, cameli, pugnae, gladli, horti, flores, nubes, pluviae, deserta etc. depinguntur. Quibus coloribus puellas, equos gladiosque pingant Arabum poëtae, jam superius vidimus; e reliquarum rerum descriptionibus liceat unam tantam, cameli nimirum, in medium proferre, quod ea frequentissime in carminibus Arabicis occurrat. Camelum vix ullus poëtarum Arabicorum splendidioribus ornavit coloribus, quam *Tarāfa*, quare eum potissimum auctorem sequemur. Vehitur poëta camelo, cujus calva durissima, incudis instar; genae candidae laevesque instar chartae Syriacae, labra mollia rugisque destituta, tanquam corium Jemanense; oculi clari nitidique ceu specula duo, reconditi in cavernis saxeis, ita ut scrobem aquā repletam referre videantur; aures tenues, acutissimo auditu praeditae; collum procerum et agile, simile rostro navis adverso Tigride vectae; spina dorsi optime inflexa, costae sicuti arcus, cor, celeriter palpitans, firmum tanquam saxum, femora carne solidā instructa, instar valvarum excelsi palatii assurgentia, pedes agiles et firmissimi, cursu struthiocamelum aequantes, universi denique corporis structura comparanda ponti ab architecto Graeco exstructo, qui jurejurando se obstrinxerat, firmissimum sese opus conditurum. Hujus generis descriptiones quam plurimae in carminibus, quibus Moallakarum nomen, inveniuntur; quae omnia in eodem fere versantur argumento, in describendis puellis, equis, camelis, bellicāque poëtae fortitudine. Fingunt nempe Moallakarum auctores, sese locum, a puellā adamatā quondam inhabitatum, cum sociis quibusdam invisere. Conspectis deserti jam loci ruderibus poëta moerore adficitur; deflet absentem anicam, ejusque egregiam formam depingit. Colligit tandem animum, et longinquis itineribus aegritudinem pellere instituit. Jam ad equum, sive camelum, itineris suscipiendi comitem, describendum transit. Quā perfunctus descriptione imperterritum animum, fortitudinem atque liberalitatem suam praedicat, vitaeque instituendae praecepta ad-

dit. Ne tamen existimes, antiquiores tantum Arabum poëtas in descriptionibus excelluisse; quin et seriores haud exiguam laudem in hoc dicendi genere sibi vindicant; inter quos praeprimis *Motanabbi* et *Abulola*, quorum ille in describendis pugnis vix cuiquam videtur esse postponendus.

Carminibus lepidis accensendi *apologi*, *epigrammata*, *aenigmata*, *griphi*, aliaque id genus poëmatia, quarum in seniorum poëtarum operibus haud exiguus numerus. Eorum argumentum, cum sit diversissimum, longum esset exponere; neque id omnino necessarium videtur, cum nemini non notissimum sit, quatenus res in ejusmodi poëmatiis tractari soleant. Id unum notabimus, Arabum epigrammata saepissime in rebus amatoriis versari, facetiarum salisque plenissima esse, sed haud raro omnes honestatis fines transsilire. Cujus generis sunt *Schemsuddini Mohammedi ben Hasan ben Ali Annawadschii* epigrammata, quorum collectio *مراتع الغزلان في وصف الحسن من الغلمان*, i. e. *dorcadum pascua, sive adolescentum formosorum descriptio*, inscribitur. In eâ collectione ad tria millia epigrammatum habentur, quae ad paederastias pertinent flagitium, et haud parum salis, sed plurimum etiam obscoenitatis habent ⁷⁶).

§. LIII.

Ultimus locus in *Alii ben Abilfaradsch* carminum Arabicorum conspectu *religiosis*, sive *paraeneticis* tribuitur carminibus. Haec in numinis divini laudibus celebrandis, praedicandâ in Deum pietate, nec non commendando rerum mundanarum contemptu versantur. Numen divinum ante omnia colendum atque diligendum; namque illius immensâ potentiâ universa rerum natura ex nihilo procreata, illiusque infinitâ benignitate quaecunque in dias luminis

76) Casirii Biblioth. Arab. t. I, p. 88, 124.

auras prodire, sustentantur atque conservantur. Amore in Deum nil beatius; quicunque eo tenentur, corporis voluptates, omnesque in universum res mundanas fastidiant, necesse est. Verum ut sincero illo atque ardentissimo in Deum amore imbui possis, abstinendum tibi ab hominum rerumque humanarum commercio, solitudo petenda omnisque vita contemplationi consecranda. Quod si feceris, ad intimam tandem cum numine divino conjunctionem pervenies, quâ animus humanus ab omnibus rebus, imo a semet ipso alienatur, et ineffabili voluptate adficitur. Haud raro amoris divini voluptas humani amoris imagine repraesentatur; tribuuntur Deo oculi blandientes, quibus homines ad sui amorem adlicit; cincinni nigri crispatique, quibus mentem humanam perturbat; labia rubicunda et suavissime fragrantia, quorum oscula dulcissima sunt, etc. Eundem numinis divini amorem et vini dulcissimi imagine poëtae depingunt. Deus pincernae partes agit, homines potatorum; qui simul ac poculum a pincernâ sibi oblatum exhauserint, inebriantur, ita quidem, ut omnium rerum humanarum obliti nonnisi coelesti felicitate fruantur. Hisce ex imaginibus carmina mystica enata sunt, de quibus inferius, ubi de allegoriâ mysticâ agetur, uberius disputabimus.

§. LIV.

His fere finibus antiquior Arabum poësis continetur; recentioris aevi poëtae non iis tantum acquieverunt rebus, quae poëticam admittunt tractationem, verum etiam eas carminibus incluserunt, quae naturâ suâ ab omni poësi sunt alienissimae. Namque ex eo tempore, quo scientiarum studiis operam navarunt Arabes, et poëtae docti videri, et docti poëtarum partes agere volebant; quo factum est, ut vel abstrusissimae disputationes versibus exponerentur, paulatimque ad omne scientiarum genus poëseos fines extenderentur. Quare inter Arabum poëmata inveniuntur, quae artem grammaticam, metricam poëticamque doceant; habeantur

alia, quae gentis Arabicae, vel aliorum etiam populorum historiam exponant, cujus generis sunt *Abdulmadschidi ben Abdun Aibaberi* duo poemata, quorum alterum, البسامة العظيمة, *voluptas magna*, inscriptum, rerum ab orbe condito ad Abbasidarum imperium gestarum historiam, alterum vero Persiae Arabiaeque principum annales exhibet ⁷⁷). Alia res mathematicas, algebram, astronomiam, chronologiam; alia theologicas, philosophicas medicasque quaestiones tractant. Neque desunt poemata, quae de jurisprudentiâ praecipiant; cujus generis est *Abu Bekri ben Ali Alhameli* opus, quod inscribitur در المهتدى و نخر المقتدى, *margaritae prudentum, et thesaurus sapientum*. In hoc poemate, quod universam fere Mohammedanorum jurisprudentiam completitur, secundum *Abu Hanifae* mentem disseritur de purificatione, oratione, eleemosynâ, jejunio, peregrinatione sacrâ, sacrificio, bello, cultu terrae desertae, venatione, licito et illicito, matrimonio, divortio, manumissione servorum, educatione puerorum, consanguinitate, securitate et poenis, homicidio et furto, rebus deperditis, jurejurando, legato, contractibus, emphyteusi, donationibus, conductione, mutuo pignore, raptu, nothis, minoritate, tutelâ, fidejussione, foenore, societate atque testamentis ⁷⁸). Vides ex poematis hujusce argumento, quod exempli causâ adposuimus, quam alienae ab omni poësi sint res, quae in ejusmodi carminibus tractantur; quare poëticam formam si demas, vix quidquam, poësin quod redoleat, superabit. Meliori jure fabulas, quas Romanenses dicimus, fictasque illas narrationes, quarum tanta Arabibus copia, poësi adjudices; quae, licet maximam partem solutâ oratione compositae sint, mirum quantum ingenii poëti prae se ferant.

77) Biblioth. Bodlej. codd. mscr. orr. catal. P. I, p. 266, 261.

78) Biblioth. Bodlej. codd. mscr. orr. catal. P. I, p. 259.

§. LV.

Praeter ea, quae pro argumenti diversitate Arabes statuunt carminum genera, habentur et alia, quae et argumentum et formam simul spectare videntur; in quibus *Kasida* et *Ghazal*. De *Kasidae* nomine et indole in diversas partes virorum doctorum sententiae abeunt. *Schiraxius* in scholiis ad *Haririi* consessum XLIII de *Kasidâ* haec docet: قصيدة لأن الشاعر يقصد انشاءها ويوكل خاطره على نظمها ولأنه يكسرها ويقطعها عن غيرها من الكلام i. e. ,,dicitur *Kasida*, quod poëta ejus compositionem sibi proponat, et ad eam condendam animum intendat, et abrumpat quasi, seu abscindat illam ab aliis orationis generibus“ 79). In hanc sententiam et Arabum et nostratium quam plurimi descenderunt. Sed vereor ne, admissâ illâ interpretatione, omnia in universum carmina *Kasidae* dici possint. Etenim quis non videt, poëtam cujuscunque carminis compositionem sibi proponere, ad condendum carmen animum intendere, illudque ab aliis orationis generibus abscindere. Alii 80) *Kasidam* inde appellatam existimant, quod verbum, quo poëtae indicant, se ad heroëm in *Kasidâ* celebrandum properare, proprium sit قصد; alii denique a carminum pangendorum significatione, quam verbum قصد admittit, *Kasidam* proxime carmen quodcunque, deinde carmen limatius ornatiusque, quales *Kasidae* esse solent, notare opinantur. Rectius fortasse *Kasidam* a justo compositionis modo, justoque versuum numero dictam existimes; namque verbum قصد inter cetera, *justum rectumque tenuit modum*, significat; unde قصيدة, *carmen justî moduli* dictum eam propter causam, ut a brevioribus illis atque incompositis carminibus discerneretur, quibus ante

79) Pocockii notae in Tograï carmen lamicum, p. I.

80) Bohlen Comment. de Motenabbio, p. 91.

Mohalhelum, *Kasidae* inventorem, poësis Arabica maximam partem continebatur. Quam sententiam confirmare videntur, quae *Firuzabadi* in *Kamuso*, edit. Calcutt. t. I, p. 406, 407, de vocabulis ^{قَصْدٌ} قَصْدٌ et ^{قَصِيدٌ} قَصِيدٌ disserit; cuius in hunc modum audiunt verba: الْقَصْدُ استقامة الطريق والاعتماد والآن قَصْدُهُ وَلَهُ وَالْيَهُ يَقْصِدُهُ وَضَدُ الْإِفْرَاطِ كَالْاِقْتِصَادِ وَمَوَاصِلَةُ الشَّاعِرِ عَمَلُ الْقَصَائِدِ كَالْاِقْتِصَادِ وَرَجُلٌ لَيْسَ بِالْجَسِيمِ وَلَا بِالضَّعِيفِ كَالْمَقْتَصِدِ وَالْمَقْصِدِ وَالْكَسْرِ بَأَى وَجْهٌ كَانَ أَوْ بِالنِّصْفِ كَالْتَقْصِيدِ وَالْقَصْدِ وَتَقْصِدُ وَالْعَدْلُ وَالتَّقْتِيرُ — — وَالْقَصِيدُ مَا تَمَّ شَطْرُ آيَاتِهِ وَلَيْسَ إِلَّا ثَلَاثَةُ آيَاتٍ فُصَاعِدًا أَوْ سِتَّةَ عَشَرَ فُصَاعِدًا i. e. ^{قَصْدٌ} قَصْدٌ rectitudo viae, propositum, intentio. ^{قَصَدَ} قَصَدَ cc. a., vel ^{قَصَدَ} قَصَدَ, fut. I, contrarium intemperantiae, sicuti in conjug. VIII. de poëtâ usurpatam: composuit *Kasidas*, idem et in conjug. VIII. ^{قَصِيدٌ} قَصِيدٌ vir neque corpulentus, neque macilentus; sicuti etiam ^{قَصَدَ} قَصَدَ et ^{مَقْصَدٌ} مَقْصَدٌ; fractio quocunque modo, vel per medium, idem in conjug. II, V et VII; justitia, parsimonia. ^{قَصِيدٌ} قَصِيدٌ poëma, cujus hemistichia perfecta sunt, constans tribus vel pluribus versibus, vel etiam sedecim pluribusque. — Sed quaecunque in re incertâ sententiam sequaris, id certe constat, *Kasidam*, si argumentum spectes, in laudatione et descriptione versari, eoque ordine procedere, ut primo formosae puellae, deinde equi vel cameli, denique insignis alicujus viri laudes celebrentur. Quod ad *Kasidae* formam adinet, modicae magnitudinis poëma, ut *Jonesti* utamur verbis ⁸¹), esse debet; raro aut plura quam centum disticha complectitur, aut pauciora quam viginti; primi distichi membra eundem referunt rhythmum finalem, qui deinde per totum carmen regnat, ita tamen, ut in postremo tantum cujusvis distichi membro recurat.

81) Poëseos Asiaticae commentarii, p. 66.

§. LVI.

Diversum a *Kasidâ* et argumento et formâ est illud carminum genus, quod *Ghazal* dicitur. Argumentum *Ghazali* ut plurimum in rebus amatoriis versatur; ad formam quod attinet, *Kasidis* multo breviores sunt *Ghazali*, quippe qui vix ultra septemdecim disticha progrediuntur, imo plerumque septem tantum vel octo complectuntur. Praeter *Kasidam* et *Ghazalum* in Arabum de arte poetica commentariis et nonnulla alia carminum genera notantur, ut *قطعة*, *carmen truncatum*, quod non ultra septem versus protenditur; *خصى*, *castratum*, quod usitatissimo illo *Kasidarum* exordio, a puellarum laude petito, destitutum est; *مثنوى*, *carmen*, quod in utroque hemistichio rhythmum finalem refert; de quibus carminum generibus uberius agere superfluum videtur.

§. LVII.

Superest, ut videamus, quatenam carminum Arabicorum genera ex nostrorum hominum praeceptis poeticiis statui possint. Omnis Arabum poësis sex potissimum carminum genera videtur comprehendere: *lyricum* videlicet, *descriptivum*, *satyricum*, *didacticum*, *narratorium* ⁸²⁾ atque *epigrammaticum*. *Lyricum* genus latissime patet, et pro diversâ adfectuum, qui exprimuntur, ratione diversas admittit species. Huc referas carmina heroica, elegiaca, amatoria et religiosa. Observandum autem, lyrica Arabum carmina non tantum in exprimendis adfectibus, verum etiam in describendis rebus versari; unde evenit, ut id poëseos genus cum sequenti, descriptivo nempe, conjunctissimum sit. Ad *descriptivum* genus inter cetera et laudatoria carmina referenda; quae etsi adfectuum plena sint, tamen maximam partem in de-

82) Ignoscant rigidi linguae Latinae censores binis vocabulis *descriptivum*, *narratorium*; quae etsi bonis auctoribus vix usitata sint, brevitatis tamen causâ admittenda videbantur.

scribendâ rei laudandae praestantiâ versantur. Huc et celebratissima illa septem carmina, quibus Moallakarum nomen, pertinere videntur; quamvis ab aliis, maxime *Jonesto*, bucolicae poësi tribuantur. At vero si carmina illa cum Graecorum Romanorumque carminibus bucolicis conferas, haud exigua et argumenti, et dictionis, et omnis omnino indolis diversitatem deprehendes. Namque ad argumentum quod adinet, praeter puellae formosae descriptionem, Arabum Moallakis nihil cum Graecorum Romanorumque carminibus bucolicis commune. Nulla in his vel equi bellicatoris, vel cameli, longinquorum itinerum comitis, vel fortitudinis bellicae mentio; quibus tamen rebus omne Moallakarum continetur argumentum. Accedit, quod et Moallakarum dicendi genus, quin imo omnis earum indoles altiore redoleat spiritum, quam is esse solet, qui in carminibus bucolicis conspicitur. — Late et descriptivum genus in Arabum poësi regnat; adeo quidem, ut, si lyrico generi primae tribuantur partes, secundas optimo jure descriptivum sibi vindicet. De *satyrico* genere dicere non adinet; namque ex ipso jam nomine satis intelligitur, quatenus genus illud sibi vindicet carmina. Ad *didacticum* genus omnis ethica atque gnomica Arabum poësis referenda; huc pertinent etiam longiora illa carmina, quae in exponendis grammaticis, philosophicis, theologicis, mathematicis, juridicialibus medicisque disciplinis versantur. *Narratorio* generi accensenda sunt historici argumenti carmina, fabulae porro Romanenses, aliaeque fictae narrationes, celebratissimi illi *Hariri* aliorumque consessus, apologi et similia, quorum licet magna pars solutâ oratione conscripta sit, tamen, argumentum si spectes, poësi meritotribuenda videntur. Ad *epigrammaticam* denique poësin, praeter ipsa epigrammata, referenda aenigmata, griphi, aliaque id genus.

§. LVIII.

Memoratis hisce carminum generibus omnis Arabum poësis continetur. Quaesiveris forsân, qui factum fuerit, ut epicam

atque dramaticam poësin Arabes non excoluerint, quarum tamen utramque tempore illo, quo literarum Graecarum studiis dediti essent, facile a Graecis adsciscere poterant. Hujus rei causam maxime in eo positam existimaverim, quod jam longe ante Abbasidarum tempora, quibus lingua literaeque Graecorum inter Arabes coli coepere, poësis Arabica ad summum florem pervenerit, tantusque antiquioribus illis poëseos monumentis postmodum honos habitus fuerit, ut serioris aevi poëtae ea vel omnino imitarentur, vel saltem ab iis carminum generibus, quae antiquioribus in usu fuerant, recedere non auderent. Jam vero cum ex antiquiori illâ poësi et epicum et dramaticum genus exularet, neque in recentiorem poësin recepta fuere; etsi verisimile sit, Abbasidarum sub imperio, quo tempore literarum Graecarum studia tanto cum ardore ab Arabibus tractata fuere, epicam quoque et dramaticam Graecorum poësin ipsis innotuisse. Quâ autem ratione evenerit, ut utrumque poëseos genus neque ab antiquioribus Arabum poëtis, neque omnino a Semiticae originis gentibus, Hebraeis, Syris et ceteris, excultum fuerit, cum tamen apud alios orientis populos, Sinenses, Indos Persasque vel utramque, vel alterutrum usitatum sit, non adinet hoc loco disquirere ⁸³).

Cap. III.

C o m p a r a t i o .

§. LIX.

Ex iis, quae de poëseos Hebraicae et Arabicae argumento diversisque carminum generibus hactenus disputata sunt, facile

83) De causis neglectae a populis Semiticis poëseos dramaticae jam superius, §. XL. not. 66, actum fuit. Easdem causas et poësi epicae apud populos illos officisse, facile est intellectu. Vide *Ewaldi* commentationem de Hebraeorum poësi, p. 14, 15.

intelligas, poësin Hebraicam ab Arabicâ et argumenti et generis varietate superari. Neque id adeo mirum; solent enim poëtae praecones esse, ut naturae rerumque externarum, quibus circumdantur, ita etiam sensuum, notionum atque cognitionum, quae inter populares suos vigent. Jam vero Hebraeorum notiones atque cognitiones arctioribus limitibus circumscriptae erant, quam Arabum; quare et res, quas Hebraeorum poëtae tractandas sibi sumebant, haud adeo variae esse poterant, quam quae ab Arabum poëtis carminibus mandarentur. Accedit, quod poëseos Hebraicae pauca tantum monimenta ad nostra tempora superaverint; Arabum contra poësis magnam et auctorum et carminum copiam habeat. Quare fieri vix potuit, quin et argumenti et generis varietate Hebraeorum poësis ab Arabicâ superaretur. Carminum Hebraicorum argumentum ut plurimum in celebrandis divini numinis laudibus, tradendis vitae morumque praeceptis, et deplorandâ miserâ populi Hebraici sorte versatur; rarius fortitudo bellica, et rarissime dulces amoris lusus, laudesque feminarum praedicantur. At vero Arabum poësis praeter numinis divini laudes morumque praecepta, praeter tristes humanae sortis casus, bella, amores, quos pingit, diversarum adhuc rerum descriptiones, narrationes, disputationes, omnisque generis sales atque facetias exhibet. Poëseos Hebraicae pro ratione illorum, quae adhuc supersunt, monumentorum, duo tantum genera statuimus, *lyricum* videlicet et *didacticum*, quibus in Arabum poësi quatuor insuper accedunt, *descriptivum*, *satyricum*, *narratorium* atque *epigrammaticum*. Verum et in illis poëseos generibus, quae Hebraei cum Arabibus communia habent, haud parum obtinet discriminis. *Lyrice* Hebraeorum poësis maximam partem hymnis in Deum elegisque in tristes populi Hebraici casus continetur; carmina heroica, amatoria neniaeque paucissimae habentur; contra Arabibus magna copia carminum heroicorum, amatoriorum neniarumque. Inter Hebraeorum Arabumque *heroica carmina* id quoque intercedit discriminis, quod in illis non homi-

num, sed Jovae fortitudo gloriaque celebretur; in his autem nonnisi humana audacia virtusque praedicetur. Namque ex Hebraeorum, hominum religiosissimorum, sententiâ Deus ipse pro populo sibi dilecto contra hostes dimicabat; quod si igitur victoria reportata esset, ea nequaquam hominum fortitudini, sed soli numinis divini praesidio tribuenda videbatur. Contra Arabes, gens bellicosissima, omnem in bello spem in dexteris suis gladiisque collocabant; quare, si victoriam de hostibus reportassent, nonnisi suam ipsorum virtutem praedicare solebant. Haud minus et *didactica* Hebraeorum Arabumque poësis inter se differt. Hebraeorum carmina didactica nonnisi ad res divinas morumque institutionem pertinent; contra Arabes omne scientiarum genus, theologiâ, philosophiam, jurisprudentiam, medicam artem, mathesin, historiam, grammaticam, poëticam etc. carminibus comprehenderant. Neque tamen id Arabum poësi laudi ducendum; namque si doctis illis carminibus formam poëticam demas, parum, vel nihil omnino, quod poësin redoleat, superabit. Tanto didacticae Arabum poëseos ambitu, est tamen aliqua illius poëseos species, quam Hebraei propriam sibi vindicant, quamque neque apud Arabes, neque apud alium quendam populum deprehendes. *Propheticam* dico poësin, quae, etsi magnam partem in tradendis vitae morumque praeceptis versetur, tamen pro singulari, quo apud Hebraeos prophetae fungebantur, munere, pro singulari porro modo, quo populum suum jam docebant, jam castigabant, jam solabantur atque erigebant, singularem quoque induit colorem, diversum ab eo, quem Arabum ceterorumque populorum carmina paraenetica praese ferunt. In Arabum carminibus paraeneticis numinis divini amor, rerum humanarum contemptus, vitaeque integritas commendantur; sed suo nomine poëtae loquuntur, sicuti morum praeceptores solent, neque numinis divini ex auctoritate aut publicas calamitates minantur, nisi monitis suis obtemperetur, aut publicam salutem spondent, si ad meliorem frugem populares sui redie-

rint. Contra Hebraeorum prophetae non suo, sed Jovae nomine verba faciunt; duram populi sui sortem numinis divini irâ immissam, durioraque adhuc eventura contendunt, nisi Jovam pio ainceroque animo populus colat; at lætissima instare tempora, si corruptos mores exuerint, idolorum cultui rennantiaverint, solique Jovae inhaeserint.

§. LX.

Quod ad reliqua adtinet poëseos genera, quae praeter lyricum et didacticum apud Arabes obtinent, haud diffidendum, aliqua saltem illorum et in Hebraeorum poësi occurrere vestigia. Sic in ultimis Jobi capitibus, XXXVIII—XLI, pulcherrimae obviam sunt *descriptiones*, equi praeprimis, hippopotami et crocodili. Neque inter psalmos desunt, quos ad genus descriptivum referre possis; huc inter ceteros elegantissimus ille psalmus CIV pertinere videtur, quo in carmine Jovae majestas atque benignitas splendidissimis pingitur coloribus. Mirum videri possit, carmina *laudatoria*, praeter ea, quae ad numen divinum referuntur, in Hebraeorum poësi paucissima haberi, cum tamen id carminum genus apud Arabes late pateat, et non solum ad viros illustres, verum etiam ad feminas pertineat. Ejus rei duplex causa reddi possit; vel enim Hebraeorum poëtae praeter Jovam regemque suum, quem Jovae quasi vicarium putabant, neminem mortaliū dignum censebant, quem carminibus celebrarent; vel si omnino et virorum illustrium laudes praedicabant, iis, qui antiquorum Hebraeorum monimenta literaria collegerunt, inque unum corpus redegerunt, indignum visum fuit, carminibus iis, quae Jovae, vel etiam regis majestatem gloriamque celebrarent, talia immiscere, quae aliorum mortalium laudes praedicabant. — Carmina *satyrica* Hebraeorum poëtae ex instituto quidem non scripsere; nihilo tamen minus, maxime in prophetarum scriptis, nonnulla reperiuntur, quae satyrico generi adjudicari possint. In quorum

numerum haud immerito referas carmen illud probrosum in regis Babylonici interitum, quod Jesaiae cap. XIV, v. 4—20, habetur; cui carmini etsi haud desint sales et cavillatio, tamen tanta etiam inest dignitas, ut dubitem, an in magnâ carminum satyricorum, quae Arabum poëtae fuderunt, copiâ ullum inveniatur, quod carmini illi possit aequiparari. — Quae ad *narratorium* poëseos genus pertinent carmina historica fabulaeque Romanenses in Hebraeorum poësi quidem desiderantur; neque tamen omnino desunt narrationes fictae atque apologi. Fictis narrationibus, sicuti superius jam monitum fuit, *Jonae* liber adnumerandus videtur; apologi autem egregium specimen habetur Judicum libro, cap. IX, 8—15. — *Epigrammaticae* denique poëseos vestigium habes in aenigmate illo, quod occiso leone *Simson* Philistaeis solvendum proposuit, Judd. cap. XIV, 14. — Vides, id, quod magnâ copiâ atque varietate in Arabum poësi superest, apud Hebraeos nonnisi sparsim frustatimque reperiri; quare, si similitudine uti licet, poësin Arabicam domum amplam atque magnificam, omnibus suis partibus integram, sartam tectamque dixerim; Hebraicam contra magnificae domus ruinam, cujus structura vel non absoluta, vel temporum injuriâ collapsa fuit, ita ut nonnisi modica inconcussa stet pars, cetera rudera atque fragmenta. Ceterum quamvis copiosissima sit Arabum poësis, tamen in eo cum Hebraicâ convenit, quod utraque et epicis et dramaticis carminibus destituta sit. Fuere quidem, qui vel utrumque, vel alterutrum poëseos genus Hebraeis Arabibusque vindicare vellent, sed parum probabilibus rationibus. Etenim si cum *Augustio* ⁸⁴⁾ Hebraeorum *Pentateuchum*, et cum *Jonesio* ⁸⁵⁾ *Arabschiadae historiam Timuri* epicae poësi adnumeres, omnibus legibus, quas artis poëticae magistri de carminum epicorum indole et ratione statuerunt,

84) Introductio hist. crit. in Vet. Testam. edit. II, p. 137—148.

85) Poëseos Asiaticae commentarii ex Eichhornii edit. p. 238—240.

renunties necesse est. Haud meliori jure cum *Coccejo*, *Bezâ* aliisque *Jobi* librum ad dramaticam referas poësin; siquidem omnis actio, sine quâ poësis dramatica consistere nequit, in carmine illo desideratur. Quare rectius statuas, duplex illud carminum genus, epicum videlicet atque dramaticum, quo in universo poëseos ambitu nil praestantius, Hebraeis Arabibusque omnino insolitum fuisse.

P a r s III.

De stylo carminum Hebraicorum atque Arabicorum.

C a p. I.

De stylo carminum Hebraicorum.

§. LXI.

In explicandâ poëtici Hebraeorum styli indole non ipsa tantum elocutio, quam proprio strictiorique sensu stylum dicunt, verum omnis poëtarum Hebraeorum cogitandi atque sentiendi ratio consideranda videtur. Namque elocutionis fons atque origo cogitatio sensusque, quorum utrumque adeo arcte conjunctum, ut alterum sine altero vix intelligi atque dijudicari possit. Ut autem populi cujusdam cogitandi sentiendique rationem probe perspicere atque dijudicare possis, necesse est, ut ejus vitam, mores, instituta, tum sacra, tum civilia, imo et terram coelumque, sub quo degit, probe cognita habeas. Quare haud abs re videtur, Hebraeorum vitam, mores, instituta, terram coelumque quam brevissime perstringere; unde et totius populi in universum, et poëtarum Hebraicorum speciatim cogitandi, sentiendi loquendique ratio clarior evadet.

§. LXII.

Hebraeorum vitam moresque si spectes, antiquioribus temporibus, ad *Salomonis* usque imperium, simplicissimi fuere. Montibus, mari desertisque a reliquo terrarum orbe seclusus populus Hebraicus nonnisi rei pecuariae agrorumque culturae operam navabat. Cum peregrinis gentibus, praeter bellum, nullum commercium; quare neque mores peregrini, neque divitiae, quibus mores corrumpuntur, in Palaestinam invehiri poterant. Literarum atque scientiarum studia parvi aestimata, et nonnisi a sacerdotibus, levitis prophetisque aliquantulum exulta; quo factum, ut Hebraei longissime ab eâ abessent eruditione, quam inter antiquos populos Aegyptii, Phoenices, Hebraeorum vicini, nec non Graeci Romani-que consecuti sunt. A *Salomonis* inde imperio ad exilii Baby- lonici usque tempora Hebraeis omnino et cum exteris gentibus aliquod intercessit commercium, imo inter primores populi divites-que luxuria quoque grassari coepit; at vero major meliorque populi pars, paupertati, saepe etiam injuriae potentiorum obnoxia, a pristina vitae morumque simplicitate parum descivit. Ea vero vitae morumque simplicitas non potuit non in omni Hebraeorum cogitandi, sentiendi loquendique ratione conspici. Quare in omni- bus Hebraeorum scriptis, proinde et in poetarum monumentis grata quaedam dicendi *simplicitas* deprehenditur.

§. LXIII.

Praeter illam vitae morumque simplicitatem et instituta populi Hebraici, tum sacra, tum civilia, multum ad poetarum sentiendi dicendique rationem valere. Omnia Hebraeorum instituta ad Deum auctorem referebantur; a Deo leges Mosaicae profectae credebantur; Dei nomine atque auctoritate reges summi-que pontifices, quin imo omnes rerum sacrarum civiliumque ministri provinciam suam administrare putabantur. Adde, quod et omnes populi Hebraici casus, vel secundi, vel adversi, a Deo immissi

existimarentur. Deo iubente *Abrahamus*, gentis Hebraicae auctor, ex Mesopotamiâ in Palaestinam migraverat; Deo annuente *Jacobus* cum filiis Aegyptum petierat; ejusdem Dei jussu et auxilio *Moses* populares suos a servitute, quâ in Aegypto premebantur, in libertatem vindicaverat. Quâ opinione cum Hebraeorum animi tenerentur, factum est, ut omnes eorum cogitationes, sensus factaque cum religione quâdam conjuncta essent; quâ re, sicuti animi pejores deprimebantur, ita meliores efferebantur. Quae animorum meliorum relatio in Hebraeorum poëti manifesto conspicitur; siquidem inde *sublimitas* illa cogitationum atque orationis enata est, quae in carminibus Hebraicis ut plurimum cum dicendi simplicitate consociata deprehenditur.

§. LXIV.

Haud minimam denique partem in formandis Hebraeorum poëtis et terrae coelique, sub quo degebant, ratio sibi vindicat. Terrâ, quam Hebraei incolebant, nil amoentius. Habet enim laetissimos montes camposque fertilissimos; neque desunt flumina, lacus fontesque ad irrigandam terram. Quamvis calidioribus regionibus adnumeranda sit Palaestina, tamen solis aestus auris a mari *Libanoque* spirantibus temperatur; quo fit, ut ad terrae amoenitatem coeli adhuc salubritas accedat. Quae coeli terraeque natura plurimum conferebat ad excitandam augendamque poëtarum imaginandi vim, quandoquidem vix alia animi vis rebus externis magis excitatur aliturque. Jam vero id quasi proprium sibi vindicat imaginandi vis, ut nativâ rerum formâ haud contenta, vividioribus easdem coloribus obducatur, imaginibus involvat, et vel iis, quae vitâ sensuque destituta sunt, vitam sensumque tribuat. Hinc *tropicum*, sive *figuratum* dicendi genus oritur, quo, si qui alii, certe Hebraeorum poëtae mirum in modum delectantur. Ex iis, quae hactenus disputata sunt, efficitur, poëtarum Hebraicorum stylum triplici potissimum genere, *sim-*

plici nempe, *sublimi* atque *figurato* contineri. Tribus hisce quantum addas, *Lowthio sententiosum* appellatum, quod cum simplici conjunctissimum est, imo ex illo originem trahit. De quovis dicendi genere sigillatim agendum.

§. LXV.

Simplicitas orationis, sive solutae, sive ligatae, primum in materiae tractandae *dispositione*, deinde in ejusdem *expositione*, sive tractatione conspicitur. Simplicem materiae dispositionem eam dixeris, quae nonnisi ea, quae ad rem pertinent, admittit, faciliq[ue] ordine distribuit, spretis iis, quae minus necessaria videntur, aut quibus orationis nexus turbari possit; similiter simplicem materiae tractationem eam existimes, quae omnibus et cogitationum et verborum ambagibus abstinet, remque, sicuti est, plane atque perspicue exponit. In Hebraeorum carminibus, sive materiae dispositionem, sive tractationem respicias, simplicissimam utramque invenies. Exemplum simplicissimi et elegantissimi carminis exhibet psalmus CXIV, in quo populi Hebraici ex Aegypto egressus, duce Jovâ, in hunc modum describitur:

בצאת ישראל ממצרים

בית יעקב מעם לעז:

חיתה יהודה לקרשו

ישראל ממשלותיו:

הים ראה וינס

הירדן יסב לאחור:

ההרים רקדו כאילים

גבעות כבני צאן:

מה לך הים כי חנוס

הירדן חסב לאחור:

ההרים תרקדו כאילים

גבעות כבני צאן:

מלפני אדון חולי ארץ

מלכתי אליה יעקב:

ההפכי הצור אגם מים

הלמש למעיני מים:

Cum exiret *Israël* ex Aegypto,
 Domus *Jacobi* e populo barbare loquente,
 Evasit *Juda* sacrum ejus,
Israël dominium ejus.
 Mare vidit fugitque,
Jordanes convertit se retrorsum;
 Montes subsiluerunt sicut arietes,
 Colles sicuti pulli ovium.
 Quid tibi, mare, quod fugeris,
Jordanes, quod retrorsum te converteris,
 Montes, quod subsilueritis sicut arietes,
 Colles, sicuti pulli ovium?
 Prae conspectu Domini contremisce, terra,
 Prae conspectu Dei *Jacobi*;
 Qui saxum convertit in stagnum aquarum,
 Silicem in fontem aquarum.

Carminis hujus haec fere dispositio: cum Jova populum suum ex Aegypto educeret, ipsa rerum natura ejus obtemperavit voluntati. Qui hoc factum? Merito; etenim Jova potentissimus. — Vides, quanta sit in disponendâ materiâ simplicitas; neque minor in tractandâ conspicitur. Nullae, neque in cogitationibus, neque in verbis ambages, nil quod nexum interrumpat, aut alio quovis modo lectorem impediat, omnia plane et expedite procedunt. Possit tamen aliquis objicere, synonymum illum hemistichiorum parallelismum, Hebraeorum poësi familiarissimum, quo eadem sententia bis, imo pluribus interdum vicibus, mutatis tantum verbis, exprimitur, orationis simplicitati in carminibus Hebraicis haud parum officere. — Si quid judicamus, parallelismus synonymus orationis simplicitati adeo non officit, ut potius in hoc

ipso summa poëseos Hebraicae simplicitas conspiciatur. Namque orationis simplicitas non in eo cernitur, ut sententiam aliquam projicias, neque cures, utrum audienti vel legenti satis sit perspicua, an minus; contra simplicitas semper cum perspicuitate orationis conjuncta est. Jam vero Hebraei, sicuti omnes homines simpliciores, a definitionibus atque demonstrationibus, quibus notiones atque sententiae illustrari probarique solent, alienissimi sunt; neque id genus expositionis orationi poëticae omnino conveniret. Quod igitur pictores solent, qui tabulas suas huc illic vertunt, ut commodissimâ luce collustrentur, idem et Hebraeorum poëtae faciunt, eandem nempe sententiam diversis modis exprimunt, quo magis eâ ratione illustretur atque confirmetur. Neque illa ejusdem sententiae repetitio orationis nexum turbat, aut ullam lectori molestiam exhibet; contra cum symmetriae legibus adstricta sit, jucundissima videtur ⁸⁶). Hinc efficitur, parallelismum synonymum orationis poëticae simplicitati nequaquam officere. Neque tamen inficiandum, seriores Hebraeorum poëtâs ab antiquiorum simplicitate aliquantum desoivisse; id quod de senioris aevi prophetis, maxime vero de *Ezechiele* praedicaverim, cujus stylum haud raro adfectatum, confusum, nimisque ornâmentis cumulatum deprehendes.

§. LXVI.

Alterum dicendi genus, in Hebraeorum carminibus obvium, *sententiosum* est, quod cum priori, simplici nempe, conjunctissimum, imo ex illo originem traxisse videtur. Solent enim, qui simplici utuntur sermone, breves esse, neque periodis artificiosis, sed sententiis leviter inter se connexis animi sensus proferre. Hoc dicendi genere antiquitatis potissimum sapientes usi sunt in

86) De parallelismi poëtici indole uberius disputabimus infra parte IV., ubi de externâ carminum Hebraicorum formâ agetur.

tradendis vitae morumque praeceptis. Et profecto ad docendum populum nil commodius brevibus ejusmodi sententiis, quae vel ab imperitioribus facili negotio memoriae mandantur. Quare apud omnes gentes popularis illa philosophia id dicendi genus proprium quasi sibi vindicavit. In Hebraeorum poësi sententiosum dicendi genus quam latissime regnat, et non solum in proverbiiis, quibus maxime peculiare est, verum etiam in reliquis libris poëticis atque propheticiis locum habet. Quia imo adeo ad poëticam Hebraeorum orationem pertinere videtur, ut cessante illo dicendi genere et poësin ipsam cessare existimes. Cui rei prophetarum scripta documento esse possunt. Etenim haud raro prophetae, senioris potissimum aevi, stylum variant, et modo poëticâ, modo prosâ oratione utuntur. Utriusque styli discrimen ut possis cognoscere, attendendum praeprimis, utrum brevioribus sententiis distincta sit oratio, an longiori diffuat verborum flumine. Quamdiu sententiosam deprehendas orationem, et cogitationibus sensibusque poëticis haud deerit color; contra simulac diffluere videas orationem, cogitationum quoque color poëticus evanesceat. Quare recte *Lowthius* de sententioso dicendi genere in hunc modum judicat ⁸⁷⁾: „Hoc igitur primum et praecipuum habet in poësi Hebraeâ sententiosum dicendi genus, ut orationem solutam et diffluentem coërceat, numerisque distinguat. — Sed et in ceteris“, ut idem auctor docet, „magnum habet vim, multasque in se continet easque insignes virtutes. Nam ut saepe ex hoc fonte eximiam elegantiam, dulcedinem et nitorem ducunt sacra poëmata, ita in multis eidem suam debent sublimitatem et pondus: crebrae sibi instantes sententiae vel maxime concisam, gravem et incitatam faciunt orationem.“ Ceterum cum id dicendi genus Hebraeorum poëtis adeo sit familiare, ut tantum

87) De sacrâ Hebraeorum poësi, praelect. IV, p. 85, ex edit. J. D. Michaelis.

non semper illo utantur, exemplis rem illustrare eo minus necessarium videtur, quo magis ex iis, quae inferius in medium proferentur, illius generis ratio atque indoles cognosci poterit.

§. LXVII.

Tertius poëticae Hebraeorum styli character *sublimitate* continetur, qui, si alius cujusdam gentis poësi, certe Hebraeorum maxime peculiaris est. Omnis orationis sublimitas vel in cogitationibus sensibusque, vel in elocutione posita est. Sublimitas cogitationum sensuumque oritur, ubi magnus animus magnis rebus impletur atque commovetur. Quare sublimes ut prodeant cogitationes sensusque, necesse est, ut magnis gravibusque rebus poëtae animus intentus sit. Jam vero Hebraeorum poëtae maximam partem in rebus divinis versantur, quibus nihil majus graviusque; quare fieri non potuit, quin altius saepissime insurgerent, dummodo ingenio ne destituerentur. Quo quidem non tantum destituti non fuere, verum etiam excellentissimo praediti; adeo, ut neque in veterum, neque in recentiorum populorum poësi invenias, quod magnificentissimas illas divinae majestatis, potentiae atque benignitatis descriptiones, quae in Hebraeorum carminibus habentur, sublimitate possit equiparare. Exemplum frequentissime occurrit, maxime in *Psalmorum* et *Jobi* libro, nec non *Jesaeae* vaticiniis; sufficiat unum alterumve in medium protulisse. Quid quaeso sublimius esse potest illâ divinae potentiae descriptione, quâ Psalmus CIV orditur:

יהוה אלהי גדלת מאד

הוד והדר לבשת:

ענת אור כשלמה

נוסח שמים כיריע:

המקרה במים, עליוהר

השם עבים רכובו

המהלך על כנפי רוח:

עשה מלאכיו רוחות
 משרתיו אש להם:
 יסד ארץ על מכונת
 כל המום עולם ועד:
 תהום כלבוש כסיתו
 על הרים יעמדו מים:
 מן גערהד ינוסון
 מן קול רעמך יחסון:
 יעלו הרים ירדו בקעות
 אל מקום זה יסדה להם:
 גבול שמה כל יעברון
 כל ישבון לכסות הארץ:

Jova, Deus mi, perquam magnus es,
 Gloriâ et majestate amictus.
 Induit lucem, sicuti vestimentum,
 Extendit coelum, tanquam aulaeum.
 Contignat aquis coenacula sua,
 Facit nubes currum suum,
 Vehitur in alas venti.
 Facit ventos nuntios suos,
 Ignemque flammantem ministrum suum.
 Fundavit terram super bases suas,
 Ne vacillet in aeternum.
 Abyso tanquam veste operueras eam,
 Super montes stabant aquae;
 Ab increpatione tuâ se proripuerant,
 A voce tonitrus tui fugatae sunt.
 Escenderant montes, subsederant valles
 In locum, quem constituisti illis.
 Limites posuisti, ne transgrediantur,
 Ne revertantur ad obruendam terram.

Hujus carminis quot versus, tot lumina: quantus ille, qui coelum immensum instar aulaei extendit, cujus mandatis venti atque fulmina parent, qui infinitum terrae pondus immobili fundamento fulcivit, cujusque minis vasta illa aquarum moles, quae in primordio mundi terram operuit, fugata cancellisque suis circumscripta fuit! — Haud deterioribus coloribus numinis divini omnipraesentia depingitur Psalmo CXXXIX, 7—13, in hunc modum:

אֵנָה אֵלֶךְ מֵרוּחַךְ
וְאֵנָה מִפְּנֵיךְ אֲבִרָחָ:
אִם אֶסֶק שָׁמַיִם שֵׁם אֲתָה
וְאֲצִיעָה שְׂאוֹל הַנֶּךְ:
אִשָּׁא כְנֹסֵי שָׁחַר
אֲשַׁכְנֶה בְּאַחֲרֵית יָם:
גַּם שֵׁם יָדְךָ תִּכְחַנֵּי
וְתִתְחַזְּנֵי יָמִינְךָ:
וְאֹמַר אֶךְ תִּלְךָ יְשׁוּסֵי
וְלִילָה אֹרֵךְ בְּעַדֵּנִי:
גַּם חֶשֶׁךְ לֹא יִחַשְׁיֵךְ מִמֶּךָ
וְלִילָה כִּיּוֹם יֵאָרֵךְ
כְּחֹשֶׁכְךָ כְּאֹרֶחַ:
כִּי אֲתָה קִנִּיתָ כְּלִיתִי
חֲסַכְנִי בִּבְטָחַן אֲמִי:

Quo me conferam a spiritu tuo,
Quove a facie tuâ fugiam?
Si adscendam in coelum, tu illie es;
Si infernum stratum faciam, ecce tu ades.
Si alas aurorae sumerem,
Habitem in finibus maris:
Etiam ibi manus tua me duceret,
Teneretque me dextera tua.
Si dicerem, certe caligo me occultabit:
Ipsa nox luce me circumfundit.

Etiam caligo non obscurat a te,
 Et nox sicuti dies lucet,
 Tenebrae sunt instar lucis.
 Namque tu formasti renes meos,
 Texuisti me in utero matris meae.

Quoties insignem hanc divinae omnipraesentiae descriptionem relegimus, admiratione excellentissimi poëtae ingenii adficimur, persuasumque habemus, nil grandius, nil sublimius in hoc genere posse reperiri. Certe vividiori imagine numinis divini scientia, cuncta penetrans, exprimi vix potuit, quam si diceretur, noctem ipsam atque caliginem in conspectu Dei diei lucisque instar lucere. Neque tamen in divinis tantum rebus exponendis altius insurgunt Hebraeorum poëtae; imo et in rerum terrenarum descriptione sublimes quam saepissime feruntur. Exemplum habes in equi, hippopotami et crocodili descriptione, quam *Jobi* liber, cap. XXXIX, 22—28, XL, 15—XLI, 25, exhibet. Ne longissimus, unam tantum alteramve imaginem ex crocodili descriptione in medium proferemus:

עֲשִׂישָׁחִי תִהְיֶה אֹרֶךְ
 וְעֵינָיו כַּעֲפָפִי שָׁחַר:
 מִפִּי לִפְדִּים יִחַלְכוּ
 כִּדְדוּדֵי אֵשׁ יִתְמַלְטוּ:
 מִנְחִירָיו יֵצֵא עָשָׁן
 כְּדוֹד נִפּוֹחַ וְאִגְמָן:
 נִפְשׁוּ גִחְלִים תִּלְהָט
 וְלֹהֵב מִפִּי יֵצֵא:
 בְּצוּאָרוֹ יִלֵּין עוֹ
 וְלִסְנָיו תְּדוּץ דָּאֵבָה:
 יִחַשֵׁב לִחְבֵּן בְּרוֹזַל
 לַעֵץ רִקְבוֹן נִחוּשָׁה:
 יִרְחִיתָ כְּסִיר מִצֹּלָה
 יֵם יִשִּׁים כְּמִרְקָחָה:

Sternutatio ejus lucem splendentem emittit,
 Oculique tanquam palpebrae aurorae.
 E faucibus faces prodeunt,
 Scintillae ignis se proripiunt.
 E naribus fumus exit,
 Instar ollae aestuantis atque aheni.
 Halitus ejus carbonem incendit,
 Flammaque ex ore prodit.
 In collo ejus robur commoratur,
 Et coram facie exsultat terror.
 Ferrum pro paleâ habet,
 Aes pro putrido ligno.
 Fervefacit ollae instar abyssum,
 Mare reddit sicut unguentorum commixtionem.

Sed locus nos deficeret, si, quaecunque sublimius effati sunt
 Hebraeorum poëtae, proferre velimus; quare unum id addimus,
 integrum fere *Jobi* librum, videlicet inde a tertio capite ad pri-
 mum et quadragesimum usque, cogitationum sensuumque subli-
 mitate esse insignem.

§. LXVIII

Quod ad *elocutionis* attinet *sublimitatem*, ea vel in senten-
 tiarum conformatione, vel in verborum delectu locum habebit.
 Quamvis sermo Hebraicus et in formandis sententiis simplicissi-
 mus sit, et epithetorum, quibus maxime ornatur oratio, inopiâ
 quâdam laboret, tamen haud desunt et in elocutione, quae ad
 orationis sublimitatem conferant. Huc referas illum poëtarum
 Hebraeorum idiotismum, quo, spretâ vulgari alicujus rei appel-
 latione, aliam ab insigni quâdam illius rei proprietate petitam
 usurpant. Sic Deus a potentiâ quam saepissime אביר, *fortis*,
 appellatur, Jes. XLIX, 26, Ps. CXXXII, 2, 5; eodem vocabulo
 et tauri nec non equi insigniuntur, Ps. XXII, 13, Jer. VIII, 16.

Sic solis sidus a calore חמה, *candens*, luna ab albedine לבנה, *alba*, Jes. XXIV, 23, Cant. VI, 10; principes a dignitate ריכנים, *graves*, Ps. II, 2; plateae a strepitu דלמיות, *strepentes*, Prov. I, 21, dicuntur. Ad poëticae elocutionis sublimitatem pertinet et adjectivi cum substantivo, non sine aliquâ emphasi, permutatio. Exempla habes Ps. X, 5, מרום משפטיו מננו, *altitudo judiciorum tua e conspectu ejus*, i. e. alta sive remota adeo improbus judicia divina existimat, ut nil inde sibi timeat; Ps. LXXXVIII, 19, מירעי מחשך, *noti mei caligo*, i. e. subtraxerunt se oculis meis, perinde ac si caligine obducti essent; Job. XXXIX, 20, דודו כתר אימה, *magnificentia fremitus ejus (equi) terror*, i. e. terribilis. Interdum Hebraeorum poëtae verbi loco nomen substantivum adhibent, quae permutatio itidem nonnihil ad orationis dignitatem atque sublimitatem conferre videtur. Sic 1 Mos. XLIX, 4, ראובן פחו כמים, *Ruben lascivia instar aquarum*, i. e. Ruben lasciviâ intumuiisti, sicut aquae ferventes intumescere solent. Similiter Jes. VIII, 5, — יען כי מאס העם הזה את מי השלה — *quia populus hicce spernit aquas Siloae — et gaudium Rezini*, i. e. et gaudet Rezino. Saepissime denique Hebraeorum poëtae, inque primis prophetae, personas permutant, ita quidem, ut a primâ ad tertiam, a tertiâ ad secundam, versâque vice a secundâ ad tertiam transsiliant. Quae personarum subita permutatio, sicuti ex animo vehementius commoto procedere solet, ita haud raro magnam vim magnumque pondus orationi conciliat. Exempla sexcenta in medium proferre possemus; sufficiat tamen unum alterumve adposuisse. Modo primam, modo tertiam personam, licet de eadem sermo sit, adhibitam vides *Jobi* cap. XII, 4, quo loco Jobus de se ipso in hunc modum loquitur:

שחק לרעהו אהיה

קרא לאלזה ויענהו

שחוק צדיק תמים:

Derisui socio suo ego sum,
 Invocans Deum, qui eum (me) exaudit,
 Derisui (est) integer, insons.

A tertiâ ad secundam personam transsilit oratio Jes I, 29, כי יבשו מאילים אשר חמדתם, *namque pudebit eos terebinthorum, quibus delectati estis*; a secundâ ad tertiam personam transitur 1 Mos. XLIX, 4:

כי עליה משכבי אביך
 אז חללה יצוהי עליה:

Namque conscendisti cubilia patris tui,
 Tunc (ea) contaminasti, stratum meum conscendit.

Neque desunt exempla, quibus loco tertiae personae primam poëtae adhibent, et de rebus remotissimis perinde agunt, ac si ipsi praesentes adfuissent, unde haud parum vigoris, imo et sublimitatis orationi accedit. Sic Psalmo LXVI, 6, ubi de numinis divini beneficiis, in populum Hebraicum antiquissimis temporibus collatis, poëta ita loquitur, ac si ipse beneficiorum illorum particeps fuisset:

המך ים ליבשה
 במהר יעברו ברגל
 שם נשמחה בו:

Convertit (Deus) mare in terram siccam,
 Per fluvium transierunt pedibus,
 Tunc laetati sumus eo.

§. LXIX.

Quartum dicendi genus, quo Hebraeorum poëtae utuntur, est *tropicum* sive *figuratum*. Figuratum dicendi genus locum habet, ubi, ut *Lowthii* utamur verbis, una pluresve voces vel imagines in aliarum locum transferuntur; aut etiam aliis illustrandis inserviunt, ex aliquâ, quam cum iis habent, similitudine. Id dicendi genus cum latissime regnet, indolemque poëtaeos He-

braicae praeprimis patefaciat, uberius nobis exponendum. Ac primo quidem de fontibus agemus, e quibus Hebraeorum poëtae orationis figuras derivare solent; deinde ipsas orationis figuras, quae in carminibus Hebraicis maxime obviam sunt, considerabimus. Universam rerum naturam cognitionum humanarum uberimum esse fontem, nemo est, qui eat infitias. Proinde haud quisquam mirabitur, et poëtas imagines, quibus ad illustrandas atque exornandas cogitationes suas utuntur, maximam partem e rerum naturâ petere. Id Hebraeorum quoque poëtae eo magis fecere, quo magis jam ipsâ vivendi ratione cum naturâ conjuncti essent. Possunt autem, quae a rebus naturalibus derivantur imagines, vel e rerum naturâ in universum, vel ex singularis cujusdam regionis locive naturâ repeti. Utriusque generis imagines frequentius in carminibus Hebraicis obviam sunt; frequentissimae tamen illae, quae a rebus naturalibus vel orienti, vel Palaestinae peculiaribus petitae sunt. Cum omnium fere gentium poëtis id commune habent Hebraei, ut res secundas adversasque cum luce tenebrisque, fragilitatem humanam cum herbis floribusque languescentibus, infirmitatem cum arborum foliis, huc illuc a vento agitatis, firmitatem atque securitatem cum montibus rupibusque, magna pericula cum aquarum voragine vel turbine componant. Quae imagines cum ex rerum naturâ in universum petitae sint, haud mirum, eas omnium fere gentium poëtis communes esse. Exempla in Hebraeorum carminibus sexcenta obviam sunt; juvabit unum tantum alterumve in medium protulisse. Lucis tenebrarumque imagine fortuna secunda atque adversa repraesentatur Psalmo XVIII, 29:

כִּי אֶתֵּחַ חֹאֶר נֶרִי יְהוָה

אֱלֹהֵי יִגִּיד חֹשֶׁךְ:

Namque tu lucere facis lucernam meam, Jova,

Deus meus illustrat tenebras meas.

Similiter *Jobi* libro, cap. XI, 17:

ומצדורים יקום חלד

תעמם כבקר ההיה:

Et prae meridie exsurget tempus,

Tenebris (jam) obrutus, eris instar lucis matutinae.

Fragilitas humana herbae jam virentis, mox vero languescentis imagine notatur Psalmo XC, 6:

כבקר יציץ וחלף

לערב ומולל ויבש:

Mane floret et virescit (homo),

Ad vesperam succiditur et arescit.

Infirmittatem folium a vento propulsum, stipulaque arida designat Jobi libro, cap. XIII, 25:

העלה כדף חריוץ

ומה קש יבש חרדף:

Num folium excussum exagitabis,

Stipulamque aridam persequeris?

Firmitatem atque securitatem montes rupesque repraesentant Psalmo LXII, 7, 8:

אך הוא צורי וישועתי

משגבי לא אמום:

על אלהים ישעי וכבודי

צור עזי מחסו באלהים:

Profecto ipse (Deus) rupes mea salusque,

Arx mea, non vacillabo;

In Deo salus mea atque gloria,

Rupes roboris mei, refugiumque meum in Deo.

Magna denique pericula perniciēsque inundationis turbinisque imagine exhibentur Jobi libro, cap. XXVII, 20, 21:

תשיגהו כמים בלהות

לילה נבחרו סופה:

ישארו קדים וילך

וישעיהו ממקומו:

Consequuntur eum (improbum) aquarum instar terrores,
Noctu abripit eum turbo.

Tollit eum Eurys, peritque,

Deturbatque eum loco suo.

Malto frequentius autem, sicuti jam monitum fuit, Hebraeorum poëtae imagines suas a rebus naturalibus, quae vel in oriente in universum, vel in Palaestinâ praeprimis occurrunt, derivare solent. Ut ordine quodam procedamus, primo quas ab animalibus, deinde quas a rebus inanimatis petere solent imagines, recensemus. Ex animantibus maxime leones, ursos, lupos, cervos, dorcades, bubalos, tauros, asinos, onagros, thoës, canes, struthiocamelos, columbas atque serpentes in figuratâ adhibent oratione; ex arboribus cedros, palmas oleasque; ex montibus *Libanum Carmelumque*. Leonum, bubalorum, taurorum canumque imagine improbi potissimum violentique notantur homines. Exemplum habes Psalmo XXII, 21, 22:

הצילה מחרב נפשי

מיר כלב יחידתי:

חושיעני מפי אריה

ומקרני רמים עניתני:

Libera a gladio animam meam,

E manu canis vitam meam;

Serva me a faucibus leonis,

Et a cornibus bubalorum exaudi me.

Neque tamen sola improbitas atque violentia, saepius etiam fortitudo atque fiducia leonis imagine repraesentatur, ut videre est in *Jacobi* morituri ad filios oratione, 1 Mos. XLIX, ubi *Judae* fortitudo atque fiducia v. 9 in hunc modum describitur:

נור אריה יהודה

מטרף בני עליה

כרע רבץ באריה

וכלבא מי יקימנו:

Catulus leonis est *Juda*,
 A praedâ, mi fili, adscendisti;
 Incurvat se, accumbit instar leonis,
 Et instar leaenae, quis eum excitabit?

A leonum similiumque ferarum faucibus dentibusque et illud pet-
 titum, quod fractâ hominum improborum potentiâ, maxillae
 dentesque eorum fracti dicantur; sic Psalmo III, 8:

קומה יהודה הושיעני אלהי
 כי חכית את כל איבי לחי
 שני רשעים שברח:

Exsurge, Jova, serva me, mi Deus,
 Tu enim contudisti omnium hostium meorum maxillam,
 Dentes improborum confregisti.

Asinus operosi laboris atque tolerantiae, serpens astutiae et peri-
 culi, lupo rapacitatis imago, ut ex laudatâ illâ *Jacobi* oratione
 apparet:

יששכר חמר גרם
 רבץ בין המשפחים:
 וירא מנחה כי טוב
 ואת הארץ כי נעמה
 וים שכמו לסבל
 ויהי למס עבד:
 ידד דן נחש עלי דרך
 שספן עלי ארח
 הנשך עקבי סוס
 וסל רכבו אחור:
 בנימין זאב יטרף
 בבקר יאכל עד
 ולערב יחלק שלל:

Issaschar est asinus robustus,
 Recubans inter caulas;
 Vidit quietis locum, quod sit bonus,

Terramque, quod sit amoena:
 Et inclinavit humerum ad portandum,
 Et factus est tributo obnoxius.
Dan erit serpens ad viam,
 Cerastes juxta semitam;
 Mordens calces equi,
 Ut decadat eques retrorsum.
Benjamin est lupus rapax,
 Mane devorabit praedam,
 Et ad vesperam dividet spolia.

ia catulis orbata furorem, onager feritatem atque contumaciam,
 s et struthiocamelus solitudinem et lamentationem, cervus
 casque suavitatem, columba denique innocentiam et verecun-
 m denotat; quorum longum esset singulorum exempla in me-
 m proferre.

§. LXX.

Inter Palaestinae arbores nobilissimae cedrus, palma et olea;
 re ab his quoque frequenter imagines suas petunt Hebraeorum
 tae. Cedro, utpote arbore celsissimâ, omne excelsum atque
 erbum indicatur, ut Jesaiae cap. II, 12, 13:

כי יום ליהוה צבאות

על כל גאה ורם

ועל כל נשא ושפל:

ועל כל ארזי הלבנון הרמים והנשאים

ועל כל אלוני הבשן:

Namque diem (judicii) celebrat Jova exercituum

Super omne superbum elatumque,

Super omne excelsum, ut deprimatur;

Super omnes cedros *Libani* elatas celsasque,

Et super omnes terebinthos *Batanaeae*.

) in loco cedrorum atque terebinthorum imagine populi He-
 ici proceres innuuntur. Cedro palmâque saepius et humani

corporis majestas atque proceritas notatur; sic in Cantico canticorum, cap. V, 15, VII, 8, adolescentuli statura cedro, puellaeque forma palmae comparatur. Haud raro etiam viri probi felicitas cedri palmaeque imagine repraesentatur; exemplum habes Psalmo XCII, 13 — 15:

צדיק כחמר יפריח

כארז בלבנון ישגה:

שתולים בבית יהודה

בחצרות אלהינו יפריחו:

עוד ינובון בשיבה

דשנים ורעננים יהיו:

Vir justus palmae instar florebit,
Sicuti cedrus in *Libano* augebitur,
Quae consitae sunt in domo Jovae,
In atriis Dei nostri florent;
Vel in senectute germinant,
Succosae viridesque sunt.

Eadem viri probi felicitas et oleae designatur imagine; sic Psalmo LII, 10:

ואני כזית רענן בבית אלהים

בטחתי בחסד אלהים עולם ועד:

At ego sum instar oleae virentis in domo Dei;
Confidam benignitati Dei in aeternum.

§. LXXI.

Inter montes Palaestinae eminent *Libanus Carmelus*que; proinde ab Hebraeorum poetis saepius in figuratâ adhibentur dictione. Cum *Libanus* et altitudine et fertilitate conspicuus sit, omne augustum atque beatum illius imagine exhibetur. *Libano*, fertilitatem si spectes, haud inferior *Carmelus*; quare et hoc quam saepissime ad depingendam felicem rerum conditionem Hebraeorum poetae utuntur. Imo haud raro utrumque mon-

tem in imaginibus suis conjungunt; ut videre est Jesaiae cap. XXXIII, 9:

אבל אמללה ארץ
החסיר לבנון קמל
היה השרון כערבה
ונער בשן וכרמל:

Luget languetque terra,
Pudore suffusus est *Libanus* marcescitque,
Saron est instar deserti,
Excussere (folia) *Basan* atque *Carmelus*.

Similiter Jes. cap. XXXV, 2:

פרח חסרה וחגל אף גילה ורנן
כבוד הלבנון נתן לה
הדר הכרמל והשרון
המה יראו כבוד יהוה הדר אלהינו:

Floret (desertum) exsultat atque jubilat,
Magnificentia *Libani* ei datur,
Decus *Carmeli* et *Saronis*;

Vident magnificentiam Jovae, decus Dei nostri.

In priori illo loco Judaeae per Assyrios vastatio *Libani* marcescentis, *Carmelique* foliis orbat imagine repraesentatur; in altero magnificentia *Libani Carmelique* decus deserto tributum, felicia denotat tempora, quae misero populo Hebraico eventura sint. — Sed longum esset, omnes imagines, quae a rebus naturalibus petuntur, recensere; circumspectiendi potius et reliqui fontes, e quibus Hebraeorum poëtae orationis suae lumina derivare solent. In his secundum locum tenet *vitae ratio*, quam prisci Hebraei secuti sunt; quare jam de imaginibus ex communi Hebraeorum vitâ petitis dicendum.

§. LXXII.

Hebraeorum vita antiquioribus temporibus, sicuti jam superius monitum fuit, simplicissima fuit. Agrorum maxime culturae

gregibusque pascendis dediti, opificiis, artibus et mercaturae parum tribuebant. Hinc facile colligas, et imagines e vitae communis ratione petitas ad agrorum potissimum culturam, rem pecuariam, et quae cum utroque illo vitae genere conjuncta sunt, pertinere. Quaecunque in agrorum culturâ locum habent negotia, arandi, serendi, metendi, trituri atque ventilandi, in oratione figuratâ ab Hebraeorum poetis usurpantur. Qui, ubi hominum agendi rationem, sive rectam, sive pravam describunt, saepissime arandi, serendi metendique imaginibus utuntur; sic in *Jobi* libro, cap. IV, 8:

כאשר ראיתי חרשי און

וזרעי עמל יקצרהו:

Quemadmodum vidi, ut, qui pravitatem arabant,

Injuriamque serebant, eandem et meterent.

Eadem imago habetur etiam Psalmo CXXVI, 5, 6:

הזרעים בדמעה ברנה יקצרו:

הלחך ילך ובכה נשא משך הזרע

בא יבא ברנה נשא אלמחיו:

Qui cum lacrymis seminant, cum jubilo metent;

Lacrymans prodit (sator) portans semen spargendum,

Revertitur cum jubilo portans manipulos suos.

Messis, triturae, ventilationis, imo et vindemiae atque torcularis imaginibus saepissime strages atque excidium, maxime impiorum, notantur; ita Joelis cap. IV, 13:

שלחו מגל כי בשל קציר

באו רדו כי מלאה גת

השיקו הדקבים כי רבה רעתם:

Immittite falcem, namque matura est messis;

Venite, calcate, namque plenum est torcular;

Redundant lacus, namque magna est eorum nequitia.

Quo in loco propheta populares suos hortatur, ut gentes hostiles duce et auspice Jovâ aggrediantur, easque ad interneccionem de-

t. Eadem sententia triturae et ventilationis imagine exprimitur Jesaiae cap. XLI, 15, 16, in hunc modum:

הנה שמחיד למורג
חרוץ חוש בעל פסיות
חדוש הרים וחדק
וגבעות כמץ חשים:
חזרם ורוח השאם
וסערה חפיץ אחם
ואחה הגיל ביהודה
בקדוש ישראל תהלהלל:

Ecce, faciam te (gentem Israëliticam) tribulum

Acutum, novum, anceps;

Triturabis montes atque conteres,

Collesque paleae instar reddes.

Ventilabis eos, et ventus auferet,

Turboque disperget eos;

Tu vero exsultabis propter Jovam,

De sancto Israëlis gloriaberis.

ti ab agrorum culturâ, ita etiam a re pecuariâ Hebraeorum
ae frequentissime imagines suas mutuuntur. Summum illum
di moderatorem, imo etiam Messiam, populique Hebraici
m persaepe pastorem, populumque gregem dicunt; beneficia
m, quae vel Deus, vel rex populo suo largitur, pascuorum
ine repraesentantur. Exemplum habes Psalmo XXIII, 1, 2:

יהוה רעי לא אחסר:

בנאות דשא ירביצני

על מי מנוחה ינהלני:

Jova pastor meus, non patiar inopiam;

In pascuis herbosis accubare me facit,

Ad aquas lenes aquatum me ducit.

in imagine et *Jeremias* propheta utitur cap. XXXIII, 1, 2,
li Israëlitici pastoribus, i. e. regibus atque principibus, gra-

ves poenas minitans, quod Jovae gregem, populum Hebraicum, a rectâ viâ avertissent atque perdidissent. Haud raro etiam ad rem venatoriam figurata recurrit oratio. Cassibus, laqueis atque pedicis magna pericula, imo instans perniciēs designatur; sic *Jobi* libro, XVIII, 8—10:

כי שלח ברשע ברגליו
ועל שבכה יהדלק;
יאהז בעקב סח
יחזק עליו צמדים:
סמון בארץ חבלו
ומלכרתו עלי נחיב:

Namque infertur in rete pedibus suis (improbis)
Et super casses ambulat;
Prehendit calcem ejus laqueus,
Tenetque eum tendicula;
Abscondita est in terra pedica ejus
Et decipula ejus super semitam.

§. LXXIII.

Praeter rem agrariam, pecuariam atque venatoriam permultae aliae in communi Hebraeorum vitâ habentur res, quas in tropicum sensum poëtae vertere solent. Haud raro a domiciliis orationis figuras petant. Cum in tentoriis habitent, qui pastorali vitae dediti sunt, e tentorio evelli dicuntur, qui gravi aliquo infortunio opprimuntur, Ps. LII, 7. Saepius etiam a victu atque vestitu imagines poëticae derivantur. Convivio res prosperae, poculo quaecunque demum hominis sors, sive secunda, sive adversa, denotatur. Inprimis autem fortuna adversa poculi, vino inebriante repleti, sistitur imagine, quod Deus improbis hominibus, quos perniciēi tradere decrevit, propinat, Jes. LI, 17, 22. Virtutes atque vitia vestimenti instar habentur; hinc est, quod Deus *majestate atque robore amictus* dicatur Ps. XCIII, 1, CIV, 1.

Tritissimum denique illud, accingere lumbos, quo expedita promtaque agendi ratio notatur; sumtâ imagine a laxis fluentibusque hominum orientalium vestibus, quas succingere solent, quoties operi, vel itineri faciendo sese praeparant.

§. LXXIV.

Neque tamen a profanis tantum rebus, verum etiam a sacris, quamvis rarius, Hebraeorum poëtae imagines orationis mutuuntur. Inter sacros Hebraeorum ritus diversa lustrationis genera haud ultimum sibi vindicant locum. Simplicissimum lustrationis genus corporis atque vestimentorum lotione continebatur; quo ritu ii, qui leviolem aliquam immunditiam sibi contraxerant, nonnisi per unius diei spatium duraturam, purgabantur. Haec corporis atque vestimentorum lotio, lege praescripta, nonnunquam ad animi purgationem atque expiationem transfertur. Sic Psalmo LI, 4:

הרבה כבסני מעור
ומחטאתי כהרני:

Saeplus lava me ab iniquitate meâ,

Et a peccato meo mundam me redde.

Quod si vero quis hominis mortui, vel sepulcri ossiumque humanorum contactu sese contaminasset, vel etiam ab horrendo illo morbo, quem lepram dicunt, convaluisset, praeter corporis atque vestimentorum lotionem aliae quaedam requirebantur caerimoniae ad amovendam immunditiam. Praeparabatur enim lustralis aqua, vel admixtis aquae cineribus vaccae rufae, in hunc usum combustae, vel infuso in aquam mactatae avis sanguine; qua facto hyssopi fasciulus in aquam lustralem immergebatur, eoque expiendus adaspergebatur. Quam cum hyssopi fasciculo adasperationem poëta figurate ad purgationem a peccatis transulit citato iam Psalmo LI, 9:

תחטאתי בעזרב ומטהר

הכבסני ומשגל מלבין:

Expia me hyssopo, ut mundus sim,
Lava me, ut nive candidior evadam.

Interdum etiam a circumcissione orationis poeticae imagines petuntur. Circumcisionis cum ea esset significatio, ut, qui illam recepissent, veri Dei cultores putarentur, factum est, ut in oratione figuratâ circumcisi ii dicerentur, qui probe honesteque viverent; praeputiati contra ii, qui improbae inhonestaeque vivendi rationi dediti essent. Exemplum habes Jerem. cap. IV, 4:

המלו ליהודה
והסרו ערלות לבבכם
איש יהודה וישבי ירושלם
סן חצא כאש חמתי
ובערה ואין מכבה
מפני רע מעלליכם:

Circumcidite vos Jovae,
Et demite praeputium cordis vestri,
Viri Judae et incolae Hierosolymorum;
Ne egrediatur, ignis instar, excandescencia mea,
Ardeatque, ut nemo possit exstinguere,
Propter pravitatem factorum vestrorum.

Quo in loco Jovae se circumcidere cordisque praeputium demere idem significat ac omnibus cogitationibus factisque, voluntati divinae contrariis, renuntiare, et nonnisi pietati virtutisque operam dare. Neque tamen praeputiati ii tantum dicuntur, qui improbae vivendi rationi dediti sunt; verum etiam ii, qui alio quodam vel animi, vel corporis vitio laborant. Sic Jerem. cap. VI, 10, praeputiatas aures habere dicuntur, qui prophetae monitis nolunt obtemperare; sic 2 Mos. VI, 12, 30, *Moses* praeputiatus labiis dicitur, quod linguam ad loquendum parumabilem haberet. Inter sacros Hebraeorum ritus habetur etiam regum, sacerdotum atque prophetarum solennis unctio; quem ritum Hebraeorum

haec nonnunquam in alias quoque res transferunt, ut videre
 Psalmo XLV, 6:

אהבה צדק וחשנה רשע
 על כן משחך אלהים אלהיך
 שמן ששון מחברריך:

Diligis justitiam et aversaris improbitatem;

Propterea auxit te Deus, Deus tuus,

Oleo laetitiae prae sodalibus tuis.

haec hoc loco habetur locutio, oleo laetitiae ungere, idem sonat
 huc laetitiam gaudiove afficere. Possit quidem locutio illa ab
 quoque unctione, quae in conviviis lautioribus locum habebat,
 rivari; verum cum argumentum Psalmi in celebrandis regis
 quaedam virtutibus versetur, solennem potius illam regum unctio-
 nem, quae in sacrorum rituum numero habebatur, a poetâ spe-
 ctam fuisse existimaverim.

§. LXXV.

Porro etiam ex priscâ gentis suae historiâ, sive traditione
 ationis suae lumina Hebraeorum poetae petunt. In antiquorum
 mporum rebus nil majus, nil memorabilius Hebraeis visum
 it, quam mirus ille ex Aegypto egressus; quo tempore Deus
 manifestissima amoris sui in populum Israëliticum documenta
 misse putabatur. Namque gravissimis castigationibus Aegypti
 gem permoverat, ut vel invitus populum Hebraicum dimitteret;
 lvum deinde per medios maris Erythraei fluctus eundem po-
 lum trajecerat, Aegyptiorum contra exercitum undis obruerat;
 ibus rebus apparebat, quam caros acceptosque Deus populi
 raëlitici majores habuerit. Quae amoris auxiliique divini testi-
 onia non potuere Hebraeorum animis non obversari, quoties-
 que temporibus insequentibus rebus adversis premerentur,
 xiliique divini indigerent. Quare et Hebraeorum poetae, ma-
 jore vero prophetae, quando tristem populi sui sortem lugent,

numinisque divini opem implorant, saepius mirabilem illum populi sui ex Aegypto egressum respiciunt. Sic *Isaias* cap. LI, 9, 10:

עורי עורי לבשי עז זרוע יהוה
עורי כימי קדם דורות עולמים
הלוא את היא המהצבת דהב
מחוללת חניך:
הלוא את היא המהרבת ים
מי תהום רבה
השמה מעמקי ים דרך
לעבר גאולים:

Expergiscere, expergiscere, indue robur, brachium Jovae,
Expergiscere, sicut in diebus temporis prisci, aetatibus anti-
quitatis;

Nonne tu excidisti *Rahabum* (Aegyptum),

Confodisti crocodilum?

Nonne tu exsiccasti mare,

Aquas aequoris magni?

Tu profunda maris pervia reddidisti,

Ut transirent redempti.

In hoc loco Jova recordatione eximii illius auxilii, quod discedenti ex Aegypto populo Israëlitico praestiterat, se ipsum excitat, ut eundem populum simili ratione e captivitate Babylonica redimat, inque patriam restituat. — Praeter mirabilem illam ex Aegypto egressum, et legum divinarum in monte *Sinai* promulgatio ab Hebraeis maximi habita fuit. Quae legum divinarum promulgatio cum inter fulgura, tonitrua terraeque motum facta fuerit, Hebraeorum poëtae, ubi Jovae, populo suo opem laturo, majestatem atque potentiam describunt, saepius ad terribilem illum numinis divini in monte *Sinai* descensum recurrunt, indeque imagines suas mutantur. Exemplum obvium est in egregio

Exhibetur hymno, quo Jovae, populo Israelitico opem laturo, gentas vividissimis coloribus depingitur in hunc modum:

אלוה מחינן יבוא
וקדוש מדר סארן סלה
כסה שמים חודו
ותהלתו מלאה דאמין:
ונגה כאור תהיה
קרנים מידו לו
ושם חסיון עמו:
לסניו ילך דבר
ויצא רשק ליהללו:
עמד וימדד ארץ:
ראה ויחר גוים
ויחסצו ויחרי עד
שח נבעה עולם
חליכות עולם לו:

Deus Themane venit,
Et sanctus a monte Pharan, Selah.
Textit coelum magnificentia ejus,
Implevitque terram gloria ejus.
Et splendor, lucis instar, erat,
Cornua (radii) ex ejus manna (emanabant)
Et illic abscondita erat ejus majestas.
Ante eum incedebat pestis,
Luesque prodibat e vestigiis ejus.
Substitit et mensus est terram,
Spectavit dissipavitque gentes;
Distiluerunt montes aeterni,
Subsederunt colles perpetui,
Viae ejus aeternae. etc.

etiam immanem illam orbis terrarum inundationem,
Noachis tempore evenisse traditur, in describenda naminis

divini majestate atque potentiâ Hebraeorum poëtae respicere videntur. Sic *Amos* cap. IX, 5, 6:

ואדני יהוה הצבאות
הנוגע בארץ וחמוג
יאבלו כל יושבי בה
ועלחה כיאר כלה
ישקעה כיאר מצרים:
הבונה בשמים מעלותו
ואגדהו על ארץ יסדה
הקרא למי הים
וישפכם על פני הארץ
יהוה שמו:

Dominus, Jova exeroituum,
Si contigerit terram, diffluit,
Lugentque omnes incolae ejus;
Inundatur, tanquam *Nilo*, universa,
Et submergitur, tanquam fluvio *Aegypti*.
Aedificavit in coelis coenacula sua,
Fornicemque suum super terrâ fundavit.
Vocat aquas maris,
Effunditque eas super terram,
Jova nomen ejus.

Saepius tamen atque apertius a diro illo casu, quo *Sodoma*, *Gomorraha* urbesque adjacentes pessum datae fuere, orationis petuntur imagines; sic *Psalmo* XI, 6:

ימטר על רשעים פחים אש וגפרית
ורוח זלצפות מנה כוסם:

Pluit (Jova) super improbos fulmina et sulphur,
Ventusque ardens portio calicis eorum.

Maxime vero homines impii atque scelerati cum *Sodoma* *Gomorrahae*que incolis componuntur; ut videre est *Jeremias* cap. XXIII, 14, quo in loco *Hierosolymorum* prophetae deorum

fictorum cultui dediti, et *Sodomae Gomorrhae*que incolis similes esse dicuntur.

§. LXXVI.

Denique ex mythicâ quoque gentis suae historiâ Hebraeorum poëtae imagines suas mutuuntur. Sicuti omnibus, tum antiquiorum, tum recentiorum temporum populis mythica sua historia, ita eadem apud Hebraeos quoque locum habuit; cujus cum in omnibus fere Veteris Testamenti scriptis, tum maxime in Geneseos libro haud pauca reperiuntur vestigia. Ad mythicam Hebraeorum historiam inter cetera referenda sunt, quae de inferorum sede passim in Veteris Testamenti scriptis traduntur. Locus ille recipiendis defunctorum umbris destinatus, quem Hebraei שְׁאוֹל, *Scheol*, dixere, subterraneus, caliginosus et tristissimus putabatur; in quo defunctorum umbrae, omni sentiendi, cogitandi atque reminiscendi vi destitutae, dormientibus similes degerent. Illius loci incolis sese comparat auctor Psalmi LXXXVIII, v. 5, 6, in hunc modum:

נחשבתי עם יורדי בור

דדיתי כגבר אין איל:

במחית המשי

כמו חללים שכבי קבר

אשר לא זכרחם עוד

והמה מידך נגזרו:

Accensendus sum illis, qui in sepulcrum descendunt,

Similis sum viro robore destituto;

Inter defunctos (sum) imbecillis,

Interfectorum instar, in sepulcro cubantium,

Quorum non recordaris amplius,

Et qui e manu tuâ excisi sunt.

In ejusdem Psalmi verss. 11, 12, 13, de inferno haec habentur:

הלמחית העשה פלא

אם רפאים יקומו יורוך סלח:

וְדַמְעוּ בְּקִרְבֵּי הַסֵּלֶךְ

אֲמוֹנֶתְךָ בְּאֲבֵרוֹן:

הַיּוֹדֵעַ כַּחֲשָׁךְ סֵלֶךְ

וְצִדְקָתְךָ בְּאֶרֶץ נָשִׁיָּה:

Num defunctis exhibebis miraculum,

Num umbræ resurgent, teque celebrabant? *Selah.*

Am memorabitur in sepulchro benignitas tua,

Fides tua in oroo?

Num agnosceatur in tenebris miraculum tuum,

Et justitia tua in terrâ oblivionis?

Sed nobilissimus de inferis locus, eorumque vividissima imago habetur *Jesaiæ XIV, 9—17*; quo in loco omnes inferi, regis Babyloniae adventu, excitati fuisset, regemque illum irratione atque conviciis excepisse dicuntur. Ex hoc loco, quem non a *Jesaiâ*, sed a seriore quodam scriptore, postremis exiliâ Babylonici temporibus degente, profectum putamus, discas, Hebraeorum de inferis opinionem eo tempore, quo oraculum illud editum fuit, magis jam explicatam fuisse, ita ut ad Graecorum de inferis placita aliquantulum accederet. Neque tamen illis consentire possumus, qui ex Psalmi XVIII versu 5, infernos quoque fluvios ab Hebraeis creditos fuisse exclamarent⁸⁸). Namque qui ibi memorantur *torrentes Belial*, בְּחַלֵּי בְּלִיָּל, non sunt fluvii inferni, verum *fluvii pernietes*, sive *perniciosi*. Ad mysticam historiam et aurea illa ætas referenda, quam Hebraei, adventante Messiâ, exorturam sibi sperabant. Ex felicissimi illius temporis notione pulcherrimas Hebraeorum poëtæ deducunt imagines. Fingunt enim, tempore illo novum coelum novamque terram creatum iri; solis lunaeque lucem multo splendidiorem, quam antehac futuram, discordiam bellaque cessatura, adeo quidem, ut ex gladiis vo-

88) J. D. Michaelis in epimetro ad Lowthii praelectionem IX de sacrâ Hebraeorum poësi; p. 204.

metes, ex hantis falces parentur; belluas periculisissimas omnem
feritatem exuturos, ita ut lupi cum agnis, leones cum vitulis
placide degant. Juvabit e multis unam tantum in medium pro-
tulisse imaginem, quae habetur Jesaiae cap. XI, 6—8:

וגר זאב עם כבש

ונמר עם גרי ירכבך

ועגל וכסיר ומריא יחדו

ונער קסן כהג בו:

וטרדו דרב הרעיהו

יחדו ירכצו ילדיהו

ואייה כבקר יאכל חבן

ושעשע חנק על חר סהן

ועל מאורה צמנוי גמול יור ודודו

Habitat lupus cum agno,

Pardusque cum hoedo recumbit,

Vitulus, catalus leonis bosque saginatus simul,

Et puerulus parvus ducit eos.

Vacca et ursa pascontur,

Simul recubant pulli earum,

Et leo, sicuti bos, palea vescitur.

Ludit lactens ad cavernam aspidis,

Et in caveam viperae ablactatus manum suam immittit.

Missis edlis suavissimis aureae aetatis imaginibus, quae apud
Jesaiam ceterosque prophetas habentur, id tantum addimus, He-
braeorum poetas, in describendis felicissimis illis temporibus
Graecorum atque Romanorum poëtis palmam nisi praeripiant, certe
illis optimo jure aequiparandos esse. Haud raro etiam a fabulosis
illis animalibus, quae *Cherubim*, כרובים, dicuntur, orationis pos-
sentes imagines derivantur. Finguntur animalia illa ex hominis,
tauri, leonis et aquilae, praestantissimorum animantium, forma
composita, et ad divini nominis majestatem repraesentandam ad-
hibentur. Quare in operculo arcae foederis, aulacisque sacris

imago eorum conspiciebatur. Imo etiam in nubibus Jovae thronum portare putabantur. Hinc Jova *Cherubis* insidere atque invehī dicitur Psalmis LXXX, 2, XCIX, 1, XVIII, 11; quem postremum locum haud poenitebit adposuisse:

יִם שָׁמַיִם יִרְדּוּ
וְעָרַפְל תַּחַת רַגְלָיו;
יִרְכַּב עַל כְּרוּב וַיֵּעַף
יִרְדָּא עַל כְּנָפֵי רוּחַ;

Inclinat coelum descenditque,
Et caligo sub pedibus ejus;
Vehitur super Cherubis volatque,
Et fertur super alis venti.

In eximio hoc loco, v. 8—17, cujus fragmentum duntaxat in medium protulimus, Jovae, in auxilium poëtae adventantis majestas describitur. Accurrit Jova; turbine, fulminibus tonitribusque eum comitantibus. Qui ubi super *Cherubis* vehi dicatur, eā imagine nil aliud, nisi ingruens tempestas, in quā Jova praesens putabatur, portantibus thronum ejus *Cherubis*, innuitur.

§. LXXVII.

Hi fere sunt fontes, e quibus figurata poëtarum Hebraeorum profluit oratio; sequitur, ut ipsas orationis figuras, quae in carminibus Hebraicis potissimum obviam sunt, consideremus. Inter diversas, quas dicendi magistri enumerant, orationis figuras, Hebraeorum poëtis maxime familiares sunt *metaphora*, *comparatio*, *prosopopoeia*, *allegoria* atque *parabola*. De metaphora non est, quod separatim agamus; siquidem ex exemplis, hactenus in medium prolatis, quae fere omnia metaphoris continebantur, hujus figurae indolem usumque in Hebraeorum poësi satis apparuisse existimamus. Quare de comparatione, prosopopoeiā, allegoriā atque parabolā adhuc dicendum. Inter comparationem atque metaphoram id obtinet discrimen, ut haec dictionem sive sententiam

figuratae in locum propriae, omissâ hae, substituat; illa vero utrumque, et rei imaginem, et rem ipsam componat. *Comparationis* iidem fontes atque dictionis figuratae in universum; saepissime tamen Hebraeorum poëtae imagines, quas similitudinis gratiâ adhibent, a rebus naturalibus, vel ex vitae communis usu mutantur. Sic Jovae benignitas cum coeli altitudine, regis gratia cum nube, tempore verno pluviam fundente, vitae fuga atque vanitas cum fumo, improbi sors cum glumâ paleaeque, a ventis dissipandâ, componuntur. Quod de poëtica Hebraeorum oratione in universum jam superius monitum fuit, brevibus videlicet eam gaudere sententiis, id ipsum et in comparationibus obtinet. Rarissime Hebraeorum poëtae imagines, quas in comparatione adhibent, uberius explicant, id quod Graecorum, Romanorum recentiorumque populorum poëtae solent; saepius unâ alterâve breviori sententiâ, uno alterove hemistichio omnis absolvitur comparatio, ut videre est Psalmo CII, v. 4, 5, 7, 8:

כי כלו בעשן ימי
ועצמותי כמוקד נחרו:
הוכה כעשב ויבש לבי
כי שכתתי מאכל לחמי:
דמיתי לקאה מדבר
הייתי ככוס חרבות:
שקדתי ואחיה
כצמור בודד על גג:

Namque evanuerant, fumi instar, dies mei,
Ossaque mea, tanquam sarmentum, combusta sunt.
Percussum est, instar herbae, exaruitque cor meum,
Etenim oblitus sum panem meum comedere.
Similis sum pelecaneo deserti,
Factus sum instar bubonis in locis desolatis.
Insomnis sum, redditusque
Sicut avis solitaria in tecto.

Interdum tamen uberius expositas videas imagines, quibus in comparatione Hebraeorum poëtas utuntur. Exemplum habes *Jobi* libro, cap. VI, 15—21, quo in loco *Jobus* perfidos amicos suos cum torrente, imbribus et nive intumescente, sed mox, ingruente solis aestu, deficiente atque exarescente, comparat, eamque imaginem commedissimis exornat adjunctis in hunc modum:

אחי בגוד כמו נחל
 כאמיק נחלים יעברו:
 הקדרים מני קרה
 עלימו יחללם שלג:
 בעת יורדו נצמחו
 בחמד נדעכו ממקדם:
 ילסחו ארחות דרכם
 יעלו באהר יאבדו:
 הביטו ארחות חמא
 הליכות שבא קור למו:
 בשו כי במו
 באו עידה ויחשדו:
 כי עתה ודיחם לא
 תראו חתה ודיראיו:

Fratres mei perfide agnat, instar torrentis,
 Instar rivorum in convallibus dilabuntur,
 Qui turbidi sunt a glacie,
 Quibus abdidere se nives;
 Tempore, quo coarctantur, evanescent,
 Aestu extinguuntur e loco suo.
 Deflectunt viatorum agmina iter suum,
 Adscendunt in desertam et pereunt;
 Prospiciunt agmina *Thomae*,
 Commestores *Sabae* spem collocant in illis (rivis).
 Erubescunt, quod confiderint,
 Deveniunt illuc, et pudere suffundantur:

Sic vos nunc nihili estis,

Videtis terrorem et timetis.

§. LXXVIII.

Etsi imagines, quas in comparatione adhibent Hebraeorum poëtae, ut plurimum rebus comparandis convenientissimae sint: tamen nonnunquam, saltem pro nostrorum temporum sensu, justo humiliores videri possint. Certe haud quisquam poëtarum recentiorum hominem miseriis exhaustum cum utre, in fumo exsiccato, Ps. CXIX, 83, aut fiduciam in hominem perfidum cum dente fracto, et pede vacillante, Proverb. cap. XXV, 19, vel denique oppida, male munita, cum ficibus primitivis, quae concussâ arbore ori comedentis incident, Nahum III, 12, comparabit. Verum haec et similia ex priscorum temporum simplicitate explicanda sunt; quibus, quae vera videbantur, simul etiam convenientia atque decora putabantur. Certe apud *Homerum*, principem poëtarum, quam plurimas invenies imagines, quae pro nostrorum temporum sensu humiles videntur; quae tamen res priscâ illâ simplici ac acutate longe secus se habuit.

§. LXXIX.

Sicuti imagines, ab Hebraeorum poëtis in comparatione adhibitae, interdum humiliores sunt, ita nonnunquam justum modum excedere videntur. Exempla obviam sunt in *Cantico canticorum*, ubi puellae caput cum monte *Carmelo*, oculi cum piscinis *Hesbonis*, nasus cum *Libani* turri, quae *Damascum* spectat, collam cum *Davidis* turri, in quâ mille clypei suspensi sunt, componuntur. Neque tamen haec pro nostrâ sentiendi cogitandique ratione dijudicanda sunt. Qui orientis oras inhabitant populi vividiori, quam occidentis incolae, gaudent imaginandi vi, quae cuncta splendidiore luce collustrat, mirumque in modum auget. Quare haud mirandum, et Hebraeorum poëtas in descriptionibus

et comparationibus suis nonnunquam ultra illos limites evagari, quos, pro nostro recti pulchrique sensu, transilire vetitum habetur. Ceterum in eodem illo *Cantico canticorum* elegantissimae occurrunt comparationes, maxime in adolescentuli puellaeque, de quibus illic sermo, descriptione. En quibus imaginibus egregia adolescentuli forma exornetur cap. V, 11—15:

ראשו כחם סו

קוצותיו חללים שחרות כעורב:

עיניו כיונים על אפיקי מים

רחצות בחלב ישבות על מלאח:

לחי כערוגה הבשם מגדלות מרחקים

שפתותיו שושנים נטפות מור עבר:

ידי גילי זהב ממלאים בתרשיש

משו עשת שן מעלפת ספירים:

שוקיו עמודי שש מיסדים על אדני סו

מראדו כלבנון בחור כארזים:

Caput ejus aurum solidum,

Cincinnati ejus penduli, nigrique, instar corvi.

Oculi ejus sicuti columbae ad rivos aquarum,

Lotae lacte, ad plena fluentia sedentes.

Genae ejus tanquam areolae balsami, turres (areolae) herbarum aromaticarum;

Labia ejus lilia, stillantia myrrham redundantem.

Manus ejus annuli aurei, impleti chrysolithis,

Venter ejus artificium eburneum, distinctum sapphiris.

Crura ejus columnae marmoreae, fundatae basibus aureis,

Forma ejus sicuti *Libanus*, eximia instar cedrorum.

Haud deterioribus coloribus et puellae forma depingitur cap. IV, 1—5, VI, 4—7, VII, 2—8:

חנך יפה רעיתי חנך יפה

עיניו יונים מבעד לצמחך

שורך כערך חזנים

שגלשי מחר גלעד:
 שניך כערר הקצובות
 שעלו מן הרחצה
 שכלם מהאימות
 ושכלת אין בהם:
 כחום השני שמתוחד
 ומדברך נאור
 כסלת הרמון רקחך מבער לצמחך:
 שני שדיך כשני עמרים
 תאומי צביה הרעים בשושנים:

Ecce pulchra es, amica mea, ecce venusta,
 Oculi tui sunt columbae medio e velo tuo,
 Coma tua instar gregis caprarum,
 Quae procumbunt in monte *Gilead*.
 Dentes tui, sicuti grex ovium tonsarum,
 Quae adscendunt e lotione,
 Quae omnes gemelliparae sunt,
 Et quarum nulla pullis orbata est.
 Instar fili coccinei labia tua,
 Et sermo tuus jucundus.
 Sicuti segmentum mali punici genae tuae medio e velo tuo,
 Duae mammae tuae ceu duo hinnuli,
 Gemelli dorcadis, pascentes inter lilia.

Etsi fatendum sit, imagines in comparisonibus hisce adhibitas a sensu nostro aliquantum alienas esse: tamen haud quisquam negabit, eas convenientissimas atque pulcherrimas esse; quin imo adfirmare ausim, neque in Graecorum, neque in Romanorum carminibus reperiri quidquam, quod splendidissimis illis adolescentuli-puellaeque descriptionibus in *Cantico canticorum* obviis palmarum praeripere possit.

§. LXXX.

Comparisonem excipiat *protopopoeia*, quae figura in eo maxime conspicitur, quod rebus, vitâ, sensu, ratione et oratione destitutis, vita, sensus, ratio atque oratio tribuantur. Inter omnes dicendi figuras vix ulla vividiorē reddit orationem, quam *protopopoeia*. Hac figurâ frequentissime utuntur Hebraeorum poëtae; cuius rei ratio in vehementiori imaginandi vi quaerenda, quâ orientis populi praediti esse solent. Vehementior illa imaginandi vis omnibus rebus, coelo, terrae, mari, montibus, fluviis, vitam atque actionem largitur, unde, de quâ agimus, *protopopoeia* originem trahit. Cujus figurae cum innumera in promptu sint exempla, sufficiat, unum tantum alterumve in medium protulisse. Coelo, terrae, mari, agris arboribusque sensus tribuitur, moventurque, ut ad Jovae in terras descensum laetentur, Psalmo XCVI, 11—13:

ישמחו השמים וחגל הארץ

ירעם הים ומלאו:

יעלו שדי וכל אשר בו

אז ירננו כל עצי יער:

לשני יתחז כי בא

כי בא לשפט הארץ:

Laetetur coelum, et exultet terra,

Fremat mare et incolae ejus;

Exsultent agri, et quidquid in illis,

Jubilent omnes arbores sylvae

Coram Jovâ; namque venit,

Venit ad judicandam terram.

Eadem *protopopoeia* in plurimis aliis locis recurrit; sic Psalmo XIX, 2—7, quo in loco coelum, dies noctesque Jovae gloriam enarrare, lucidumque illud solis sidus, hercia instar, in amethendo curruculo suo lactari dicitur. Similiter etiam Psalms XCVIII, 7—9, CXLVIII, 3—5, 7—10, coelum, sol, luna, stellae, terra, montes, mare, fluvii, venti, fulmina, grando,

nives, nebulae, animalia arboresque provocantur, ut numinis divini majestatem atque potentiam laudibus efferant. Neque tamen corporeis tantum atque visibilibus rebus, verum etiam iis, quae non sub sensus cadunt, ut virtutibus, vitiis aliisque abstractis notionibus vitam et sentiendi agendique facultatem Hebraeorum poëtae tribuere solent. Exempla splendidissima obviam sunt Proverb. cap. VIII et IX, 1—5, 13—17. In priori illo loco sapientia mulieris specie inducitur, mortales ad studium sui invitans. Commendat sese ut vitae ducem, honorum, divitiarum omnisque felicitatis auctorem, praedicatque, se ante conditam rerum naturam aumini divino sociam, consiliorumque participem adfuisse. In altero loco eadem sapientia magnificam domum sibi exstruxisse, convivium adparasse, puellasque suas emisisse dicitur, ut imperitos ad paratas epulas invitent. Tertius denique locus stultitiam mulieris impudicae imagine repraesentat, quae ad domus suae ostium sedet, et praetereuntes invitat, ut domum suam ingrediantur, furtivisque illic voluptatibus fruantur. — Audacissimam hujus generis prosopopoeiam exhibet Psalmus XLIX, 15, quo in loco mors improbos ovium instar pascere dicitur:

כצאן לשאול שחר
 מות ירעם
 ויחדו בם ישרים לבקר
 וציהם לבלות שאול
 מזכל לו

Ovium instar in orcum aguntur (improbi),
 Mors pascet eos,
 Et calcabunt eos probi illico,
 Speciemque eorum absumet orcus,
 Domicilio suo exuentur.

Haud minori audaciâ et in *Jobi* libro, cap. XLII, 14, in crocodili collo robur pernoctare, terrorque ante eum exultare perhibetur:

בצוארו יליך עז

ולטניו חרוץ ראבה:

In collo ejus pernoctat robur,

Et ante eum exsultat terror.

§. LXXXI.

Ad prosopopoeiam referendum etiam tritissimum illud Hebraeorum poëtis dicendi genus, quo rei alicujus ad alteram relatio ita exprimitur, ut illa hujus *filius*, vel *filia* dicatur. Sic lucifer *filius aurorae* adpellatur, Jes. XIV, 12; sagittae *filiis arcus* vel *pharetrae*, Job. XLI, 20, Thren. III, 13; tres illae in caudâ ursae majoris stellae *filiis ursae*, Job. XXXVIII, 32; morbus lethâlis *primogenitus mortis*, Job. XVIII, 13; incolae urbis vel regionis cujusdam *filia* ejusdem, Jes. XXXVII, 22, Jerem. XLVI, 19; aves *filiae cantus*, Eccles. XII, 4; pupilla *filia oculi*, Ps. XVII, 8, etc. Simili ratione, quamvis rarius, etiam patris, matris, fratris sororisque adhibentur vocabula, ut videre est *Jobi* cap. XVII, 14, quo loco *Jobus*, atrocissimo morbo afflictus, mortique proximus, dicit:

לשחת קראתי אבי אחי

אמי ואחתי לרמה:

Putredini acclamo, tu es pater meus,

Matrem sororemque meam vermem appello,

i. e. jamjam in sepulchro prostratus jacere, et adeo putredine vermibusque circumdatus, illisque consociatus esse mihi videor, ut proximi cognati, parentes et liberi, fratres sororesque consociati esse solent.

§. LXXXII.

Haud raro Hebraeorum poëtae metaphoras, quibus utuntur, longius extendunt, unde nova dicendi figura oritur, quam *allegoriam* dicendi magistri appellant. *Allegoria* nomen ab ἄλλο

ἀγορεύ, i. e. *aliud dicere* (quam sentias) traxit; ex quo vocabuli etymo facile perspicias, allegoriam non esse nisi plurium sententiarum in alium sensum, quam qui verbis proprie indicatur, translatio. Cum in allegoriâ plures cumulentur imagines, eâque re orationis sensus facile obscurier reddatur, nisi imagines ipsae perspicuae sint, rebusque designandis appositae: cavendum erit, ne imagines, in allegoriâ adhibitae, vel a rebus minus cognitis petitae, vel minus convenienter translatae sint. Quod ni fiat, res per allegoriam illustrandae atque exornandae non tantum non illustrabuntur atque exornabuntur, verum contra obscurae deformesque reddentur. Hebraeorum poëtae imagines, quibus in allegoriis suis utuntur, maxime a rebus satis cognitis petunt, easque haud inconvenienter transferunt; quare quam plurimae, quae in carminibus Hebraicis obviam sunt, allegoriae et perspicuitate et commoditate sese commendant. Exemplo sit Proverb. V, 15—19, quo in loco mariti monentur, legitimae uxori suae inhaereant, neve alienas sectentur mulieres; quae sententia per allegoriam in hunc modum expressa est:

שחה מים מבורך
 ונוזלים מחוד בארץ:
 יפצו מעינתך חוצה
 ברחבוה סלגי מים:
 דיוך לך לבדך
 ואין לזרים אתך:
 ידך מקורך ברוך
 ושמה מאשה נעוריד:
 אילת אהבים ויעלת חן
 דריה ירוך בכל עת
 באהבתה חשנה חמיד:

Bibe aquam ex cisternâ tuâ,
 Et fluentia ex puteo tuo.
 Diffundentur fontes tui foras;

Per plateas rivi aquarum.

Sint tibi soli,

Neque aliis tectum.

Sit scatriga tua benedicta,

Et delecteris uxore juventutis tuae.

Cerva amabilis, et rupicapra venusta (uxor tua).

Übera ejus satient te omni tempore,

In ejus amore oberres perpetuo.

Mirari subit, simplicissimae hujus allegoriae sensum nonnullos interpretes adeo fugisse, ut vel legis Mosaicae observationem, vel verae sapientiae studium, vel denique rerum suarum curam commendari hoc loco existimaverint. At vero et orationis nexus, et loquendi usus, et ipsa auctoris verba apertissime docent, nil nisi legitimae uxoris amorem maritis commendari. Namque cum inde a verso tertio ad decimum quartum usque amores meretricii improbantur, convenientissimum erat, amorem conjugalem insequentibus commendari. Accedit, quod Proverb. IX, 17, aquarum furtivarum imagine amores illiciti designentur; unde concicias, nostro in loco putei proprii imagine amores legitimos notari. Denique et ipsa versus 18 verba: *delectare uxore juventutis tuae*, docent, neque de legis Mosaicae observantiâ, neque de verae sapientiae studio, verum de amore conjugali sermonem esse.

§. LXXXIII.

Neque tamen Hebraeorum carminibus desunt allegoriae, quarum imagines, etsi a rebus cognitis petitae sint, haud exiguâ obscuritate laborant; cujus rei causa in eo quaerenda, quod certa desiderentur indicia, quibus imaginum ad res designandas translatio innotescat. Exemplo sit celebratissima illa allegoria Eccles. XII, 2 — 6, quâ senectutis incommoda sequentibus describuntur imaginibus: „obscurantur sol, lux, luna atque sidera; redeunt

nubes post imbrem, tremunt custodes domus, et incurvant se viri fortes; cessant molentes et caligo offunditur spectantibus per fenestras; clauduntur fores in plateis; surgitur ad vocem aviculae et deprimuntur omnes filiae captus; timentur loca alta, et terrores in viâ sunt; spernitur amygdalus, oneri sibi est locusta, et irrita est capparitis; circumeunt in plateâ plangentes; amovetur funiculus argenteus, frangitur lecythus aureus, rumpitur hydria ad fontem et diffringitur trochlea ad puteum.“ In hac allegoriâ senectutis incommoda depingi, nemo est, qui eat infitias; sed in singularum imaginum explicatione mirum in modum interpretes dissentiunt. Alienum a proposito nostro videtur, difficultatum locum justo commentario illustrare; quare sufficiat, imaginum illarum sensum propriis verbis quam brevissime reddidisse. Monet igitur *Ecclesiastes*, indulgendum esse genio, ita tamen, ut et numinis divini ratio habeatur, priusquam aetas senilis ingruat, quâ omnis deficiat hilaritas atque laetitia, continuae instent molestiae, brachia manusque tremant, pedes nutent, dentes deficiant, oculi hebescant, labia contrahantur, somnus fugiat, concentus musici non oblectent, adscensus in loca editiora, imo ipse in viâ planâ incessus molestus sit, amoena quaeque spernantur, corporis membra, agilia quondam, ingravescant, cibi Venerisque desiderium evanescat, praeфикаe, moriturum planturae, per vicos circumeant, omnis denique humani corporis machina dissolvatur.

§. LXXXIV.

Haec defuere, qui in poeticiis Hebraeorum scriptis, maxime vero in Prophetarum libris Psalmorumque volumine, mysticas quoque allegorias locum habere contenderent. Quam sententiam antiquiores potissimum Sacrae Scripturae interpretes tuiti sunt, quin etiam *Lowthius* amplexatur, cujus decima prima de sacra Hebraeorum poësi praelectio allegoriae mysticae indolem atque

proprietates exponit. In limine praelectionis hujus *Lectionis* monet: „In Hebraeorum sacris res, loca, tempora, officia, ceteraque hujusmodi, duplicem quasi personam sustinent; unam propriam, alteram allegoricam; adeoque in eorum scriptis ita tractari possunt, ut vel hujus, vel illius solummodo, vel etiam ut simul utriusque ratio habeatur. Exempli gratia de *Davide*, de *Salomone*, de *Hierosolymis* ita potest institui sermo, ut simpliciter intelligantur vel urbs ipsa ejusque reges, vel ea, quae in sacra Judaicae religionis allegoriâ per urbem regesque illos significantur; vel etiam, ut utramque partem simul respiciat et complectatur scriptoris animus, ita ut quae alteram exprimunt, sensu aperto, proprio, historico accepta, alteram sensu recondito, interiore ac prophetico adumbrent.“ — Cui viri doctissimi sententiae nequaquam accedere possumus, prorsusque negamus, *allegorias mysticas* in Veteris Testamenti scriptis locum habere, sequentibus potissimum nixi rationibus:

I) Omnibus, qui vel loquendo, vel scribendo animi sui sensus exponunt, id consilium, is scopus est, ut ab audientibus, vel legentibus probe intelligantur. At vero qui vult intelligi, nonnisi unum sensum verbis suis tribuat, necesse est; et quidem eum, qui dicendi usui atque consuetudini maxime conveniat. Quod si praeter illum sensum, alium remotiorem atque reconditiorem intendat, lector vel auditor monendus, et aliquo indicio de remotiori illo sensu certior faciendus erit. Quod si intermittatur, fieri non potest, quin remotior ille sensus auditorem lectoremve fugiat. Jam vero Veteris Testamenti auctores nusquam nos monent, verbis suis alium inesse sensum praeter eum, qui ex dicendi usu orationisque contextu cognoscitur. Quare non videmus, quo jure Veteris Testamenti scriptis mysticus aliquis sensus inferri possit, quem a scriptoribus sacris intentum fuisse non constat.

II) Mysticum si admittamus librorum sacrorum sensum, omnis

eorum interpretatio vaga incertaque redditur. Cum enim sensus ille neque ex dicendi usu, neque ex orationis contextu, neque alio quodam indicio cognosci possit, efficitur, ut interpretatio mystica omni destituta sit fundamento, quo tute interpres possit inniti. Quare et tantus inter mysticos librorum sacrorum interpretes de singulorum locorum sensu dissensus, ut vel eam propter causam omni interpretationi mysticae merito diffidas. Possit quidem quis objicere, et Novi Testamenti scriptores, inque primis epistolae ad Hebraeos auctorem, Veteris Testamenti effatis haud raro mysticum sensum tribuere, idque indubitato esse documento, effatis illis mysticum sensum inesse. Concedendum omnino, Novi Testamenti auctores Veteris Testamenti effatis interdum mysticum sensum tribuere; neque tamen inde sequitur, mysticum illum sensum a Veteris Testamenti scriptoribus re verâ spectatum fuisse. Namque Novi Testamenti auctores eam interpretandi rationem, quae suo tempore inter populares suos vigeat, secuti sunt; quae tamen res nequaquam necessitatem nobis imponit, ut eandem sequamur interpretandi methodum, si ea scriptorum, qui interpretandi sunt, consilio minus consentanea videatur.

§. LXXXV.

Superest, ut de *parabolis*, in poëticis Hebraeorum scriptis obviis, dicamus. *Parabola* proxime ad allegoriam accedit, ita ut et allegoria historica dici possit; quare et *Lowthius* eandem allegoriae accenset. Est autem *parabola* fictae cujusdam rei narratio, ad illustrandam veritatem aliquam adhibita. Parabolico dicendi genere maxime serioris aevi prophetae utuntur; inque his praecipuis *Ezechiel*, qui fere totus in parabolis versatur. Videtur id dicendi genus apud prophetas originem suam potissimum inde traxisse, quod prophetae, quando in conspectu populi verba facerent, dictis suis nonnunquam actiones symbolicas adderent; sicuti legimus 1 Regg. XXII, 11, prophetam *Zedekiam*, filium

Cnaanae, cornibus ferreis instructum coram Judaeis Israelisque regibus comparuisse, illisque praedixisse, Aramaeos tanquam cornibus ab ipsis prostratum iri. Jam vero ubi vaticinia sua scriptis mandarent prophetae, vel illas actiones symbolicas, quas re verà in conspectu populi perpetraverant, vel fictas alias narrabant; unde factum est, ut symbolicum illud vel parabolicum dicendi genus saepius in scriptis propheticis occurrat. Quemadmodum autem Hebraeorum poëtae imagines suas in universum maxime vel a rebus naturalibus, vel ex vitae communis usu mutuantur: ita etiam parabolas, quibus utuntur, ex utroque illo fonte ut plurimum derivare solent. Sic *Ezechiel* cap. XVII regis *Jojachin* per *Nebucadnezarem* in exilium deportationem surculi cedrini, ab aquilâ praegrandi in monte *Libano* decerpti, et in mercatoriam urbem delati parabolâ repraesentat; sic *Jesaias* cap. V populi Hebraici perversitatem vineae bene quidem cultae, sed agricolae spem sterilitate suâ eludentis, imagine pingit; sic *Jeremias* eundem populum, Jovae quondam dilectum, sed postea corruptum atque rejectum, cinguli lintei parabolâ sistit, quod propheta primum lumbis applicaverat, deinde Jovae jussu in petrae fissuram absconderat, quo in loco temporis successu totum computruit. Sed multo frequentius Hebraeorum prophetae populi sui impietatem uxoris adulterae parabolâ repraesentant. Solent enim Hebraei arctam illam conjunctionem atque necessitudinem, quam sibi cum Deo intercedere putabant, matrimonii imagine, in quâ Deus mariti, populus Hebraicus vero uxoris personam sustineret, animo proponere. Quare si populus a Deo vero, tanquam marito suo, deficeret, fictorumque Deorum cultum sequeretur, ea defectio haud aliter, ac si adulterium uxor committeret, habebatur. Quae imago quam plurimis parabolis ansam dedit. Exempla habes *Hoseae* capp. I—III, *Ezechielis* capp. XVI, XXIII, aliisque permultis locis. Ceterum quamvis libenter concedamus, elegantissimas, rebusque, quae repraesentantur, con-

variantissimas in prophetarum scriptis haberi parabolas: tamen haud diffitendum, inveniri etiam tales, quarum imagines neque appositae, neque perspicuae satis videntur; id quod praesertim de quibusdam *Ezechielis* et *Zachariae* parabolis praedicaverim, quae, nisi ab ipsis auctoribus addita esset explicatio, vix a quopiam intelligerentur. Quare haud omni ex parte *Lowthii* sententiae accedere possumus, qui, sive convenientiam, sive venustatem, sive perspicuitatem imaginum, quae ab Hebraeorum poetis in parabolis suis adhibentur, spectes, vix quidquam desiderari posse contendit ⁸⁹⁾.

Hae fere sunt orationis figurae, quibus Hebraeorum poetarum potissimum utuntur. Inveniuntur praeter illas et aliae, ut *metonymia*, *synecdoche*, *apostrophe*, *hyperbole*, etc. quarum exempla in medium proferre supervacaneum videtur, cum jam ex illis, quas hucdam exposuimus, dicendi figuris poetarum Hebraicorum stylus affatim cognosci possit atque dijudicari.

Cap. II.

De stylo carminum Arabicorum.

§. LXXXVI.

De carminum Arabicorum stylo disputari diversorum temporum, quibus apud Arabes poëseos studium floruit, rationem habeamus, necesse est. Namque diversum pro diversis temporibus poetarum Arabicorum dicendi genus; ita quidem, ut poetis, *Abbasidarum*, sub imperio florentibus, vix conveniat, quod de *Mohammedis* aequalibus merito possis praedicare. In universum omnis Arabum poësis in veterem et recentiore[m] dividi potest. Veteris nomine eam insignimus, quae ex illo tempore, quo artis hujusce studium apud Arabes primum coli coepit, ad *Abbasida-*

89) De sacra Hebraeorum poësi, praelect. X.

rum imperium usque floruit; recentiore contra dicimus, quae posterioribus viguit temporibus. Veterem illam Arabum poësin in hunc modum commendat *Reiskius* 90): „Illa vetusta est grandis, sonora, mascula, sublimis, nervosa, spirituum plena, ignea, hominum quippe liberorum, campestrium, qui dominum non agnoscebant, quorum simplicem ingenii subagrestis et αἰσχροῦτος ferociam urbana severitas non fregerat, non erudiverat. Auctorum illa suorum aut amores canit et camelos, eoque nomine, si ad ullum aliquod genus referri debet ac potest, ad bucolicum spectat; aut etiam bellicam fortitudinem et arma, et liberalem erga hospites comitatem auctorum celebrat. Omnia libertatem, amabilem simplicitatem, generosum animum, verae gloriae flagrantem ignibus, irarumque pertinacem, spirant, monstrantque clare, primos hos Arabes, si veras leges artis poëticae, epicique carminis et tragoediae novissent, certo certius non futuram fuisse sub sole gentem, quae illos conceptuum sublimitate et eloquii majestate superaret.“ — Ex hisce viri doctissimi verbis, quibus nulli dubitamus accedere, intelligas, antiquiori illi Arabum poësi omnes fere virtutes, quas de Hebraeorum poësi praedicavimus, etsi diversâ aliquantum ratione, convenire. Quod si igitur veterum illorum carminum stylum, de quo hic loci nobis agendum, spectemus, primo amabilem illam, quam dicit *Reiskius*, simplicitatem deprehendemus. Conspicitur autem simplicitas illa et in argumenti, quod tractandum sibi sumunt Arabum poëtae, facili dispositione, et in verborum, quibus sensus exprimunt, simplici structurâ. In rerum tractandarum dispositione, etsi diversissimae sint, haud ullum cernitur artificium; sicuti quaeque poëtae animo sese offert, ita, praerupto haud raro transitu, in medium protrahitur. Exemplâ habes in carminibus illis, quae *Moallakarum* nomine insiguntur, quorum auctores jam amicae suae memo-

90) In oratione de studio linguae Arabicae, p. 261.

riam deflent, mox cameli vel equi sui virtutes praedicant, deinde audaciam suam, fortitudinem atque liberalitatem laudibus efferunt, parum solliciti, ut diversae hae res commodo nexu inter se conjungantur. Quod ad elocutionis adinet simplicitatem, veteres illi poëtae haud longis verborum ambagibus utuntur, verum prease et, quantum sermonis poëtici ingenium patitur, etiam perspicue loquuntur. Exemplum jucundissimae simplicitatis habes in pereleganti illo *Abbasi ben Merdasi* poëmatio in Hamasâ, cujus tres priores versiculos liceat apponere:

ترى الرجل النحيف فتزدریه
وفی اثوابه أسد مزیر
ويعجبک الطیر فتبتلیه
فیخلف ظنک الرجل الطیر
فما عظم الرجال لهم بفخر
ولاکن فخرهم کرم وخیره

Vides virum gracilem, spernisque eum,

At in vestibus ejus leo impavidus.

Miraris egregiae formae juvenem eumque probas,

Sed fallit opinionem tuam vir egregiae formae.

Non est magnitudo virorum ipsis gloriae,

At gloria eorum generositas et virtus.

Haud raro elocutionis simplicitati sermonis poëtici ingenium officere videtur. Namque ut taceamus frequentissimas imagines, quibus utuntur poëtae, et illud proprium quasi sibi vindicant, ut, spretâ rerum propriâ denominatione, easdem ab aliquâ, quae iis inhaeret, notâ appellent. Haud quidem diffitendum, linguae Arabicae minus peritis eâ re difficiliorem reddi carminum antiquorum intellectum; neque tamen elocutionis simplicitatem tolli merito dixeris; contra, dummodo illum loquendi usum familiarem tibi reddideris, et elegantissimum et satis simplicem esse deprehendes.

§. LXXXVII.

Cum simplicitate dicendi in veteri illâ Arabum poësi ut plurimum et *sublimitas* conjuncta habetur. Homines ardentissimo spiritu et vividissimâ imaginandi facultate praeditos, quales prisci illi Arabes fuere, sublimius ferri, ubi de rebus sibi acceptissimis, fortitudine bellicâ, liberalitate similibusque agunt, non est quod miremur. Omnis autem in dicendo sublimitas vel in affectuum atque cogitationum elatione, vel in elocationis granditate cernitur. Utriusque generis exempla in medium proferenda sunt. Cogitationum sublimitatem nemo desiderabit in sequenti leonis descriptione, ex *Kaabi ben Zohair* carmine panegyrico in *Mohammedem* depromptâ. Visitaverat poëta *Mohammedem*, ejusque ad aspectum majori percussus fuit timore, quam leonis formidolosissimi ad aspectu. Refert igitur, magis sese prophetam formidasse

من خادر من ليوث مسكنه

ببطن عثر غيل دونه غيل

يغدو فيلحم ضرغامين عيشهما

لحم من القوم مغفور خرازيل

اذا يساور قرنا لا يحلّ له

ان يترك القرن الا وهو مغلول

منه تظّل سباع الجو ضامرة

ولا تمشي بواديه الاراجيل

ولا يزال بواديه اخو ثقة

مطرح البز والدرسان مأكول

Quam leonem leonum, cujus latibulum

In valle *Attthar*, ubi sylva super sylvam.

Mane exit, ut carne cibet binos catulos, quorum vietus

Caro humana, in pulvere voluta, inque frusta conscissa.

Ubi insilit in adversarium, non convenit ei

Adversarium relinquere, nisi is fuerit fractus.

Eam propter maneat leonem deserti vacuo ventre,

Neque ambulant in valle ejus pedites.

Neque cessat in ejus valle frater confidentiae

Projectis armis vestibisque devorari.

Haud minori cothurno incedit *Schanfara* in describendo lupo, acerbissimâ fame exagitato; quem locum, cum longum esset integrum exhibere, breviter tantum perstringemus, lectorem ad viri clariss. de Sacy Chrestomathiam Arabicam remittentes, ubi nobilissimum illud *Schanfaræ* carmen, *لامية العرب* appellatum, integrum habetur. Comparat sese poëta illo loco, v. 26—35, lupo, qui acerbissimâ fame exagitatus deserta percurrit, praedae inhians. Frustrato cibi desiderio ululatum tollit, quem alii referunt lupi, fame macieque confecti, resonantque ululatu deserta. Cum ille desinit ululare, desinunt et hi, seque solantur fame, quam ille patitur, sicuti et ipse sese solatur eorum cruciatibus. Ubi denique videt, omni conamine nil se efficere, gradum refert, referuntque et illi, patientiâ saevissimae famis tormenta sustinentes ⁹¹). — E sexcentis, quae nobis in promptu sunt, styli

- 91) Mirum in modum alucinatur *Casirius*, in *Biblioth. Arab. Escur.* tom. I, p. 134, de *Schanfard* ejusque carmine *Lamico* in hunc modum disserens: „Poëma inscriptum *Lamiat Alarab*, i. e. Carmen Arabicum, in quo versus omnes literâ *ج* terminantur. *Ibi de sermonis Arabici elegantia, proprietate ac eruditione disseritur*: quocirca viri literati omnibus Arabicae linguae studiosis poëma hoc legendum proponunt. Illius autem auctor est *Alschanqari*, الشنقرى (minus recte legit *Herbelotius* cum uno puncto diacritico *Schaphari*) poëta antiquissimus, cujus expedita et suavis vena in proverbium abiit *الشنقرى اعذب من الشنقرى* *Alschanqaraso expeditior et suavior*.“ — In hoc loco triplici vice lapsus est *Casirius*: primo, quod *Schanfaræ* carmen de sermonis Arabici elegantia atque proprietate tractare contendat; deinde, quod carminis auctorem *Schancarium*

sublimioris exemplis, unum adhuc ex *Hamasa* proferre liceat. In grandisone illo carmine, quo *Taabbata Scharra* avunculi sui laudes praedicat, inter multa praeclara haec quoque leguntur:

فسقينا كاس حشف هذيل
غيبها خرى وعار وذل

dicat; denique, quod proverbium illud, *Schanfard expeditior*, ad *Schanfarae* venam poeticam referat. Namque quod I) ad carminis adinet argumentum, ne verbo quidem *sermonis Arabici elegantia* tangitur. Etenim poeta, inimicorum insidias devitans, familiaribus suis vale dicit, loca deserta petiturus, ubi nullum, nisi ferarum, consortium. Praedicat abstinentiam suam, fortitudinem atque patientiam, memorat itinera nocturna atque diurna, quibus et frigoris et aestus tormenta animo inconcusso sustinuerit. In his similibusque cum versetur omne carminis argumentum, haud facile adsequaris, quâ ratione *Casirius* in *sermonis Arabici elegantia* atque *proprieta*tem delabi potuerit. II) In constituendo poetae nomine *Casirius* procul dubio vitiosâ codicis sui scripturâ inductus fuit, ut *Schancarium* diceret, quem probatissimi Arabum auctores, *Firuzabadi*, *Dischauhari*, *Meidani* alique *Schanfaram* dicunt. Quare immerito *Herbelotium* taxat, quod is, omisso uno puncto diacritico, *Schaphari* legerit. In eo tamen et *Herbelotius* lapsus est, quod literam ن praetermiserit; in quem errorem etiam *Pocockius* incidit, qui in notis ad *Tograi carmen Lamicum*, p. 5, poetam nostrum *Schaaphari* adpellat. III) Quod denique laudat *Casirius* proverbium, *Schanfard expeditior*, non ad poetae ingenium, verum ad velocitatem in cursu referendum esse, discas ex *Firuzabadio*, *Dischauhario* atque *Meidano*, qui *Schanfaram* velocitate cursûs excelsuisse, indeque proverbium enatum esse tradunt, *Velocior Schanfard*, اعدى من الشنفري. Accedit, quod *Casirius* pro اعدى perperam اعذب exhibeat, quod a radice عذب, *dulcis fuit*, non *velociorem*, sed *dulciorem*, *suaviorem* denotat, de quo tamen *Schanfarae* epitheto auctores laudati nihil memorant. Cf. de Sacy Chrestom. Arab. edit. II tom. II, p. 345 — 349.

تضحك الصبيح لقتلى هذيل
وترى الذئب لها يستهمل
وعتاق الطير تهفوا بطانا
تتخطاهم فما تستقل

Propinavimus poculum mortis *Hodsailitis*,
Cujus faeces ignominia, dedecus atque opprobrium.
Rident hyaenae ad occisos *Hodsailitas*,
Videsque lupos ad eosdem renidere,
Rapacesque aves caespitare fartis ventribus,
Lapsantes super illos, nec se posse levare.

§. LXXXVIII.

Ad cogitationum sublimitatem accedit et *elocutionis granditas*, quae diversis modis, maxime vero epithetis grandisonis efficitur. Si qua alia lingua, certe Arabica immensâ fere epithetorum speciosissimorum gaudet copiâ, quibus poëtae in describendis rebus haud parce utuntur. Longum esset exempla in medium proferre; evolvatur cameli descriptio apud *Tarafam*, v. 11—39; puellae et equi apud *Amrulkaisum*, v. 29—39, 50—67, similesque loci, e quibus sufficienter adparebit, quanta linguae Arabicae speciosissimorum epithetorum sit copia, quantumque inde orationi poëticae accedat venustatis atque sublimitatis. Huc pertinet etiam frequentissimus epithetorum instar substantivorum usus, unde mira orationis oritur venustas atque gravitas. Sic leo dicitur زائر *rugiens*, hasta عسال *tremula*, gladius ابيض *micans*, nubes بارق *fulgurans*, etc. Exemplum habes in *Antarae Moallakâ*:

حلت بارض الزائرين فاصبحت
عسرا على طلابك ابنت مخرم

Deversatur in terrâ rugientium (leonum i. e. hostium) factumque
Difficile mihi te requirere, o filia *Machrami*;

nec non in *Dschafari ben Olba* carmine. in *Hamasâ*:

إذا ما ابتدئنا مازقا فرجت لنا
بأيماننا بيض جلتها الصياقل

Cum rueremus in arctum locum (proelium), spatia laxarunt nobis

In dextris nostris micantes (gladii), quos poliverant politores.

Hinc magna illa atque infinita paene vocabulorum eandem rem significantium copia; adeo quidem, ut leonis nomina quingenta, serpentis ducenta, mellis octoginta, lapidis septuaginta, ensis triginta duo numerentur ⁹²). Ad elocutionis sublimitatem haud parum conferunt et ellipses, non tantum vocabulorum, verum etiam sententiarum, quae antiquioribus poëtis usitatissimae sunt, eorumque orationem concisam, imo haud raro praeruptam reddunt. Exemplum obviam est in *Harethi Moallakâ*:

كتكاليڤ قومنا ان غزا المنذر هل نحن لابن هند رعاء

Sicut impetus in tribum nostram, cum in pugnam exiret *Mondar*; num nos filio *Hendi* subditi?

in quo versiculo vocabulum كتكاليڤكم, *Num impetus in vos*, omissum, sensusque in hunc modum constituendus est: *Num vos eundem hostium impetum sustinuistis, quem tribus nostra sustinuit*, etc. Similem ellipsin sequens ejusdem carminis versiculus exhibet:

فرددناهم بطعن كما يخرج من خربة المزاد الماء

Repulimus eos ictibus, sicuti profluit ex utris ore aqua; quo in loco omissa sunt verba فخرج الدم من جراح *et profluxit sanguis ex vulneribus*. Integer igitur versiculi sensus erit: *repulimus hostes ictibus, profluxitque ex eorum vulneribus sanguis, sicuti ex utris ore aqua profluere solet*.

92) Vide Pocockii Orationem, cum praelectiones in Tugrai poema auspicaretur, p. 8.

§. LXXXIX.

Praeter simplicitatem atque sublimitatem, quas virtutes antiquiori Arabum poësi proprias diximus, illius gentis poëtae nullo dicendi genere magis quam *figurato* delectantur. In hoc recentiores poëtae antiquioribus nequaquam cedunt; quin imo si copiam imaginum spectes, iis superiores esse videntur. De quo dicendi genere pro instituti nostri ratione fusius nobis agendum. Orationis figuratae iidem fere apud Arabes fontes, qui apud Hebraeos. Solent enim Arabum poëtae imagines suas vel e rerum naturâ in universum, vel e rebus naturalibus Orienti, inque primis Arabiae, peculiaribus, vel ex vitae suae ratione, rebusque gentis suae memorabilibus, vel denique ex historiâ fabulosâ repetere. Quas ex naturâ in universum depromunt imagines, ut plurimum a rebus maxime conspicuis, sideribus, sole, lunâ, luce, tenebris, nubibus, vento, fulgure, montibus, mari, arboribus, floribus ceterisque id genus derivant. *Siderum* imagine *celsa quaeque atque nobilia* representantur; inde Arabum haud minus quam Romanorum poëtae insignes dignitate vel felicitate viros *sidera tangere* dicunt. Exemplum obviam est in *Elmacini historiâ Saracenica*, p. 239, ubi Chalifa *Abdulkarim*, qui, favente sibi fortunâ, *Victorem fati*, غلاب القدر, sese dixerat, immutatam rerum suarum conditionem in hunc modum deplorat:

فلما بلغت النجم عزاً ورفعة
وصارت رقب القوم أجمع لي رقاً
رمانى الردا سهما فاخيد جمرتى
فها ندانى حفرى عاطلا ملقاه

Cum sidera tangerem gloriâ et celsitudine,
Essentque cervices omnium populorum mihi subjectae:
Jecit me exitium sagittâ, exstinxitque prunam meam,
Et ecce vocat me fossa mea nudum, projectum.

Sicuti siderum imagine celsa quaeque atque nobilia Arabum poëtae repraesentant, ita *sole et lunâ* ad pingendam *pulchritudinem* atque *venustatem* utuntur. Sic princeps ille *Hodsailitarum*, in *Discano*, sive *anthologiâ poëticâ Hodsailitarum*, amiceam suam cum sole comparat, cujus radii tenui nube velantur:

بيضاء صافية المدامع هولة
لناظرين كدرة الغواص
كالشمس جلاباب الغمام دونها
فترى حواجبها خلال خصاص

Candida, clara oculis, miraculum

Videntibus, instar margaritae urinantis;

Instar solis, peplo nubium velati,

Cujus tamen videntur supercilia medias per rimas.

Utraque, et solis et lunae imago, habetur in versiculis notissimi illius libri, qui *mille noctes et una* inscribitur, in cujus nocte CCXIV duo adolescentuli dormientes in hunc modum describuntur:

هلالى سما شمسى ضحا قمرى دجى
غزالى فلا غصنى نقا صنمى حسن

Duo novilunia coeli, duo soles temporis matutini, duae lunae noctis obscurae,

Duae dorcades deserti, duo ramuli Naka, duo simulacra pulchritudinis.

Simili ratione et *aurorae splendore laeta fausta* quaevis, contra *noctis tenebris tristia, infausta, horrenda* notantur. Exemplum habes in *historiâ Saracenicâ*, p. 289, ubi *Chalifae Moctadii* ingenium poëticum laudatur, appositis nonnullis versiculis, in quibus et hicce:

ويدلنا من ظلمة الجور بعد ما
دجى ليلها صباحا من العبدل مسفرا

Restituit nobis e tenebris injustitiae, postquam ingruisset
Nox ejus, aurore justitiae splendidissimam.

Adde locum ex *Discano Hodsailitarum*:

تعالوا اعينوني على الليل اقمه
على كل عين لا تنام طويله

Concurrite, juvate me adversus noctem, sane illa

Omni oculo non sopito (incubat) longissima.

Haud raro noctis imagine densa bellatorum agmina signantur;
sicuti in carmine illo *Hamasae*, quod *Hemjaritarum* aliquis in
proelium, ab *Abdmenatidis* et *Kalbitis* adversus *Hemjaritas*
commissum, composuisse fertur:

كانهم الاسد في عرينهم
ونحن كالليل جاش في قتمه

Ac si illi leones (essent) in lustris suis;

Nos autem instar noctis, quae ingruit cum tenebris suis.

Nube pluviam fundente, nec non *immensis maris aquis liberali-
tas* atque *beneficentia* pinguntur; quare *Taabbata Scharran* avun-
culi sui laudes praedicans in *Hamasa* canit:

فيث من غامر حيث يجدي
واذا يسطو فليث ابل

Pluvia nubis cooperiens, quum dona funderet;

At quum impetum faceret, leo prosternens.

Maris imagine liberalitatem describit *Ebn Doreid* in hunc modum:

هم البكور زأخرا اتيها
والناس ضكصاح ثغاب واضا

Illi sunt maria, quorum redundans unda,

Ceteri vero aqua in convallibus ac stagnis.

Interdum *nubibus atris dira belli moles*, *turmaeque proeliantium*
notantur; unde *nubes illae* et *sanguinem fundere* dicuntur; ut

videre est in *Hasani Ebn Noschba* carmine, quod in *Hamasâ*, nec non in *Schultensii Monument. vetust. Arab.* p. 21, habetur:

فلما دنو صلنا ففرق جمعهم
سحابتنا تندى اسرتها دما

Quum accessissent, saeviimus, dissipavitque turmam eorum
Nubes nostra, cujus mediae partes sanguine madebant.

Quod omnibus fere linguis commune est, ut *celeritatem* imagine *venti* repraesentent, id apud Arabum quoque poëtas obtinet. Hinc phrasis illa ركب جناحى الريح, *equitavit alas venti*, i. e. velocissime vectus fuit; hinc et vetus poëta, a *Schultensio* in *Excerptis ex Hamasâ*, p. 399, laudatus:

غاية مجد رفعت ومن لها
نحن حويناها وكنا اهلها
لو يرسل الريح لجئنا قبلها

Meta gloriae erecta est. Ecquis ad eam?

Nos eam assequemur; namque sumus idonei.

Si emittatur ventus, sane praeverteremus eum.

Haud raro *venti rigidi* imagine *animus asper durusque*, contra *vento tepido ingenium mite* atque *benevolum* notatur, sicuti in hisce *Tarafae* verbis, quibus cognatum aliquem, sibi iniquiorem, taxat:

وانت على الادنى شمال عريّة
شامية تزوى الوجوه بليل
وانت على الاقصى صبا غير قرة
تذاعب منها مرزغ ومسيل

Tu propinquo es septentrio frigidus,

Syriacus, qui contrahit faciem, humidus;

Tu extraneo ventus vernus, absque frigore,

Leniter spirans, pluviamque excitans, quae in coenum
fluxumque terram resolvit.

Huc referendum et proverbium illud, quo Arabes insignem liberalitate virum ornant: يبارى الريح جوداً, *concertat cum vento liberalitate*. Quod proverbium proprie de eo dicitur, qui, saeviente hibernis noctibus aquilone, ignem accendit, cujus flammâ, longe lateque conspicuâ, viatores invitantur, ut illuc tendant, ibique ab itineris atque tempestatis molestiis injuriisque sese reficiant. Sistitur igitur in proverbio illo ventus infestissimus viatoribus adversarius, quocum haud leve certamen viro liberali ineundum sit, si ab ejus injuriis miseros viatores tutos salvosque reddere velit. Eadem imago etiam in hisce *Hamasae* habetur versibus:

اضحى ابو القاسم الثاوى ببلقعة
تسفى الرياح عليه من سوافيها
هبت وقد علمت ألا هبوب به
وقد تكون حسيرا ان يباريها

Soli patet *Abulkasem*, commorans in terrâ incultâ,
Spargunt venti super illum quidquid converrant;
Spirant, etsi noverint, se nil efficere contra eum,

Namque languescunt, quotiescunque certamen cum illo ineunt.
Montibus excelsis securitas roburque inconcussum significatur; sic in elegantissimo illo *Samuelis Ebn Adia* carmine, quod in *Hamasâ* habetur:

لنا جبل يجتله من نجيره
منيف يرد الطرف وهو كليل
رسا اصله تحت الثرى رسما به
الى النجم فرع لا ينال طويل

Nobis mons est, quem insidet, cujus clientelam suscipimus,
Elatas, qui retundit aciem oculorum, et quidem hebetatam.

Sidit radix ejus infra terram, tolliturque
Ad astra vertex, qui attingi nequeat, præcelsum.

Haud aliter in *Hodsailitarum Diwano*:

لقد علمت هذيل أن جاری

على أعلى شواهد من ثبيره

Profecto sentit (tribus) *Hodsail*, clientem meum
In summis cacuminibus (montis) *Thebiri* positum.

Contra, *locis depressis*, qui torrentibus obnoxii sunt, *misera*
humilisque conditio pingitur; sic in illo *Hamasae* epicedio:

تسعى المنايا حيث شاءت فانها

محالة بعد الفتى ابن عقيل

فتى كان مولاه يحل بنجوة

فحل المولى بعده بمسيل

Discurrunt mortes, quo volunt; namque
Libere dimissae sunt, mortuo filio *Okaili*,
Viro, cujus propinquus in loco edito habitabat;
At habitant propinqui post mortem ejus in valle torrentibus
obnoxia.

§. XC.

Sed longum foret, omnes imagines recensere, quas ex rerum naturâ in universum Arabum poëtae petunt; quare desistendum, et ad illas transeundum, quas a rebus naturalibus, Orienti vel Arabiae maxime peculiaribus, derivare solent. Inter animantia, quae vel in Oriente in universum, vel in Arabiâ praeprimis obviam sunt, in carminibus Arabicis maxime frequentantur *leo*, *pardus*, *hyaena*, *lupus*, *onager*, *equus*, *camelus*, *dorcas*, *simia*, *struthiocamelus*, *aquila*, *accipiter*, *serpens* atque *scorpio*. *Leonis* *pardisque* imaginibus *ferociam bellicanque fortitudinem* designari notissimum est; sic in *Alfendii* carmine in *Hamasâ*:

شددنا شدة الليث عدا والليث غضبان ✽

Incursumus vehementiâ leonis irruentis, et quidem leonis
rabidi;

nec non in *Amrui ben Maadi* poematio, quod in eadem *Hamasa*
exhibetur:

قوم اذا كبسوا الحديد تنمروا حلقاً وقداء ✽

Homines, qui, quum induerint ferrum, pardorum instar
saeviunt in thoracibus et loricis.

Leonis, pardi similiumque ferarum *dentes ungulasque* Arabum
poëtae saepe in alias res, quae periculum vel exitium minitari
videntur, transferunt. Morti dentes tribuuntur in hocce *Ha-*
masae versiculo:

سقاء الردى سيف اذا سل او مضت ✽

اليه ثنايا الموت من كل مرقب ✽

Propinavit ei exitium gladius, quo stricto reniduerunt

Ad illum dentes mortis ex omni speculâ.

Eundem in modum *fortuna*e *dentes ungu*esque adscribuntur in
Hariri consessu XXI:

وبادر به صرف الزمان فانه ✽

بمخلبه الاشغى يغول ونابه ✽

Atque sic praevenias vicissitudinem fortunae, quae saepe

Et ungue adunco saevit et dente.

Haud raro homines, rei alicui inhiantes vel inhaerentes, *ungues*
illi infigere dicuntur; sic in versiculo a *Safeiri*i scholiaste
citato:

سمجاء ضخمة الدسيعة تتشبث ✽

بئيل رعلها آل الفقار ✽

Femina liberalis, amplissimisque dotibus instructa,

In cujus pepli laciniam unguis infigit familia *Fakalidarum*.

Cujus loci verba: *in pepli laciniam unguis infigere*, idem significant atque *opibus alicujus fortunisque inniti*. Eandem imaginem habes in appendice ad historiam *Timuri*: ومن رام التسلف الى ذروة العلوم فليتشبث باذيال استارها qui vult conscendere fastigium scientiarum, infigat unguis in lacinias velorum earum (scientiarum).

Ferociam itidem et *rapacitatem hyaena* et *lupus* denotant; imo illa summam quoque *stoliditatem*, unde etiam in proverbium venit احمق من ضبع, *stultior quam hyaena*. Cujus rei rationem *Teblebius* in scholiis ad *Haririi* consessum sextum in hunc modum reddit: ومن حمقها انّها اذا خرجت تلتمس ما تأكل فتجد جرّاء لغيرها قد خرجت امهم ايضا كذلك وتركت جرّاءها اقامت في ترضع اولاد غيرها وربما ضاعت جرّاءها فأكلها الذئب فالى هذا اشار الشاعر بقوله

كمرضعة اولاد اخرى وضيعت
بى بطنها هذا الضلال من القصد

i. e. stoliditatis ejus et hoc, quod, ubi exiverit quaesitura quo vescatur, inveneritque catulos alienos, quorum mater itidem exivit, relictis catulis suis ibi tum commorari soleat, catulosque alienos lactare. Quo facto saepe accidit, ut catuli ejus pereant, a lupo devorati; quo poeta alludit, quum ait:

Sicuti quae lactat pullos alterius, perditque
Filios uteri sui; quod vero aberratio a viâ rectâ.

Praeter hyaenam et *struthiocamelus* Arabum poetis *stoliditatis* imago, idemque quod de hyaenâ obtinet, et de *struthiocamelo* in usu est proverbium: احمق من نعامة, *stultior quam struthiocamelus*. Quare et poeta, a *Scheidio* ad *Canticum Hiskiae* laudatus, ait:

وإن أنتم لا تتأروا وأتديتم
فمشوا بأديان النعام المصلم

Quodsi vos non ulciscamini caedem, lytrumque accipiat,
Struthiocamelum praecisis referetis auribus (i. e. stoliditate
struthiocamelum aequabitis.)

Quod stoliditatis opprobrium inde in struthiocamelum devolutum,
quod ova sua deserere, alienaque fovere dicatur. De quâ re
Damiri in historiâ animalium haec tradit: وفي تخرج لطلب
الطعم فتي وجدت بيض نعامة أخرى تحضنه وتنسى بيضها ولعلها
i. e. ubi prodit ad
quaerendum cibum, invenitque alius struthiocameli ovum, illi
incubat, suiue obliviscitur. Quodsi forte a venatoribus excite-
tur, nunquam eo revertitur; quamobrem stulta praedicatur. —
Hinc et proverbium enatum انزل من بيضة البلد, *vilius ovo terrae*,
i. e. ovo struthiocameli in terrâ relicto; hinc et Arabum poëtis
ovum terrae, sive struthiocameli *hominem omni auxilio destitu-
tum* denotat, ut videre est in hiac *Hamasae* versiculis:

أني فتي من أودي باخوته
ريب الزمان فامسى بيضة البلد

Ego sum vir, cujus perdidit fratres
Injuria fortunae, factusque sum ovum terrae;

i. e. ita omni destitutus sum praesidio, ut ovum struthiocameli
in terrâ desertum. Ad quem locum *Tabrizi* notat: قيل في بيضة
البلد أنه بيض النعام لأنها سيئة الهداية فتضع بيضها في موضع ثم
i. e. dicunt ovum terrae denotare ova
struthiocameli, quippe quae, stolidissime se gerens, ova sua in
loco aliquo ponat, eaque deinde deserat inde aberrans, ita ut
pereant. — Neque tamen stoliditatis tantum, verum etiam *cele-
ritatis* imago struthiocamelus habetur. Neque id mirum; namque

rapidissimo cursu fertur, cum a venatoribus exagitur. Quae alitis hujus celeritas et in proverbii consuetudinem abiit; dicunt enim Arabes: اعدى من الظليم, *cursu pollentior quam struthiocamelus*; et ركب جناحى النعامة, *inequitavit alis struthiocameli*, i. e. velocissime vectus fuit. In carminibus Arabicis quam frequentissime imagines, a struthiocameli celeritate petitaе, deprehenduntur; sic in *Diwano Hodsailitarum*:

نمول تنرف زفيف الظليم
شمر بالنعف وسط الريال

Velociter incedens prorumpit impetu struthiocameli,

Cum ad cursum se accingit in loco acclivi medios inter pullos; nec non in *Hamasà*, ubi poëta *Chalifam Omarum* laudans, hisce inter cetera utitur verbis:

فن يسع او يركب جناحى نعامة
ليدرك ما قدّمت بالامس يسهق

Qui currit, quin imo vehitur alis struthiocameli,

Ut adsequatur, quae tu jam praeoccupasti, antevertetur.

Celeritatem et accipitris praecipiti volatu pingunt Arabum poëtae; exemplum obviam est in *Diwano Hodsailitarum*:

وجمله جموم ارجى صادق هذب
كما ينقض من جو السماء الاجدل الدرب

Portat eum equus indefessi cursus, alacer, strenuus, celerrimus,

Sicut in praedam deferitur ex aethere accipiter exercitatus.

Contumaciae indomitique animi imaginem *onagrum* esse, jam superius, ubi de poëtarum Hebraeorum figurato dicendi genere egimus, monitum fuit; verum et in alias res hujus animalis proprietates Arabum poëtae transferre solent. Cum in desertis degat onager, ubi saepissime inedia famesque sustinendae, *onagri ventre* haud raro *summa omnium rerum penuria* designatur; sic in *Amrulkaisi Moallakà*:

وواد كجوف العبر قفر قطعته
به المنكب يعوى كالخليع المعيل

Vallem instar ventris onagri desertam peragravi,

In quâ lupus ululabat, ut decoctor numerosâ gravatus familiâ.

In describendâ puellarum feminarumque pulchritudine vix ullâ constantius, quam *dorcadis* imagine Arabum poëtae utuntur. Est enim dorcas animal venustissimum, gracili corpore, nigris vividisque oculis; quare haud immerito cum dorcadibus puellae formosae componuntur. Exempla sexcenta in carminibus Arabicis occurrunt; sufficiat tamen unum tantum alterumve in medium proferre. In elegantissimo illo *Tograi* carmine, cui cognomentum لامية العجم, legimus:

ولا اخل بغرلان اغازلها
ولو دهنتي اسود الغيل بالغيل

Neque deseram dorcades, quibuacum confabuler,
Etiam si adorti me fuerint leones aylvae insidiis.

Quo in loco *dorcadibus puellas, leonibus vero homines infestas* notari, nemo est, qui non videat. In eundem modum in *Diwano Toḥmani* (طهمان) *Ebn Amru Kelabitae* puella formosa dicitur

ربما اغنّ يصيد حسن دلالة
قلب الحكيم وبطبي الجهالة

Dorcas stridule loquens, cujus pulchritudo fascinans venatur

Cor sapientis, interimitque ex insidiis insipientes.

Similiter et *Motanabbi* puellas campestris dorcades deserti adpellat in elegantissimo hoc loco:

افدى طباء فلاة ما عرفن بها
مصنع الكلام وصيغ الحواجيب
ولا برزت من الحمام مابلة

اوراكها صقيلات العراقيب
ومن حوى كَلَّ من ليست مموقة
تركت لون مشيبي غير مخصوب

Devoverem me pro dorcadibus deserti, quae non norunt
Manducare sermonem et supercilia tingere,
Quae non prodeunt ex balneo vibrantes
Lumbos suos, nitidae talis;
Amore illarum, quae non fucantur,
Canitiem meam infucatam linquo.

Maxime vero cum procero gracilique dorcadum collo puellarum
collum componi solet; sic in Amrulkaisi Moallakâ:

وجيد كجيد الريم ليس بفاحش
اذا في نصته ولا بمعطل

Collum (puellae) sicut collum dorcadis, justum modum non
excedens,

Cum illud erigit, nec monilibus destitutum.

Haud aliter in *Antarae Moallukâ*:

وكأما انتفتت بجيد جداية
رشاً من الغزلان حرّ ارثم

Ac si respiceret collo dorcadis,

Pulli dorcadis jam adulti, labiis superne albicantibus.

Nonnunquam *dorcadis* imagine lucidum illud *solis sidus* repraesentatur, ut videre est in versiculo, a *Teblebio* ad *Harîrium* citato:

بثينة تنرى بالغزالة في الصحى
اذا برزت لم يبق يوماً بها بها

Botheina vincit dorcadem illustri jam die;

Ubi prodit, non restat, cui splendor sit, dies.

Sicuti dorcas pulchritudinis imago habetur, ita *simia deformitatem* atque *vilitatem* denotat. Exemplum habes in satyricis hisce *Hamasae* versiculis:

اتخطر للاشراف يا قرد حذيم
وهل يستعد القرد للخطر ان
اني قصر الازناب ان تخطروا بها
ولوم بنى قرد بكل مكان *

An jactas caudam ad gloriandum, o simia Hedsjamita,
Num disposita est simia ad jactandam caudam?
Vetat brevis caudarum, ut eas jactetis,
Dedecusque simiarum in omni loco.

Haud raro etiam a *serpentibus*, *viperis* *scorpionibusque* imagines suas Arabum poëtae repetunt. *Serpentibus viperisque homines dolosi* atque *periculosi* significantur; sic in *Haririi* consessu XVIII فعندى الله جار مكاسر فبان الله عقاب كاسر وأنسته على الله حبّ i. e. putabam, eum esse vicinum mihi conjunctissimum; sed apparuit, eum esse aquilam ossifragam; familiaritatem cum eo contraxi, quod existimarem eum amicum humanissimum; sed deprehensum est, eum esse serpentem, fraudulentissimum. — Quo in loco *aquila hominem ferocem* atque *violentum*, *serpens* contra *dolosum* atque *fraudentum* notat. Hominis periculosi imaginem a viperâ petitam exhibet elegantissimum illud *Abi Adinae* carmen, in *Schultensii* Monument. vetust. Arab. obvium:

لا تقطعن ذنب الافي وترسلها
ان كنت شهما فاتبع راسها الذنبا *

Ne amputes caudam viperae, eamque dimittas,

Si vir acer es; verum fac, ut caudam caput sequatur.

Quibus verbis poëta innuit, hostes periculosos, quos captos tenebat *Alaswadus*, Hirensium rex, non esse dimittendos, sed

extinguendos. *Scorpionis* denique imagine *calumnata* atque ob-
trectatio notari solent; hinc tritum illud *Arabum* proverbium
دبت العقارب, *reptant scorpiones*, i. e. grassatur calumniâ atque
obtrectatio; quo proverbio et vetus poëta in *Hamasâ* usus est in
hunc modum :

فللموت خير للفتى من قهده
عديما ومن مول تدب عقاربه

Profecto mors melior viro, quam sedere

Desertum, quamque socius, cujus reptant scorpiones.

Haud praetereundus nobis locus *Ahmedis abu Arabschah*, in quo
omnia fere Orientis animantia nociva sensu figurato inducuntur.
Namque in recensendis *Timuri*, Syriam invadentis, copiis gran-
diloquus ille auctor hisce utitur imaginibus: نمور تركستان وپور
بلخشان وضغور الدشت ونسور الموغول وكواسر الجتا واقاي خاجند
وتغابين اندكان وهوام خوارزم وضواری حصار شادمان واسود خراسان
وضباع الكليل وتماسيح رستم دار واصل قبائل خوز وكرمان وطلس ارباب
طهالسة اصبهان وافيال الهند والسند وكباش ولايات اللور وثيران شواحق
پاردي Turciae, tigrides Balachsanienses, accipitres Deschtaci, vultures Moga-
lenses, aquilae ossifragae Geticae, viperæ Chodschendione, dra-
cones Andechanenses, serpentes Chowaresmii, canes venatici
Hasar-Schadmanenses, leones Chorasanienses, hyaenæ Gilanen-
ses, crocodili Restemdarienses, aspides tribuum Susianæ et Car-
maniae, lupi Ispahanenses, elephanti Indici et Sindici, arietes
ditionum Lurensium, tauri montium Gaurensium, scorpiones
Schahrezuri⁹³). — Inter animalia domestica ab Arabibus maximi

93) Ahmedis Arabstadæ vitæ et rer. gestar. Timuri historia, 'ex
edit. Mangeri t. 4, c. 64, p. 579.

aestimantur equus et camelus; quare haud mirum, utrumque etiam a poetis Arabicis in figurato dicendi genere adhiberi. Tritissimum est Arabum poetis, virum egregium *admissarii* nomine insignire; sic *Taabbata Scharran* in *Hamasà*:

فذاك قريع الدهر ما عاش حول
إذا سَدَّ منه مناخر جاش مناخر

Atque is admissarius seculi, quoad vixerit, versutissimus,
Cujus alterà nare obstructà, altera rebullit.

Quo in loco *admissarius seculi virum aetatis suae principem* denotat. In eundem modum et principes eruditorum *فحول العلماء*, *admissarii eruditorum*, principesque poetarum *فحول الشعراء*, *admissarii poetarum* dicuntur. Sed et aliae imagines ab utroque jumento derivantur; in his haud inelegans ab equorum colore petita. Constat, Arabes equos illos maximi aestimare, qui in fronte pedibusque candidis notis insigniti sunt. Hinc ab Arabum poetis omne egregium atque illustre *candidis in fronte pedibusque notis insignitum* dicitur. Exemplum habes in *Hamasà*, ubi *Samuel ebn Adija* canit:

وأيامنا مشهورة في عدونا
لها غرر معلومة وحاجول

Dies nostri nobilitati in hoste nostro,

Quippe candidis frontium, candidis pedum notis insigniti.

Quibus verbis poeta innuit, proelia, quae tribules sui cum hostibus commisissent, his haud minus memorabilia fuisse, quam *equum candidis in fronte pedibusque notis insignem*. Imaginem, a *camelà coecutiente* petitam, exhibet *Zohairi* Moallaka, ubi ejusmodi camelae, obvia quaeque proculcanti, comparatur *fatum*, quod coeco quasi impetu alios tollit, alios praeterit:

رأيت المنايا خيط عشواء من تصب
منته ومن قاططن بعمر فيهم

Vidi fatum instar camelae coecutientis, terram pede quatientis;
quem tangit,

Dat neci, quem vero praeterit, is diu vivit, senloque conficitur.
Huc referendae imagines, quas ab equitando Arabum poëtae derivare solent; tales sunt: *dorsa periculorum, hystarum inequitare, habenas cupiditati regendas tradere, et similia.*

§. XCI.

Praeter animalia, vel Orienti in universum, vel Arabiae praeprimis peculiariora, aliae quoque res naturales in terris illis obviae, *flumina, arbores, flores, gemmae, margaritae*, in oratione figuratâ ab Arabum poëtis adhibentur. Inter fluvios Arabum poëtis maxime celebratur *Euphrates*, inter arbores *palma*; ille *abundantiae* atque *munificentiae*, haec *bonitatis egregiaeque indolis* imago. Imaginem ab *Euphrate* petitam habes in veteris poëtae dicto apud *Dschauharium*:

تجرى خزائنه على من نابه
جری الفرات على فراص الجداول

Profluunt thesauri ejus super eos, qui eum observant,
Fluxu Euphratis in aperturam rivuli.

Palmâ bonitatem atque *praestantiam* notari, videre est in hocce *Hamasae* versiculo:

رَبَّيْتَهُ وَأَصْ كَالْفَحَّالِ شَدْبَهُ
أَبَارَهُ وَنَفَى عَنْ مَتْنِهِ الْكِرْبَا

Educavi eum, evasitque instar palmae, quam putat cultor ejus,
Removetque a latere ejus stolones.

Cum *palmae racemis densi* quoque *puellarum crines* comparantur; earundemque *gracilis statura* cum *surculo palmae* aquâ rigatae. Haud raro et cum *myrobalani surculo puellarum gracilitas* componitur; ut videre est apud *Motanebbium*:

خريدة لو رأتها الشمس ما طلعت
ولو رأها قضيب البان لم يمس ☆

Puella, quam si videret sol, non oriretur,
Si surculus myrobalani, non se inflecteret;

et ejusdem poëtae elegantissimo hoc loco:

بدت قمرا ومالت خوط بان (٩٤)
وفاحت عنبرا ورننت غزالا ☆

Prodivit sicuti luna, inclinavit se tanquam ramus myrobalani,
Spiravit ceu ambarum, spectavit ut dorcas.

Arbori, cujus superiores partes a vento agitantur, inferiores leviter tantum inclinantur, *vacillans puellarum* componitur *incessus* in versiculis a *Nowairio* citatis:

فقمين بطيا مشيهن تأودا
على قصب ضاق عنه خلاخله
كما هزّت المران ريح فحرّكت
أعاليها وأرجحتت أسافله ☆

Surgunt lente, *incessus* earum inclinatur
Super arundine, quam arctant periscelides;
Sicuti, cum fraxinum concutit ventus, agitantur
Summi rami, inclinantur inferiores stipitis partes.

Rami virentes fortunam secundam, aridi contra infortunium exprimunt; exemplum exhibet *Jahjae ben Zejad* carmen in *Bokterii Hamasû*:

كلّ فتى أخطأته المحتوف
له زمن سوف يختانه

94) Pro vocabulo خوط in quibusdam codicibus legimus: *صوت*
lectionem etiam Jonesius in poëseos Asiat. commentarii . ١٢٢٢
hornii editione p. 23, exhibet.

فيوما يروق الورى غصنه
ويوما ستيبس اغصانه
امور تبيد واخرى تغيد
وكل ستوحش اوطانه

Omnem hominem, a quo aberrant fata,
Manet tempus, quod inopinantem obruet;
Modo speciosi mortalibus ejus adparent rami,
Modo arescunt frondes ejus;
Res aliae exitio sunt, aliae juvant,
Sed omnium tandem domicilia desolabuntur.

Arboribus spinosis asperum atque indomitum viri ingenium notatur, sicuti in hocce *Komaiti* versiculo:

لا سمراني يبتغيهن عاصد
ولا سلماتي في بجيلة تعصب

Spinas meas non expetet arborum putator,
Neque *Salamae* meae a *Badschilitis* fane constringentur.

Quae in versiculi hujus hemistichio posteriori de arbore *Salama* habentur, egregie illustrantur *Almeidanii* loco, quo proverbium *عصبه عصب السلمة*, *constrinxit eum sicuti Salamam*, interpretatur. Ejus autem verba in huncce modum audiunt: *وهي شجرة* اذا ارادوا قطعها عصبوا اغصانها عصبا شديدا حتى يصلوا اليها والى اصلها فيقطعوه i. e. est autem (*Salama*) arbor, quam cum succidere volunt, ramos ejus firmiter constringunt, ita ut ad radicem pervenire possint, eumque in modum illam succidunt.

Inter flores maxime *rosa*, *anemone*, *narcissus* *anthesisque* ab Arabum poetis celebrantur. *Rosa* et *anemone* *genae rubicundae*, *narcisso oculi languidi*, et *anthemide dentes candidi* significantur; exempla obviam sunt in *Haririi* consessu II, ubi puella lacrymas fundens in hunc modum pingitur:

فامطرت لؤلؤا من نرجس فسقت
ورداً وعصت على العناب بالبرد

Pluit margaritas ex narcissis, irrigavitque
Rosam, atque momordit zizypha grandine.

Quo in loco *margaritis lacrymæ, narcissis oculi, rosâ genae, zizyphis digiti fucô rubicundo tincti, grandine denique dentes* notantur. In eodem consessu *dentes margaritis recentibus, grandini, anthemidi, palmarum flori vinique bullis* comparantur. Neque tamen lacrymæ tantum dentiumque candor margaritis notatur; saepe etiam *oratio*, maxime vero *ligata margaritis* comparatur; hinc *Motanabbi* carmina sua *margaritas* dicit:

أتى نثرت عليك دراً فانتقد
كثر المدئس فاحذر التدليس

Equidem sparsi in te margaritas, accipe,
Multae spuriae (circumferuntur): cave, ne decipiaris.

Hinc et in appendice ad *Timuri* historiam legitur: *الكلام كالدرّ* *sermocinatio est instar margaritarum in filum consertarum, inque seriem connexarum.* Haud raro quaecunque aliquo ordine disposita sunt, margaritarum in seriem connexarum imagine sistuntur; sic in *Timuri* historiâ plus simplici vice *agmina militum disjecta lineae margaritarum solutae* dicuntur. Saepissime etiam a *gemmis, smaragdo, beryllo, pyropo* aliisque lapidibus pretiosis imagines suas petunt Arabum poëtae. *Gemmis* in universum *pretiosa* quaeque atque *insignia* notari neminem fugit; exemplum habes in lepido illo versiculo mariti, uxorem ornatûs studiosam reprehendentis:

وأتى أريد جوهر البيت
وتريدن بيت الجواهر

Ego volo gemmam domus (i. e. domum opulentam),

Tu autem vis domum gemmae (i. e. capsulam, in quâ gemmae reconduntur).

Gemmarum diversae species pro diverso colore diversâque formâ ad diversas quoque res transferuntur: *smaragdis prata virentia, pyropis puellarum labia, beryllis digiti* significantur. Sufficiat e multis unum tantum alterumve locum in medium protulisse. Terra, *gramine virenti vestita, smaragdis superbire* dicitur in *Abulolae* carmine, quod in ejusdem auctoris opere poëtico, سقط الزند, *ignis ignitabulo excussus*, inscripto, habetur:

قد اناك الربيع يفعل ما تأمره فعل عبدك المأمور
وكسى الارض خدمة لك يا مولاه دون الملوك خضر الحرير
وهي تختال في زبرجدة خضرآء تغدى بلؤلؤ منثور
وغدت كل روبة تشتهي الرقص بثوب من النبات قصير

Venit tibi ver, ut, quod ipsum jubes, faciat, ut servus jussus;

Vestit terram, tibi ut ministret, domine ejus, non aliis item regibus, virore sericeo.

Illa superbit smaragdo viridi, prandetque margaritas sparsas,

Omnisque collis saltare gestit brevi ex herbis veste.

Beryllorum imagine *digitos* notari, videre est in *Hariri* consensu secundo, ubi haec leguntur:

فلاح ليل على صبح اقلهما
غصن وضرسست البلور بالدرر

Apparuitque nox super aurorâ, quarum utramque sustinebat

Ramus, masticabatque beryllos margaritis;

i. e. velo nigro pulcherrimam faciem occultuit puella gracilis, momorditque prae moerore digitos dentibus.

§. XCII.

Sed locus tempusque nos deficerent, si, quas a rebus naturalibus Arabum poëtae petunt imagines, omnes recensere velimus;

quare transeundum ad illos tropos, qui ex vitae communis usu derivantur. Cum Arabes maxime gregibus pascendis, agrisque colendis dediti essent, haud mireris, poëtas ab utroque vitae genere plures repetiisse imagines. A *re pecuariâ* imago petita, cum *copiarum duces arietes* dicuntur, ut in illo *Amrui ben Maadi Carib* carmine, quod *Hamasa* exhibet:

نازلت كبشهم ولم أر من نزال الكبش بداه

Conflixi cum ariete eorum, neque vidi a conflictu arietis effugium.

Ad idem vitae genus respicitur, cum in *Tograi* carmine *somnus gregis pascentis* imago pingitur in hunc modum:

طردت سرح الكرى عن ورد مقلته
والليل اغرى سوام النوم بالقل

Propuli gregem somni ab accessu ad oculum ejus,

Cum nox immitteret greges somni in oculos.

Saepissime *pecoris pastus* atque *aquatio* ad belli negotium transfertur; hinc *bellatores proelium ineuntes pastum et aquatum* ire dicuntur; quae figura audacius adhuc de ipsis belli instrumentis, hastis gladiisque usurpatur, ut videre est in *Amrui ben Kelthum Moallakâ*:

نشق بها رؤوس القوم شقا
ونخليها الرقاب فتختلينا

Diffindimus hisce (gladiis) capita virorum,

lisdemque pabulum largimur colla, quibus pascantur.

In eundem modum *Taabbata Scharran* in *Hamasâ*:

ينهل الصعدة حتى اذا ما نهلت كان لها منه عذ

Aquatum ducit hastam primâ vice, ut sitiens bibat; quin et secundis haustibus eam rigat.

Ut intelligantur, quae hoc loco de primâ et secundâ hastae aquatione memorantur, tenendum est, camelis, cum ad aquationem

ducuntur, primo nonnisi tantum aquae concedi, quantum restinguendae siti sufficiat; deinde cum aliquantulum requieverint, secundâ vice ad satietatem eos rigari. Quare loci laudati is sensus: *hastam non leviter tantum, sed abunde hostium cruore rigatam fuisse*. Haud raro etiam mulgendi negotium ad bellum transfertur; hinc *Moattelus* in *Hodsailitarum Divano*:

تجرت حرب يكون حلابها
علقا يمر بها الغوى المبطل

Destrictum est bellum, cujus mulsura
Cruor, quem mulget perditte vesanus.

§. XCIII.

Ab *agrorum* quoque *hortorumque culturâ* Arabum poëtae imagines suas, quamvis rarius, repetunt. Imaginem a *semine* petitam habes in *Hamasâ* in hocce *Abdulmaleki* versiculo:

وأبنا نزرع قد نما بصدورنا
من الوجد يسقى بالدموع البوادر

Reversi sumus turgescere in pectoribus semine
Desiderii, quod rigaretur lacrymis properantibus.

Similiter et *plantandi fructusque colligendi* negotium in figuratâ adhibetur oratione, ut videre est in *Hariri* consessu quarto:

وكل من يطلب عندي جنى
فما له إلا جنا غرسه

Quicumque requirit apud me fructum,
Non accipiet, nisi eum, quem plantaverit;

i. e. *quemvis pro merito suo tractare soleo*. Hinc et tritum illud proverbium: اجتن ما غرس، *carpe, quod plantasti*, i. e. accipe, quod promeritus es.

§. XCIV.

Frequentissimae etiam a reliquis vitae communis rebus, *aedibus, vestitu, cibo potuque, hospitalitate, suppellectili, igne, bello armisque*, imagines derivantur. *Aedium* imagine *gloriam laudesque* pingere solent Arabum poëtae; sic *Lebid* in *Moallakâ*:

فبني لنا بيتا رفيعا سمكه
فسمأ اليه كهلنا وغلاننا

Aedificavit nobis (Deus) aedes, quarum praeclsum fastigium,
In quod enituntur viri juvenesque nostri.

Quae a *vestitu* petuntur imagines, ad diversas res transferuntur, maxime tamen ad denotandam *arctiorem* aliquam rerum inter se *conjunctionem* adhibentur. Hinc *vita, adfectus, curae, miseria*, quaeque praeterea propius ad homines pertinent, eisdem vestire dicuntur. Exempla sexcenta suppetunt, e quibus tamen unum alterumve tantum delibandum. *Vita vestimenti* imagine sistitur in hocce *Hamasae* versiculo:

ولا ثوب البقاء بثوب عز
فيطوى عن أخى الخنع اليراع

Vestis vitae prorogatae non est vestis honorifica,
Quâ exiit frater mollitiae, pusillanimis.

Ad *animi aegritudinem* eadem imago transfertur in *Hodsailitarum Diwano*:

نام الخلى وبّت الليل له انم
وهيج العين قلب مشعر السقم

Dormit curâ vacuus; at ego noctem transigo haud dormiens,
Excitatque oculum cor indutum aegritudine.

In eodem *Diwano gladiatorum ictus hostium dorsa amiculo vestire* dicuntur:

إذا ادرككم يلحفون سرائهم
بضرب كما جدّ الحصير الشواطب

Ubi consequuntur eos, amiciunt dorsa eorum

Ictibus, qualibus storeas iciunt mulieres textrices.

Tritissimae praeterea dicendi formulae لباس البأس, *indumentum afflictionis*, لباس الجوع والغرق, *indumentum famis et consternationis*, لباس الشدة, *indumentum famis et miseriae*, etc. Frequentissime etiam a cibo, potu et hospitalitate Arabum poëtae orationis figuras mutuantur. Sic *Moleichus* in *Hodsailitarum Diwano* sese sollicitudinem hospitio excipere et cibare constantiâ dicit:

فأني لأقري الهم حين يصيف

بعزم كوقع السيف

Equidem hospitio excipere (cibare) soleo sollicitudinem, cum hospitatur,

Constantiâ, tanquam ictu gladii.

Eandem imaginem elegantissime ad bellum transfert *Amru ben Keltum* in *Moallakâ* in hunc modum:

فزلتم منزل الاضياف منا

فعجلنا القرا ان تشتتمونا

قربناكم فعجلنا قراكم

قبيل الصبح مرداة طحونا

Devertistis in deversorium hospitale nostrum,

Itaque festinavimus epulas, ne malediceretis nobis.

Hospitio excepimus vos, et festinavimus epulas

Paulo ante auroram, lapidem molarem.

Cujus loci is sensus: ingressi estis pugnam nobiscum, sicuti hospes deversorium ingreditur, stragemque ocissime edidimus inter vos, sicuti hospiti ocissime parantur epulae, ne ignaviae nos accusaretis, ut solent accusari, qui hospiti segnius epulas parant. Simili ratione et potus ad bellum caedemque transfertur, ut in hocce *Hamasa* versiculo:

حاسيته الموت حتى اشتف آخره ✽

Sorbendam ei dedi mortem, usque dum exhausisset extremum ejus.

A *potu* et *potando* proverbium illud originem traxit: *potandum alicui dare poculum, quod ipse potaveris*, i. e. eodem modo alium tractare, quo ipsi tractati fuimus; quae proverbialis locutio habetur in *Abi Adinde* carmine, jam superius laudato:

وانصف الناس في كدّ المواطن من

سقى المعادين بالكأس الذي شربا ✽

Aequissimus hominum omnibus in locis,

Qui potionat hostes poculo, quod ipse potavit.

Haud raro etiam a *supellectili*, quā Arabes potissimum uti solent, orationis poeticae imagines derivantur. *Vulnera sanguinem mittentia* cum *utris orificio*, cum eodem, nec non cum *hydriâ diffissâ* et *nubes pluviam fundentes* comparantur. Nubibus aquâ gravidis hydrias, utresque tribui, apparet ex elegantissimo *Abi Tsachri* loco in *Hodsailitarum Diwano*:

تقود نعامة حناتم اقرعت .

من الماء يتلوحن اسحم ساكب

يشقّ الدماث البيض من كل باطن

ومنه سفور بالنواحي لواحب ✽

Adducit ei (nubi) euronotus hydrias repletas

Aquâ, quas sequitur uter imbrem fundens;

Is sulcat loca arenosa albicantia in omni convalle,

Restantque literae in tractibus impressae.

Quo in loco vestigia imbris, arenam sulcantis, bellissime cum literarum ductibus componuntur. Ab *hydriis* sive *situlis* multae aliae praeterea imagines derivantur; sic in *Haririi* consensibus XV et XLIX occurrit dicendi formula: *situlam in aquam immittere*, quae idem sonat ac liberalitatem alicujus experiri; apud

eundem *Haririum*, consensu XVII, habetur: *situlam inter situlas ejicere*, i. e. ingenii certamen inire; notissima denique phrasis *situlas agere*, i. e. lente incedere. Cum *funiculo*, quo *situlae* ad hauriendas aquas in puteum demittuntur, comparantur *hastae sanguinem fundentes*, quia et longitudine funiculum illum referunt, et sanguinem e vulneribus eodem fere modo hauriunt, quo aqua e puteo funiculo hauritur. Exemplum habes in hocce *Diwani Hodsailitarum* versiculo:

فترى الرماح كأنما هي بيننا
اشطان بئر يوغلون ونوغل

Cerneret hastas, ac si illae inter nos
Funes putei, quibus invicem confodiebamur.

Ollae sive *aheni fermentis* imagine bellum notatur; sic in *Hodsailitarum Diwano*:

والحرب عرست بالحرب والتهبت
وجاش مرجلهم من بعد ايقاد

Bellum incubuit bello, inflammatumque est;
Efferbuitque ahenum eorum, postquam incensum fuit.

Saepissime etiam bellum cum *molà*, strenuque bellatores cum *lapide molari* componuntur; sicuti enim tritici hordei que grana lapide molari conteruntur, ita homines belli mole conteri solent. Exemplum obviam est in *Amrui Moallakà*:

متى ننقل الى قوم رحانا
يكونوا في اللقاء لها طحيننا
يكون ثقالها شرقى نوجد
ولهوتها قضاة اجمعينا

Quando admovemus hominibus molam nostram,
Fiunt, quicunque ei occurrunt, farina;
Stratum ejus ad orientem *Nedschdi* (expansum),
Omniaque ejus grana pulvis subtilissimus.

Quo in loco quum *molae* imagine *bellum* significetur, *farinà* *hostes caesos*, *molaeque strato* sive *panno molari arenam belli notari nemo non videt.*

§. XCV.

A *re bellicâ* denique *armisque* Arabum poëtas orationis figuras frequentissime mutuari nemo mirabitur, qui gentis illius propensum in bella animum respexerit. A *gladio turmisque hostilibus* petitam imaginem habes in *Hariri* consessu XXV:

فَجَرَّدَ فِي الدَّهْرِ سَيُوفَ الْغَدْرِ وَشَقَّ غَارَاتِ الرِّزَايَا الْغُبَرِ وَلَمْ يَزَلْ يَسْكُتُنِي
ويبري i. e. destrinxit in me fortuna gladios perfidiae, immisit
que turmas praedatorias calamitatum gravissimarum, neque desiit
eradicare me atque excindere.“ — Cum *sagittis puellae oculi lacrymas fundentes* componuntur in *Amrilkaisi Moallakâ*:

وما ذرفت عيناك إلّا لتصبرني
بسهميك في أعشار قلب مقتل

Non effundunt lacrymas oculi tui, nisi ut ferias

Binis sagittis tuis omnes partes cordis enecati.

Clypeus tribuitur fortunae, cujus dorsum illis obvertit, quibus adversatur, in *Hariri* consessu XXIII:

كم مزدني بغورها حتى بدا متمردا
قلبت له ظهر المجنّ وأولغت فيه المدي

Quot superbientibus pellaciâ ejus (fortunae), ita ut in Deum
rebellarēnt,

Obvertit dorsum clypei, cultrosque adegit.

§. XCVI.

In hunc fere modum vitae communis res ab Arabum poëtis in oratione figuratâ adhiberi solent; superest, ut de reliquis imaginum poëticarum fontibus breviter dicamus. Praeter rerum naturam vitaeque communis usum, ad quos velut inexhaustos

فتنتج لكم غلمان اشأم كلهم
 لأجر عاد ثم ترضع فتقطم *

Peperit vobis (bellum) adolescentes infelicissimos omnes,

Instar *Rufi Aditarum*, quos lactavit (mater) mox ablactandos.

Ad illustrandam imaginem hancce liceat *Rosenmülleri* in hunc locum observationem apponere: „ad *Themudaeos*, antiquam Arabum tribum, qui initio *Adensium*, ob impietatem in Deum dirâ clade extinctorum, regionem tenuerunt, missus erat propheta, *Saleh* nomine, qui a plurium ad unius Dei cultum invitaret. Cui pauci admodum paruerunt, ceteris signum petentibus, quo impleto se etiam credituros polliciti sunt. Signum hoc fuit, ut e rupe quadam camelam ipsis educeret. Impetravit hoc *Saleh* a Deo: prodiit e rupe camela immanis magnitudinis, quae statim pullum jam ablactatum, haud minoris matre magnitudinis, enixa est. Camela autem illa interdum exhibat ad pascua, ubi, cum ad puteum aut rivum venit, omnem ebibebat; adventante vero nocte redibat, et circumiens domos civitatis clamabat: *si quis eget lacte, egrediatur*. Hoc modo civibus suppeditabat lac, quantum volebant. Sed quia hujus camelae deformitas atque vastitas ceteros armentorum greges a pascuo deterreret, mulier quaedam, cui *Oneizae* nomen, valde opulenta, quatuor filias splendide exornavit, easque exhibuit homini cuidam, nomine *Kedar*, *Salefi* filio, ut acciperet ex iis unam, quam ipse vellet, cum pacto, ut camelam illam occideret. Assensus est ille, et electâ unâ e puellis egressus est cum octo sociis, quorum ope camelam, succisis suffraginibus, occidit; quo facto provocatus Deus *Themudaeos* omnes, exceptis paucis illis, qui prophetae invitationi paruerunt, post triduum, horrido fragore coelitus demisso, perdidit; ut igitur unius hominis impietas toti genti ruinam adduceret ⁹⁶).“

96). Conferatur etiam Maraccius in prodromo ad refutationem Alcorani, P. IV, p. 92, 93; idem in notis ad Sur. VII, v. 73, p. 383.

Hunc *Kedarum*, qui et *Rufus*, i. e. atrox, *Themudaeorum* dicitur, *Zohairus* in laudato versiculo *Rufum Aditarum* dicit, eâque imagine innuit, *bellum Dobjanitis tantam cladem attulisse, quantum Kedarus ille Themudaeis attulerit.*

§. XCVII.

Ubi ad historiam fabulosam, sive mythologiam Arabum poëtae in oratione figuratâ recurrunt, haud raro a *daemonibus* ingentique illâ atque *fabulosâ ave*, cui *Anka*, عنقا, nomen, imagines suas repetunt. Imagine a daemonibus petitâ utitur *Weddachus ebn Ismael* in *Hamasâ*, in hunc modum:

فأنك لو رأيت الخيل تعدو
عوايس يتخذن النقع ذيلا
رأيت على متون الخيل جنا
تفيد مغامرا وتغيت ذيلا

At tu si vidisti equos, qui currant
Infesti, quibus pulvis elatus syrma sit:
Vidisti (simul) super dorsis equorum daemones,
Qui faciant praedas, disperdantque donis.

Quo in loco *daemonum* imagine *strenui bellatores* pinguntur. Eâdem imagine utitur et *Motanabbi* ad describendam cursûs celeritatem in carmine panegyrico in *Hosainum ben Ishak Attanuchitam*:

سل البيد اين الجنّ منّا بجوزها
وعن ذي الهاري اين منها النفاق

Interroga deserta, quantum absint genii a nobis in medio illorum,
Et de camelis Maharicis, quantum absint ab illis struthiocameli;
i. e. *cameli nostri celeritate tantum pollent, ut et genios et struthiocamelos cursu praevertant.* Si ignotum quid, aut longe

remotum Arabum poëtae notare velint, ab *Anlâ* vel *grypho* imaginem petere solent; sic *Motanabbi*:

أحسّ الى اهلى واحوى لقاء
وأين من المشتاق عنقاء مغرب

Clamo ad populum meum et desidero occursum ejus,

At ubi est desideranti *Anka* remota?

Haud raro etiam *paradisi coelestis fluviorumque* ejus in oratione figuratâ mentio injicitur. Cum *paradiso* maxime *loca amoena*, et cum *fluvii coelestibus abundantia* atque *munificentia* comparari solent. Sic in *Haririi* consessu VI *Sarudsch*, Mesopotamiae oppidum, dicitur: الربع كالفردوس مطيبة ومنزهة وقيمة, *sedes instar paradisi amoenitate, jucunditate et pretio*. — *Munificentiam* fluvii paradisiaci, cui *Kauthar* nomen, imagine pingit *Ebn Onein* in hocce versiculo;

وبكّل ارض جهة من عدله
الصافي اسال نداه فيها كوثر

In omni terrâ floret ejus justitia

Sincera, effunditque liquorem suum in eâ instar *Kautharis* ⁹⁷).

97) Ad illustrandum locum hunc egregie faciunt, quae in *Sonnd* de fluvio sive fonte *Kauthar* traduntur: عین الکوثر طولها وعرضها سبعین الف يوم ومياها عذبة وكأسات فيها للشرب کم فی نجوم فی السماء والنصيبة والغلمان الذين یخدمونهم فی الفردوس عند مآكلهم وشرابهم والجوارى الحسنات حسنهن غاية ما يكون لو ظهرت واحدة منهن فی السماء او الهواة لیلا لتنیر العالم كله كأنها شعاع الشمس ولو بزقت فی البحر لتتحول ملحة عسلا وملاحة. i. e. fontis *Alkauthar* longitudo atque latitudo septuaginta millia dierum patet, ejusque aquae dulces sunt. Habentur autem illic tot cyathi ad bibendum, quot stellae in coelo.

§. XCVIII.

His potissimum e fontibus figurata poetarum Arabicorum profluit oratio; superest, ut ipsas dicendi figuras, quarum in carminibus Arabicis frequentissimus usus, consideremus. Inter diversas dicendi figuras Arabum poetis maxime familiares sunt *metaphora*, *comparatio*, *prosopopoeia* et *allegoria*. Metaphorae jam tot tantaque in medium prolata sunt exempla, ut inde, quae figurae hujus in Arabum poësi sit ratio, sufficienter appareat; quare de comparatione, prosopopoeiâ atque allegoriâ adhuc videndum. Sicuti Arabum poëtae dicendi figuris in universum mirum in modum delectantur, ita praesertim *comparatione* frequentissime utuntur. Neque tamen prolixas amant comparationes; ut plurimum, quae similitudinis gratiâ in medium proferuntur res, vel nude, vel uno tantum alterove adjuncto illustratae, exhibentur. Exempla suppeditat *Amrulkaisi Moallaka* in elegantissimâ equi descriptione, ubi inter cetera haec leguntur:

مكرّ مفرّ مقبل مدبر معا
كجلمود صخر حطّه السيل من عل
كميت ينزل البلد عن حال متنه
كما زلت الصقواء بالمتنزل
على الذبل جياش كان اهترامه
اذا جاش فيه حميه على مرجل
دبر كخندروف الوليد امره

Adsunt etiam puellae et adolescentuli ministrantes in paradiso inter edendum et bibendum, nec non virgines pulcherrimae, quarum pulchritudo summum tenet gradum. Quodsi una illarum in coelo vel aëre noctu adpareret, mundum universum illuminaret, instar radiorum solis; et si spueret in mare, sal ejus in mel, aquarumque amaritudinem in dulcedinem suavissimam mutaret.

تتابع كقيہ بخيط موصل
 له ايطلا ظلى وساقا نعامه
 وارخاء سرحان وتقريب تنفل

Equus idoneus ad impetum fugamque, simul antrosum et
 retrorsum se convertens,

Ut saxum scopuli, quod dejicit torrens ex alto.

Spadix, cujus a dorso defluit stratum,

Sicnti demittit petra laevis, quod cadit in eam.

Gracili vehor equo, aestuante, cujus hinnitus,

Effervescente ejus ardore, instar bullientis aheni.

Agilis est, ut orbiculus pueri, quem is acriter torquet,

Quem indesinenter versant manus ejus funiculo bene contorto.

Sunt ei hypochondria dorcadis, crura struthiocameli,

Cursus lupi et incessus vulpis.

Ex hoc loco intelligas, Arabum poëtas, maxime in rei alicujus descriptione, similitudines cumulare, neque tamen uberius easdem explicare; ita quidem, ut omnis similitudo in uno eodemque hemistichio absolvatur. Neque tamen desunt loci, in quibus prolixius exponantur similitudines; ut videre est in *Antarae Moal-lakâ*, ubi *puellae formosae halitus* cum *prati virentis odore* comparatur, quam similitudinem poëta uberius explicat in huncce modum:

او روضة انفا تضمن نبتها
 غيث قليل الدمن ليس بمعلم
 جادت عليه كل بكر حرة
 فتركن كل قرارة كالدرم
 سحا وتسكابا فكل عشية
 تجرى عليها الماء لم يتصرم
 وخلا الذباب بها فليس ببارح

غردا كفعل الشارب المترقم
هزجا يحك ذراعه بذراعه
قدح المكتب على الزناد الاجنم

(Halitus ejus) sicuti pratum intactum, luxurians herbis,
Pluviâ rigatum, sed expers fimi atque vestigiorum;
In quod effunditur omnis nubes matutina, pluvîâ abundans,
Ita ut omnes foveas numis argenteis similes reddat.
Fundit ea pluviam tantâ copiâ, ut omni vespera
Fluant super illud (pratum) aquae, non intermissae.
Illuc secedunt muscae, nunquam inde depellendae,
Susurrantes instar potoris cantillantis;
Stridentes, ubi fricant brachium brachio,

Veluti qui, manu truncatus, ignem ex igniario exterebrare studet.

Quae hic injicitur muscarum mentio a nostro quidem sensu abhorret, neque tamen a naturâ aliena videtur. Namque notissimum est, muscas uvidis maxime locis immorari; quare a poëtâ eo consilio inducuntur, ut magis inde elucescat, pratum illud, cujus odori puellae halitus comparatur, copiosissimâ aquâ rigatum esse. In universum tenendum est, poëtarum Arabicorum comparationes haud raro eapropter humiles, imo indecentes nobis videri, quod naturae vel iis in rebus arctius inhaereant, a quibus sensus pulchri abhorret. Exemplo sit comparatio ex *Hodsailitarum Diwano* deprompta:

اناس برتنا الحرب حتى كاتنا
جذال حكاك لوتحتها الرواجن

Homines sumus, quos attrivit bellum, ac si essemus
Stipites frictionis, quos denigrant cameli scabiosi.

Huic comparationi nonnihil veri inesse nemo negabit. Etenim bellator sudore, sanguine et pulvere perfusus haud inepte cum stipite, sudore et sanguine camelorum scabiosorum obducto, com

paratur. Verum cum ea similitudo ab omni pulchri sensu abhorreat, fieri non potest, quin humilis, imo sordida nobis videatur. Neque desunt in carminibus Arabicis ejusmodi quoque similitudines, quae non tantum a pulchri sensu, verum etiam a rei comparandae naturâ abhorreant. Cujus generis similitudines rarius in antiquiorum poetarum carminibus, frequentius apud recentiores inveniuntur, qui, maxime cum docti videri velint, nonnunquam ineptissimis utuntur similitudinibus. Exemplum habes in hocce *Omari ben Faredh* versiculo:

نصبا اكسبى الشوق كما
تكسب الافعال نصبا لام كى ٥

Aegritudinem mihi acquisivit desiderium, sicuti
Acquirit verbis Nasbam Lam Kai.

Ad intelligendum versiculum huncce notandum, Arabum grammaticis *Lam Kai* dici praefixum ل, quando particulae كى, ut, significationem adsciscit, eamque propter causam Dhammam Futuri in Fatham, sive Nasbam immutat. Est igitur illius versiculi sensus: *desiderium eadem necessitatis lege poetae aegritudinem contraxisse, quâ Lam, Futuro praefixum, vocalem Dhammam in Fatham convertit*. Ineptiorem adhuc comparisonem exhibet poemation libri *Mille noctes et una*, ubi (nocte CCI) in describendo proelio ordines hostium cum scripturae lineâ, ictus gladio-rum cum vocalium signis, jactus telorum cum punctis, hastaeque cum literis comparantur in hunc modum:

ويخط خطًا في السطور اذا سطا
يوم الهياج على الفوارس ينفر
الشكل ضرب بالسيوف ونقطها
رشق السهام وخطها بالسهمى ٥

Lineam ducit (rex) in ordinibus, cum irruit
Die proelii super equites, quos fugat;

Vocales sunt ictus gladiatorum, punctaque ejus (lineae)

Jactus telorum, literaeque ejus per hastas (fiunt).

Verum haec et similia ad ea potissimum pertinent tempora, quibus, corrupto jam inter Arabes sensu poetico, et poetae et lectores auditoresve nugis magis atque ineptiis, quam grandiori illo praeae aetatis cothurno delectarentur.

§. XCIX.

Inter dicendi figuras, quibus frequentissime Arabum poetae utuntur, et *prosopopoeia* referenda. Cum Arabes, si qua alia gens, vividissimam imaginandi facultate praediti sint, non potuit fieri, quin eorum poetae etiam iis rebus, quae vitam et sentiendi agendique facultate destitutae sunt, vitam, sensum atque actionem trihuerent. Quare in carminibus Arabicis *nubes plorantes, flores ridentes, hastae sanguinem bibentes, gladii capita occisorum pascentes* etc. inducuntur. Sufficiat e sexcentis exemplis unum tantum alterumve in medium protulisse. *Nubes lacrymas fundentes, floresque ridentes* habes in elegantissimam veris descriptione, quam *Sojuti in Prato florido*, المرج النصير, exhibet:

يبيكى بدمع دائم الهملان
حتى اذا افترت مناسب زهرها

Plorat (nubes) lacrymis continuae profusionis,

Donec subrideant ora florum ejus (terrae).

Gladii occisorum capita collaque pascentes sistuntur a *Motanabbio* in carmine panegyrico in *Hosainum ben Ishak Attanuchitam*:

غذا الهندوانيات بالهام والطلی
فهن مداربها وهن المخائف

Nutrit (*Hosainus*) gladios Indicos capitibus et collis,

Lique sunt illorum pectines, horum verum torques.

In hocce versiculo duplici imagine gladii pinguntur; alteram *ferarum carnivorarum*, alteram *pectinum torquumque*. *Pectines* dicun-

tur gladii, quia *pectinum instar capita radunt*, et *torques*, quia, cum colla resecant, *torquum instar ea ambire* videntur. Nostro quidem sensu posterior imago a poëta praetermittenda erat; est enim priori multo languidior, illiusque pondus non tantum non augeat, verum haud leviter imminuit. Elegantissimâ prosopopoeiâ *stellae viatorem nocturnum comitari, eidemque fausta quaeque precari* dicuntur in *Abulolae* carmine in avunculum suum *Ali ben Mohammed*:

إذا سارتك شهب الليل قالت

أعان الله أبعدنا مراداً ☆

Cum te comitantur stellae noctis, dicunt:

Adjuvet Deus virum longinquiora quam nos petentem.

In eodem carmine *venti cum poëtae avunculo cursu certantes* inducuntur in hunc modum:

وإن جارتك هوج الريح كانت

أكل ركبنا وأقل زاداً ☆

Si cursu tecum certent venti vehementissimi,

Deficiant jumenta eorum, deficiat viaticum.

Neque tamen corporeis tantum atque visibilibus rebus, verum etiam iis, quae non sub sensus cadunt, ut virtutibus, vitiis aliisque abstractis notionibus, vitam et sentiendi agendique facultatem Arabum poëtae tribuere solent. Hinc in poëmatio jam superius citato libri *Mille noctes et una*, *tempus jurasse* dicitur, haud deteriore rege illic laudato heroa sese procreaturum, verum jusjurandum illud in cassum abiisse:

حلف الزمان ليأتين بمثلہ

حنثت يمينك يا زمان فكفر ☆

Juraverat tempus, se procreaturum similem huic (regi);

Falsum fuit jusjurandum tuum, o tempus, expia illud.

Audacissimâ prosopopoeiâ *Taabbata Scharran* in *Hamasâ mortem*

pudore adfectam dicit, cum ipse, hostium insidias evitans, rupe praeruptâ se demisisset:

فخالط سهل الارض لم يكدح الصفا
به كدحة والموت خريان ينظره

Applicavit se (pectus meum velut) molli terrae, neque dilaniavit rupes

Illud; et mors pudore adfecta spectabat.

Eâdem audaciâ et Odschairus Asselulius in Hamasû famem liberalitate jugulatam fuisse dicit:

تركنا فتى قد ايقن الجوع انه
اذا ما ثوى في ارحل القوم قاتله

Reliquimus virum, quem experta est fames,

Cum deverteret in hominum domicilia, sui interfectorem.

In eâdem Hamasû mortuo Ma'no, viro liberalissimo, ipsa liberalitas mortua sistitur:

ولما مضى معن مضى الجود فانقضى
واصبح عربين المكارم اجدعا

Mortuo Ma'no mortua est liberalitas atque defuncta,

Et eminens munificentia praecisa est.

§. C.

Ad prosopopoeiam pertinet etiam tritissima illa Arabum poëtis dicendi figura, quâ rei alicujus ad alteram relatio ita exprimitur, ut illa hujus *pater, mater, filius, filia, frater sororque* dicatur. Hinc virum praestantem *praestantiae patrem*, ابو الفضل, virum in hospites pupillosque liberalem *hospitum pupillorumque patrem*, ابو الاضياف والايتام, pluviam, omnia recreantem, *vitae patrem*, ابو الحياة, gallum gallinaceum, animal vigilantissimum, *patrem vigiliae*, ابو اليقظان, vulpem, latibula sua callide munientem, *patrem munimenti*, ابو الحصين, dicere solent. Eodem modo et *matris* nomen adhibetur; sic mundus *mater foetoris*, لم دفر, appellatur,

quod bona ejus vilia foetidaque sint; paupertas *vestimenti sordidi mater*, أمّ درين, quia pauperes sordidis ut plurimum utuntur vestimentis; hyaena, quae sepulcra visitare et cadavera eruere solet, *mater sepulcrorum*, أمّ القبور; mors occisorum cadaveribus epulas vulturibus parans, *mater vulturum*, أمّ قشعم. Idem et vocabulorum *filius*, ابن *filia*, بنت *frater*, اخ *soror*, اخت, usus; sic *filius belli*, ابن الحرب, idem ac vir bellicosus; *filius viae*, ابن السبيل, viator; *filius nubium*, ابن سخاب, pluvia; *filius solis*, ابن ذكاء, aurora; *filia montis*, بنت الجبل, echo; *filia vitis*, بنت الكرم, vinum; *filiae pectoris*, بنات الصدر, curae; *filiae oculi*, بنات العين, lacrymae; *frater firmi propositi*, اخو الحزم, vir propositi tenax; *frater gurgitum*, اخو غمرات, vir periculorum gurgitibus, vel periculis adsuetus, etc., quae dicendi figurae latissime, non tantum in oratione poetica, verum per universum Arabum sermonem regnant.

§. CL.

Etsi Arabum poetae imagines, quibus utuntur, raro continuare, uberiusque explicare soleant, tamen eorum carminibus haud desunt et *allegoriae*, quas imagines sive metaphoras continuatas esse superius monuimus. Quod ad indolem allego-
 riarum adinet, haud diffitendum, eas nonnunquam justo longius repetitas, neque pro nostro sensu aestimandas esse. Cujus rei causa in eo quaerenda, quod vividissima poetarum Arabicorum imaginandi vis et in illis rebus affinitatem atque similitudinem inveni-
 at, quae nobis diversissimae atque dissimillimae videntur. Ea res Arabum allegorias difficiles intellectu redderet, nisi figuratae orationi saepissime et propriae enuntiationes intermixtae essent. Exemplum allegoriae haud invenustae, licet aliquantulum a sensu nostro recedentis, habes in *Motanabbii* carmine in lau-

dem *Alii filii Ibrahimi Tanuchitae*, in quo carmine *lacus Tiberiadis* descriptio occurrit, ubi inter cetera haec leguntur:

نَاعِمَةُ الْجَسَمِ لَا عِظَامَ لَهَا بَنَاتٌ وَمَا لَهَا رَحِمٌ
يَمُوقِرُ عَنْهُمْ بَطْنُهَا أَبَدًا وَمَا تَشْكِي وَمَا تَسِيلُ دَمٌ

Tener corpore (lacus) ossibus destitutus, filias habet, neque tamen uterum;

Finditur earum causâ venter ejus jugiter, neque tamen queritur, neque sanguis manat.

In hac allegoriâ *lacus Tiberiadis* imagine *matris* sistitur, cujus *filiae* sunt *pisces*, quorum causâ matris ventrem, i. e. profunda lacûs, quotidie piscatores perscrutantur, non dolente matre filiarum jacturam, i. e. piscium capturam. Frequentissimas atque audacissimas allegorias exhibet *Ahmedis ebn Arabschah* historia *Timuri*, quem librum, etsi solutâ conscriptus sit oratione, nulli tamen dubitamus nobilissimum cum *Jonesio* poëma dicere. Profecto unus hic liber tot tantisque abundat imaginibus dicendique figuris, ut, hanc partem si spectes, omnium reliquorum poëmatum Arabicorum vicem supplere possit. Quare ex illo libro unam alteramve allegoriam depromere liceat, quo hujus figurae forma, qualem videlicet apud Arabum poëtas induit, conspiciatur. Commisso cum *Mansuro*, Iracae Persicae rege, proelio, eoque devicto, *Timur* milites mittit, qui inter saucios occisosque devictum regem requirerent. Quaerentibus illis dies occidit, ingruitque nox, cujus adventus sequenti allegoriâ pingitur: حتى الى ان كادت الشمس تتوارى بالحجاب ويغمد حسام الصبياء من الظلام في قراب عند ما ضمّ دينار البيضاء تحت ذيل ملات الصبياء ومدّ نساج القدرة في جو الفضاء سداء الليل اذا سجدى ونثر على سطح هذا الاديم الميناء دراهم كواكب الزهراء i. e. (quaerebant) donec prope abesset sol, ut velo sese occultaret, reponeretque gladium micantem in vaginam tenebrarum; quumque jam condidisset denarius candidus sub syr-

mate divitias lucis, et expandisset textor potentiae in aëre patente telam noctis tenebricosae, sparsissetque per superficiem hujus expansi vitri caerulei numos argenteos stellarum splendetes etc. Quae in hac allegoriâ exhibetur solis imago micantem gladium suum in tenebrarum vaginam reponentis, etsi nostris poëtis vix usitata sit, tamen non potest non videri elegantissima. Minus fortasse adridebit, solem denarium candidum dici, stellasque numos argenteos; verum et haec imago, etsi non sublimitate, veritate tamen sese commendat. Idem auctor sublimi admodum allegoriâ fortem civium Ispahanensium animum describit, quo *Timuri*, capto *Ispahano* immane saevientis, crudelitatem tolerarunt:

فأحصنوا حصون الاصطبار وتدرعوا دروع الاعتبار وتلقوا سهام
القضاء من حنايا المنايا بما جئ تسليم المراد واستقبلوا ضربات القدر من

سيوف الخنوف باعناق التفويض والانقياد فأطلق في ميادين رقابهم
عنان الحسام البتار وجعل مقابرهم بطون الذئاب والضباع وحواصل

الاطيار i. e. muniverunt se munimentis patientiae, et loricis

exemplorum induerunt, et exceperunt tela decreti ex arcubus
fatorum clypeo submissionis voluntati (divinae), ictusque providentiae a gladiis mortiferis susceperunt collis deditionis et obedi-

entiae. Tum laxavit in hippodromis cervicum ipsorum habenas
gladii secantis, fecitque coemeterium eorum ventres luporum et
hyaenarum et ingluvies avium.“ In hac allegoriâ nil non sublime;

verum prae ceteris binae illae eminent imagines, quibus *gladii
laxatis habenis in cervicum hippodromo grassantes, et luporum
hyaenarumque ventres, nec non avium ingluvies coemeterium*

occisorum sistuntur. Neque tamen omnes *Arabsiadae* allegoriae
eâdem dignitate atque sublimitate sese commendant. Haud raro

imagines, quibus utitur, et longius petita, et rebus comparandis
minus convenientes videntur. Exemplum habes in illo loco, qui
de diversâ nominis *Timuri* pronuntiatione agit; ubi inter cetera

haec leguntur: كرة الالفاظ الاعجمية ان تداولها صولجان اللغة

العربية خروطها في الدوران على بناء أوزانها ودرجها كيف شاء في
 ميدان i. e. pila vocabulorum barbarorum, quando versat
 eam clava lusoria linguae Arabicae, tornatur in gyrum pro stru-
 cturâ formarum ejus, volviturque pro libito in palaestrâ linguae.“
 Quae hoc loco habetur allegoria, vocabulorum peregrinorum apud
 Arabes inflexionem imagine pilae, clavâ lusoriâ huc illuc pro-
 pulsae, repraesentans, *Arabsiadae* editori, *Mangero*, elegans visa
 fuit; siquidem in notis ad hunc locum monet: „elegantia com-
 parationis, quâ voces peregrinas, ab Arabibus pronuntiâtas, in
 alias flecti formas exponit, magis adhuc elucescit ex eo, quod
 ipsum illud vocabulum, quo clavam exprimit, Persicae originis,
 ab Arabum ore mirum in modum detorqueatur.“ Nobis, si pro
 nostro sensu judicare licet, imago illa neque elegans, neque apta
 satis videtur. Namque inter pilam, pro libito huc illuc jactatam,
 et vocabulorum inflexionem, ad certas linguae leges institutam,
 parum similitudinis intercedit. Haud aliter etiam de pluribus aliis
 et *Arabsiadae*, et reliquorum poetarum Arabicorum allegoriis
 statuendum, quarum longum esset exempla in medium proferre.

§. CII.

Superest, ut de *mysticis* poetarum Arabicorum *allegoriis*
 pauca quaedam addamus. Occurrunt nempe in Arabum poësi
 carmina haud pauca, quibus, etsi nonnisi vini amorisque humani
 delicias celebrare videantur, interpretes Arabici reconditiorem
 aliquem tribuunt sensum, contenduntque, vini amorisque humani
 imagine divini amoris voluptatem describi. Arabicorum interpre-
 tum auctoritate inducti et recentiorum nonnulli mysticâ illâ inter-
 pretatione eo magis delectati sunt, quo liberior, eâ admissâ,
 imaginandi vis exspatiari potest. Solent autem illam interpretandi
 rationem in hunc fere modum commendare: animus pius eodem
 in Deum amore concitatur, quo juvenis ardens in puellam di-
 lectam; quinimo divinus ille amor eo incitator esse debet, quo

magis numinis divini pulchritudo atque perfectio omnem humanam pulchritudinem superat. Sicuti autem humano amore animus quasi inebriari et ad insaniam abripi solet, ita multo magis divino illo amore; quem habitum cum nullus sermo exprimere possit, amoris vero atque ebrietatis furor proxime illi accedat, quid mirum, poëtas amoris humani atque ebrietatis imaginibus divinum illum amorem descripsisse. Huic sententiae alii opponunt, nil omnino ob stare, quo minus amoris divini voluptas amoris humani, vel ebrietatis imagine repraesentetur; neque tamen eam imaginem per integrum carmen, omissâ penitus propriâ notionē, posse extendi; id enim qui facerent, non carmina, sed aenigmata scribere censendi essent. Neque ullam adesse rationem, quam propter poëtae rem maxime laudabilem, pietatem in Deum, tegumentis involvere velint, contra amores impudicos aperte profiteri. Multo igitur esse verisimilius, poëtas illos, utcumque sensum quendam occultum innuere videantur, eo solum praetextu uti, ut cives suos credulos et religiosos decipiant, et voluptatibus liberius indulgeant ⁹⁸⁾. — Nobis in hac opinionum dissensione ita statuendum videtur: haberi omnino in Arabum poësi carmina, quae in allegoriis mysticis versentur; his tamen nonnisi ea tuto adnumerari posse, quorum vel expressa verba, vel rerum nexus altiore sensum innuant; cetera, quibus nil insit, quod allegoricam interpretationem efflagitet, licet ab interpretibus Arabicis in mysticum sensum detorqueantur, proprie accipienda. Exemplum allegoriae mysticae habes in celebratissimo illo *Omaris ebn Faredh* carmine, quod *خمربة* inscribitur. In hoc carmine amoris divini voluptas vini dulcissimi imagine pingitur, quae imago inde a carminis initio ad finem usque continuatur, et

98) Vide Jonesii poëseos Asiaticae commentariorum cap. IX, de arcanis poematum significatione.

splendidissimis coloribus illustratur. Inesse autem carmini illi sensum altiore inter cetera ex sequentibus discas versiculis:

تقدّم كلّ الكائنات حديثها
 قديما ولا شكل هناك ولا رسم
 وقامت بها الاشياء ثمّ لحكمة
 بها احتجبت عن كلّ من لا له فهم

Praecessit omnes res creatas memoria ejus (vini)

Antiquitus, nulla tum (rei alicujus) forma, nullum vestigium.

Excitatae sunt per illud (omnes) res, deinde sapientiâ suâ

Sese subtraxit omnibus, qui intelligentiâ destituti sunt.

Quae hoc loco de vinò praedicantur, nequaquam proprie, verum figurate de Deo esse intelligenda, neminem fugit. Hinc colligas, cetera quoque, quae, nisi orationis nexum respicias, omnino sensu proprio accipi possent, allegorice esse interpretanda.

Cap. III.

C o m p a r a t i o.

§. CIII.

Quatuor dicendi genera, *simplex* videlicet, *sententiosum*, *sublime* atque *figuratum*, poëticae Hebraeorum orationi propria esse, eademque, sententiosum si excipias, Arabum quoque poësi, maxime antiquiori, convenire demonstravimus. Quod sententiosum dicendi genus Arabum poësi non tribuimus, nequaquam ita intelligi velimus, ac si genus illud a carminibus Arabicis omnino alienum sit. Contra multa in Arabum quoque carminibus sententiose dicta invenies; quin omnis eorum proverbialis poësis, quae sane haud exigua est, id dicendi genus proprium sibi vindicat. Neque tamen in ceteris poëseos Arabicae generibus adeo regnat, quam in Hebraeorum poësi, quâcum conjunctissimum est; siquidem omnis poëseos Hebraicae rhythmus nonnisi in sen-

tentioso illo dicendi genere conspicitur. In antiquissimis Arabum carminibus, quae nondum ad justorum metrorum leges composita fuere, idem obtinuisse existimaverim; verum ex eo tempore, quo Arabum poëtae in carminibus pangendis metricis legibus adstricti fuerunt, fieri haud potuit, quin sententiosum dicendi genus metricae structurae cederet.

§. CIV.

Quod ad reliqua tria adtinet dicendi genera, *simplex*, *sublime* atque *figuratum*, haud quidem negari potest, ea Hebraeorum Arabumque poësi esse communia; sed tamen concedendum quoque, et in hisce dicendi generibus aliquid discriminis inter utramque poësin intercedere. Quod discrimen in eo positum putamus, quod *simplicitate* atque *sublimitate* poësis Hebraica Arabicae praestare, contra haec illam *imaginum copiâ atque varietate* superare videatur. Qui autem factum sit, ut poësis Hebraica Arabicam simplicitate superaret, ejus rei causas jam superius (partis I cap. III) ex parte exposuimus. Monitum enim fuit, antiquissimis illis temporibus, quibus Hebraeorum poësis exorta atque exulta fuit, rarissimum Hebraeis cum exteris populis fuisse commercium; quo factum, ut omnis eorum vita, proinde et literarum studia, lingua atque poësis simplicissima essent. Contra recentioribus illis temporibus, quibus apud Arabes poëseos studium coli coeptum, frequentius omnium populorum, proinde et Arabum, cum exteris gentibus commercium; quare et vitae ratio minus simplex, literarumque, linguae atque poëseos studia cultiora atque artificiosiora. Accedit, quod Arabes ardentiori, vel ut rectius dicam, effrenatori imaginandi vi, quam Hebraei, praediti fuisse videntur; quâ effrenatâ imaginandi vi poëtae Arabici haud raro a rectâ naturae viâ seducti inque devia abrepti fuere. Denique et legum metricarum vinculis Arabum poëtas ab eâ simplicitate, quae Hebraeis propria est, nonnunquam de-

tentos fuisse existimaverim. Namque ubi metricis legibus obnoxia est oratio, animi sensus atque cogitationes non libere adeo atque simpliciter efferri posse, quam si solutiori utaris dicendi genere, nemo est, qui ignoret. Haud quidem infitiandum, seriores Hebraeorum poëtas a priscorum simplicitate haud parum deflexisse; at vero si cum recentioribus Arabum poëtis componantur, multum tamen hisce anteponendi; neque apud illos ejusmodi tricas atque ineptias deprehendes, quales superius ex *Motanabbio* depromsimus, quibusque tantum non omnes inferioris aevi poëtae Arabici referti sunt.

§. CV.

Sicuti *simplicitate* Hebraeorum poëtae Arabes superant, ita etiam *sublimitate* illos hisce anteponendos censemus. Hujus rei causa in argumento potissimum, quod utrique tractandam sibi sumserunt, posita videtur. Hebraeorum poësis maxime res divinas spectat, quarum immensa sublimitas animum pium sublimibus sensibus atque cogitationibus imbuat, necesse est. Arabum vero poësis in humanis rebus describendis potissimum versatur, quae, licet etiam suum pondus, suamque habeant granditatem, tamen a rebus divinis longissime distant. Haud quidem desunt et Arabum poësi carmina, numinis divini laudes celebrantia; quae tamen ad ea pertinent tempora, quibus poëticus Arabum spiritus jam languebat; praeterea ab iis hominibus fusa sunt, quibus multum quidem pietatis, sed parum ingenii poëtici fuisse videtur. Prisca illa atque sublimior Arabum poësis omnis in humanis rebus pingendis versatur, e quibus ad excitandos sublimes animi sensus nil efficacius bello bellicâque virtute atque victoriâ; quare et heroica Arabum carmina prae ceteris sublimitate sese commendant. At vero si belli terrores et praeclara facinora in bello patrata cum numinis divini majestate atque potentiâ componantur, quam exilia illa atque pusilla videbuntur. Unde evenit, ut, qui numinis divini majestatem atque potentiam praedicant Hebraeorum

hymni, sensuum atque cogitationum sublimitate multum superent quidquid in Arabum poësi elati atque grandisoni habetur. Neque tamen id, quod de *sensuum atque cogitationum sublimitate* statuimus, ad *elocutionis* quoque *sublimitatem* trahendum. Etenim hanc quod adtinet, Arabum poësin Hebraicâ nequaquam inferiorem, quinimmo superiorem existimaverim. Namque lingua Arabica in universum, poësisque inprimis magnâ grandisonorum epithetorum luxuriat copiâ, quibus elocutio mirum in modum ornatur tolliturque; contra lingua Hebraica epithetorum penuriâ quâdam laborat, ita ut haud raro substantivis adjectivorum loco uti necesse habeat. Accedit, quod Arabum poëtae multo frequentius quam Hebraei, spretâ vulgari alicujus rei adpellatione, aliam, ab insigni quâdam illius rei proprietate petitam, substituant; quâ re haud parum ponderis atque sublimitatis orationi additur. Ut igitur sensuum atque cogitationum sublimitate Hebraei Arabes superant, ita elocutionis granditate Arabes Hebraeis antepoenendi.

§. CVI.

Tertium dicendi genus, in quo Hebraeorum poësis cum Arabicâ consentit, *figuratum* est. Et in hoc genere aliquod inter utramque poësin obtinet discrimen, sive fontes, e quibus imagines petuntur, sive imaginum ipsarum copiam atque varietatem spectes. Imaginum copiâ atque varietatē Arabum poëtas Hebraeis superiores esse, jam monitum fuit. Cujus rei causa in ardentiori Arabum imaginandi vi quaerenda, quae simplici propriâque rerum formâ non contenta, novos undique requirit colores, quibus res suas illustret augeatque. Quo ardentior autem imaginandi vis, eo majori etiam in componendis rebus utetur libertate, ita quidem, ut haud raro diversissima inter se comparet, imaginesque suas a rebus remotissimis repetat. Quare et imagines, quibus Arabum poëtae utuntur, saepissime longius a nostro sensu recedere videntur; quod quidem et in poëtarum Hebraeorum imaginibus, sed tamen rarius, accidit.

§. CVII.

Jam ad fontes quod adtinet, e quibus Hebraeorum Arabumque poëtae imagines suas hauriunt, eosdem fere utrisque esse vidimus; namque et Hebraeorum et Arabum poëtae vel ex rerum naturâ in universum, vel a rebus naturalibus terrae suae propriis, vel ex vitae communis usu, rebus gentis suae memorabilibus, nec non ex historiâ fabulosâ imagines, quibus utuntur, repetere solent. Imaginibus ex rerum naturâ in universum petitis simili ratione utuntur Hebraei Arabesque, utrisque *lux fortunae secundae* imago; *caligo adversae*, *sol praestantiae atque pulchritudinis*, *pluvia liberalitatis*, *montes excelsi securitatis*, *aquarum gurgites periculorum* etc. Quod si tamen in hoc genere aliquid discriminis statuere velis, id in eo positum erit, quod Arabum poëtae per universam rerum naturam exspatiantur, undique orationis flores decerpentes; Hebraei vero arctioribus limitibus sese contineant, certis quibusdam imaginibus constantius inhaerentes.

§. CVIII.

Quae ex regionum, quas Hebraeorum Arabumque poëtae incolebant, naturâ petitae sunt imagines, similes in iis, quae regionibus illis communia, at diversae in iis, quae cuiusque peculiaris sunt regioni, deprehenduntur. Cum *leones*, *lupi*, *asini*, *onagri*, *cervi*, *dorcadæ*, *columbae*, *serpentes*, *palmae*, *rosae* et cetera, Palaestinae Arabiaeque communia sint, Hebraeorum Arabumque poëtae promiscue imaginibus, ab illis rebus petitis, utuntur. *Equus* et *camelus* Palaestinae quidem non alieni, neque tamen frequentes adeo, quam in Arabiâ; quare rara eorum apud poëtas Hebraeos mentio, frequentissima apud Arabes. Idem et de *lyænâ* atque *struthiocamelo* statuendum; etsi utrumque animal Hebraeis haud fuerit incognitum, tamen cum rarissime in Palaestinâ obviam sit, rarissime etiam ab Hebraeorum poëtis in oratione figuratâ adhibetur. Contra Arabum poëtae frequentissime imagines suas

ab animantibus hisce repetunt, quippe quae in Arabiae desertis frequenter occurrunt. Quibus mirum in modum Hebraeorum poëtae delectantur montibus, *Libano*, *Carmelo*, fluvioque *Jordane*, Arabum poëtis vix memorantur; contra qui ab Arabum poëtis celebrantur *Arafat*, *Safa*, *Merwa* montes sacri, *Mina* convallis, *Wedschra* desertum, *Gadha* atque *Atsla* arbores, nusquam in carminibus Hebraicis obviam sunt. Haud praetereundum hoc loco, inter poëticos Veteris Testamenti libros vix ullum, imaginum indolem atque originem si spectes, ad Arabicam propius accedere poësin *Jobi libro*; siquidem quae in illo occurrunt imagines atque descriptiones magis ad Arabiam Aegyptumque, quam ad Palaestinam pertinere videntur. Certe elegantissimae *equi*, *struthiocameli*, *hippopotami* *crocodilique* descriptiones non Palaestinam, sed Arabiam vel Aegyptum redolent. Quare haud immerito statuas, illius libri auctorem, quamvis natione Hebraeus censendus sit, vel in Arabiâ Aegyptove degisse, vel utriusque terrae res naturales apprime cognitas habuisse.

§. CIX.

Quod de imaginibus, quas a terrae suae rebus naturalibus Hebraeorum Arabumque poëtae derivant, monuimus, videlicet pro rerum illarum aequalitate vel diversitate et imagines ab iisdem petitas vel aequales, vel diversas esse, similiter et de imaginibus ex Hebraeorum Arabumque vitae ratione haustis statuendum. Multa utrique populo in vitae communis usu eadem, nonnulla vero diversa fuere; quare et imagines ab utriusque populi vitae ratione petitae saepissime eadem, nonnunquam vero diversae erunt. Uterque populus *agrorum culturae pecorique pascendo* deditus fuit; quare et utriusque populi poëtae imagines suas et ab *agrorum cultura*, et a *re pecuariâ* repetunt. Verum cum agricultura apud Hebraeos multo majoris, quam apud Arabes, aestimaretur, evenit, ut poëtae Hebraici multo frequentius, quam

Arabici imagines suas a rebus ad agrorum culturam pertinentibus derivarent. Haud aliter de imaginibus a rebus sacris petitis statuendum. Cum omnis Hebraeorum vita religione quasi imbuta esset, fieri non potuit, quin eorum poëtae in oratione figuratâ saepius ad *res sacras* recurrerent. Arabes piis sensibus haud quidem destituti, neque tamen rebus sacris tantum addicti fuere, quantum Hebraei; quare et in illorum carminibus rarius imagines a rebus sacris petitasprehendes. At vero rebus bellicis inde ab antiquissimis temporibus mirum in modum dedita fuit Arabum gens; quo factum est, ut et poëtae Arabici orationis figuras frequentissime e *rebus bellicis* depromerent. Hebraei minus quam Arabes bellis dediti fuere; unde et ipsorum poëtae minus frequenter imaginibus a rebus bellicis petitis utuntur.

§. CX.

Utriusque populi poëtae denique et ex *historiâ*, sive *verâ*, sive *fabulosâ* orationis imagines repetere solent. Quod ubi Hebraeorum poëtae faciunt, constanter gentis suae historiae inhaerent, quippe qui aliorum populorum historiam neque cognitam habebant, neque, si omnino cognitam habuissent, dignam censuissent, quam in oratione figuratâ adhiberent. Arabum contra poëtae saepius ad Hebraeorum historiam recurrunt, quam tum ex Judaeorum atque Christianorum, quorum commercio utebantur, traditione, tum ex Alcorano didicerant. Quas ex historiâ fabulosâ Hebraeorum Arabumque poëtae depromunt imagines, pro diversâ fabularum apud utrumque populum ratione, diversas invenies. In Hebraeorum historiâ fabulosâ *Cherubis* praecipuus locus; quo fit, ut poëtae Hebraei illos saepius in oratione figuratâ adhibeant; Arabes vero multa de geniiis atque daemonibus fabulantur; unde haud mirum, et poëtas ipsorum imagines suas saepius a *geniis daemoneibusque* repetere. Hebraei mirum in modum *aureae illius aetatis, quam adventante Messîa exorturum sibi sperabant*, cogitatione de-

lectabantur; quare et ipsorum poëtae pulcherrimas ex illius aetatis cogitatione deducunt imagines; Arabibus vero nil videbatur beatius *paradiso illo coelesti*, qui pios, vitâ defunctos, manere credebatur; unde et in poëtarum Arabicorum oratione figuratâ frequentissima *paradisi* mentio.

§. CXI.

Haec fere, fontes si spectes, unde Hebraeorum Arabumque poëtae imagines suas hausere, inter utrosque convenientia atque differentia; quod ad ipsas dicendi figuras adinet, praeter *parabolum*, easdem utriusque populi poëtis usitatas deprehendes. Solent namque et Hebraeorum et Arabum poëtae, sicuti jam monitum fuit, *metaphoris*, *comparisonibus*, *prosopopoeiis*, *allegoriis*que frequentissime uti. Quantum in *metaphoris* adhibendis inter se consentiant differantque, jam ex iis, quae de imaginum poëticarum fontibus dicta sunt, sufficienter adparebit; videndum igitur, quinam in *comparisonibus*, *prosopopoeiis* *allegoriis*que Hebraeorum Arabumque obtineat consensus atque dissensus. In *comparisonibus* id utriusque populi poëtis commune, ut similitudines, quibus utuntur, raro uberius explicent, verum uno alterove adjuncto adquiescentes, novas potius proferant similitudines, quam prolatas jam speciosis coloribus exornent. Neque tamen desiderantur in utrâque poësi comparationes, quibus similitudines adhibitae et uberius et speciosius explicantur, ita ut cum elegantissimis *Homeri* aut *Virgilii* comparationibus merito componi possint. Id quoque tum Hebraeorum, tum Arabum comparationibus proprium, ut nonnunquam a sensu nostro abhorreere videantur; quod tamen saepius in Arabum, quam Hebraeorum comparationibus deprehenditur. Quod si quaeras, utrum hisce, an illis in hoc figurarum genere palma sit deferenda, difficile erit iudicium: certe et in Hebraeorum et in Arabum, maxime antiquiorum, carminibus appositissimas et pulcherrimas invenies comparationes. Eatenus tamen Hebraeos Arabibus praestare dixeris, quatenus

vel sequiores Hebraeorum poëtae non adeo a pulchri verique sensu degenerarunt, quam seriores Arabes, in quorum carminibus, sicuti exempla superius in medium prolata docent, sat ineptae putidaeque comparationes habentur.

§. CXII.

Frequentissime utriusque populi poëtae et *prosopopoeiam* adhibent. In hujus figurae usu Hebraei Arabesque Graecorum, Romanorum reliquorumque occidentis populorum poëtas longe superant; ipsi autem pares fere censendi. Quod si tamen aliquod inter utrosque in hujus figurae usu discrimen statuendum sit, id in eo positum erit, quod illa dicendi formula, quâ rei alicujus ad alteram relatio ita exprimitur, ut illa hujus *pater, mater, filius, filia, frater soror*que dicatur, quod illa, inquam, dicendi formula, quam etiam ad *prosopopoeiam* referimus, frequentius in Arabum, quam Hebraeorum carminibus occurrat. Neque tamen praetermittendum, pauca tantum poëseos Hebraicae monimenta ad nos superasse; quod si tanta carminum Hebraicorum moles, quanta Arabicorum, superstes esset, procul dubio in hoc quoque elocutionis genere Hebraei cum Arabibus concertarent.

§. CXIII.

Inter Hebraeorum Arabumque *allegorias* idem consensus, idemque intercedit discrimen, quod in eorum imaginibus atque metaphoris in universum conspicitur. Est enim allegoria imago sive metaphora continuata; quare quantum in imaginibus metaphorisque suis Hebraeorum Arabumque poëtae consentiunt dissentiuntque, tantum etiam in allegoriis consentient atque dissentient. Jam cum superius de imaginum, quibus Hebraei Arabesque utuntur, consensu atque discrimine actum fuerit, superfluum videtur, eadem illa et de allegoriâ praedicare. Unum id addendum, in Hebraeorum poësi nullas obviam esse allegorias mysticas, quales omnino in Arabum poësi habentur. Cujus rei causam in

eo positam esse putarim, quod Hebraeorum poëtae nunquam a sanâ sobriâque mente adeo deflexerint, quam religiosi illi, vel fanatici Arabes, qui rem sanctissimam, numinis divini amorem, lascivissimis interdum imaginibus involvere haud veriti sunt.

§. CXIV.

Inter dicendi figuras, quae in Hebraeorum poësi obviam sunt, denique et *parabola* referenda. Haec figura in Arabum carminibus desideratur; quod haud mirandum, siquidem et apud Hebraeos nonnisi in prophetarum scriptis, maxime seriorum, quorum dicendi genus proxime ad pedestrem accedit orationem, locum habet. Quinimmo jam ipsâ naturâ suâ parabola, cum sit rei cujusdam fictae narratio, ad illustrandam veritatem aliquam adhibita, magis ad pedestrem, quam poëticam orationem pertinere videtur. — De reliquis, minoris momenti figuris, quibus Hebraeorum Arabumque poëtae, praeter memoratas, utuntur, non est, quod dicamus; etenim, ni fallimur, jam ex illis, quae hucdum disputavimus, adparebit, quantum utriusque populi poësis, stylum si spectes, inter se consentiat atque differat.

P a r s IV.

De externâ carminum Hebraicorum atque Arabicorum formâ.

C a p. I.

De externâ carminum Hebraicorum formâ.

§. CXV.

Jam inde ab antiquissimis temporibus a viris doctis quaesitum fuit, quatenam externa carminum Hebraicorum fuerit forma, utrum legibus metricis, ad instar carminum Graecorum atque

Romanorum, adstricta, an liberiori quâdam structurâ, ad solutam propius accedente orationem, fuerint composita? In diversas, ut fieri assolet, partes sententiae abiêre. Fuere, qui contenderent, Hebraeorum haud minus, quam Graecorum atque Romanorum carmina legibus metricis esse obnoxia, adeo quidem, ut pro diverso syllabarum numero atque tenore diversi quoque pedes, et pro diversâ pedum ratione diversa etiam versuum genera locum haberent. Neque dubitarunt, leges Hebraeorum metricas adhuc posse extricari; quin imo periculum fecerunt, carmina Hebraica ad metra sua revocandi. Alii Hebraeorum poësin metricis legibus adstrictam quidem esse concedunt, at vero leges illas, deperditâ tot seculorum decursu linguae Hebraicae pronuntiatione, nostrâ aetate perspicere atque extricari posse negant. Neque desunt, qui carmina Hebraica justorum metrorum vinculis destituta liberiori aliquo numero sive rhythmo ferri existiment. In tanto virorum doctorum dissensu haud alienum a proposito nostro iudicamus, diversas illas circa externam carminum Hebraicorum formam sententias accuratius aliquanto expendere.

§. CXVI.

I. Hebraeorum carmina legibus *metricis adstricta*, diversa-que versuum genera, *hexametra*, *pentametra*, *trimetra*, Hebraeorum poëtis usitata esse jam *Josephus*, notissimus ille rerum Judaicarum scriptor, medio seculo primo clarus, contendit. Namque *Antiquitatum Judaicarum* libro II, cap. XVI, de *Mosis* cantico, quo mirabilis ille per mare rubrum transitus celebratur, mentionem injiciens, in hunc modum disserit: καὶ Μωϋσῆς ὠδὴν εἰς τὸν Θεὸν, ἐγκώμιόν τε καὶ τῆς εὐμενείας εὐχαριστίας περιέχουσαν, ἐν ἑξαμέτρῳ τόνῳ συντίθεισι, i. e. et Moses carmen in Deum, laudes et gratiarum actionem pro benevolentia continens, hexametro versu composuit. Idem auctor *Antiquit.* libro IV, capite VIII, de altero *Mosis* cantico, quod divinus ille vir, a vitâ discessurus,

in concione populi Israëlitiici recitavit, haec tradit: Ἐπειτα ποίη-
 σαι ἑξάμετρον αὐτοῖς ἀνέγνω, ἣν καταλέλοιπεν ἐν τῷ βιβλίῳ τῷ ἱερῷ,
 προῤῥῆσαι ἔχουσαν τῶν ἑσομένων, i. e. deinde carmen hexamêtrou
 iia recitavit, quod in sacro codice reliquit, praedictionem futurorum
 continens. Haud aliter idem de *Davidis* sentit carminibus; si-
 quidem *Antiquitt.* libro VII, cap. XII, refert: ἀπὸ ἀλλαγμένου δ' ἤδη
 πολέμων ὁ Δαβίδης καὶ κινδύνων, καὶ βαθείας ἀπολαύων τὸ λοιπὸν
 εἰρήνης ὥδ' εἰς τὸν θεὸν καὶ ὕμνους συνεκάζατο μέτρον ποικίλου·
 τοὺς μὲν γὰρ τριμέτρους, τοῖς δὲ πενταμέτρους ἐποίησε, i. e. *David*
 autem bellis periculisque jam perfunctus et alia exinde pace fruens,
 odas hymnosque in Deum vario metro composuit: quosdam qui-
 dem trimetros, alios pentametros fecit. — In *Josephi* sententiam
 et priacae ecclesiae patres nonnulli discedunt; in his *Eusebius* et
Hieronymus. *Eusebius de praeparatione evangelicâ*, libro XI,
 cap. 3, de Hebraeorum carminibus monet: εἰεν δ' ἂν αὐτοῖς καὶ
 ἑμμετροὶ ποιήσεις, ὡς ἡ μεγάλη Μωσέως ὥδ' ἡ, καὶ τοῦ Δαβὶδ ὁ ὅτι
 ψαλμὸς τῷ καλουμένῳ παρ' Ἑλλήσιν ἡρώ' μέτρον συντεταγμένοι· φασὶ
 γοῦν ἑξάμετρα εἶναι ταῦτα, δι' ἑκατὸν συλλαβῶν παποιημένα· καὶ τὰ
 λοιπὰ δὲ τὰ παρ' αὐτοῖς δι' ἐπὶ λέγεται τριμέτρων τε καὶ τετραμέ-
 τρων κατὰ τὴν οἰκίαν αὐτῶν συγκεῖσθαι φωνήν, i. e. sunt vero ipsis
 et metrica carmina, ut magna *Mosis* ode et *Davidis* psalmus
 CXVIII (in exemplaribus Hebraicis CXIX), heroico, ut dicitur
 Graecis, metro composita. Ajunt igitur haec esse hexametra,
 sedecim syllabis confecta; reliqua etiam ipsorum carmina trime-
 tris et tetrametris versibus, vernaculo sermone, condita esse di-
 cuntur. — Eandem sententiam tuetur *Hieronymus*, qui in praefa-
 tione ad *Eusebii Chronicon* in hunc modum disputat: „Quid
 psalterio canorius? quod in morem nostri Flacci et Graeci Pindari
 nunc Jambo currit, nunc Alcaico personat, nunc Sapphico tumet,
 nunc semipede ingreditur. Quid *Deuteronomii* et *Isaiae* cantico
 pulchrius? quid *Salomone* gravius? quid perfectius *Job*, quae
 omnia hexametris et pentametris versibus (ut *Josephus* et *Orige-*

nes scribunt, apud suos composita occurrunt.“ Similia idem in praefatione in *Jobum* tradit: „a principio voluminis usque ad verba *Job*, apud Hebraeos prosa oratio est; porro a verbis *Job*, in quibus ait: pereat dies, in quâ natus sum, et nox, in quâ dictum est, conceptus est homo, usque ad eum locum, ubi ante finem voluminis scriptum est: idcirco ipse me reprehendo, et ago poenitentiam in favillâ et cinere, hexametri versus sunt, dactylo spondeoque currentes, et propter linguae idioma crebro accipientes et alios pedes, non earundem syllabarum, sed eorundem temporum. Interdum quoque rhythmus ipse dulcis et tinnulus fertur, numeris pedum solutis; quod metrici magis, quam simplex lector, intelligunt. — — — Quodsi cui videtur incredulum, metra scilicet esse apud Hebraeos, et in morem nostri *Flacci* Graecique *Pindari* et *Alcui* et *Sapphus* vel psalterium, vel lamentationes *Hieremiae*, vel omnia ferme Scripturarum cantica comprehendere, legat *Philonem*, *Josephum*, *Origenem*, *Caesariensem Eusebium*, et eorum testimoniis, me verum dicere, comprobabit.“ *Eusebio* et *Hieronymo* accedunt *Augustinus*, *Isidorus Hispalensis* aliique, quorum longum esset ad verbum enumerare sententias ⁹⁹).

§. CXVII.

Tanquam virorum si quis inspiciat testimonia, facile induci possit, ut Hebraeorum carmina iisdem legibus metricis atque Graecorum atque Romanorum poemata adstricta existimet; verum si rem ipsam diligentius examinaverit, fieri haud poterit; quin aliter sentiat, quam auctores illi statuere videntur. Namque, quod primo monendum, quae de metricâ carminum Hebraicorum formâ laudati tradunt auctores, nullis illustrant exemplis, unde perspicere possis, quâ

99) Vide Franc. Gomari opusculum, quod inscribitur: *Davidis lyra, s. nova Hebraea S. Scripturae ars poetica*; in tertiâ parte operum theologicor. p. 388, 389. Jo. Gottl. Carpzovii *Introduct. ad libros canonicos bibliorum Vet. Testam.* edit. II, P. II, p. 12—14.

ratione Graecorum vel Romanorum numeros pedesque carminibus Hebraicis adaptaverint. Deinde si quis ad metrorum, quorum auctores illi mentionem injiciunt, leges carmina Hebraica revocare velit, vereor, ne in quovis versu haereat, inextricabilibus impeditus difficultatibus. Exemplo sit dirum illud *Jobi* carmen (cap. III.), quo diem natalem detestatur; quod ex *Hieronymi* sententiâ versibus *hexametris*, dactylo spondeoque currentibus, conscriptum est. Hujus carminis versus tres priores in hunc modum audiunt:

יאבד יום אוֹלַד בִּר
וְהַלִּילָה אָמַר הָרָה גִּבֹּר:
הַיּוֹם הַזֶּהוּא יְהִי חֹשֶׁךְ
אֶל יִרְשָׁהוּ אֱלֹהִים מִמֶּעַל
וְאֶל חוֹפֵעַ עָלָיו נִהְרָה:
יִגְאָלְתוּ חֹשֶׁךְ וְצִלְמוֹת
חֹשֶׁךְ עָלָיו עֲנָה
יִבְעֲתֶהוּ כַּמְרִירִי יוֹם:

Pereat dies, quo natus sum,
Et nox, quae dixit, masculus conceptus est.
Dies ille sit caliginosus,
Haud requirat eum Deus desuper,
Neque adfulgeat ei lux.
Occupent eum tenebrae et mortis umbra,
Incubent ei nubila,
Terreant eum obscuraciones diei.

Quorum versuum ex *Bellermanni* sententiâ ratio metrica haec fere:

Jōbād | jōm ȳv | vālād | bō
Vāl | lājlah | āmār | hōrā | gābār
Hāj | jōm hā | hū j'hȳ | chōschāch
Āl jid | rschēhū | 'lōh' mīm | māāl
Vāl thō | fā ā | lāv nhā | rāh
līgā | lūhū | chōschāch vāāl | māvāth

Thischcōn ā | lāv 'mā | nāh
 lā | thūhū khīm | rirē | jōm ¹⁰⁰).

Eorundem versuum rationem metricam ad *Jonesii* mentem si constituere velis, diversam longe habebis syllabarum quantitatem, et quidem hujusmodi:

lōbād jōm rīwālēd bō
 wēhāllājāh āmār bōrāh gābēr
 hājōm lāhū jēhī chōschēch
 āl jīdrēschēhū ēlō'āh mīmāāl.
 wēāl tōphā ālāw nēhārāh
 jīgālūhū chōschēch wēzālmāwēth
 thischkōn ālāw ānāuāh
 jībāthūhū kīmrirē jōm ¹⁰¹).

100) Bellermanni tentamen de Hebraeorum re metricā, p. 173. In definiendā syllabarum quantitate Bellermannus notissimum illud Danzii systema trium morarum sequitur, quod duobus potissimum continetur praeceptis: 1) syllaba tono destituta tres requirit moras; 2) syllaba tēnica duas vel quatuor admittit moras. Verum enim vero multa sunt, quae systemati huic officiant, quibus exponendis haud immorabimur. Sufficiat monuisse, universum illud systema ex Masoretharum pendere punctatione, quam tamen in constituendā prisci sermonis Hebraici prosodiā vix tuto sequaris. Accedit, quod haud probabile sit, systema illud a Masorethis constitutum atque observatum fuisse. Etenim, quod primum est, nullus veterum grammaticorum Judaicorum systematis illius aliquam injicit mentionem; deinde neque omnes Masorethicae punctationis leges ex illo trium morarum systematē derivari atque explicari possunt. Uberius et, ni fallimur, solidis argumentis systema illud impugnarunt Jo. Dav. Michaelis in notis ad Lowthii de sacrā Hebraeorum poēsi praelectionem tertiam, P. 53 — 58; Jo. Sev. Vater in praefatione grammaticae Hebraicae, p. 31 — 38; et Guil. Gesenius in historiā linguae et scripturae Hebraicae p. 124.

101) Jonesii poëseos Asiaticae commentarii p. 62, editionis ab Eich-

Jam ad laudatos quod attinet versus, sive *Bellermanni*, siye *Jonesii*, sive cujusvis aliûs praecepta metrica sequaris, non videmus, quâ ratione ad justî hexametri mensuram possint revocari. Monet quidem *Bellermannus*, *Josephum*, *Eusebium*, *Hieronymum* aliosque ecclesiae patres, ubi de hexametris et pentametris Hebraeorum versibus loquantur, non Graecorum numeros mensuramque respexisse; Hebraeorum hexametrum non esse nisi jambicum senarium, vel octonarium. At vero *Hieronymus*, nisi carmina Hebraica ad Graecorum numeros revocare voluisset, vix dixisset, *Jobum* versibus hexametris, dactylo spondeoque currentibus, conscriptum esse; psalmosque in morem *Flacci* atque *Pindari* nunc Jambo currere, nunc Alcaico personare, nunc Sapphico tumere. Sed concedamus, quem *Josephus*, *Eusebius* atque *Hieronymus* hexametrum dixere, non esse nisi jambicum senarium, vel octonarium, haud tamen id ipsum metri genus Jobo conveniet. Namque ex ipsius *Bellermanni* sententiâ versuum laudatorum pedes maximam partem trochaici sunt; quos tamen pedes minime omnium recipiunt Jambici senarii. Rectius igitur statuas, *Josephum* et priscae ecclesiae patres Hebraeorum carmina omnino ad Graecorum numeros revocare voluisse, neque tamen carminum illorum rationem metricam probe perspectam habuisse.

hornio adornatae. Quam Arabes in metiendâ syllabarum quantitate statuunt legem, eandem Jonesius in Hebraeorum poësi sequitur. Quare eas syllabas, quae aut consonante, aut literâ quiescente terminantur, longas dicit, contra breves, quae in vocalem desinunt. Quod cum haud improbandum sit, in eo tamen lapsus videtur vir doctissimus, quod iis consonis, quae in principio syllabae vocali destitutae, adeoque schwâ mobili notatae sunt, brevem vocalem tribuat; quo fit, ut e.g. vocabulum דְּרֻשְׁחִים *dërûschîm* pronuntiet, quasi trisyllabum esset; cum tamen nonnisi duabus constet syllabis, et *dërûschîm* efferendum sit.

§. CXVIII.

Praeclarorum, quos memoravimus, virorum auctoritate inducti et recentiorum nonnulli carmina Hebraica metricis legibus adstricta esse contenderunt, legesque illas ad liquidum perducere conati sunt. In his praeprimis *Gomarus*, *Harius*, *Jonesius* et *Bellermannus*. *Franciscus Gomarus*, Brugensis, Groningae quondam theologiae linguaeque Hebraicae professor, in laudato jam libello, qui inscribitur *Davidis lyra, s. nova Hebraea S. Scripturae ars poetica*, operoso sane, sed infelici labore metricum linguae Hebraicae systema effingere conatus est. In priori systematis hujusce parte certi quidam de syllabarum quantitate, variisque pedum et carminum generibus traduntur canones, subjectis exemplis e sacrâ Hebraeorum poësi petitis, institutâque cum Graecorum et Romanorum carminibus collatione, illustrati; posterior exinde pars carminum Hebraicorum secundum canones in priori parte traditos analysin exhibet. Quam infeliciter Gomarus in tractandâ Hebraeorum arte metricâ versatus sit, facile ex unâ alterâve legum, quas tradit, metricarum perspicias. De syllabarum quantitate inter cetera haec statuuntur praecepta: *brevi syllaba est, quae habet brevem, hoc est simplicis temporis vocalem; vocales breves per se quidem sunt quinque, per acciden- vero tres brevissimae, quas raptas vocant; longa syllaba est, quae habet longam, seu duplicis temporis vocalem, quales sunt quinque tantum; syllaba brevis positione non fit longa; contra vocalis longa (nisi accentus intercedat) ante duas consonas positione mutatur in brevem*. Quae praecepta diligentiori si subjicias examini, deprehendes, Gomarum primo in eo lapsum esse, quod vocalium Hebraicarum distributionem in quinque longas totidemque breves, a Judaeorum grammaticis excogitatam, antiquae Hebraeorum linguae propriam putaret. Atqui nemo est, linguae Hebraicae vel mediocriter gnarus, qui non videat, distributionem illam neque linguae Hebraicae ingenio convenientem, neque

omnino veram esse. Namque rectius Hebraeorum vocales, ad instar Grammaticorum Arabicorum, in tres redigas classes, quarum prior vocales sonum a, ae, exprimentes, proinde *Kamez*, *Pathack*, *Segol*; altera vocales sonum e, i, notantes, proinde *Zere*, *Segol*, *Chirek*; tertia denique vocales sonum o, u, significantes, proinde *Cholem*, *Kamez chatuph*, *Schurek* et *Kibbuz* comprehendet. Accedit, quod non omnes vocales, quas *Gomarus* cum Judaeorum grammaticis breves existimat, naturâ suâ semperque corripantur, id quod de *Segol*, *Chirek* et *Kibbuz* praedicaverim. Vocale *Segol* non semper corripitur, imo saepius protendi, exemplo sint הָהָרִים, הַמַּצְאָה, הַיָּד; in priori namque vocabulo *Segol* in locum *toû* *Kamez* successit, proinde protrahendum; in altero vero tertioque vocabulo literis quiescentibus א, י, longum efficitur. Haud aliter de *Chirek* et *Kibbuz* statuendum. Saepius enim *Chirek*, etsi fulcro suo destitutum sit, protrahendum; exemplo sit שָׁשִׁים 2 Mos. XIV, 18, pro שֵׁשִׁים; אֲדָרִים Ezech. XXII, 18, pro אֲדָרִים; יִרְאֵי pro יִרְאֵי timebunt, 2 Regg. XVII, 28. Similiter et *Kibbuz* haud raro in locum *toû* *Schurek* succedit, proinde protrahendum; e. g. זָבֹל pro זָבֹל, קָטֹל pro קָטֹל, יָשֹׁבֹי pro יָשֹׁבֹי etc. Quae si quis perpendat, haud invitus nobis concedet, *Gomari* de syllabarum quantitate praecepta: *breves nempe eas esse, quae brevem habeant vocalem, longas contra, quae longam; quinque porro breves totidemque longas esse vocales*, infirmissimo niti fundamento. Haud aliter de altero illo canone, *brevem syllabam positione haud fieri longam, contra vocalem longam (nisi accentus intercedat) positione in brevem mutari*, censendum. Namque quod in priori canonis hujusce parte statuitur, brevem syllabam positione haud fieri longam, omnium linguarum, in quibus longarum breviumque vocalium discrimen obtinet, legibus adversari videtur. In omnibus illis linguis, Graecâ, Latinâ, Arabicâ, vocales breves, duabus vel pluribus sequentibus consonis, protrahuntur; id quod ex

ipsâ pronuntiationis naturâ sequitur. Etenim consonarum pronuntiatio difficilior tardiorque vocalium pronuntiatione. Vocalium sonus solo veluti flatu atque spiritu formatur; contra consonarum pronuntiatio organorum, quibus efferuntur, motu retardatur. Quare si plures consonae vocalem sequantur, necesse est, ut pronuntiatio retardetur, adeoque et syllaba protrahatur. Haud quidem nos fugit, in recentiorum Europae linguarum poësi positionis nullam fere rationem haberi; verum in his linguis neque illud longarum breviumque vocalium obtinet discrimen, quod in Graecâ Latinâque linguâ locum habet, syllabarumque longitudo vel brevis non quantitate, sed tono definitur. Quare si statuas, haberi in linguâ Hebraicâ vocales naturâ suâ longas vel breves, concedas etiam necesse est, vocales breves positione longas reddi; vel si posterius id neges, omnis omnino vocalium quantitas neganda erit, quo vero facto omnis quoque *Gomari* ars metrica evertitur. Quod in alterâ laudati canonis parte statuitur: *vocalem longam, nisi accentus intercedat, positione in brevem mutari*, maxime id spectare videtur, quod in syllabis compositis sequente Makkeph, vel mutato tono vocales longae in breves mutantur; e. g. בֶּל־הֶזֶם pro בֶּל־הֶזֶם, גִּלְגֵּל pro גִּלְגֵּל etc. Verum hujus mutationis causa nequaquam ad positionem, verum ad toni defectum referenda; namque ubi syllaba composita tonum suum retinet, et vocalis longa vix ullam subit mutationem, sicuti in voce בֶּקֶשׁ בִּקְשׁוֹ videre est. Neque punctorum vocalium auctores, cum in syllabis compositis, tono destitutis, longam vocalem in brevem mutarent, eâ mutatione innuisse videntur, syllabas illas ratione quantitatis corripendas, verum ratione toni non tollendas, sed deprimendas esse. Sed superfluum videtur, refellendis *Gomari* praeceptis metricis diutius immorari; sufficiat unum id addidisse, *Gomarum* ipsum omnem operam suam irritam reddidisse, capite XXIII praecipientem: *Omnia sacrae scripturae poemata Hebraea variis ac promiscuis carminum generibus constare;*

eadem absôluta esse, non relata: hoc est, quae similibus versibus, sibi pari numero ac serie respondentibus careant ¹⁰²).

§. CXIX.

Gomaro haud felicior in expediendâ Hebraeorum re metricâ *Franciscus Harius*, episcopus Cicastrensis. Quae *Harius* in *libro psalmorum in versiculos metricè diviso et integritati suae restituto*, tradit praecepta metrica adeo omni probabili ratione destituta sunt, ut vix digna videantur, quae refellantur. Sufficiet, unam alteramve legum metricarum, quas *Harius* statuit, in medium protulisse, quarum ex indole facile omnis metricae Harianae naturam perspicias. Praecipit igitur primo *Harius*, in *Hebraeorum poësi omnes pedes dissyllabos esse*; 2) *quantitatis syllabarum nullam rationem haberi*; 3) *ubi par sit syllabarum numerus, versus censendos esse jambicos, syllabamque secundam, ut rhythmus servetur, acuendam* etc. Quas leges si quis perpenderit, quaerat necesse est, quibus argumentis evinci possit, omnes in Hebraeorum poësi pedes dissyllabos esse, cum tamen non Graecorum tantum Romanorumque, verum etiam Arabum carmina, praeter dissyllabos et trium nec non quatuor syllabarum pedes admittant? Quaerat porro, quo pacto de versibus trochaicis jambicisque in Hebraeorum carminibus sermo esse possit, si nulla quantitatis syllabarum ratio habenda sit? Neque liquet, quam propter causam versus illi, in quibus par syllabarum numerus, trochaici censendi, contra illi, quorum impares numero syllabae, jambicis adnumerandi sint. An ex naturâ versûs trochaici jambicique lex illa petita? Minime; contra Graecorum Romanorumque versus trochaici catalectici sunt, adeoque impari syllabarum numero

102) Uberius Gomari praecepta metrica refutavit Ludovicus Capellus in animadversionibus ad novam Davidis lyram; quae in ejusdem auctoris Criticâ sacrâ habentur p. 651 — 666.

gaudent; jambici vero ut plurimum acatalectici, pari igitur syllabarum numero constituti; quae res *Harii* praeceptis metricis plane adversatur.

§. CXX.

Saniores multo, quam *Harius*, de Hebraeorum re metricâ leges statuit *E. J. Greve* in libro, qui inscribitur: *Ultima capita libri Jobi, nempe cap. XXXVIII, XXXIX, XL, XLI, et capituli XLII pars, ad graecam versionem recensita notisque illustrata ab E. J. Greve. Accedit tractatus de metris Hebraicis, praesertim Jobaeis. Pars I, complectens c. XXXVIII et XXXIX. Daventriae, 1788. P. II. complectens c. XL, XLI et XLII, 1—6, et libellum de metris. 1791.* In exponendis metricae Hebraicae praeceptis *Grevius* iis maxime inhaeret legibus prosodicis, quas Syrorum Arabumque poëtae in carminibus suis sequuntur. Quare prius, quam de Hebraeorum re metricâ agitur, Syrorum Arabumque prosodia breviter exponitur. Quae inde ad Hebraeorum poësin transferuntur leges prosodicae hae fere sunt: 1) quae in vocalem nudam desinunt syllabae, breves sunt; longae contra, quae literâ quiescente, vel consonâ terminantur; 2) *Schwa mobile*, sive simplex, sive compositum sit, vocalis loco existimandum; neque tamen *toʾ Pathach*, quod furtivum dicitur, ratio ulla habenda; 3) quod ab Hebraeorum grammaticis statuitur longarum breviumque vocalium discrimen, nihili pendendum; omnes vocales breves sunt, nisi positione, vel literis quiescentibus producantur; 4) omnes consonae, proinde et gutturales, exigentibus rationibus grammaticis, *Dagesch* forte admittunt. Haud diffitendum, leges hasce multo probabiliore esse iis, quas *Gomarus Hariusque* statuerunt; neque tamen *Grevius* ipse praeceptis suis constanter inhaeret; contra frequentissimis exceptionibus omnem metricam suam labefactat. Praecipit enim, ut unum e multis in medium proferamus exemplum, nominum masculinorum et femininorum in plurali

numero terminationes בָּ, יָ, נָ, nec non femininarum in singulari terminationes תָּ, נָ, laudatis legibus non esse subjectas, sed promiscuo usu modo longas, modo breves haberi; quod quo jure statui possit, nos quidem non videmus. Accedit, quod vocabulorum Hebraicorum pronuntiationem a Masorethis traditam *Grevius* rejiciat, novamque Hebraica pronuntiandi rationem, maxime ad linguae Arabicae pronuntiationem accedentem, doceat. Verum enim vero licet negari haud possit, pronuntiationem a Masorethis nobis traditam vix eam esse, quâ Hebraei florentibus rebus suis usi sunt: tamen concedendum, pronuntiationem illam et perantiquam esse, et convenientiae illi atque differentiae, quae sermonem Hebraicum inter cognatasque linguas, Aramaeam maxime atque Arabicam, intercedit, accommodatissimam ¹⁹³). Quare haud tenere a pronuntiatione masorethicâ discedendum, neque sermo Hebraicus ad normam Arabici constituendus; nam etsi magnus inter utrumque consensus, tamen et unicuique suae proprietates, quae nequaquam confundendae atque delendae sunt.

§. CXXI.

Ex iis, quae hactenus disputata sunt, adparebit, ni fallimur, oleum et operam, sicuti in proverbio ajunt, eos perdidisse, qui Hebraeorum rem metricam explicare conati sunt. Consideranda jam illorum sententia, qui concedunt quidem, rem Hebraeorum metricam, deperditâ linguae Hebraicae verâ pronuntiatione, expediri nostris temporibus vix posse, nihilo tamen minus contendunt, Hebraeorum poëtas in carminibus suis certis metris usos fuisse. Hanc sententiam, ut alios taceam, doctissimus ille *praelectionum de sacrâ Hebraeorum poësi auctor* tuetur, his maxime innixus rationibus: 1) Omni poësi haec veluti propria quaedam lex et necessaria conditio constituta est, a quâ si discedat, non solum

193) *Guilielmi Gesenii histor. linguae Hebraicae* p. 211—218.

præcipuam elegantiam desiderabit et suavitatem, sed ne nomen quidem obtinebit, nimirum ut sit numeris adstricta, atque aliquo constet metrorum genere; quare et Hebraeorum poemata numeris adstricta metroque quopiam composita sint, necesse est; 2) erat apud Hebraeos vates in usu carminis quoddam genus, quo res aut sententias, aliquantum dissipatas, ita exprimerent, ut singuli vel versus, vel strophæ literis primoribus alphabeti ordinem repræsentarent. Hic itaque prodeunt versiculi certis quibusdam notis signati, suisque limitibus circumscripti; quod in membris tantum orationis omnino solutæ fieri unquam potuisse plane incredibile est; 3) iis solummodo scriptoribus, qui certâ quâdam numerorum ac pedum moderatione sunt adstricti, ea licentia conceditur, ut vocibus utantur a communi loquendi usu ac lege discedentibus, atque eas nonnunquam vel detractis quibusdam syllabis diminuunt, vel adjectis augeant. Illâ vero licentiâ Hebraeorum poëtæ liberrime utuntur, qui cum glossis, tum vocum anomaliis, maxime autem particulis quibusdam orationi metricæ propriis, et in fine vocum identidem additis, stylum distinxerunt, et dialectum quandam poëticam sibi confecerunt.“

§. CXXII.

Hæc innixus rationibus *Lowthius* satis tuto affirmari posse opinatur, poësin Hebraicam metricam esse. At vero haud difficile videtur, memoratas viri doctissimi infringere rationes. Namque quod primo contenditur, omnem poësin necessario metricam esse debere, vix concedendum esse videtur. Neque enim poëtas natura in externâ elocutionis formâ, verum in interno sensuum, affectuum orationisque vigore conspicitur. Accedit, quod haud pauca inveniuntur poëtarum scripta, quæ, etsi omni metro destituta sint, haud quisquam poematum e numero exterminaverit. Profecto *Fenelonis Telemachus* *Gessnerique idyllia*, quamvis oratione solutâ composita sint, nemo non in poematum numerum

referet. Sed concedatur, omnem poësin numeris quibusdam debere adstringi: haud tamen necesse est, ut numeri illi justum aliquod metrum, pedibus versibusque congruentibus compositum, ad instar metrorum Graecorum atque Romanorum, constituent. Est aliquis numerus, sive *rhythmus liberior*, ad solutam magis accedens orationem, est et *accuratior* atque *concinniôr* in oratione, quam ligatam dicimus, conspicuus. Concinniorem hunc numerum in cultorum maxime populorum carminibus invenies; liberiori illo et incultorum populorum poemata gaudent. Hunc si quis Hebraeorum carminibus vindicare velit, non est, quod adversemur; concinniorem autem illum numerum omni poësi, proinde et Hebraicae necessarium esse, utique negamus. 2) Recte quidem monet *Lowthius*, in iis Hebraeorum carminibus, quorum singuli vel versus, vel strophae literis primoribus alphabeti ordinem repraesentant, ultro sese nobis offerre versiculos certis notis signatos, certisque limitibus circumscriptos; verum inde nequaquam sequitur, versiculos illos justis pedibus, certo syllabarum numero atque quantitate constitutis, compositos esse. Contra versiculi illi in uno eodemque carmine, syllabarum numerum si spectes, haud parum inter se differunt, ut videre est psalmo XXV; unde conjicias, neque id carminum genus justo aliquo metro concinnatum esse. Omnis illa singulorum versuum vel stropharum secundum alphabeti ordinem dispositio nonnisi seriorum quorundam poetarum Hebraicorum artificium est, quo tamen in carminum Hebraicorum structurâ nil immutatum fuit. 3) Hebraeorum, sicuti aliarum quoque gentium, poetae omnino haud raro vocibus a communi loquendi usu discedentibus utuntur; quin imo eas nonnunquam vel detractis quibusdam syllabis minuunt, vel adjectis augent, adeo ut haud immerito dialectus quaedam poetica linguae Hebraicae statuatur; neque tamen ea res documento esse potest, carmina Hebraica metricis legibus adstricta esse. Quis enim credat, Hebraeorum poetas intolerantiori illo dicendi genere metri tantum

causâ usos fuisse; quis non statuât potius, poëticam illam dialectum ex sensuum vehementiâ, cogitationum gravitate atque sublimitate, nec non euphoniae studio originem duxisse? Neque insolentius illud dicendi genus poëtarum tantum proprium est; certe et oratores, quotiescunque altius insurgunt, vel vocibus a communi loquendi usu discedentibus, vel etiam usitatorum vocabulorum formis insolentioribus utuntur. Quare ex peculiari illo, quod in carminibus Hebraicis obtinet, dicendi genere, perperam colligitur, carmina illa metricis legibus adstricta esse.

§. CXXIII.

Haud probabilioribus rationibus *Carpzovius Jonesiusque* Hebraeorum poësin metricam esse contendunt. *Carpzovius* ¹⁰⁴⁾ duplici potissimum argumento sententiam suam tuetur; primo, „ad naturam et constitutionem cantici pertinere, ait, ut metro quodam ligetur, et certis vicibus velut in orbem recurrat; dein, ipsam musicae indolem atque naturam *μετρικόν τι* complecti, ut, ubi poëmata sacra decantata constet, non possit metrum omne excludi.“ Primum illud argumentum jam superius excussimus; ad alterum vero quod adinet, tenendum est, Hebraeorum rem musicam haud adeo nobis perspectam esse, ut inde carminum cantandorum rationem, utrum legibus metricis adstricta fuerint, necne, dijudicare possimus. Sed quaecunque musicae Hebraeorum fuerit conditio, id certe constat, carmina posse decantari, etsi legibus metricis haud sint adstricta. Exemplo sit illud cantandi genus, quod Italico vocabulo *Recitativo* dicimus; cui, si conjecturam facere licet, haud dissimilem fuisse Hebraeorum cantum existimaverim. — *Jonesius* ex intimâ illâ, quae inter Hebraeorum Arabumque linguam atque poësin intercedit, cognatione colligit, Hebraeorum aequae atque Arabum poëtas

104) Introductio ad libros canonicos Vet. Testamenti, P. II. p. 6.

in carminibus suis justo usos fuisse metro. At vero perquam verisimile est, neque ipsos Arabum poëtas antiquissimis temporibus metro usos fuisse; id quod et *Assafadius* in praefatione ad suos in *Lamijjat-ul-Adscham* commentarios, nec non *Dschelaluddinus* in libro *Almezhar*, cap. 49, testatur ¹⁰⁵). Accedit, quod in versibus metiendis et *Nynationis*, quam dicunt, ratio habeatur, quae tamen a serioris aevi grammaticis inventa et in vocabulorum pronuntiatione adhibita est ¹⁰⁶). Porro etsi magna omnino inter Hebraeorum Arabumque linguam atque poësin intercedat cognatio, tamen in nonnullis etiam inter se differunt; quod in rebus cognatis, neque tamen iisdem, semper fieri assolet. Notissimum est, Arabum poëtas in carminibus suis homoeoteleuta adhibere, quae tamen ab Hebraeorum carminibus vel omnino desunt, vel, si adfuerint, casu potius, quam consilio irrepsisse videntur. Quare perperam faciunt, qui ex metricâ carminum Arabicorum structurâ colligunt, Hebraeorum quoque poësin metricam fuisse.

§. CXXIV.

Superest, ut illorum perpendamus sententiam, qui Hebraeorum carmina, justorum metrorum vinculis destituta, liberiori aliquo numero, sive rhythmo ferri existimant. Quae sententia et Judaeorum doctoribus quam plurimis, et nostrae aetatis viris eruditis maxime probatur. Neque id immerito; quidquid enim coneris, aut quocunque modo rem adgrediaris, vix aliquod justimetri genus in Hebraeorum poësi deprehendes; contra vero quocunque in carminibus Hebraicis oculum convertas, ultro liberior

105) Specimen historiae Arabum auctore Ed. Pocockio, ex edit. Jos. White, p. 166.

106) Vide Eichbornii in Jonèsii commentarios de poësi Asiaticâ observationes, p. 61. Jahnii *Grammat. Arab.* praefat. p. XVI, XVII; cap. I, p. 11.

aliquis rhythmus circumspicienti sese offeret. Qui rhythmus *parallelismi poetici* nominae insignitur, et in certâ quâdam membrorum orationis poeticae proportionem conspicitur. Ea proportio cum vel in cogitationibus, vel in verbis locum habeat, in perscrutandâ parallelismi poetici indole et cogitationum et verborum proportio consideranda erit. Quod ad cogitationum proportionem attinet, ea pro diversâ cogitationum ratione diversa est. Junguntur enim ab Hebraeorum poetis vel sententiae, quae eundem sensum, mutatis tantum verbis, fundunt, vel quae opposita continent, vel quae neque ejusdem rei iteratione, neque diversorum oppositione, sed solâ constructionis formâ invicem respondent. Primum illud parallelismi genus *synonymum*, alterum *antitheticum*, tertium denique *syntacticum*, vel etiam *syntacticum* dicitur.

§. CXXV.

Parallelismi synonymi diversae species, pro diversa membrorum, sive hemistichiorum numero, diversâque congruentiae ratione. Membrorum numerum si spectes, *duobus* ut plurimum *membris parallelismus synonymus* absolvitur; exemplo sint psalmi XXXVIII versiculi tres priores:

יְהוָה אֵל בְּקֶצֶף תּוֹכִיחַנִי
וּבְחַמְחָךְ תִּסְרֶנִּי:
כִּי הִצִּיד נַחֲשׁוֹ בִּי
וַתִּגָּחַת עָלַי יְרֵךְ:
אֵין מַתָּם בְּבִשְׂרִי מִמֶּנִּי זָעַמְךָ
אֵין שְׁלֹמֹם בְּעִצָּמִי מִמֶּנִּי הִטָּאתִי:

Jova, ne in irâ tuâ me corripias,
Neve in excandescentiâ tuâ me castiges;
Namque sagittae tuae demissae sunt in me,
Descenditque super me manus tua.
Nil sani in carne meâ propter indignationem tuam,
Nil integri in ossibus meis propter peccatum meum.

Haud raro, maxime in prophetarum scriptis, *tribus, quatuorve, imo pluribus etiam membris synonymus* continetur *parallelismus*. Neque tamen in trium quatuorve membrorum parallelismo omnia membra constanter sibi respondent. Ubi tria adsunt membra, plerumque duo tantum, vel priora, vel posteriora, inter se congruunt; ubi quatuor, vel primum membrum secundo, tertium quarto, vel primum tertio, secundum quarto respondet. Exemplum tricoli parallelismi obviam est in psalmi LXXIX versibus 1, 8, 13:

1) אלהים באו גוים בנחלתך

סמאו את היכל קדשך

שמו את ירושלם לעיים:

8) אל תזכר לנו עונת ראשנים

מדרך יקדמונו רחמיך

כי דלנו מאד:

13) ואנחנו עמך וצאן מרעהך

נודה לך לעולם

לדור ודור נספר תהלתך;

1) Deus, irruerunt gentes in hereditatem tuam,
Polluerunt templum sanctitatis tuae,
Redegerunt Hierosolyma in rudera.

8) Ne memineris peccatorum nostrorum antiquorum,
Festinanter contingat nobis misericordia tua;
Nam admodum afflicti sumus.

13) Nos autem populus tuus, et grex pastus tui,
Celebrazimus te in aeternum,

Per omne aevum praedicabimus gloriam tuam.

Locus hicce triplicem tricoli parallelismi synonymi exhibet speciem. Primi versus membra omnia synonyma sunt; octavi duo priora tantum; decimi tertii contra duo posteriora membra inter se congruunt. Tetracoli parallelismi synonymi speciem habes in psalmo XXXIX, 13:

שמעה חמלתי יהודה ושועתי האזינה

אל דמעתי אל חחרש

כי גר אנכי עמך

חושב ככל אבוד:

Audi preces meas, Jova, clamorique meo ausculta;

Ad lacrymas meas ne sileas;

Nam peregrinus ego apud te,

Inquilinus, sicut omnes majores mei;

similiter in psalmo LV, 22:

חלקו מחמאת סיו-

וקרב לבו

רכו דבריו משמן

והמה מרחוח:

Laevius flore lactis ¹⁰⁷) os ejus (amici perfidi),

Sed bellum cor ejus;

Molliora ipsius verba oleo,

Attamen gladii stricti.

In priori exemplo membrum primum secundo, tertium quarto, in altero vero specimine primum tertio, secundum quarto respondet. In quinque aut plurium membrorum parallelismo minus sibi constant poëtae in disponendis membris consonis; quare difficile videtur, certas ejus rei leges statuere.

§. CXXVII.

Quod si ipsam membrorum parallelorum congruentiam spectes, alia ex asse, alia ex parte tantum invicem respondere deprehendes. Exemplum parallelismi ex asse congruentis obviam est in psalmo XXVII, cujus primus tertiusque versus in hunc modum audiunt:

107) Lectio vulgata habet מִחֲמַאת מִחֲמַאת *lactea* scil. *verba*; sed parallelismus מִחֲמַאת *prae flore lactis* legendum suadet, quam lectionem et Chaldaeus, Symmachus nec non codices duo exhibent.

1) יהוה אורי וישעי ממי אירא

יהוה מעוז חיי ממי אפחד:

3) אם תחנה עלי מחנה לא יירא לבי

אם תקים עלי מלחמה בזאת אני בוטח:

1) Jova lux et salus mea, quem metuam?

Jova praesidium vitae meae, quem timeam?

3) Si castra contra me ponat exercitus, haud trepidabit cor meum,

Si bellum contra me exsurgat, in hoc ipso confidam.

In ejusdem psalmi versu secundo exemplum habes parallelismi ex parte tantum congruentis:

בקרב עלי מרעים לאכל את בשרי

צרי ואיבי לי המה כשלו ונטלו:

Ubi adpropinquant contra me improbi ad devorandam carnem meam,

Hostes et inimici mei, ipsi impingunt et cadunt;

in quo versiculo priores tantum utriusque hemistichii sententiae inter se conveniunt. Ceterum notandum, parallelismum synonymum frequentissime in *psalmis*, *Jobi libro*, nec non *Jeremiae threnis* reperiri.

§. CXXVIII.

Alterum parallelismi genus *antitheticum* est, quod, sicuti jam monitum fuit, opposita componit, quo magis eâ oppositione sententiae cujusdam veritas illustretur atque comprobetur, secundum notissimum illud: *opposita juxta se posita magis elucescunt*. Parallelismus antitheticus tantum non semper duobus absolvitur membris in hunc modum:

מאזני מרמה תועבת יהוה

ואבן שלמה רצונו:

בא זרון ויבא קלון

ואת צנועים חכמה:

חמת ישרים הנחם

וסלף בגדים יסדם:

לא יועיל הון ביום עברה
וצרקה תציל ממות:

Trutinam fraudulentam abominatur Jova,

Sed pondus perfectum adprobat.

Veniente fastu venit ignominia;

Sed penes modestos sapientia.

Integritas proborum ducet eos;

Sed perversitas perfidorum ipsos perdet.

Haud prodest opulentia die irae;

Sed justitia redimit a morte. (Proverb. XI, 1—4.)

Interdum antitheta illa uno eodemque membro locum habent, ut videre est *Jesaias* capite LXV, v. 13:

הנה עבדי יאכלו ואחם תרעבו

הנה עבדי ישתו ואחם תצמאו

הנה עבדי ישמחו ואחם תבשו:

Ecce servi mei edent, sed vos esurietis;

Ecce servi mei bibent, sed vos sitietis;

Ecce servi mei laetabuntur, sed vos pudore adficiemini.

Parallelismi antithetici, ut recte *Lowthius* monet, minus frequens in sublimiori poësi usus, frequentissimus vero in adagiis dictisque acutis; quare praeter proverbiorum librum rarissime offenditur.

§. CXXVIII.

Tertium parallelismi genus *syntheticum* vel *syntacticum* est; quod neque ejusdem rei iteratione, neque diversorum oppositione, sed solâ constructionis formâ conspicitur. Hujus generis quam plurimae sunt species, sive sententiarum dispositionem, sive membrorum numerum species. Ad membrorum numerum quod adinet, parallelismus syntheticus duobus, tribus, quatuor pluribusque continetur membris, quae nonnunquam aegre discernuntur, cum id parallelismi genus saepenumero quam proxime ad solutam accedat orationem. Longum esset, cujusvis speciei

exemplum in medium proferre; sufficiat unum alterumve depromsisse. Dicoli parallelismi synthetici specimen obviam est *Proverb.* cap. XXXI, 10, sequ.:

אשת דלל מי ימצא

ורחוק מפניכם מכרו:

בטח בה לב בעלה

ושלל לא יחסר:

נמלחמה טוב ולא רע

כל ימי חייה:

דרשה צמר ופשהים

וחפש בחמץ כסיה:

Uxorem probam quis inveniat?

Carius pretium ejus quam coralliorum;

Fidit ei animus mariti,

Neque destituitur lucro;

Confert in eum bonum, non malum,

Per omnes vitae suae dies;

Conquirit lanam linumque,

Et laborat cum voluptate manuum suarum etc.

Exemplum parallelismi synthetici plurium membrorum habes *Proverb.* cap. XXX, 4, in hunc modum:

מי עלה שמים וירד

מי אסף רוח בחפניו

מי צרר מים בשמלה

מי חקם כל אפסי ארץ

מה שמו ומה שם בנו כי חדע:

Quis adscendit in coelum descenditque,

Quis comprehendit ventum pugnibus suis,

Quis involvit aquas vestimento,

Quis constituit omnes terminos terrae,

Quodnam nomen ei? quodnam nomen filio ejus? si-
quidem nosti.

Parallelismo synthetico prophetae potissimum utuntur, idque tantâ haud raro libertate, ut ligati sermonis rhythmus in solutam orationem degeneret.

§. CXXIX.

Hactenus de *cogitationum parallelismo* actum fuit; restat, ut de *verborum* quoque *parallelismo* pauca quaedam moneamus. *Verborum duplex* statui potest *parallelismus*, *perfectus alter*, *alter imperfectus*. Perfectum verborum parallelismum eum dicimus, cujus membra pari vocabulorum numero constant; contra imperfectum, cujus membra disparem vocabulorum numerum exhibent. Perfectum verborum parallelismum saepius cum synonymo antitheticoque parallelismo, rarius cum synthetico conjunctumprehendes. Exemplum perfecti verborum parallelismi cum synonymo parallelismo conjuncti obviam est *Jobi* cap. XL, 25:

חמשך לריתן בחכה
ובחבל חשקיע לשונו:
החשים אגמן באפו
ובחוח חקב לחיו:
היכרת בריח עמך
חקחנו לעבד עולם:

Num trahes Leviathanem hamo,
Et in funem demerges linguam ejus?
Num aptabis juncum naribus ejus,
Et annulo ferreo perforabis maxillam ejus?
Num feriet foedus tecum,

Ut accipias eum in servitium perpetuum etc.

Perfecti verborum parallelismi cum antithetico parallelismo conjuncti specimen videre est *Proverb.* cap. X, 1, 5, 7:

בן חכם ישמח אב
ובן כסיל חוגת אמו:
אגר בקיץ בן משכיל
נרדם בקציר בן מביש:

זכר צדיק לברכה.

ושם רשעים ירקב:

Filius sapiens exhilarat patrem,

Sed filius stultus tristitia matris suae.

Qui colligit aestate, prudens est,

Sed qui stertit in messe, ignominiam contrahit.

Memoria justi benedicta,

Sed nomen improborum putrescit.

Cum synthetico denique parallelismo perfectum verborum parallelismum conjunctum habes psalmo XIX, 8, 9, 10:

חורת יהוה חמימה משיבה נפש

עדות יהוה נאמנה מחכימה פה:

פקודי יהוה ישרים משמחי לב

מצות יהוה ברה מאירת עינים:

יראה יהוה סהורה עומדת לעד

משפט יהוה אמת צדקו יחדיו:

Lex Jovae est perfecta, reficiens animum,

Decretum Jovae verum, sapientem reddens imperitum.

Mandata Jovae sunt recta, exhilarantia animum,

Praeceptum Jovae sanctum, illustrans oculos.

Timor Jovae sincerus est, constans in aeternum,

Judicia Jovae vera justaque pariter.

Imperfectus verborum parallelismus frequentissime occurrit; neque tamen multum inter se differunt membra, maxime uno duobusve verbis. Rarius evenit, ut trium vel quatuor vocabulorum discrimen inter membra parallela intercedat, cujus rei exemplum obviam est psalmo XXXII, 2:

אשרי אדם לא יחשב יהוה לו עון

ואין ברוחו רמיה:

Beatus homo, cui non imputat Jova peccatum,

In cujus animo nullus dolus.

§. CXXX.

Praeter membrorum sive hemistichiorum parallelismum et *versuum* aliquis *parallelismus* in Hebraeorum carminibus statui potest. Sicut enim singulae versûs partes, sive membra, certâ quâdam proportionem ad se invicem referuntur, ita et integri versus non temere, sed ad symmetriae leges inter se conjuncti videntur; quam versuum ad symmetriae leges conjunctionem Graeco vocabulo *stropham* dicunt. Neque tamen Hebraeorum strophae ad normam stropharum, quales Graecorum, Romanorum recentiorumque poetarum carminibus conspiciuntur, referendae sunt. Sicuti in versibus componendis liberius feruntur Hebraeorum poetae, et modo duobus, modo tribus, quatuor pluribusque membris singulos versus absolvunt, ita et in strophis construendis magnâ utuntur libertate, neque certo alicui versuum numero inhaerent. In stropharum structurâ eam in universum legem observatam invenies, quae in versuum compositione locum habet. In his singula membra, sive sint synonyma, sive antithetica, sive synthetica, in orbem quendam recurrunt; haud aliter strophae versibus vel synonymis, vel antitheticis, vel syntheticis in orbem recurrentibus constituuntur. Sed exemplo proposito clarior quam descriptione res evadet. Videamus igitur, quâ ratione duo priores psalmi in strophas possint distribui. Psalmus primus sex absolvitur versibus, quorum tres priores felicem viri probi sortem, posteriores vero tres improbi miseram conditionem depingunt. Quare merito in duas strophas, ternos versus comprehendentes, psalmus dividitur. Psalmus secundus duodecim versibus absolvitur: in prioribus tribus populi regesque exteri contra Israëlitarum regem insurgentes inducuntur; in sequentibus 4, 5, 6, monstratur, irrita adversariorum illorum conanimia esse, Israëlitarum enim regem a Deo ipso esse constitutum; porro versibus 7, 8, 9, Jovae decretum profertur, quo Israëlitarum regi imperium in omnes populos promittitur; denique versibus 10, 11, 12, rebelles

illi reges monentur, ab incepto desistant, nisi ipsi perniciem contrahere sibi velint. Vides, psalmum hunc commodissime in quatuor posse distingui strophas, quarum quaevis tribus versibus efficitur. In hunc modum quam plurima Hebraeorum carmina in strophas suas resolvi possunt. Accedit, quod ipsi interdum poëtae certâ aliquâ notâ stropharum vel initium vel finem designent. In psalmis haud raro notissimum illud הִלֵּךְ stropharum finem indicat ¹⁰⁸); sicuti psalmo tertio; quarto aliisque; interdum

108) Quod dicimus, vocabulo הִלֵּךְ haud raro stropharum finem indicari, non ita intelligendum, ac si vocabulum illud nonnisi ad discernendas strophas adhibitum fuerit. Quinimo vocabulo illi peculiaris sua fuit significatio, non ad stropharum pertinens discrimina; de quâ tamen viri docti mirum in modum dissentiunt. Omissis antiquiorum interpretamentis, sufficiat recentiorum, *Rosenmülleri*, *Wineri*, *Ewaldi*, nec non *Gesenii* sententias in medium protulisse. Ex *Rosenmülleri* sententiâ, quam in *prolegomenis in psalmos*, edit. II, p. LXIX, nec non in *scholiis ad Habac. III*, 3, p. 434, exposuit, vocabulo הִלֵּךְ *intermissio cantûs, pausa*, quâ, cantoribus silentibus, sola organa musica audiebantur, significatur, eaque significatio a verbo Syriaco ܠܡ, *quievit, siluit*, derivatur. Cui tamen sententiae opponi potest, Syriaco ܠܡ non הִלֵּךְ, quod idem cum Syr. ܠܡ, *sustulit, elevavit, sprexit*, verum הִלֵּךְ, *quievit, tranquillus fuit*, respondere, neque probari posse, vocabulo הִלֵּךְ significationem תוֹן הִלֵּךְ convenire. *Winerus* in *Lexico Hebraico* vocabulum הִלֵּךְ ad radicem הִלֵּךְ *sustulit, refert*; unde nomen segolatum הִלֵּךְ, et ehiso ה radicali, additoque ה paragogico הִלֵּךְ *elevatio vocis*, quam sententiam et *de Welle* in *Commentario in psalmos*, edit. II, p. 40, tueretur. Sed non videmus, quid in vocabulo illo sibi velit ה paragogicum, quod nominibus additum vel motum, sive directionem in locum aliquem notat, vel pronominis demonstrativi vice fungitur. Quodsi quis paragogico illi ה significationem *exhortativam* vindicare velit, quam, ubi verbis additur, omnino adsciscit, ejus rei exemplum in *nominibus* extare, vix crediderim. Eandem

unius ejusdemque versûs repetitione stropharum discrimen notatur, quod in psalmo quadragesimo secundo et tertio obtinet.

fere significationem et *Ewaldus* in *Commentatione de Hebraeorum poësi*, p. 179, vocabulo הָבֵן tribuit, nisi quod a radice בָּן illud derivet, unde nomen בֵּן , et cum ה paragogico הָבֵן in *altum*. Verum enim vero si hanc admittas derivationem, non הָבֵן , sed הָבֵן cum dagesch forti, et in pausâ הָבֵן scribendum erat; vel, si dagesch omittebatur, vocalis praecedens non corripienda, sed protrahenda erat. *Gesenius* in *Thesouro linguae Hebraeae* vocabulum הָבֵן imperativum verbi הָבֵן sustulit, addito ה paragogico et jussivo, existimat. Namque vulgaris verbi illius imperativus הָבֵן , addito ה paragogico, transit in הָבֵן , quod in pausâ הָבֵן audit, sicuti הָבֵן , הָבֵן in pausâ הָבֵן , הָבֵן pronuntiantur. Quare הָבֵן idem atque tolle. Sed quaeritur, quid sit tollendum? Dubius haerere videtur doctiss. vir, utrum vox tollenda, sive inhibenda, an fidium cantus tollendus, an denique verbo הָבֵן potestas cognati הָבֵן cessavit, destitit, tribuenda sit, quâ admissâ הָבֵן pausa signum esset. — Quodsi in tanto tantorum virorum dissensu nostram quoque sententiam proferre licet, nulli dubitamus, quoad grammaticam vocabuli formam in *Gesenii* transire partes; quod vero ad significationem attinet, *Ewaldus* adsentimus, ex cujus sententiâ verbis הָבֵן הָבֵן indicatur, fidium cantum tollendum, sive intendendum, vocis contra cantum intermittendum esse. Cui sententiae et *interpres Alexandrinus* suffragari videtur, qui Hebraicum הָבֵן constanter Graeco vocabulo διάψαλμα exprimit. Etsi vero de Graeci vocabuli haud minor, quam de Hebraici significatione virorum doctorum sit dissensio, tamen, si etymon respicias, vix aliud exprimere videtur, quam fidium cantum, vocis cantum interpellantem, quem sermone Germanico *Zwischenspiel* dicimus. — Plura de difficillimi vocabuli significatione si quis desideret, adeat, ut ceteros taceamus, *Rosenmülleri Scholia in psalmos*, edit. II, tom. I, p. LXVII — LXXX; *de Wette Commentar. in psalmos*, edit. II, p. 39 — 41; *Wolffi Commentar. in prophetam Habacuc*, p. 199 — 204; *Gesenii Thesaurum linguae Hebr.* tom. II, p. 955 — 957; *Ewaldi Commentationem de Hebraeorum poësi*, p. 178 — 180.

Ambo psalmi procul dubio in unum carmen contrahendi, quod tribus absolvitur strophis, accurate inter se distinctis unius ejusdemque versûs repetitione in huncce modum:

מה השחרותי נפשי ומה תהמי עלי
 יחזיקי לאזנים כי עוד אודנו
 ישועה פני ואזנה:

Quare dejecta es anima mea, et infremis in me?

Spera in Deum, quem adhuc celebrabo,

Salutem meam, Deumque meum.

In carminibus illis, quorum versus literis primoribus alphabeti ordinem repraesentant, stropharum discrimen in abunc modum notatur, ut vel omnes, quae ad eandem stropham pertinent, versus eâdem alphabeti literâ incipiant, vel saltem primi cujusque strophæ versûs litera initialis alphabeti ordinem sequatur ¹⁰⁹).

§. CXXXI.

In hoc et integrorum versuum, et singulorum versûs membrorum parallelismo omnem metricae Hebraicae naturam positam existimamus; quae praeterea in externâ carminum Hebraicorum formâ cernuntur artificia, et pauca sunt, et parvi momenti. In his *paronomasia verborumque lusus, homoeoteleuta*, nec non *alphabetica versuum atque stropharum dispositio*. *Paronomasiâ*, quae Latinis *agnominatio*, haud parum delectantur Hebraeorum poëtae. Offenditur figura haec saepissime in dictis proverbialibus; sed et alibi, maxime in prophetarum scriptis, habetur. Exempla obviam sunt in Jesaiae capite XXIV, quod paronomasiis verborumque lusibus refertum est. In his *הבוק חבוק הארץ, והבוק חבוק*, *evacuata est terra atque direpta* (v. 3.), *אבלה נבלה*

109) De parallelismo poëtico egregie disputarunt Lowthius in praelectione XIX de sacrâ Hebraeor. poësi; de Wette in commentarii in psalmos introductione, cap. VII; nec non Ewaldus in commentatione de Hebraeor. poësi, cap. III, p. 52—164.

הוארץ, *luget, marcel terra* (v. 4.). Haud raro et in psalmis paronomasiae occurrunt; sic psalmo XVIII, 8, ותגעש ותרעש הארץ, *commota atque concussa fuit terra*; ps. XL, 4, יראו רבים ויראו, *vident multi atque reverentur*. Interdum Hebraeorum poëtae vel insolentioribus vocabulorum formis utuntur ad provocandam paronomasiam; exemplum habes in psalmi XXXII versu I, אשרי הנשוי פשע כסוי חטאת, *beatus, cui condonata delicta, tecta peccata*; quo in loco נשוי pro נשוא adhibitum eo consilio, ut sequentis כסוי sonum referret. Ad paronomasiam proxime accedit *verborum lusus*; differt tamen utraque figura in eo, quod in paronomasiâ nonnisi soni similitudo, in verborum vero lasu similitum, vel etiam eorundem vocabulorum diversa significatio spectetur. Vocabula similia, diversae tamen significationis conjuncta habentur Jesaiae capite XIII, 6, כשד משדי יבוא, *sicut vastatisq ab omnipotente veniet (dies Jovae)*; LVII, 6, בחלקי נחל חלקך, *in calvis vallibus portio tua*. Eadem vocabula, diversâ tamen significatione, componuntur Eccles. VII, 6, כי כקול הסירים תחה הסיר, *nam sicuti crepitus spinarum sub ollâ, ita risus stulti*; quo in loco vocabulum סיר primo *spinæ*, dein *ollæ* significatione usurpatur.

§. CXXXII.

Versus homocoteleuti etsi rarius in Hebraeorum carminibus inveniantur, haud tamen omnino desunt. Exemplum habes 1 Mos. IV, 23, in *Lamechi* ad uxores suas oratione:

עדה וזילה שמען קולי
נשי למך האזנה אמרתי
כי איש הרגתי לספעי
ויולד לחברתי:

Adah et Zillah, audite vocem meam,
Uxores Lamechi, aures praebete dictis meis:
Namque virum occidi in vulnus meum,
Juvenemque in vibicem meam etc.

nec non 2 Mos. XV, 2, in epinicio illo, quo mirabilis Hebraeorum per mare rubrum transitus celebratur:

עזי וזמרת יי
 ויהי לי לישועה
 זה אלי ואניוהו
 אלהי אבי וארממנהו:

Gloria mea et canticum Jova,

Ipsæ mihi fuit salutis:

Hic Deus meus, quem celebrabo,

Deus patris mei, quem laudibus efferam.

Quæritur, utrum *carmina homoeoteleuta* Hebraeorum poëtis usitata fuerint, an quæ passim obviam sunt homoeoteleuta casui potius, quam poëtæ consilio tribuenda sint? Si carmina homoeoteleuta Hebraeorum poëtis usitata fuissent, fieri haud potuisset, quin unum saltem alterumve carmen versibus homoeoteleutis conflatum ad nostra superaret tempora. Jam vero inter carmina Hebraica, quotquot supersunt, vix unum invenies, in quo versus homoeoteleuti constanter certâque lege recurrant. Haud quidem nos fugit, *threnorum* capite quinto quam plurimos versus syllabâ ם vel ם terminari; adeo, ut carmen hocce homoeoteleutis adnumerari posse videatur. Verum neque in hoc carmine homoeoteleuta constanter recurrunt, imo versus finem, inde a versu decimo octavo ad versum secundum et vigesimum usque omnino desiderantur; dein cum popularium suorum nomine, adeoque plurali numero poëta loquatur, haud potuit fieri, quin pronomem suffixum primæ personæ pluralis numeri ם, verbiq; terminatio pluralis ם saepissime recurreret. Quare de *homoeoteleutis Hebraeorum versibus* ita statuendum videtur, eos vel fortuito fusos fuisse, id quod in simili pronominum suffixorum verborumque, ubi flectuntur, terminatione facillime evenire potuit; vel si nonnunquam ex proposito adhibiti fuerint, id tamen artificii poëtici genus parvi ab Hebraeorum poëtis pensum fuisse, cum rarissime tantum illo sint usi.

§. CXXXIII.

Quod denique ad illa adinet carmina, quorum *singuli vel versus, vel strophae literis primoribus alphabeti ordinem repraesentant*, id artificium ab antiquiori meliorique Hebraeorum poësi alienum, et nonnisi a serioris aevi poëtis adhibitum fuisse videtur. Ad id carminum genus pertinent *psalmi* 25, 34, 37, 111, 112, 119, 145, *Jeremiae threni*, excepto capite ultimo, nec non *Proverb. cap. XXXI*, inde a versu decimo ad finem usque. Quaesivére viri docti, quibus ex causis artificium illud carminum alphabeticorum profectum fuerit? Ex *Lowthii* sententiâ ¹¹⁰⁾ in *memoriae subsidium* adhibitum fuit iis in locis, in quibus sententiae quaedam, ipsâ rerum et argumenti necessitudine non amplum inter se connexae, colligerentur. *Lowthii* sententiae accedit et *J. D. Michaelis*, qui in notis ad citatum locum haec addit: „lamenta sua ad literarum ordinem digessit *Jeremias*, memoriae praeficarnum, lamenta ediscentium, aerviens. Ac forte prima hujus artificii origo in lamentis; unde paulatim ad alia carmina, a pueris ac plebe ediscenda, ut illis pro sententiis uterentur, translatum. Neque ars, si apte naturâ exilis, in tanto Hebraeis honore fuisset, ut primarij etiam poëtae illam suis carminibus haud indignam censerent, nisi necessitas eam primum in threnis vulgasset.“ At vero rectius fortasse statuas, *alphabeticam* illam versuum *dispositionem* nil esse nisi ineptum seriorum poëtarum lusum, qui, cum priscae poëseos dignitatem haud possent consequi, novo aliquo artificio carminum suorum tenuitatem compensare studebant. Certè si carmina illa diligentius relegas, fateare necesse est, ea neque cogitationum profunditate, neque adfectuum vigore, neque dictionis elegantia hese commendare; multumque ab antiquioribus Hebraeorum carminibus superari.

110) De sacrâ Hebraeor. poësi, p. 451, 482, editionis a J. D. Michaelis adornatae.

Cap. II.

De externâ carminum Arabicorum formâ.

§. CXXXIV.

Poësin Arabicam justorum metrorum legibus adstrictam esse, nemo est, literarum Arabicarum peritus, qui ignoret. Neque tamen nascentis artis prima tentamina metrica fuisse, verum liberiori aliquo numero, ad instar carminum Hebraicorum, fluxisse, jam superius ¹¹¹⁾ demonstratum fuit. Quo tempore Arabum poëtae carmina sua ad metricas leges exigere coeperint, haud facile definias. Quod si elegantissimum illud carmen, quod in *Schultensii Monumentis vetustioribus Arabiae*, p. 57 — 59, *Abu Adinae* nomine exhibetur, re verâ ad illum auctorem referendum sit, quae est viri clariss. *de Sacy* sententia ¹¹²⁾, jam exeunte seculo post Christum n. quinto artis metricae leges Arabum poëtis cognitae fuere; siquidem carmen illud ad leges metri *بحر* concinnatum videmus.

§. CXXXV.

Quaesiveris, utrum Arabes ipsi metrorum suorum fuerint inventores, an artificiosam illam carminum structuram ab alio quodam populo, *Graecis* fortasse, vel *Persis*, didicerint? Artem metricam a *Graecis* ad Arabes transiisse, haud videtur verisimile. Namque illo tempore, quo metris uti coepere Arabes, Graecorum monumenta literaria nequaquam cognita adeo habebant, ut inde leges metricas eos hausisse carminibusque suis aptasse existimes. Accedit, quod inter Graecorum Arabumque metra vix ea intercedat similitudo, quae merito exspectanda esset, si Arabes a *Graecis* rem metricam mutuati essent. Namque ut reliqua taceamus, quibus carminum Graecorum Arabicorumque metrica stru-

111) Partis I capite II, §. XV, 3.

112) Mémoires de l'Académie royale des inscript. t. L, p. 371.

ctura differt, unum id memorasse liceat, Arabum poëtas mirum in modum homoeoteleutis delectari, quae tamen a Graecorum carminibus alienissima sunt. At meliori forsitan jure a *Persis* ad Arabes rem metricam translata fuisse statuas? Neque id concedendum videtur. Nulla quidem antiquioris illius poëseos Persicae supersunt monimenta, quorum metricâ ratione quaestio proposita tuto possit dijudicari; verum si ex recentiorum Persarum ingenio de antiquiorum indole statuere licet, haud facile a Persis Arabum metra derivari poterunt; quippe quae singulari quâdam dignitate atque gravitate se commendant, quae magis Arabum, quam Persarum ingenio convenire videtur. Contra nullum dubium, quin ab Arabibus cum magnâ linguae suae parte et metra ipsorum seriori tempore ad Persas transierint. Quare merito statuas, Arabes ipsos metrorum suorum fuisse inventores; quod et metrorum illorum indoles arguit, quae Arabum ingenio adeo congruit, ut nonnisi ex illo originem trahere potuerit.

§. CXXXVI.

Etsi Arabum rem metricam haud pauci auctores fusius accuratiusque explicaverint ¹¹³), tamen instituti nostri ratio requirere videtur, ut eandem materiam breviter perstringamus. Quae de syllabarum quantitate praecipiuntur, simplicissima naturaeque

113) ¹In exponendâ Arabum re metricâ strenuam prae ceteris operam navarunt: *Clericus* in Scientiâ metricâ et rhythmicâ, seu Tractatu de prosodiâ Arabicâ, ex auctoribus probatissimis erutâ, Oxonii, 1661; *Ewald* de metris carminum Arabicorum libri duo cum appendice emendationum in varios poëtas, Brunsvigae, 1825; idem auctor in Grammaticae Arabicae vol. II, p. 323—343; *Freytag* in libro, qui inscribitur: Darstellung der Arabischen Verskunst mit sechs Anhängen etc. Bonn, 1830; *de Sacy* in alterâ Grammaticae Arabicae editione, cujus tomo posteriori additus est tractatus de Arabum prosodiâ et re metricâ, p. 615—661.

convenientissima sunt: *brevis nempe habetur syllaba, quae in vocalem nudam desinit; longa contra, quae consonante, vel literâ quiescente terminatur.* Quare in vocabulo قَتَلَ tres syllabae breves, contra in vocibus أَقْتَلَ, قَوْلِي binae syllabae longae conspiciuntur. Notandum tamen, literas quiescentes in scribendo haud raro omitti, neque tamen eapropter syllabam corripî; sic هذا pro هَذَا, ذلك pro ذَالِك, اله pro الِه, الرحمن pro الرِّحْمَان, ثلاث pro ثَلَاث etc. scribitur, quorum vocabulorum metrica ratio omissâ literâ quiescente ÷ nequaquam immutatur. Interdum tamen poëtae, pro eâ, quam sibi in omnibus vindicant, licentiâ, primitivam syllabarum quantitatem vel additis literis augment, vel subtractis minuunt. Sic pro ينبع legitur ينباع in *Antarae Moallakâ* v. 33, additâ literâ ا, auctâque eam propter causam syllabae quantitate; quem ad locum *Zuxenius* notat: أراد ينبع فاشبع الفتحة i. e. voluit dicere ينبع, sed protraxit Fatham ad metri constitutionem, quâ ex protractione Alef enatum est; sic حماليق pro حماليق (de *Sacy Chrestom. Arab.* t. II, p. 62, edit. II.) subtractâ literâ ي, syllabâque correptâ. In eundem modum et *Teschdid* vel additur, vel omittitur, ad augendam vel minuendam syllabarum quantitatem.

§. CXXXVII.

Pedum diversa genera; sunt enim vel *dissyllabi*, vel *trisyllabi*, vel *quadrissyllabi*. Nomen sortiuntur a verbo فعل, in eas formas inflexo, quae singulorum pedum naturam referunt.

Dissyllabis adnumerandi:

Pyrrhichius ٢٢, Arabibus فَعَّ dictus, abjectâ tertiâ radicali literâ verbi فَعَّلَ;

Iambus ٢ -, فَعَّلَ fāāl;

Trochaeus - ˘ ˘ فَعْلٌ faḷḷ;

Spondeus -- ˘ ˘ فَعْلَانٌ faḷān.

Trisyllabi sequentes:

Anapaestus ˘ ˘ ˘ فَعْلَانٌ faēlōn;

Amphibrachys ˘ ˘ ˘ فَعُولٌ faūlū;

Bacchius. ˘ ˘ ˘ فَعُولَانٌ faūlōn;

Amphimacer ˘ ˘ ˘ فَاعِلَانٌ faēlōn;

Antibacchius --- مَفْعُولٌ māfūlū;

Molossus --- مَفْعُولَانٌ māfūlōn.

Quadrisyllabi denique accensendi:

Paeon secundus ˘ ˘ ˘ ˘ مَفَاعِلٌ mōfāēlū;

Paeon tertius ˘ ˘ ˘ ˘ فَعِلَاتٌ faēlātū;

Paeon quartus ˘ ˘ ˘ ˘ فَعِلَاتَانٌ faēlātōn;

Epitritus primus ˘ ˘ ˘ ˘ مَفَاعِيلَانٌ māfāīlōn;

Epitritus secundus ˘ ˘ ˘ ˘ فَاعِلَاتَانٌ faēlātōn;

Epitritus tertius ˘ ˘ ˘ ˘ مَسْتَفْعِلَانٌ mōstāfēlōn;

Epitritus quartus ˘ ˘ ˘ ˘ مَفْعُولَاتٌ māfūlātū;

Diiambus ˘ ˘ ˘ ˘ مَفَاعِلَانٌ māfāēlōn;

Dichoreus ˘ ˘ ˘ ˘ فَاعِلَاتٌ faēlātū;

Antispastus ˘ ˘ ˘ ˘ مَفَاعِيلٌ māfāīlū;

Choriambus ˘ ˘ ˘ ˘ مَفْتَعِلَانٌ mōftāēlōn;

Ionicus a majori --- مَسْتَفْعِلٌ mōstāfelū;

Ionicus a minori --- فَعْلَانٌ fāālātōn.

Memoratis hisce pedibus Arabum metrici quinque, imo sex syllabarum pedes addunt, ex bisyllabis trisyllabisque compositos; in his مُفَاعَلَتُنْ mōfāālātōn, ex iambo et anapaesto conflatus; مُتَفَاعِلُنْ mōtāfāelōn, ex anapaesto et iambo etc.

§. CXXXVIII.

Hi fere pedes ab Arabum metricis recensentur, quorum auctoritatem et recentiorum plerique, *Jonesius*, *Tychsenius*, *Freytagius* et *de Sacy* secuti sunt. In diversas tamen partes discessit *Ewaldus* ¹¹⁴⁾, contendens, in Arabum metris nonnisi sex pedes offendi: *iambum*, *amphibrachum*, *anapaestum*, *diiambum*, *ionicum a minori* et *choriambum*. Sed fatemur, argumenta, quibus vir sagacissimus sententiam suam tuetur, nobis minus satis fecisse. Etenim contendit, Arabibus non licere nisi a brevius et festinantius pronunciatis ad syllabas, quae incitatum orationem inhabeant, longas, progredi, ut فَلَام fālām, كَاتَلَتْ kātālāt; esse ipsis unum iambum, et qui ab hac stirpe velut rami enascantur, numeros; exulare prorsus trochaeum et dactylum. Quod quā ratione statui possit, non videmus. Namque si linguae Arabicae structuram respicias, ea certe legi illi minime suffragatur. Namque vix minor eorum vocabulorum numerus, quae a syllabis longis ad breves, quam illorum, quae a brevibus ad longas procedunt. Exemplo sint كَاتَلْ kātālā, كَمْتَرَا kāmtrā, قَالَ kālā, سَارَ sārā, quorum vocabulorum priora duo dactylum, posteriora trochaeum referunt. Accedit, quod omnino et trochaicis metris Arabum poëtae utantur, quibus inter cetera metrum رَمَلٌ, *Ramal*,

114) De metris carminum Arabicorum, p. 20 — 24.

adnumerandum, quod ex epitrito secundo $- \cup - -$, sexies repetito, componitur, cujus locum haud raro et dichoreus $- \cup - \cup$ occupat. Quinimo ex ipsis *Ewaldi* verbis sententia ejus everti posse videtur. Namque in notâ ad locum citatum contra *Hermannum*, iambum ex trochaeo derivantem, in hunc modum disputat: „nec apparet, cur numeri leges, ut thesis arsin praecedat, non admittant. Syllaba una, sola posita, neque brevis, neque longa est; ex opposito demum aequilibrio aut arsis aut thesis habetur. Ut igitur syllaba prima, si ictu insignitur, eo ipso sequentem thesin postulat, sic eadem syllaba celerius pronuntiata arsin sequentem indicat. Utque $\underline{\cup} \cup$ cogitari potest, sic eodem jure $\cup \underline{\cup}$.“ Quamvis libenter concedamus, verissima esse, quae hoc loco disputantur, tamen etiam, si locum invertas, verissimus videbitur. Quare contendimus, non adparere, cur numeri leges, ut arsis thesin praecedat, non admittant. Ut igitur syllaba prima, si deprimatur, eo ipso sequentem arsin postulat, sic eadem syllaba, ictu insignita, thesin sequentem indicat. Utque $\cup \underline{\cup}$ cogitari potest, sic eodem jure $\underline{\cup} \cup$. Quod denique ad comprobendam sententiam suam *Ewaldus* de poëseos Arabicae ingenio dicit, videlicet non sedato eam incedere gradu, sed incitatori ferri affectu, eamque ob causam trochaeum dactylumque respuere, quippe qui pedes leniori sedatoque orationis progressui convenient, id in universum omnino concedendum est; neque tamen inde sequitur, trochaeos ceterosque, qui ab his derivantur, pedes ex Arabum carminibus exulare. Namque et *Pindarus*, princeps ille lyricorum Graecorum, ad quos Arabum poëtas proxime accedere *Ewaldus* censet, et *Pindarus*, inquam, licet magno et affectuum et elocutionis impetu feratur, tamen haud raro versibus trochaicis utitur.

§. CXXXIX.

Junctis in seriem pluribus pedibus versus constituitur, eaque lex, quam in jungendis disponendisque pedibus poëtae sequuntur,

metrum adpellatur. Arabum metrici sedecim numerant metra, quorum tamen aliqua rarius, nonnulla etiam nunquam omnino adhibentur. Metrorum illorum nomina atque schemata haec sunt:

- I. *طويل Tawîl, longum*; constat ex *bacchio* et *epitrito primo*, quater alternatim repetitis in hunc modum:

$\begin{array}{c} \cup \text{---} | \cup \text{---} | \cup \text{---} | \cup \text{---} \\ \cup \text{---} | \cup \text{---} | \cup \text{---} | \cup \text{---} \end{array}$

Haud raro epitriti loco in quartâ et octavâ sede diiambus, bacchii loco amphibrachys adhibetur. Interdum in primâ sede etiam spondeus et in octavâ bacchius invenitur. Hoc metro frequentissime usi sunt Arabum poëtae; in his *Tarafa*, *Amrulkais* et *Zohair*, in carminibus *Moallakarum* nomine insignitis. In *Hamasâ* quingenta circiter carmina, in *Motanabbî Diwano* quadraginta hoc metro composita reperiuntur ¹¹⁵). Recentiores Arabum poëtae metri huiusce pedes nonnunquam inverso adhibent ordine, ita ut epitritus bacchium praecedat; unde nova quaedam metri species oritur, cui propter similitudinem, quam cum metro *Tawîl* habet, nomen *مستطيل Mostatîl, prolongata*, inditum ¹¹⁶).

- II. *مدید Madîd, extensum*; constat ex *epitrito secundo* et *amphimacro*, quater alternatim repetitis in hunc modum:

$\begin{array}{c} \cup \text{---} | \cup \text{---} | \cup \text{---} | \cup \text{---} \\ \cup \text{---} | \cup \text{---} | \cup \text{---} | \cup \text{---} \end{array}$

Vix tamen schema hocce integrum carminibus expressum habetur; nam quae metrum hoc sequuntur carmina, non-

115) Vide Freytagii Metricam Arabicam p. 15; Bohlenii Commentat. de Motanabbio p. 96.

116) Ne longius rem protrahamus, exemplis, singula metrorum genera illustrantibus, supersedebimus; quod si quis ea desideraverit, adeat laudatos jam Clerici et Freytagii de arte metricâ Arabum libros, quorum maxime posterior magnâ exemplorum copiâ sese commendat.

nisi senis constant pedibus, secundo et quinto amphimacris, reliquis epitritis, hoc modo:

---|---|---

Nonnunquam in tertiâ et sextâ sede epitriti loco amphimacer vel anapaestus, in sextâ interdum etiam spondeus admittitur. Rarius hoc metro usi sunt poëtae; quippe quod in *Hamasâ* nonnisi ter occurrit. Hujus quoque, sicuti antecedentis, metri pedes inverso nonnunquam ordine recentiores adhibuerunt, ita ut epitritum amphimacer antecedit; quae metri species, quod simillima sit metro *مدید*, nomine *ممتد Momtadd, protensa*, insignitur.

III. *بسيط Basit, expansum*; constat ex *epitricto tertio et amphimacro*, quater alternatim repetitis in hunc modum:

---|---|---|---

Haud raro pro epitricto diiambus, pro amphimacro anapaestus admittitur; interdum quartam tantum et octavam sedem anapaestus occupat, octavam nonnunquam et spondeus. Idem metrum saepe contrahitur, ut nonnisi sex pedibus constet, secundo et quinto amphimacris, reliquis epitritis, hoc modo:

---|---|---

in quo trimetro tertiam et sextam sedem interdum molossus vel bacchius, sextam etiam diiambus aut choriambus occupat. Metrum Basit frequentius occurrit, quippe quod in *Hamasâ* septem et octoginta, in *Motanabbii Diwano* viginti carmina referunt.

IV. *وافر Wafer, exuberans, copiosum*; constat ex *dochimo priore* (117); sexies repetito, in hunc modum:

117) Pedem huncce eo sensu *dochimum priorem* dicimus, quo Jonesius illa usus est adpellatione; haud enim ignari sumus, anti-

$\begin{array}{c} \text{---} \text{---} \text{---} | \text{---} \text{---} \text{---} | \text{---} \text{---} \text{---} \\ \text{---} \text{---} \text{---} | \text{---} \text{---} \text{---} | \text{---} \text{---} \text{---} \end{array}$

Interdum primam sedem choriambus, molossus, amphibrachys vel amphimacer occupant, tertiam et sextam saepe bacchius. Haud raro loco dochimi epitritus primus, vel etiam diiambus adhibetur, excepto tertio et sexto loco, quem bacchius sibi vindicat. Haud raro dimetri inveniuntur versiculi, qui in ultimâ sede epitritum primum recipere possunt in hunc modum:

$\begin{array}{c} \text{---} \text{---} \text{---} | \text{---} \text{---} \text{---} \\ \text{---} \text{---} \text{---} | \text{---} \text{---} \text{---} \end{array}$

Metro Wafer inter Moallakarum auctores usus est *Amru ben Kelthum*; in *Hamasâ* ter et nonagies, apud *Motanabbium* vices habetur.

V. *كامل* *Kamel*, *perfectum*; constat dochimo secundo, quater sexiesve repetito, in hunc modum:

$\begin{array}{c} \text{---} \text{---} \text{---} | \text{---} \text{---} \text{---} | \text{---} \text{---} \text{---} \\ \text{---} \text{---} \text{---} | \text{---} \text{---} \text{---} | \text{---} \text{---} \text{---} \end{array}$

Versus trimetri tertio et sexto loco etiam anapaestum, quarto epitritum tertium, sexto ionicum minorem, spondeum et molossum recipiunt; bimetri in ultimâ sede ionicum minorem, vel epitritum tertium, diiambum, choriambum admittunt, additâ tribus hisce pedibus syllabâ longâ redundante. Metro *Kamel* inter Moallakarum auctores usi sunt *Antara* et *Lebid*; in *Hamasâ* quater et nonagies, apud *Motanabbium* vices occurrit.

VI. *فَرْج*, *Huzûdsch*, *lyricum*, *cantilena*; constat ex epitrito primo, quater sexiesve repetito, in hunc modum:

$\begin{array}{c} \text{---} \text{---} \text{---} | \text{---} \text{---} \text{---} \\ \text{---} \text{---} \text{---} | \text{---} \text{---} \text{---} \end{array}$

quorum dochimum ex bacchio et iambo, vel iambo et amphimacero compositum esse. Vide Jonesii Poëseos Asiaticae Commentarios, p. 28.

Versus trimetri minus usitâti; in dimetris primam sedem interdum molossus, amphimacer, antibacchius, ultimam bacchius, primam et tertiam diiambus, omnesque praeter ultimam antispastus, occupat. Rarius hoc metro Arabes usi sunt, saepius Persae; in *Hamasâ* nonnisi bis offenditur.

- VII. رجز, *Radschaz*, *tremulum*; constat ex epitrito tertio, sexies repetito, in hunc modum:

---v-|---v-|---v-

Haud raro ultimo loco bacchius vel molossus admittuntur; interdum omnes epitriti in choriambos vel etiam diiambos mutantur. Praeter trimetros etiam dimetri, quin imo trium duorumve tantum pedum occurrunt versiculi. In *Hamasâ* decem et novem carmina metro *Radschaz* composita inveniuntur.

- VIII. رمل, *Ramal*, *breve*; constat ex epitrito secundo, sexies repetito, in hunc modum:

-vv-|vv-|vv-

Metrum hocce est inconstantissimum: tertiae sextaeque sedis pedes haud raro catalectici; secundae et quintae paeones tertii; interdum omnes pedes, praeter tertium, in dichoreos, vel ionicos minores mutantur; si in dichoreos, tertius pes erit amphimacer, si in ionicos minores, anapaestus. Habentur etiam dimetri versiculi, tum acatalectici, tum catalectici, qui in ultimâ sede nonnunquam ionicum minorem admittunt. Metrum *Ramal* tria tantum *Hamasae* referunt carmina.

- IX. سريج, *Sari*, *velox*; constat ex epitrito tertio, quater repetito, duplicique epitrito quarto, in hunc modum:

---v-|---v-|---v-|---v-|

Saepius loco epitriti quarti in tertiâ et sextâ sede amphimacer, imo etiam anapaestus, et in sextâ sede spondeus admittitur. Haud raro epitriti tertii locum diiambi, choriambi, vel paeones quarti occupant. Interdum posteriores tres pedes resecantur, adsumto in tertium locum molosso. Metro Sari' sedecim carmina in *Hamasâ*, viginti vero in *Motanabbii Diwano* composita sunt.

- X. منسرح, *Monsareh*, *emissum*; constat ex epitrito tertio, quater repetito, intermixtis duobus epitritis quartis, in hunc modum:

---|---|---

Haud raro epitriti tertii in choriambos, vel diiambos, et epitriti quarti in dichoreos, antispastos, paeonesque tertios mutantur; nonnunquam locum sextum molossus occupat. Huc refertur et brevissimum illud metri genus, duobus duntaxat pedibus, epitrito tertio et molosso compositum, hoc modo:

---|---

Metrum *Monsareh* rarius occurrit; in *Hamasâ* novem carmina, ad ejus normam composita, habentur.

- XI. خفيف, *Chafif*, *leve*; constat ex epitrito secundo, quater repetito, intermixtis duobus epitritis tertiis, in hunc modum:

---|---|---

Uterque epitritus variis obnoxius mutationibus: secundus in dichoreum, ionicum minorem paeonemque tertium, tertius in diiambum ionicumque majorem mutatur. In tertiâ sextâque sede epitriti secundi locum haud raro amphimacer vel anapaestus occupat. Praeter trimetros etiam dimetri occurrunt versiculi, duobus epitritis secundis tertiisque compositi, ultimo loco nonnunquam bacchium admittentes. Metro *Chafif* inter Moallakarum auctores usus est *Hareth*; in *Hamasâ* sexies tantum offenditur.

- XII. **مصارع**, *Modari*, simile; constat epitrito primo quater repetito, intermiatis duobus æpitritis secundis, in hunc modum:

υ --- | - υ --- | υ ---

Neque tamen schema hocce carminibus expressum reperitur; nusquam enim trimetri, constanter dimetri tantum occurrunt versiculi. Haud raro epitritus primus in antispastum vel diiambum, secundus in dichoreum mutatur; præterea primam sedem nonnunquam amphimacer vel antibacchius occupat. Metro hoc rarissime usi sunt Arabum poëtae; in *Hamasâ* nunquam adhibetur.

- XIII. **مقتضب**, *Moktadeb*, concisum; constat epitrito quarto tertioque, illo bis, hoc quater repetito, in hunc modum:

--- υ | --- υ | --- υ

Neque tamen trimetri unquam occurrunt versiculi, constanter dimetri, quarto tertioque epitrito bis repetitis. Pro epitrito quarto etiam dichoreus, pro tertio choriambus admittitur; nunnunquam in primâ sede antispastus occurrit. Rarissime et hoc metrum adhibetur.

- XIV. **مجتث**, *Modschtath*, amputatum; constat epitrito tertio et secundo, illo bis, hoc quater repetito, in hunc modum:

--- υ | - υ --- | - υ ---

Trimetri versiculi non offenduntur, omnes dimetri, tertio secundoque epitrito bis adhibitis. Epitriti tertii locum haud raro diiambus, ionicus major vel paeon secundus occupat; pro epitrito secundo etiam dichoreus, ionicus minor tertiusque paeon admittitur. Rarius et hoc metro usi sunt poëtae; in *Motanabbî Diwano* bis tantum reperitur.

- XV. **مقارب**, *Motakareb*, conjunctum; constat bacchio octies repetito in hunc modum:

--- υ | - υ --- | - υ --- | - υ ---

Pro bacchio saepius amphibrachys adhibetur, excepto ultimo loco; primum locum nonnunquam spondeus, vel trochaeus, quartum iambus occupat. Haud raro catalectici versiculi occurrunt, ita ut ultimam sedem vel iambus, vel syllaba longa obtineat. Praeter tetrametros et trimetri habentur versus, tertio et sexto loco iambum, sexto etiam syllabam longam admittentes. Metrum Motakareb haud infrequens; in *Hamaâ* decies et novies, apud Motanabbium decies occurrit.

XVI. متدارك, *Motadarek*, *consequens*; constat amphimacro octies repetito, in hunc modum:

— — — | — — — | — — — | — — —

Amphimacri locum saepius anapaestus vel spondeus occupat. Sunt et trimetri versiculi, tertio et sexto loco interdum ionicum minorem admittentes. Metrum hocce a celeberrimo illo metricae Arabicae auctore *Chalib ben Ahmed* non recensetur, feruntque ab *Achfascho* illud repertum fuisse; unde et محدث, *mohdath*, *novum*, nec non غريب, *gharib*, *peregrinum*, dicitur. Antiquioribus Arabum poëtis minus usitatum, apud seniores haud infrequens.

§. CXL.

Recensitis breviter carminum Arabicorum metris, videndum jam, utrum poëtae in adhibendis metris illis certam aliquam legem, a carminum argumento petitam, secuti fuerint. Notissimum est, Graecorum Romanorumque poëtas pro diverso argumento, quod tractandum sibi sumserunt, diversis quoque usos fuisse metris: si fortia heroum facta carmine celebranda erant, hexametro versu utebantur; si tristis aliquis casus lugendus, hexametro atque pentametro iunctim; si incitatiores animi adfectus exprimendi, Alcaico, vel alio quodam lyrico metro. Hanc legem Arabum poëtae haud videntur observasse; saepissime enim in

eiusdem argumenti carminibus diversa metra, contra in diverso argumento eadem metra adhibita deprehendes. Sic *Hosainus Asadaeus Mani* obitum metro *Tawil* deflet; eodem metro *Kais ben Alchatim* sanguinis vindictam bellicamque fortitudinem celebrat ¹¹⁷). Contra *Moallakarum* auctores *Amrulkais et Lebid* in eodem argumento tractando diversis metris, ille *Tawilo*, hic *Kamelo*, utuntur. Hanc tamen legem in metrorum usu observatam inuenies, ut illa, quae gravitate atque pondere prae ceteris sese commendabant, frequentissime a poetis adhiberentur; quare usitatissimum omnium *Tawil*; cui proxime accedunt *Kamel*, *Waser* atque *Basit*.

§. CXLI.

Ad metricam carminum Arabicorum structuram accedunt et *homoeoteleuta*, sive *rhythmī finales*, quibus Arabes ab antiquissimis inde temporibus mirum in modum delectati sunt. Credibile est, Arabum poëtas rhythmum finalem prius adhuc adhibuisse, quam leges metricae inventae essent. Certe in antiquioribus quibusdam carminibus, quae licet vix antiquissima poëseos Arabicae specimina habenda sint, tamen illorum speciem prae se ferunt, justī metri nullum adhuc vestigium, cum tamen rhythmī finales jam praesto sint. Rhythmī finalis quinque genera Arabum metrici statuunt:

I. مترادف, *Motaradef*, *rhythmus continuus*, qui duabus literis quiescentibus ¹¹⁸) constituitur; exemplum habes in hocce *Hamasae* versiculo:

من أين تصحك ذات الحجلتين
أبدلها الله بلون ليرتين

117) Excerpta *Hamasae* p. 554, 486.

118) Literarum quiescentium nomine hoc loco non tantum ي, و, et ي, verum etiam reliquas consonas, ubi vocalibus destitutae fuerint, comprehendimus.

Quem nostrum ridet duplici compede ornata.

Substituatur ei Deus pro uno colore duplicem.

Rarius rhythmus hicce offenditur; aegerrime enim lingua Arabica literarum quiescentium consensum patitur.

- II. متواتر, *Motawater, alternatus*; efficitur literâ unâ inter binas quiescentes motâ; ut videre est in sequentibus *Amrui ben Maadi Karib* versibus:

ليس الجمال بمنزلة علم وإن رديت بذا
أن الجبال معادن ومناقب أورثت منجدًا

Non (consistit) decus in cingulo, scito id, utque indutus sis striatâ veste;

Utique decus venae nobiles virtutesque, quae haereditatem relinquunt gloriam.

nec non in *Koraiti* carmine in limine. Excerptorum ex *Hamasâ*, cujus versiculi huncce referunt rhythmum, e. g.

مَرْقَانَا وَوَحْدَانَا — أَلَا وَشَمِيَانَا etc.

- III. متدارك, *Motadarek, consequens*; efficitur literis duabus inter binas quiescentes motis; exempla praesto sunt in *Saadi ben Nascheb*, *Hosainique Aqadaei* carminibus, in *Hamasâ* obviis. *Saadi* duo priores versiculi hunc exhibent rhythmum: جَالِيَا، حَاجِيَا; *Hosaini* vero مَرْجِيَا، مَرْجِيَا.

- IV. متراكب, *Motarakeb, confertus*; efficitur literis tribus inter binas quiescentes motis; ut videre est in *Salemi ben Wabesak* carmine in *Excerptis Hamasae*, cujus duo priores versiculi hunc referunt rhythmum: بَلَا جَلِمَ، مِّنْ قَرَمَ

Notandum hoc loco, vocales Fatha, Kesra et Dhamma in fine vocabuli perinde haberi, ac si literae quiescentes in fine vocabuli haberentur. Quare in rhythmico بَلَا جَلِمَ، مِّنْ قَرَمَ ي sequerentur. Quare in rhythmico بَلَا جَلِمَ، مِّنْ قَرَمَ ي omnino tres literae motae inter binas quiescentes habentur.

V. متكاوس, *Motakawès*, *densus*; constat literis quatuor inter binas quiescentes motis. Postremum hocce rhythmì genus rarissime occurrit; rarius et quartum, sed frequentissime secundum et tertium.

Quae hactenus ex Arabum sententiâ de rhythmò notavimus, si quis brevius simpliciusque velit exprimere, *rhythmum finalem vel syllabà unà, vel duabus, tribus quatuorve constare* dixerit. Tenendum autem, Arabum poëtas non, sicuti nostrates, diversis in eodem carmine uti homoeoteleutis, verum ab initio ad finem uni constanter inhaerere rhythmò, quod in tantâ linguae Arabicae ubertate facillime fieri potest. Quare et litera illa, cui ceu fundamento rhythmus innititur, Arabibus روى dicta, integrum per carmen eadem sit, necesse est. Ab hac literâ carmina Arabica saepius nomen suum trahunt, sicuti notissimum illud *Tograi* poëma, quod *Lamicum*, لامية, dicitur, quia literae Lam carminis rhythmus innititur, ut videre est in hisce carminis illius homoeoteleutis: حَطَل, عَطَل, طَفَل etc. Ceterum rhythmus vel in cujusvis hemistichii, vel, quod multo frequentius, in integri demum versûs fine locum habet. Antiquissimis temporibus, quibus Arabum res metrica vel nondum inventa, vel minus adhuc exculta fuit, singuli stichi, sive versiculi, qui seriorum carminum hemistichia longitudine non superabant, in rhythmum desinebant, ut videre est in *Satiki* responso, quod *Abdulmaniko* reddidit sciscitanti de rebus mirabilibus, quae eâ nocte, quâ *Mohammed* natus fuit, evenerant, in hunc modum:

عبد المسيح
على جمل مسيح
اق الى سطيح
وقد اوفى على الصريح
بعثك ملك بنى ساسان

لا تجاس الايوان
 وخمود النيران
 ورويا الموبدان

Abdulmasih

Vectus camelo glabro

Venit ad Satihum,

Cum is pervenerit ad sepulcrum.

Misit te rex Sasanidarum

Propter concussionem palatii,

Et extinctionem ignis (sacri)

Et visionem Mubedani etc. ¹¹⁹).

Postquam serius, inventâ et exultâ metricâ arte, versus longiores ad artis illius leges componerentur, singulique versus in duo hemistichia distribuerentur, haud necessarium visum fuit, utrique hemistichio rhythmum finalem addi; rarius igitur exinde in priori hemistichio, constanter vero in posteriori adhibitus fuit. Recentiores tamen poëtae, sicuti in metrorum, sic etiam in rhythmifinalis usu haud raro a veterum consuetudine recesserunt. Neque enim, quod veteres solent, uni tantum rhythmum per integrum carmen inhaerent; neque in posteriori duntaxat hemistichio, verum saepius etiam in priori rhythmum finalem adhibent. Dividunt nempe carmina sua haud raro in strophas, quatuor, vel plura etiam hemistichia, quae omnia in eundem desinunt rhythmum, continentes. Singulae strophae peculiarem rhythmum referentes, singulis distinguuntur hemistichiis, quibus integrum per carmen unus idemque rhythmus. Interdum strophae illae geminum re-

119) Abulfeda de vitâ et rebus gestis Mohammedis, ex edit. Gagneri p. 4. — Etsi carmen laudatum nequaquam antiquissimis poëseos Arabicae speciminibus accensendum sit, tamen antiquissimorum illorum carminum formam prae se ferre videtur.

ferunt rhythmum, ita quidem, ut et priora et posteriora hemistichia peculiarem suum habeant rhythmum. Exempla vide sis in *Freitagii* libro de arte metricâ Arabum, p. 404—465.

§. CXLII.

Praeter metricam structuram rhythmumque quam plurima adhuc Arabum poëtae in carminibus pangendis adhibent artificia. Rarius tamen ab antiquioribus id fieri aesolet, saepissime vero a recentioribus, qui spiritus poëtici defectum artificio compensare studebant. Inter artificia illa poëtica referenda primo *agnominatio*, sive *paronomasia*. Hoc artificio vix ullus poëtarum Arabicorum frequentius usus est, quam *Hariri*, cujus quinquaginta consessus immensam paronomasiarum copiam exhibent. E sexcentis exemplis unum tantum proferre libet, quod consessu quarto habetur: انزل سميري منزلة اميري واحد انيسي محل رئيسي واودع معارف حواري واوى مرافقي مرافقي والين مقالى للقائى واديم تسالى عن السالى i. e. colloco nocturnum confabulatorem meum in gradu principis mei, reputo familiarem meum loco ducis mei, depono apud notos meos beneficia mea, exhibeo socio meo opem meam, mollio sermonem meum osori meo, et frequenter quaero de eo, qui mei securus est etc. Etsi *Hariri* in solutâ maxime oratione paronomasiis utatur, tamen et in carminibus haud raro easdem adhibet, ut videre est in hisce quinti consessûs versiculis:

يا اهل ذا المعنى وقيتم شراً

ولا لقيتم ما يقيتم ضرراً

O familia, domum hanc colens, prohibeamini mala,

Neque incurratis, quoad superstites eritis, noxam.

Verum et aliis poëtis paronomasiae usitatissimae sunt; sic *Motabbio*, cujus sequens versiculus:

فالخييل والليل والبيداء تعرفنى

والحرب والصرب والقرطاس والقلم

Equi, nox et deserta me noverunt,
Et bellum, percussio, charta calamusque.

Sicuti paronemasiis, ita etiam ceteris verborum lusibus Arabum poëtae delectantur; exemplo sit ejusdem *Motanabbî* versiculus, quo carminum suorum laudes praedicans, iisdem vocabulis hunc in modum ludit:

فشرق حتى ليس للشرق مشرق
وغرب حتى ليس للغرب مغرب

Attingent orientem (extremum), ubi soli non est ortus,
Attingent occidentem (extremum), ubi soli non est occasus.

Frequentissimi verborum lus et in celeberrimo illo *Tantarani* occurrunt poëmate, quod clariss. *de Sacy* in *Chrestom. Arab.* edit. I, P. I, p. 365—370 exhibuit; en speciminis loco primum poëmatis illius versiculum, in quo similia vocabula diversae significationis componuntur:

يا خلى البال قد بلبلت بالبلبال بال
بالنوى زلزلتى والعقل فى الزلزال زال

O tu, cujus animus curis vacuus, conturbasti turbatione
animum meum,

Absentiâ tuâ me concussisti, et mens mea in concussione
me defecit.

Saepius et eorundem verborum diversâ significatione luditur, ut in hisce versiculis:

نديمتى جارية ساقية
ونزهتى ساقية جارية
جارية أعينها جنة
وجنة أعينها جارية

Sodalis mea puella, poculi ministra,
Et oblectamentum meum rivus profluvius,

Puella, cujus oculi hortus,

Et hortus, cujus fontes proflui.

In hisce versiculis vocabula جارية, ساقية, عین duplicem admittunt significationem; namque جارية modo puellam, modo fluentem, ساقية nunc poculi ministram, nunc rivum irriguam, عین denique hic oculum, illic fontem denotat ¹²⁰).

§. CXLIII.

Sed haec leviora videntur; multo adhuc difficiliore nugas Arabum poëtae moliti sunt. Inveniuntur enim versus, in quibus nullae literae punctis diacriticis notatae occurrunt; exempla obviam sunt in *Haririi* consensu XLVI, ubi decem hujuscemodi versiculi habentur, quorum priorem adponere libet:

اعدد لحسادك حد السلاج

واورد الآمل ورد السماج

Para osoribus tuis aciem gladii,

Et deduc sperantem ad aquationem munificentiae.

Sunt et versiculi, quorum singulae voces alternatim punctis diacriticis insignitae atque destitutae sunt; cujus generis in laudato jam *Haririi* consensu quinque versus habentur in hunc modum:

اسمح فبت السماج زين

ولا تخب آملآ تصيف

-Beneficus esto; namque status beneficentiae ornamentum,

Neque frustrare sperantem, qui hospes ad te devertit.

Neque desunt, qui omnes literas, punctis diacriticis notatas, referunt; cujus generis versus *Chalilo*, artis metricae auctori, debetur:

صف خلق خود كمثل الشمس ان برغت

يخطى الصبيح بها نجلاء معطار

120) Habentur versiculi illi in *Sojuttii* de arte poëtica opere, quod inscribitur جنى الجناس, unde illos depromsit Casirius in Biblioth. Arab. t. I, p. 83.

Describe indolem puellae formosae: similis est soli orienti,
Beatur tori consors per eam, patentibus praedita est oculis,
odoribusque perfusa.

Alii denique versiculi nonnisi literis puncto diacritico insignitis constant; alii alternatim literas punctis diacriticis insignitas atque destitutas exhibent; alii nonnisi ex iis literis compositi sunt, quae in scribendo conjungi solent; alii dissociabiles tantum referunt literas etc.; quarum nugarum piget exempla in medium proferre. Quod si quis ea desideraverit, adeat *Haririi* consessus XXVI, XLVI, nec non *Freytagii* librum de Arabum arte metricâ p. 388—392.

§. CXLIV.

Praeter memoratas jam nugas quam plurima alia in seriori Arabum poësi deprehenduntur artificia. Habentur enim illic versiculi, qui, sive a dextrâ ad sinistram, sive a sinistrâ ad dextram legantur, eadem verba, eundemque sensum referunt; exemplum habes in *Haririi* consessu XVI in hunc modum:

اسر اذا هبّ مرا وارم به اذا رسا

اسكن تقوّ نفسي يسعف وقت نكسا

Remove, ubi excitata fuerit, dissimulationem, et rejice eam,
ubi stabilis evaserit.

Quietus firmusque esto, fortasse favebit tibi tempus immutatum. Neque desunt versiculi, qui transversum deorsumque eâdem ratione absque ullâ immutatione legi possunt; ut videre est in sequenti specimine:

ليت شعري لك علم من سقامي يا شفاعي

لك علم من زفيرى ونحوى وضئاعى

من سقامى ونحوى داوى ان انت دأى

يا شفاعى وضئاعى انت دأى ودواى

Utinam nossem, cognitum tibi esse morbum meum, o re-
medium meum!

Cognitus tibi gemitus meus, macies atque aegritudo mea.

A morbo macieque meâ restitue me, siquidem tu es morbus meus;

O remedium meum atque aegritudo mea, tu morbus meus, remediumque meum.

Alii denique versuoli prioris hemistichii verba in posteriori repetunt, sed inverso ordine, neque tamen mutato sensu, in hunc modum:

صل ذوي الارحام واعرف حقهم
حقهم واعرف ذوي الارحام صل

Benefac propinquis, et agnosce jura eorum;

Jura eorum agnosce, propinquis benefac.

Sed longum esset, omnes illas recensere nugas, quibus seriores Arabum poëtae operam navarunt. Neque omnino necessarium videtur, minutis hisce ulterius immorari; siquidem ex iis, quae hactenus disputata sunt, externa carminum Arabicorum forma sufficienter, ni fallimur, adparebit.

C a p. III.

C o m p a r a t i o.

§. CXLV.

Expositâ in hunc modum externâ poëseos Hebraicae atque Arabicae formâ, restat, ut ostendamus, quantum hac ex parte inter utramque obtineat discriminis, quantumque inter se consentiant. Externam utriusque poëseos si respicias formam, haud exiguum deprehendes discrimen. Namque, quod primum est, *carmina Arabica justorum metrorum legibus adstricta sunt*; contra *Hebraeorum poësis liberiori fertur rhythmus*, non pedum numero, non syllabarum quantitate circumscripto. Quae cum ita sint, Arabum poësis propius ad cultiorum populorum, Graecorum Romanorumque artificiosam accedit poësin; Hebraeorum vero

poësis magis liberum illud hominum orientalium, naturae inhaerentium, ingenium refert. Quaesiveris, num artificiosa illa carminum structura Arabicae poësi plus addiderit dignitatis, quam Hebraicae liberior ille, justique metri legibus haud obnoxius numerus? Fatendum omnino, certam longarum breviumque syllabarum vicem numerumque et legenti et audienti gratissimum esse, multumque inde venustatis atque dignitatis orationi poëticae posse accedere. Sed concedendum etiam, arctioribus illis legibus metricis haud raro poëtam impediri, quo minus animi sensus convenientissimis verbis exprimat; siquidem non id tantum spectandum, ut verba rebus exprimendis, verum etiam ut metri praescripti legibus conveniant. Quod si igitur vel metro minus impedito utaris, vel minus serviliter legibus metricis inhaereas, ita ut animi sensus commode, neque detortis aut verbis, aut sententiis poësis exprimere, metrica carminum structura orationi poëticae non tantum non officiet, verum etiam haud exiguo erit ornamento. Quod quidem de antiquioribus Arabum poëtis haud immerito praedicaveris; quippe qui neque impeditis adeo metris utuntur, neque adeo serviliter iisdem inhaerent, ut animi sensus, in tantâ praesertim lingua Arabicae ubertate, non commode atque convenienter possint exprimere. Recentiores contra Arabum poëtae et arctius legibus metricis inhaerent, et, praeter metrorum vincula, multis aliis artificiis sese impediunt; quo fit, ut haud parum detrimenti oratio poëtica inde patiatur. Quare ita statuendum, metricam carminum structuram, quatenus orationi poëticae non offecerit, Arabum poësi omnino plus venustatis atque dignitatis addidisse, quam Hebraeorum poësi a liberiori illo, justique metri legibus haud obnoxio numero accedere unquam potuit. Neque tamen metrorum Arabicorum venustas atque dignitas pro nostro sensu aestimanda est. Vix enim fieri potest, quin nobis, quorum aures inde a pueritiâ Graecorum Romanorumque metris adsuetae sunt, Arabum metra minus grata videantur; quod certe secus se haberet, si a pue-

ris, sicuti Graecâ atque Romanâ, ita Arabicâ quoque poësi imbueremur.

§. CXLVI.

Praeter metricam carminum structuram Arabum poësis ab Hebraicâ et *rhythmo finali* differt, quem illa constanter admittit, haec vero vel omnino respuit, vel parum curat. Haud quidem desunt exempla, e quibus colligi possit, et Hebraeorum poëtas rhythmî finalis aliquam habuisse rationem; verum cum nullam omnino supersit poëseos Hebraicae specimen, quod constanter certâque lege rhythmum finalem referat, rectius statuas, rhythmum illum, sicubi in carminibus Hebraicis occurrit, casui potius, quam poëtae consilio tribuendum esse. Neque lingua Hebraica formandis rhythmis apta adeo fuit, quam Arabica, quae tantâ vocalium, tantâ formarum eundem in modum desinentium, tantâ denique similium vocabulorum abundat copiâ, quantâ vix ulla linguarum in orientis vel occidentis oris vigentium. Hac linguae Arabicae naturâ fieri haud potuit, quin ii, qui ornatus dicere vellent, ultro fere ad rhythmos deferrentur; unde evenit, ut non tantum in carminibus, verum etiam in solutâ oratione, quoties ea altius insurgeret, rhythmus adhiberetur.

§. CXLVII.

Ut metricâ carminum structurâ rhythmoque finali Arabum poësis ab Hebraicâ differt, ita *paronomasiarum usu, verborumque lusibus* cum eâ consentit. Utriusque gentis poëtae, maxime vero recentiores, et paronomasiis, et verborum lusibus apprime delectantur. Verum et in harum figurarum usu adparet, quantum et lingua Arabica Hebraicam similium vocabulorum copiâ, et poëtae Arabes Hebraeos artificio superent. Namque in Hebraeorum carminibus paronomasiae verborumque lusus nonnisi passim inveniuntur; at vero adeas *Haririum Arabiadenque*, quanta figurarum illarum apud utrumque auctorem copia! Tanta profecto, ut incertus

haereas, utrum linguae Arabicae immensas divitias, an auctorum illorum artificium magis mireris. Neque tamen existimandum, frequentibus illis paronomasiis verborumque lusibus orationis poeticae dignitatem semper augeri; contra nimio talium ornamentorum studio quam saepissime ad ineptias delabuntur poëtae, orationemque adfectatam contortamque reddunt. Quare, licet in his similibusque rebus poëtarum Arabicorum artificium, linguaeque Arabicae divitias miremur, tamen Hebraeorum poëtas nequaquam reprehendendos, quinimo laudandos censemus, quod parcius quam Arabes paronomasias verborumque lusus adhibuerint.

§. CXLVIII.

Quod praeterea in quibusdam Hebraeorum carminibus cernitur artificium, nempe quod *singuli vel versus, vel strophae literis primoribus alphabeti ordinem repraesentent*, id et Arabum poëtis haud incognitum insolitumque est. Solent autem Arabes maxime sententias proverbiales, quae in diverso parumque cohaerente argumento versantur, secundum alphabeti seriem disponere, eo quidem consilio, ut, quibus desit internus nexus, saltem externo quodam vinculo inter se jungantur. Sic in amplâ illâ proverbiorum Arabicorum collectione, quae *Meidani* debetur, omnes, quae eâdem literâ incipiunt, sententiae compositae et secundum alphabeti ordinem dispositae habentur. Hinc fortasse colligas, et Hebraeorum poëtas alphabeticâ illâ carminum quorundam dispositione nil aliud spectasse, nisi ut sententiae, quarum argumentum parum cohaereret, saltem externo aliquo vinculo connecterentur. Verum diversa aliquanto carminum illorum videtur ratio. Non enim diversi argumenti sententias continent, sed eas, quae ad eandem omnes materiam referuntur; quibus igitur externum illud alphabeticum ordinis vinculum facile deesse potuit. Contra in *Proverbiorum* libro et in *Ecclesiaste* haud raro diversissimi argumenti sententias compositas, neque tamen ordine

alphabetico dispositas invenies. Quare quod jam superius monitum fuit, alphabeticae illi carminum quorundam Hebraicorum dispositioni vix aliud auctoris consilium, quam ostentandi artificii, subesse videtur ¹²¹).

§. CXLIX.

Quod denique ad *difficiliores illas poëtarum Arabicorum nugas* adinet, artificiosissimos videlicet versiculos, qui sinistrorsum, dextrorsum, transversum deorsumque eodem modo legi possunt, eorum similiumque artificiorum nullam in carminibus Hebraicis vestigium. Num Hebraeorum poëtae ad illas nugas omnino nunquam descenderint, in tantâ rei Hebraeorum literariae jacturâ haud facile definias. Quod si tamen reputes, Hebraeorum poësin in universum nunquam artificiosam illam formam induisse, quam Arabica sibi vindicat, quod si reputes, linguam ipsam Hebraeorum ejusmodi artificiis minus aptam videri, haud temere statuas, Hebraeorum poëtas a difficilioribus illis nugis omnino abhorruisse.

§. CL.

Haec fere sunt, quae de poëseos Hebraicae et Arabicae origine, indole, mutuoque consensu atque discrimine merito statui posse videbantur. Utinam contigerit nobis, verum rectumque in omnibus perspexisse! Quod etsi nequaquam nobis adrogemus, speramus tamen, veri rectique inveniendi studium in opusculo nostro, quantulumcunque id demum sit, vix desideratum iri.

121) De alphabeticâ carminum Hebraicorum dispositione vide Ewaldi Commentat. de Hebraeorum poësi, p. 139 — 164, qui artificii illius causas rectissime tum a *poëseos verae defectu*, tum ab *eruditionis adfectione* deducit.

Rerum memorabilium

I n d e x.

A.

- Abdulmadschidi Albaberi* carmina historica, pag. 95.
Aben Esrae de cantico canticorum sententia, 61.
Abu Adina antiquissimus poëtarum Arabicorum, 43. Ejusdem loci adlegati, 173, 185.
Abu Bekri Alhameli poëma: margaritae prudentum, 95.
Abulalae loci adlegati, 180, 197.
Adolescentuli formosi descriptio, 142.
Aetatis aureae descriptio, 137.
Ahmedis ebn Arabschah loci adlegati, 174, 200, 201, 202.
Ajeschah, poëtria Arabica, 51.
Alcbrani Sura C, 42.
Alii ad Marhabum verba, 41.
Alii ben Abilfaradsch locus de diversis carminum Arabicorum generibus, 79.
Allegoria, 147, 199. Allegoria Eccles. XII, 2—6, illustrata, 148, 149.
Allegoriae mysticae an in Veteri Testamento locum habeant? 150, 151;
an in Arabum carminibus? 203.
Almokrii de poëtis Arabicis sententia, 91.
Alphabetica Hebraeorum carmina, 226, 227, 244.
Amici perfidi similitudo, 140.
Amoris in Deum descriptio, 94.
Amosi locus adlegatus, 134.
Amrui ben Kelthum loci adlegati, 181, 184, 186.
Amrulkaisi loci adlegati, 172, 187, 192.
Anka avis fabulosa, 191.
Antarae loci adlegati, 159, 172, 193.
Asadi, Hemjaritarum regis, carmen, 37, 38.
Asuf in prophetarum scholis poësi musicâque arte imbutus, 32.
Asmai Antarae historiam concinnavit, 47.
Azditarum migrationes, 44.

B.

- Badst*, poëtria Arabica, 50.
Bohterii locus adlegatus, 177.
Busirii carmen panegyricum in Mohammedem, 83.

C.

- Cameli* descriptio, 92.
Canticum canticorum nequaquam allegorice interpretandum, 65; ejusdem argumentum, 65, 66; loci adlegati, 142, 143.
Carmelus mons felicitatis imago, 124.
Carminum Arabicorum genera, 79, 80; argumentum carminum Arabicorum heroicorum, 81, 82; encomiasticorum, 83, 84; elegiacorum, 84, 85; ethicorum, 86; amatoriorum, 88, 89; satyricorum, 90, 91; religiosorum, 93, 94; carmina lepida Arabum, 92, 93.
Carpzovii de Hebraeorum re metricâ sententia, 228.
Casirii de Schanfaræ carmine lamico sententia, 157.
Chalili ben Ahmed locus adlegatus, 264.
Cherubim, 137, 138.
Chozaitæ principatum Meccæ tenent, 45.
Comparisonis fontes, 139.
Crocodili descriptio, 115, 116.

D.

- Damirii* locus adlegatus, 169.
Dananir, poëtria Arabica, 50.
Danzii systema trium morarum, 218.
David in prophetarum scholis poësi musicâque arte imbutus, 32.
Descriptiones poëtarum Arabicorum, 92.
Diwani Hodsailitarum loci adlegati, 162, 163, 166, 170, 182, 183, 184, 185, 186, 194.
Dschadsimæ Alabrasch, Hirensium regis, carmen, 35.
Dschauharîi locus adlegatus, 176.

E.

- Ebn Doreidi* locus adlegatus, 163.
Ebn Oneini locus adlegatus, 191.
Ecclesiastæ argumentum, 59, 60.
Ellipses poëtarum Arabicorum, 160.
Elmacini loci adlegati, 161, 162.
Enan, poëtria Arabica, 51.
Ephraemi Syri de Jobi auctore sententia, 14.
Epithetorum in linguâ Arabicâ copia, 159.
Equi bellici descriptio, 82, 193.
Euphrates abundantiae imago, 176.
Eusebii de Hebraeorum re metricâ sententia, 215.
Exodi locus adlegatus, 243.

F.

Farezdaki poetae in poetrias dictionum, 51.

Figurae orationis Hebraeorum poetis maxime familiares, 138.

G.

Geneseos loci adlegati, 22, 118, 121, 122, 242.

Ghazali argumentum et forma, 98.

Gladii descriptio, 82.

Gomari de Hebraeorum re metricâ sententia, 220—223.

Grevii de Hebraeorum re metricâ sententia, 224, 225.

H.

Habakuki locus adlegatus, 133.

Hamasaë argumentum, 80; ejusdem loci adlegati, 155, 158, 160, 163, 164, 165, 166, 167, 169, 170, 173, 174, 175, 176, 177, 181, 182, 183, 190, 198, 258, 259.

Harethi locus adlegatus, 160.

Harri de Hebraeorum re metricâ sententia, 223.

Haririi loci adlegati, 167, 173, 179, 180, 182, 187, 188, 262, 264, 265.

Hebraeorum mores, sentiendi ratio, terrae coelique conditio, 106, 107.

Hieronymi de Hebraeorum re metricâ sententia, 215, 216.

Hirensium Arabum reges pœsi dediti, 45.

Homoeoteleuta carminum Hebraicorum, 242; carminum Arabicorum, 258—261.

I.

Jacobi morituri carmen, Genes. XLIX, post Moysi aetatem compositum, 23, 24.

Idiotismi poetarum Hebraeorum, 116, 117.

Idolorum cultus adulterii imagine ab Hebraeorum prophetis repraesentatur, 152.

Jeremiae loci adlegati, 18, 68, 130; ejusdem locus XX, 14, ex Jobi libro, III, 3, petitus, 18; ejusd. in Josiae obitum elegiae diversae a Iherenis, 73.

Jesaiæ loci adlegati, 123, 125, 127, 132, 137, 234.

Jobi liber non ante Mosem, nec a Mose ejusque aequali conscriptus, 17; sed proximis ante exilium Babylonicum temporibus exaratus, 18—20; ejusdem argumentum, 66, 67; prologus et epilogus hand suppositicii, 11; sermo ad Aramaeorum dialectum inclinatus, 20; loci adlegati, 9, 115, 117, 120, 126, 128, 140, 146, 217, 236.

Joëlis locus adlegatus, 126.

Jonesii de Hebraeorum re metricâ sententia, 228.

Josephi de Hebraeorum re metricâ sententia, 214, 215.

Jovae responsum, Rebeccaë redditum, Genes. XXV, 23, non ante Davidis aetatem consignatum, 23.

Judicum sub imperio Hebraei neque in scientiis, neque in artibus multum profecerunt, 30.

K.

Kaabi ben Zohair locus adlegatus, 156.

Kasidae nomen, argumentum, inventor, 96, 97.

Kauthar, fluvius paradisi, 191.

Kedar, Salefi filius, 189.

Komaiti locus adlegatus, 178.

L.

Labanah, poëtria Arabica, 51.

Lam Kai, 195.

Lamechi carmen, Genes. IV, 23, 24, non ante Mosem compositum, 22.

Lebidi locus adlegatus, 183.

Leonis descriptio, 156.

Libano monte omne augustum beatumque repraesentatur, 124.

Liber bellorum Jovae, 27.

Lowthii de Hebraeorum re metricâ sententia, 225, 226.

Lustrationis apud Hebraeos ritus, 129.

M.

Mahbubah, poëtria Arabica, 51.

Marhabî ad Alium verba, 41.

Meidanii proverbialia, 87; ejusdem locus adlegatus, 178.

Metrica ars utrum a Graecis Persive ad Arabes transierit, necne? 245, 246.

Metrorum Arabicorum genera, 251—257; metrum Tawil 251; Madid, 251;

Basit, 252; Wafer, 253; Kamel, 253; Hazadæh, 253; Radschaz, 254;

Ramal, 254; Sari', 254; Monsareh, 255; Ghaff, 255; Modare', 256;

Moktadeb, 256; Modschtath, 256; Motakareb, 256; Motadarek, 257.

Mille noctium et unius loci adlegati, 162, 195, 197.

Moallakarum nomen unde derivandum, 49; earum argumentum, 92.

Mohalhel primus Kasidam composuit, 40.

Mohammedis ben Hasan Annawadschii epigrammata, 93.

Motadarek rhythmici finalis genus, 259.

Motakawes, rhythmici finalis genus, 260.

Motanabbii loci adlegati, 88, 91, 171, 179, 188, 190, 191, 196, 200, 262, 263.

Motarades, rhythmici finalis genus, 258.

Motarakeb, rhythmici finalis genus, 259.

Motawater, rhythmici finalis genus, 259.

N.

Nasib, sive feminarum laudatio, 88.

Nomani Almonferi versus, 39.

Nowairii loci adlegati, 90, 177.

O.

Okadhenses conventus, 48.

Olaffjah, poëtria Arabica, 50.

Omari ebn Faredh loci adlegati, 195, 204.

Omnipraesentiae divinae descriptio, 114.

Oratib, poëtria Arabica, 50.

P.

Parabola, 151, 152.

Parallelismus poëticus Hebraeorum, 230; synonymus, 230—233; antitheticus, 233, 234; syntheticus, 234, 235; parallelismus cogitationum, 230—236; verborum, 236, 237; parallelismus synonymus orationis simplicitati non officit, 109, 110.

Paronomasia, 241, 262.

Pedum in Arabum re metricâ genera, 247—249.

Personarum permutatio Hebraeorum poëtis usitatissima, 117, 118.

Poëseos Hebraicae origo vix altius, quam a Mosis aetate repetenda, 25; ejusdem causae: libertas, 25; bella, 26; numinis divini cultus, 28; culturae semina a Mose sparsa, 29; prophetarum scholae, 31. *Poëseos* Arabicae origo ad quartum post Christum seculum adscendit, 44; ab Hirensibus repetenda, 45; ejusd. causae: populi motus, 44; bella, 45; narratores, 47; conventus Okadhenses, 48. *Poëseos* Hebraicae duplex genus: lyricum et didacticum, 72; lyrici generis diversae species, 72, 73. *Poësis* dramatica a populis Semiticis aliena, 75; *poësis* Arabica in veterem et recentiorem dividitur, 153; ejusd. sex genera: lyricum, descriptivum, satyricum, didacticum, narratorium, epigrammaticum, 98, 99; *poësis* epica et dramatica ab Arabibus aliena, 100. *Poësis* Hebraeorum antiquissima maxime ad genus heroicum accedebat, 27; *poëseos* Hebraicae monumenta in historicis Vet. Testam. libris, 71.

Poëtarum Hebraeorum stylus simplex, 106, sublimis, tropicus, 107, sententiosus, 108; *poëtarum* Arabicorum veterum stylus simplex, 154, sublimis, 156, figuratus, 161.

Poëtriarum Arabicarum nomina, 50, 51.

Polychronii de Jobi auctore sententia, 15.

Potentiae divinae descriptio, 112, 113.

Prophetarum scholae a Samuele institutae, 31; eorundem officium, 31.

Prosopopoeia, 144, 196.

Proverbiorum argumentum, 57, 58; loci adlegati, 147, 233, 235, 236.

Psalmorum argumentum, 57, 58; loci adlegati; 108, 112, 114, 118, 119, 120, 121, 122, 124, 126, 127, 129, 131, 134, 135, 138, 139, 144, 145, 230, 231, 232, 233, 237, 241.

Puellae formosae descriptio, 89, 143.

R.

Reiskii de veteri Arabum poësi sententia, 154.

Rhapsodi Graecorum Arabumque, 34—36.

S.

Safejah, poëtria Arabica, 51.

Sail-ul-arem, i. e. inundatio aggerum, celeberrima Arabum epocha, 44.

Salama arbor, 178.

Saleh propheta, 189.

- Sallamat-ul-Kass*, poëtria Arabica, 50.
Samuelis in populum Hebraicum merita, 30, 31.
Sanguinis vindicta apud Arabes, 82.
Schanfaræ carmen Lamicum, 157.
Schehabuddini opus historicum et geographicum: Masalek-ul-absar, 33.
Scheol, 135.
Schirazii locus adlegatus, 96.
Scribendi ars Arabibus sexto p. Ch. seculo innotuit, 34.
Simplicitas orationis quâ re conspiciatur, 108.
Sojutii loci adlegati, 196, 263.
Somæ locus adlegatus, 191.
Strophæ carminum Hebraicorum, 238—241.
Sublimitas orationis quâ re conspiciatur, 112.
Syllabarum in linguâ Arabicâ mensura, 247.

T.

- Tabrizii* locus adlegatus, 169.
Tantarani locus adlegatus, 263.
Tarafæ locus adlegatus, 164.
Tebiebii loci adlegati, 168, 172.
Themudæi, 189.
Threnorum argumentum, 68.
Tograi loci adlegati, 171, 181.
Tropi poëtarum Hebraeorum a rebus naturalibus petiti, 119—125; e vitâ communi, 126—129; a rebus sacris, 129—131; e gentis Hebraicæ historiâ, 131—134; mythologiâ, 135—138. Tropi poëtarum Arabicorum a rebus naturalibus petiti, 161—180; e vitâ communi, 181—187; ex historiâ, 188, 189; mythologiâ, 190, 191.
Tropicum dicendi genus ubi locum habeat, 118; ejusdem fontes, 119.

V.

- Vaticiniorum* Hebraicorum argumentum, 69, 70.
Verborum lusus, 242, 263.
Viri liberalis descriptio, 84.

- Vocabulum* کهن cum derivatis e Kamuso illustratum, 8, 9; رثاء, 79;
 اخت, اخ, بنت, ابن, أم, اب, قصيدة, قصيد, 97. Vocabulorum اب, بنت, ابن, أم, اخت, in tropico dicendi genere usus, 198, 199. Vocabuli בדהנים, Jobi XII, 19, significatio, 7, 8; אל, אלה, ידודה, 12; סלה, 239, 240.

W.

- Waladæ*, poëtriæ Arabicæ, versiculi, 51.

Z.

- Zohairii* locus adlegatus, 175.

Emendanda.

Pag. 8, lin. 14, Hebraica, lege: Hebraico. — Ibid. l. 3 ab imo, Fatha. Conj. V. l. Fatha, et Conj. V. — P. 9, l. 2, dele: idem quod حَيَّان. — P. 14, l. 13, حب, l. حب. — P. 15, l. 5, consignentur. „Fuere, l. consignentur.“ Fuere. — P. 19, l. 3, cadunt, l. cedunt. — P. 35, l. 18. Dschodaima, l. Dschadsima. — P. 38, l. 9, convolutum, l. adnexum. — P. 45, l. 5, adnumerarent, l. adnumerent. — P. 65, l. 3 ab imo, ores, l. fores. — P. 67, l. 4 ab imo, consilio, l. consilia. — P. 81, l. ult. illatos, l. illatas. — P. 88, l. 3 ab imo, carmina, l. qui carmina. — P. 90, l. 16, in satyris, l. ita in satyris. — P. 93, l. 7, quarum, l. quorum. — P. 112, l. 4 ab imo, כִּירִיעַ, l. כִּירִיעַ. — P. 117, l. 17, Jes. VIII, 5, l. Jes. VIII, 6. — P. 131, l. 7, auxit, l. unxit. — P. 136, l. 23, mysticam, l. mythicam. — P. 137, l. 2, exuturos, l. exuturas. — P. 142, l. 11, מִרְחָקִים, l. מִרְחָקִים. — P. 147, l. 3, translatio, l. translationem. — P. 156, l. 15, مَسْكَنَهُ, l. مَسْكَنَهُ. — Ibid. l. 20, مغلول, l. مغلول. — P. 186, l. ult. Omniaque ejus grana pulvis subtilissimus, l. Granaque ejus Kodhaidae omnes. — P. 218, l. 9, mimāāl, l. mimāāl. — Ibid. l. 13, jībāthūhū, l. jēbāthūhū. — P. 241, l. 13, quae, l. qui. — P. 256, l. 19, nunnunquam, l. nonnunquam. — P. 266, l. 6 ab imo, exiguum, l. exiguum.

LIPSIÆ, TYPIS CIVIL. VOGELII, FILII.







